

Int 225
n 65

GMEINERI XAVERII

EPITOME

HISTORIÆ ECCLESIASTICÆ

N. T.

IN USUM

PRÆLECTIONUM ACADEMICARUM.

TOMUS II.

COMPLECTENS DUAS EPOCHAS POSTERIORES.



MATRITI

EX TIPOGRAPHIA IBARRA.

ANNO MDCCCXXII.

Se hallará en la librería de Matute, calle de Carretas.

GMEINERT XAVIERII

EPI TOM E

HISTORIAE ECCLESIASTICAE

N. T.

IN USUM

PRAELECTIONUM ACADEMICARUM.

TOMUS II

COMPLETENS DUA PROCHA POSTERIORES.



MATTHEI

EX TYPOGRAPHIA IERUSA.

ANNO MDCCCXXII.

Se halla en la libreria de ...

CONSPECTUS CAPITUM.

EPOCHA TERTIA.

MEMBRI I SECTIO I.

De fatis ecclesiæ externis.

<i>Caput</i> I. De fatis ecclesiæ prosperis.	5.	P.
<i>Caput</i> II. De fatis ecclesiæ adversis.	11.	4.

MEMBRI I SECTIO II.

De fatis ecclesiæ internis.

<i>Caput</i> I. De statu litterarum & eruditionis.	16.	7.
<i>Caput</i> II. De controversiis theologicis, schismatibus & hæresibus.	34.	14.
<i>Caput</i> III. De disciplina, moribus & ritibus.	58.	23.
<i>Caput</i> IV. De hierarchia.	73.	29.
<i>Caput</i> V. De monachis.	88.	38.

MEMBRI II SECTIO I.

De fatis ecclesiæ externis.

<i>Caput</i> I. De fatis ecclesiæ prosperis	95.	41.
<i>Caput</i> II. De fatis ecclesiæ adversis.	114.	49.

MEMBRI II SECTIO II.

De fatis ecclesiæ internis.

<i>Caput</i> I. De statu litterarum & eruditionis.	118.	50.
<i>Caput</i> II. De schismatibus, hæresibus, & inquisitione hæreticæ pravitatis.	139.	59.
<i>Caput</i> III. De conciliis.	165.	70.
<i>Caput</i> IV. De disciplina & ritibus.	176.	78.
<i>Caput</i> V. De discordia inter sacerdotium, & imperium.	197.	84.
<i>Caput</i> VI. De hierarchia.	230.	100.
<i>Caput</i> VII. De monachis.	265.	115.

EPOCHÆ QUARTÆ

INGRESSUS.

Historia Reformationis a Luthero susceptæ.

	§.	P.
<i>Caput</i> I. Ab initio reformationis usque ad Aug. conf.	286.	131.
<i>Caput</i> II. Ab oblata confessione Augustana ab belli Smalcaldici exordium.	304.	139.
<i>Caput</i> III. A bello smalcaldico ad pacem religiosam.	314.	142.
<i>Caput</i> IV. Historia reformationis extra Germaniam.	317.	144.

EPOCHÆ QUARTÆ

MEMBRUM I.

Historia ecclesiæ catholicæ.

<i>Caput</i> I. De fatis externis.	322.	147.
<i>Caput</i> II. De fatis internis.	356.	166.

MEMBRUM II.

Historia ecclesiæ protestanticæ.

<i>Caput</i> I. De fatis externis.	425.	203.
<i>Caput</i> II. De fatis internis.	440.	211.

MEMBRUM III.

Historia ecclesiæ reformatæ.

<i>Caput</i> I. De fatis externis.	458.	220.
<i>Caput</i> II. De fatis internis.	476.	229.

MEMBRUM IV.

Historia sectarum reliquarum.

<i>Caput</i> I. De Anabaptistis, seu Mennonitis.	504.	244.
<i>Caput</i> II. De Quakeris.	516.	250.
<i>Caput</i> III. De Socinianis.	523.	254.
<i>Caput</i> IV. De sectis quibusdam minoribus.	528.	256.

EPOCHA TERTIA.

A

CAROLO M. AD CONCILIUM TRIDENTINUM.

INGRESSUS.

Hæc epocha cum ceteris longior sit, in duo dividi solet membra, ita ut considerentur facta ecclesiæ a Carolo M. usque ad Gregorium VII. Papam, & inde usque ad concilium Tridentinum, seu reformationem Lutheri.

MEMBRI I. SECTIO I.

DE

FATIS ECCLESIAE EXTERNIS.

CAPUT PRIMUM

DE

FATIS ECCLESIAE PROSPERIS.

§. I. In Europa omnes fere Germanorum populi, exceptis Bavaris, & Francis adhuc Ethnici erant. Tentarunt sæpius Germanorum institutionem tum viri pii, tum & ipsi Reges, quorum intererat, ut feritatem suam gentes bellicosæ exuerent, & mansuetiores fierent, sed aut nullo fructu, aut exiguo. Seculo vero octavo felicioribus auspitiis opus idem adgredebatur *Winifridus* monachus Benedictinorum illustri genere in Anglia natus. Is anno 715 ex patria sua cum duobus sociis egressus inter Frisos primum Chris-

tum frustra prædicabat, anno vero deinde 719. a Gregorio II. Papa solemniter legatus inter Thuringos, Frisos, Hassos utilius doctoris Christiani munus obibat.

§. 2. Anno 723. venit Romam, ibique eum Gregorius II. Papa imposito nomine *Bonifacii* episcopum creavit. Potentia, & opibus *Caroli Martelli* Majoris - Domus Franciæ adjutus ad Hassos, & Thuringos redibat, & quod cœpit opus, secundis votis prosecutus est. Pluribus Christianorum cœtibus collectis, quum omnes solus regere non posset, anno 738. a Gregorio III. Papa archiepiscopus creatus ejus autoritate plures in Germania episcopatus fundabat, Herbipolensem, Buraburgensem, Erfordiensem, & Eichstadensem, quibus anno 744. celebre monasterium Fuldense (quod nunc ad episcopatum evectum) addebat. Supremum laborum præmium *Zacharias* Papa ei decernebat, a quo archiepiscopus Moguntinus, Germaniæque ac Belgiæ Primatus constituebatur. Senex ad Frisos iterum proficiscebatur, ut in ea gente, in qua suam inchoaverat legationem, eandem terminaret, sed ab his anno 755, cum quinquaginta oculis trucidabatur. Meruit Bonifacius propter tot labores nomen *Apostoli Germaniæ* ¹.

1. Pluribus agunt de Bonifacio Baronius ad annum 755. Serarius in Moguntinis episcopis, & Browerus in historia Fuldensi. Collegit Serarius *epistolas* Bonifacii, quas ignorantiam rerum sacrarum testari adfirmat Mullerus in compendio Mosheimii. Primus fuisse narratur Bonifacius, qui Pontifici juramentum fidelitatis præstitit. (*Historia de la bula de la cena* Tom. 2. p. 99.)

§. 3. Inter reliquos Germanorum apostolos commemorandi sunt *Corbinianus* monachus e Gallia Benedictinus, qui post varios labores in Bavaris, aliisque populis emendandis collocatos Freysingensium episcopus evasit. *Priminus* Gallus in Germania multas inter molestias Christianam veritatem docuit. *Lebvinus* Anglus ferocem Saxonum gentem, Frisos item, & Belgas, aliosque serio quidem, at exiguo cum fructu ad recipienda sacra Christiana exhortatus est ¹.

1. Fidem Christianam seculo octavo quidem susceperant Hircani, & veteres Scythæ, qui modo Tartari vocantur, at hæresi imbuti a *Timotheo* Nestoriano.

§. 4. Saxones amplissimam, & maximam Germaniæ partem occupantes, qui cum Francis perpetua fere bella de finibus, aliisque rebus gerebant, Carolus M. Francorum Rex anno 772. domare, & simul ab idololatria avocare adgrediebatur, sperans fore, ut animi Christi præceptis exculi ferociam sensim deponerent, Francorumque imperium tolerare discerent ¹.

1. Videtur Carolus M. maxima ex parte vi, & armis gentem Saxonum ad Christianismum coegisse; quod enim partim præmiis, partim minis ad fidem perducti sint, constat ex *Alcuino* Caroli M. præceptore, qui narrat: „Antiqui Saxones, & omnes Fresonum populi instante Rege Carolo alios præmiis, alios „minis sollicitante ad fidem conversi sunt.” qui enim avitam superstitionem reliquerunt, pristinae libertati, quam victi amiserant, restituti, & omni censu Regi debito soluti sunt, si quis autem baptismum suscipere renuit, morte punitus. Narrat etiam *Alcuinus*, quid Saxones potissimum a fide suscipienda alienaverit, Ep. 104. operum pag. 1647. his verbis: *Si tanta instantia suavis Christi jugum, & onus ejus leve durissimo Saxonum populo prædicaretur, quantæ decimarum redditu, vel legalis pro parvissimis quibusdam culpis edictis necessitas exigebatur, forte baptismatis sacramenta non abhorrent. Sint tandem aliquando doctores fidei apostolicis eruditi exemplis. Sint prædicatores, non præ-*

§. 5. Seculo nono evangelium prædicatum fuit in *Dania* ab *Ebbone* Remensi episcopo illuc misso a Papa Paschali I. anno 823. & baptismo ablatus est anno 826. Rex Danorum *Heroldus*, Christianæ item religioni nomen dedit anno 878. alter Danix Rex *Curo* nomine. *Suevos*, *Cimbrosque* auspiciis Ludovici Pii Caroli M. filii ad Christum convertit *Anascharius* monachus Corbejensis, comite *Authberto*. Vestigia magni hujus hominis, qui primum Hamburgensis episcopus, dein archiepiscopus Bremensis anno 833. constitutus est, alli deinde secuti sunt.

§. 6. *Mysos*, *Bulgaros*, *Gazaros* primum, deinde etiam *Bohemos*, & *Moravos*, aliqua jam religionis Christianæ notitia imbutos, duo Græci monachi *Methodius*, & *Cyrillus*, Constantinoполи a *Theodora* Augusta matre Michaelis III. circa annum 850. missi, Christum recipere docuerunt. Has ipsas vero nationes postea Romani Pontifices a Græcorum ritibus avocare, at haud sine ortis rixis, tentarunt. Sub *Basilio Macedone* Græcorum Imp. *Slavorum* populi, *Arentani*, & alii Dalmatiam incolentes ad sacra Christiana recipienda Græcis paratos se profitebantur. Idem Imperator bellicosæ *Ruthenorum* genti fidem Christianam persuasit, & receperunt etiam missum Constantinopoli archiepiscopum.

§. 7. Seculo decimo *Otto* M. Imp. in Germania, præsertim in Saxonia religionem Christianam propagavit, aut nondum satis stabilitatis robore studebat; ejus enim beneficio, & liberalitate multis in urbibus Brandeburgi, Havelbergæ, Misenæ, Magdeburgi, ubi nulli antea episcopi erant, eos constitui, & homines passim adhuc semibarbaros rectius institui curavit.

§. 8. *Rollo* Normanorum Dux, & archipirata a Carolo Simplice Gallorum Rege, spe sequitatis a tam horribili hoste, matrimonii cum *Giſela* filia adductus cum suis nomen Christo dedit. *Micislaus* Polonorum Dux anno 965. nuptiis Dambrobkæ Bohemorum Principis filia commotus, avitam religionem cum Chris-

tiana commutavit, suosque reluctantes Polonos commutare, itemque duobus Archiepiscopis, & septem episcopis parere coegit. Idem Ruthenorum Dux Wlodimirus anno 987. fecit, postquam Annam Basilii junioris, Græcorum Imperatoris sororem duxit uxorem.

§. 9. Hungarorum aliqua jam luce Caroli M. ætate collustratorum, Dux *Geisa* anno 960. sacro fonte est lustratus, sed hujus tamen filio *S. Stephano* præcipua Hungariæ Christo subjectæ gloria debetur. Danorum Rex *Haraldus* anno 948. victoris sui *Ottonis M.* religionem una cum subjectis recepit, neque filii *Suenonis* ferocitas postea veterem superstitionem stabilire iterum potuit. Norvegiæ incolis *Hico* Rex anno 945. in comitiis Frostensibus religionem Christianam persuasit. Ex Norvegia ad *Orcades* insulas, Islandiam, atque Grænlandiam paullo post Christiana pervenit religio.

§. 10. Jam seculo decimo consilia de bello sacro Machumedanis Palæstinam tenentibus inferendo inter Europeos Reges, ac Principes agitari cœpit. Classicum in exitu hujus seculi primo pontificatus sui anno cecinit *Sylvester II.* scripta nomine ecclesiæ Hierosolymitanæ ad ecclesiam universalem epistola, qua graviter Europæos ad Christianis Hierosolymitanis succurrendum obtestatur; verum nulli tum erant, qui Pontifici obedire vellent, præter Pisanos in Italia, quos ferunt statim se ad bellum sacrum accinxisse.

1. Intolerandum enim. & Christianis ignominiosum videbatur, terram, in qua Christus vixit, in ditione hostium ejus relinqui, justissimum vero injurias ulcisci, quibus Palæstinæ possessores Christianos in ea viventes, aut religionis causa in eam proficiscentes afficere, aut vexare solebant.

CAPUT SECUNDUM

DE

FATIS ECCLESIAE ADVERSIS.

§. 11. Imperium Constantinopolitanum seculo octavo tot sensit funesta fata, & intestinas calamitates, ut non poterat non ingentem virium jacturam facere; nulli enim fere Imperatorum quiete regnare licuit: tres solio deturbati, variisque contumeliis adfecti in exilium missi sunt. Hinc Saracenis libere per Asiam, &

Africam vagari, infinita Græcis mala exhibere, amplissimas terras in ditionem suam redigere, & inde Christianam religionem ubique deprimere, variis in locis prorsus extirpare licuit.

§. 12. Idem Saraceni trajecto mari, quod Africam sejungit ab Hispania anno 714. *Roderici* Gothorum in Hispania Regis exercitum fundebant, maximamque terræ hujus partem sibi subjiciebant¹. Neque Italia tuta erat a bellicosa hac gente; nam Sardiniam insulam in ditionem redigebant, & Siciliam misere vastabant. In Hispania igitur, & Sardinia sub his dominis insignem cladem religio Christiana patiebatur. In Germania, finitimisque regionibus illæ gentes, quæ Christianam fidem amplexæ sunt, a ceteris, quæ idololatriam non abjecerant, multis injuriis adfectæ sunt. Extructa hinc passim sunt varia castella, & munimenta, quibus impetus barbarorum cohiberetur.

1. Carolus M. quidem valido in Hispaniam exercitu ducto totam hanc illis provinciam eripere tentabat non infelici quidem successu, at non eo, quem sperabat, eventum.

§. 13. Seculo nono pergebant Saraceni Christianos vexare¹, sed præterea eodem seculo alia pestis Christianos in Europa degentes infestabat. *Normani*, id est, populi Daniæ Norvegiæ, & Sueciæ oras maris Baltici incolentes, qui cædibus, & rapinis adsuæti erant, quorumque Duces piraticam exercere solebant, regnante adhuc Carolo M. Germaniæ, & Galliæ littora classibus suis infestarunt, quibus castra jam opposuit. Hoc vero seculo multo audaciores facti frequentibus incursionibus Germaniam, Britanniam, Frisiam & præsertim Galliam vexare, & depopulari pergebant. Primum quidem feroces hi populi prædam tantum, & mancipia quærebant in terris, quas invadebant, rursusque revertebantur; at paullatim amœnitate, & fertilitate provinciarum capti, sedem in illis sibi etiam figebant, neque hoc Europæi Reges impedire poterant. *Carolus Calvus* hoc seculo non mediocre regni sui partem anno 840. his advenis concedere cogebatur. Paucis post annis *Carolo Crasso* Francorum Rege *Godofredus* eorum Dux fortissimus bellare non desistebat, antequam totam sibi Frisiam subjiceret².

1. Nam tenebant universam Asiam, Africæ partem optimam, in occidente Hispaniam, & Sardiniam. Ex Africa in Siciliam, Corsicam, & Cretam, ex Sicilia in Italiam trajiciebant crudeliter omnia depopulantes. Hæc prosperitas quantum ubique rei Christianæ detrimentum adtulerit, facile intelligitur, in Oriente præsertim multæ nationes victorum religionem amplexæ sunt, qui vero majori erant constantia, magnam partim fortunarum jacturam fecerunt, partim in stuporem, & inscitiam conjecti sunt.

2. Mansuescebant vero paullatim, qui Christianos inter considerebant, atque uxo-

ribus Christianis ductis idolatriam abjecerant. Id Godofredus ille Frisæ victor hoc jam seculo faciebat, postquam *Giselam* Regis Lotharii junioris filiam uxorem a Carolo Crasso acceperat.

§. 14. Seculo decimo pergebant Saraceni in Asia, & Africa, licet ipsi intestinis dissensionibus, aliisque malas valde premerentur, suæ id est, Machumedanæ religionis præcepta disseminare, quod studium magnam de numero Christianorum multitudinem detraxit. Idem Saraceni *Turcis* ¹ religionis suæ veritatem persuaserunt, nec tamen hæc nova cum Saracenis religionis societas Turcas morari potuit, ne, cum deinde a Persis in auxilium vocarentur, primum Saracenos Persarum regno privarent, deinde ad alias eorum provincias occupandas progredirentur ².

1. Sunt Turci Tartarorum progenies, gens aspera, & immansueta, quæ ex angustis montis Caucasii, locisque inaccessis erupit.

2. Ita Saracenorum imperium, quod Greci & Romani frustra debilitare conabantur, a sociis & amicis eorum paulatim diminutum est, potentissimumque illud Turcarum imperium, quod hodieum existit, in ejus locum successit.

§. 15. Etiam in Occidente populi illi, qui se Christo nondum subjecerant, graves ubique in ejus sectatores inimicitias exercuere. Normani per dimidium fere seculum Francos, aliosque maximis malis adfecere. Slavi, Bohemi & alii, quibus ignota & exosa erat Christi disciplina, non modo summa vi eam a finibus suis propellere studebant, verum etiam vicinarum gentium, a quibus recepta erat, terras ferro sæpe ac igne vastarunt. Dani non antea Christianis molesti esse desierunt, quam Ottonis M. armis subigerentur ¹.

1. Infinita hæc mala, quæ populi infideles Christianis intulerant, indeffessum illud Christianorum Principum studium excitavit, effrænatos, ac furiosos hosce populos ad Christum adducendi. Non illi religionis tantum, verum etiam quietis, & securitatis rationem habuerunt; sperabant enim fore, ut feroces hi animi præceptis Christianis mitigarentur. Itaque Regibus, ac Ducibus eorum matrimonia, auxilia contra hostes, agros aliasque opportunitates offerebant, si avitis religionibus, quæ totæ militares, & ad ferociam alendam comparatæ erant, nuntium mittere vellent, quibus hi muneribus, & fructibus commotum ipsi concessere, tum populis suis, ut id ipsum facerent, suasere.

MEMBRI I. SECTIO II.

DE

FATIS ECCLESIAE INTERNIS.

CAPUT PRIMUM

DE

STATU LITTERARUM, ET ERUDITIONIS.

§. 16. Si in ente A continetur ratio, cur in ente B. mutationes contingant, tum illud in hoc *influere* dicitur. Itaque si quandoque status litterarum mutationes quasdam in ecclesia produxit, oppido liquet, eum in ecclesiam influxum habere, atque historici officium esse, statum eruditionis cujuslibet epochæ exponere¹.

1. Est enim juxta receptum eruditorum adagium *ignorantia mater superstitio-* num, & ex neglecta, aut culta philosophia nunquam non ecclesia detrimentum aut emolumentum sensit.

§. 17. Inter Græcos quidem non deerant seculo octavo, qui fugientes litteras morari & potuissent, & voluissent, sed in perpetuis illis turbis, quibus res sacra, & civilis in summum discrimen adducebatur, patroni deerant. Aristotelis tamen philosophia haud mediocres progressus faciebat & in scholis ubique tradebatur¹, de qua bene præ ceteris hac ætate promeritus est *Joannes Damascenus*, in gratiam rudiorum dogmata aristotelica quibusdam libellis illustrando.

1. Plato enim post Origenis sententias publice toties damnatas, exortasque lites Nestorianas, & Eutychianas ex scholis amandatus est, eo quod Nestoriani, & Jacobitæ æque diligentes in repetendo Aristotele fuerint, quo cum Græcis tanto animosius de naturis, & persona Christi disputare possent.

§. 18. Latinorum profunda fuit ignorantia. Romæ, & in non-

nullis Italiæ urbibus restabat tenuis doctrinæ umbra, præter hanc autem quidquid litterarum supererat, ad Britanos, & Hibernos sese receperat, quique idcirco laudem ingenii præ ceteris ex Latinis sunt consecuti, si paucos ex Italici, & Galli excipias, omnes prope Britani, aut Scoti, id est, Hiberni erant. Huic ignorantix Carolus M. ipse litteratus autore præprimis præceptore suo *Alcuino* sese opposuit, illius enim autoritate, & jussu episcopi in primariis suis ecclesiis erigebant scholas, quas *cathedrales* nominabant. In his juvenes, & pueri ecclesiæ dicati litteris imbuebantur, Abbates pariter monasteriorum, in quibus aliquid bonæ mentis erat, scholas aperiebat, in quibus fratrum aliqui latinam linguam, aliaque quædam docebant.

1. Olim Carolus M. etiam universitatis Parisiensis fundator putabatur, hodie tamen hac gloria eum omnes privant, quamquam fundamenta ab eo jacta esse exploratum sit. Imo in aula ipsa Carolus M. scholam, quam *palatinam* nominavit, instituit, ubi tum suos, tum procerum libellos erudiri jussit.

§. 19. Verum ex his scholis haud multo meliores, & doctiores, quam ad eas accesserint, exhibant juvenes. Magistrorum exigua erat dexteritas, ipsa quam explicabant doctrina tam sterilis erat, & arida, ut eximix utilitati nulli esse posset. Universus scientiarum orbis septem continebatur disciplinis, quas tum artes liberales nominabant, scilicet gramatica, rethorica, dialectica, arithmetica, musica, geometria, & astronomia, quarum tres priores *trivium*, posteriores *quadrivium* adpellabantur. Inque scholis ultra trivium doctores progredi haud audebant, qui vero trivio, & quadrivio superato majus aliquid tentare cupiebant, ii *Cassiodoro*, & *Boethio* operam dare juebantur.

1. Quæ scientiæ quam misere traditæ sint, ex Alcuini de illis opusculo, aut ex Augustini libellis, quibus tum nihil habebatur præstantius, cognoscitur. Alcuinus autem suum opusculum de artibus liberalibus fere totum ex Cassiodoro exscripsit.

§. 20. Cum miser fuerit seculo octavo litterarum status, etiam non mirum, perpauco hujus seculi fuisse scriptores, quibus magnam laudem tribui liceat. Ex Græcis *Germanus* Patriarcha Constantinopolitanus sub Imp. Leone Isauro ex litibus cum Iconomachis claritatem aliquam adeptus est. Princeps Græcorum, & orientalium scriptorum hujus seculi est *Joannes Damascenus* nobilis, Syrus, quondam Caliphæ Saracenorum administer, & cancellarius, dein monachus in Laura S. Sabæ in presbyterum a Joanne Hier. Patr. ordinatus. Celeberrimum inter ejus scripta est opus, quod inscripsit, *Libri quatuor de orthodoxa fide*, quo universam doctrinam Christianam scientiæ forma vestitam comprehendit.

- I. Primum itaque Joannem Damascenum fuisse, qui theologiæ Christianæ formam scientiæ dedit, nemo controverit, at putat Jo. Henricus *Hortingorus* Hist. Orient. L. 2 Cap. 7, eum suam, quam tenuit tractandi rationem, a Syris, & Arabibus accepisse. Vocatus fuit ob eloquentiam suam *χρσοποία χρσος aurum, & πω fluo.*

§. 21. Adhibuit Joannes Damascenus philosophiam aristotelicam in explicandis religionis dogmatibus, ideo eum parentem theologiæ *scholasticæ* quidam faciunt; at testatur *Benedictus Anianensis* (cujus opera quædam Stephanus Baluzius Miscellaneor. Tom. V. vulgavit) eodem seculo octavo in Europa *Hibernos*, qui hodie Scoti nominari solent, theologiæ scholasticæ fuisse magistros¹.

- I. Ita enim Benedictus Anianensis Epistola ad Guararium: „Apud modernos, scholasticos, maxime apud Scotos est syllogismus delusionis, ut dicunt, trinitatem sicut personarum, ita & substantiarum, quatenus si assenserit illectus, auditor, trinitatem esse trium substantiarum Deum, trium derogetur cultor, Deorum: si autem abnuerit, personarum denegatur culpatur.“ Per syllogismum ergo quemdam, quem *delusionis* vocat Benedictus Anianensis, Hiberni hi demonstrabant, personas in Deo substantias esse. Captiosos autem valde hic syllogismus erat: nempe ita vexabant auditores suos: Fateris, tres in Deo personas esse tres substantias, aut nega. Si fateris, sine dubio Tritheista es, & tres colis Deos, si negas, personas etiam tollis, & ad Sabellianismum delaberis.

§. 22. Latinorum seculi octavi scriptorum primas tenet *Beda* quem *venerabilem* vocant¹. Tantæ fuit authoritatis, ut ipsius Homiliæ, eo adhuc vivente, in ecclesiasticis officiis legerentur. Natus fuit in districtu Dunelmi Angliæ septentrionalis anno 672, & vita functus anno 735. Ejus de ratione temporum, de mundi ætatibus, de computo, & arithmetica, de situ locorum sanctorum libri exhibent insignem chronologum, geographum, & mathematicum. Ejus vero in theologia, sacrisque litteris peritiam amplissima commentaria, tractatus egregii, & homiliæ complures demonstrant. Quid in historiâ valuerit, historia ecclesiastica gentis Anglorum testatur. Astronomum ostendunt libri de augmentis lunæ, de embolismis, de cyclis, de astrolabio, de planetis, & de sphaera. Etiam de arte metrica, de partibus orationis, de elementis, de linguis, & de oraculis pertractavit, eumque novimus gramaticum, poetam, philosophum, polygraphum (*Laurent. Berti Breviar. H. E. p. 402.*)

- I. Alii, ideo *venerabilem* dictum, quod ejus discipulus leonina versu epitaphium meditatus, hac sunt in fossa *Bede presbyteri ossa*, torquens se ob syllabarum quantitatem in somnis admonitus fuerit, ut ita verum emendaret: Hac sunt in fossa *Bede venerabilis ossa*: aliam adducit causam Trithemius, putans, eum ob mappam, qua pollebat, authoritatem dictum fuisse venerabilem, eum quod adhuc in terra degentem non poterant adpellare sanctum; at hanc Trithemii opinionem refutavit Mabillonius partim ex silentio compariarum authorum quorum nullus Bedam venerabilem vocat, partim ex vetustissimo codice Thuaneo ab

annis octingentis manu descripto, in quo extant *Beda homiliae omnes* cum hoc ubique titulo: *Homiliae Domini Bedae*.

§. 23. Ipsum Carolum M. scriptoribus ecclesiasticis seculi octavi adnumerat Wilhelmus Cave, Mosheimius, alique, quorum prior recenset Caroli epistolas, & Capitula de re ecclesiastica, libellum ad Alcuinum, de sacrificio missae, & ratione rituum ecclesiasticorum, capitularia, & libros carolinos.

§. 24. Tanta fuit Caroli M. erga sacram scripturam reverentia, ut non dubitaret, omnium artium, ac scientiarum semina in illa contineri, quam ipsi sententiam sine dubio Alcuinus, & reliqui quos audire solebat, theologi instilarunt. Hinc variae ejus curae, ut clerus ad eas diligentius tractandas incitaretur, extant etiam leges ejus hac de re latae, & ne vitia exemplarium Latinae interpretationis huic consilio aliquid impediendi objicerent, Alcuinum ad ea emendanda adhibuit.

§. 25. Valuit haec Imperatoris opera ad quorundam segnes, & languentes animos excitandos, sed tamen simul ex altera parte nonnulla sanxit, quae optimi consilii partem intervertunt, & causa neglecti studii biblici erant. Primum receptum jam ante se morem illum singulis diebus dominicis & festis certa, ac determinata evangelia in concionibus praelegendi & explicandi ratum esse voluit. Cum autem cognosceret, paucos pares esse his dominicalibus evangeliiis, & epistolis dextre explicandis, Paulum diaconum, & Alcuinum homiliae antiquorum Patrum in eas colligere jussit, quas tardi, & rudiores ex religionis ministris populo recitare possent. Hinc *Homiliarium* Pauli diaconi natum est. Bono animo haec a Carolo constituta esse nemo dubitat, verum id ipsum praeter Imperatoris mentem ad inertiam doctorum publicorum, & neglecti studii biblici roborandam haud parum contulit; plerique scilicet omnem diligentiam suam ab hoc tempore in illas partes scripturae unice convertebant, quae populo exponendae essent, neque multi reperiebantur, qui mallet ipsi sermonem aliquem ad populum contexere, quam *homiliario* suo uti.

I. Opportuna se hic offert occasio inquirendi, num Carolus M. seligi curaverit illa evangelia, quae hodie adhuc pro quolibet festo, ut ante concionem praeligantur, determinata sunt, non enim deest, qui hujus sunt opinionis. Contrarium autem constat ex eo, quod superius jam seculis in plerisque Latinorum conventibus ecclesiasticis singulis diebus sacris certa scripturae sacrae portiones fuerint assignatae. (vid. Joann. Herm. Thameri *Schediasma de origine, & dignitate pericoparum, quae evangelia, & epistolae vulgo vocantur.*) Itaque origo pericoparum non referenda est ad Carolum, negari tamen ex altera parte nequit, nonnullas illius in hoc negotio fuisse partes, nam quam ante ipsum Latini hac

in re variis legibus uterentur, nec omnes easdem scripturæ partes populo recitarent, & interpretarentur, is primus sanxit, ut omnes ecclesiæ ditioni ejus subjectæ ad Romani cætus exemplum se componerent. Illa enim evangelia, & epistolæ, quæ ab ejus ætate ad nostra usque tempora in conventibus saceris exponuntur, seculo jam sexto Romæ usitatæ fuerant. Notum est Carolum diligenter curasse, ut cultus divini forma, quæ Romæ usitata erat, communis omnium Latinorum fieret. Hinc ad nostram ætatem illæ ecclesiæ, quæ Romanum ritum haud susceperunt, alia habent, ut loquimur, *evangelia*, alias *epistolæ* singulis festis recitandas, quam nos. Exemplo est Mediolanensis ecclesiæ, quæ ritum Ambrosianum retinet, & ecclesiæ Curiensis teste *Muratorio Antiq. Italic.*

§. 26. *Aluinus* Anglus natione, discipulus Ven. Bedæ, Caroli M., ac filiorum ejusdem præceptor, Palatinæ scholæ præfectus, & diaconus Eboracensis, & cum eo *Paulinus* Aquilejensis, viri diligentia, & studiorum amore nobiles, suo merito collocari debent, nam hi omne fere litterarum genus, quales illa ætas habebat, ita scriptis explanarunt, ut facile videas, non ingenium, sed temporum conditionem obstitisse, ne altius eniterentur. Adde his *Eginhardum* inclytum vitæ Caroli M., & aliorum librorum scriptorem, *Paulum* diaconum, qui *Desiderio* ultimo Longobardorum Regi fuit a secretis, & post una cum Rege suo in Caroli M. potestatem venit. Summo in honore a Carolo habitus donec propter nimiam erga *Desiderium* fidem relegatus fuit in insulas maris Adriatici Diomedæas. Præter historiæ Longobardorum libros sex, & quatuor alios de vita Gregorii M., Homilias, & opuscula alia adscribuntur ei libri viginti quatuor historiæ Miscellæ: sed hæc non unum habent parentem. Luit etiam versibus in laudem S. Scholasticæ, eique tribuitur sonorus Hymnus S. Joannis Baptistæ: *Ut queant laxis &c.* Fleruit circa annum 776.

§. 27. Inter scriptores seculi noni Græcos primas tenet *Photius* schismatis inter Græcos, & Latinos author, ut suo dicetur loco, vir magni ingenii, cujus *Bibliotheca* ¹, Epistolæ ², ac scripta reliqua insignem adhuc utilitatem habent. Ceterorum præter *Photium* scriptorum Græcorum seculi noni, uti *Nicephori*, Theodori *Studitis*, Theodori *Grapti*, Theodori *Abucaræ*, *Metho lii*, *Petri Siculi*, aliorumque nulla fors hodie memoria extaret, nisi Græci cum Latinis de cultu imaginum, aliisque rebus controversias habuissent.

1. Est hæc opus, in quo libros a se lectos recenset, censorium de iis fert judicium, multorumque fragmenta, & excerpta transmisit ad posterum.

2. Inter ejus epistolas, quarum scripsit numero 248. de variis argumentis, illa eminet, quam dedit ad *Michaellem* Bulgarorum Regem de officio Principis ob præclara documenta in ea contenta.

§. 28. Ex Latinis seculi noni scriptoribus principem tenet lo-

cum *Rabanus Maurus* natus Fuldæ, discipulus Alcuini, monachus, & posthac Abbas Fuldensis, postremo Archiepiscopus Moguntinus. Fuit suo tempore communis Germaniæ, & Galliæ præceptor, quocum neminem illius ætatis, sive ingenium, sive variarum rerum cognitio, sive librorum multitudo spectetur, conferre licet. Qui hujus cognitio habet sententias, is quid per quatuor fere secula Latinorum meliores senserint, callet; scripta enim ejus in omnium eruditorum manibus fuerunt.

1. Obiit anno 856. Omnia ejus opera edita sunt Coloniae anno 1627. curante Gregorio Colvenerio Duacensis academici cancellario, eaque in sex tomos distributa.

§. 29. Rabano Mauro addendi *Hinckmarus* Rhemensis, nobilis Francus, ex monacho in locum Ebbonis archiepiscopi Rhemensis ob conjugationem in Ludovicum Pium depositi subrogatus anno 845. in concilio Bellovacensi, adnitente potissimum Carolo Calvo, *Paschasius Radbertus* notissimum in controversia de eucharistia nomen, *Bertramus*, sive *Ratramus* monachus Corbejensis Radberti discipulus, *Servatus Lupus*, cujus opera anno 1664. Parisiis vulgavit Baluzius, Joannes Scotus *Erigena*, alique.

§. 30. Summam seculi decimi fuisse incitiam fatentur omnes. *Leo Sapiens*, qui sub exordium seculi rem græcam administrabat, & ipse litteris operam dabat, & alios ad eas diligendas incitabat. Major etiam in filio ejus *Constantino Porphyrogenita* voluntas erat collapsas inter Græcos bonas artes erigendi, hunc enim constat, magnis sumptibus varii generis viros eruditos aluisse, veterum libros curiose conquisivisse, ipsum scripsisse, alios scribere jussisse, & utiliora quævis ex veterum commentariis decerpi voluisse, verum pauci Græcorum illustria hæc exempla secuti sunt ¹ quare pauci ex scriptoribus Græcis nominari possunt. Primus est *Simeon* cognomen *Metaphrastæ* adeptus, eo quod vitas sanctorum *μεταφραστὴς* exarasset, id est, vitas sanctorum olim rudi, ac simplicis stylo scriptas in meliorem, & elegantiore sermonem transtulit, sed hoc vitas sanctorum expoliendi officio ita functus fuisse dicitur, ut fabulis antiquorum auxerit narrationes. *Nicon* quoque monachus Armenus libellum *de religione Armenorum* reliquit non prorsus ignobilem. *Suidas* celeberrimus *lexici* author ad hoc pariter seculum refertur. Sunt etiam, qui hoc ævo catenarum ² scriptores *Olympiodorum*, & *Œcumenium* vixisse autumant, sed incerta horum est conjectura.

¹ Imo potius conatus Imperatoris juvandi litteras Græcis occasionem præbent eas negligendi; ex superiorum eulæ temporum scriptoribus quum a viris doctis excerpti, & colligi juberet, quæ pluribus discipulis lucem, & utilitatem adferre possent, ignavi Græci his excerptiõibus contenti ipsos, un-

de haustre erant, scriptores contemnebant. Itaque multi veteris ævi egregii scriptores ab eo tempore per Græcorum negligentiam perierunt.

1. *Catenarum* scriptores, jam nono seculo noti, illi dicebantur, qui sacræ scripturæ interpretationes ex veterum doctorum scriptis contexuerant, & hujusmodi interpretationum contextus *Catena* dicebatur.

§. 31. Latinos omnes summa barbaries constrictos tenebat. Consentiunt omnes, seculum decimum nomine seculi *obscuri* ac *ferrei* dignum esse, si litteras, & doctrinam spectes. In scholis enim septem tantum, quæ dicebantur, artes liberales imperite, ac exiliter tradebantur, idque a monachis, qui litterarum, & doctrinæ dignitatem unice ex usu earum in religione metiri solebant. Optimi monachorum ad annales, & historias crasso filo contextendas animum appellebant. Testes sunt *Regino*, *Flodoardus*, *Luithprandus*, *Fulcuinus*, *Abbo*, *Notkerus*¹, alique, quorum alius alio melior est, omnes licet a vera historiam scribendi methodo longe absint.

1. Regino Abbas Prumiensis in Germania exaravit chronicon a Christo nato usque ad annum 970. Flodoardus Canonicus Remensis, qui decessit anno 966. conscripsit usque ad hunc annum, exorsus ab anno 919. Chronicon rerum inter Francos gestarum, nec non historiæ Remensis libros quatuor. Luithprandus diaconus Licinensis, & postea Cremonensis episcopus edidit historiam rerum ætate sua in Europa gestarum in libros sex distributam, horumque de Romanis Pontificibus a Petro ad Formosum. Fulcuinus monachus Laubiensis gesta Abbatum illius cœnobii, aliaque litteris tradidit. Abbo monachus Floriacensis in Burgundia scripsit præter collectionem canonum commentarium in canonem paschalem Victorii, atque epitomen de vitis Romanorum Pontificum, & Notkerus historiam episcoporum Leodiensium, & quorundam sanctorum vitas.

§. 32. Inter has tamen tenebras, quod mireris merito, subtilis illa de *universalium natura* quæstio est exorta, utrum nimirum universalis ad rerum, vel *nominum* classem referri debeant¹. Hæc controversia Latinorum animos post hoc tempus vehementer distraxit, peperitque successive sectas *Nominalium*, & *Realium*.

1. Tota controversia inanis erat logomachia; est enim in sensu philosophico res omne id, quodcumque existit, est futurum, aut possibile, seu substantia id sit, seu modus (*Ant. Gemen. Metaphys. p. II.*), in sensu vero juridico illud res dicitur, quod non est persona, & quacumque ratione ad To¹ nostrum pertinere potest. Universalis in numero possibilium veniunt. sunt itaque res in sensu philosophico, at in quantum universalis, quæ non nisi in nostro intellectu existunt, suis articulatis, seu terminis exprimimus, in tantum etiam *nomina* dici possunt.

§. 33. Posteriore tamen seculi decimi parte litteræ magnum, & strenuum patronum in *Gerberto* Gallo, postea sub nomine Sylvestri II. Pontifice, nanciscebantur. Is enim vir magni, & excelsum ingenii & ipse litteras omnes, præsertim vero mathematicas

mechanicam, geometriam, astronomiam, arithmeticam, cognatasque feliciter tractabat, & alios ad easdem colendas, quibus poterat mediis, inflamabat. Fructus studii hujus inter Germanos, Gallos, & Italos tum hoc, tum sequenti seculo adpirent, quibus in gentibus haud pauci libris, & exemplo ejus excitati sunt, ut philosophiam, mathesim, medicinam, aliasque scientiarum profanarum partes consecrarentur¹.

- I. Non is quidem fuit Sylvester, qui cum nostris conferri possit geometricis, & mathematicis, quod *geometria* ejus ostendit, plana quidam sed rudis tamen, & puerilis; at majori nihilominus scientia, quam ut magnitudinem ejus barbara illa ætas caperet; imperiti enim monachi geometricas ejus figuras magicas esse putabant. Inde commenti sunt de illo, quod genium, seu dæmonem habuerit familiarem, etiam ex quo fuit Pontifex, quod eum consuluerit de duratione vitæ suæ, ab eoque tulerit responsum, se non antea moriturum, quam missam celebrasset in Jerusalem, & alia inepta.

CAPUT SECUNDUM

DE

CONTROVERSIIS THOLOGICIS, SCHISMATIBUS, ET HÆRESIBUS.

§. 24. Seculo nono inter Latinos de modo præsentia corporis, & sanguinis Christi in eucharistia exorta est controversia. Omnes quidem consentiebant, verum corpus, & sanguinem Christi in eucharistia adesse, de modo tamen hujus præsentia dimicabant, cum nullius adhuc concilii lege sancitum erat, quid hac de re credendum esset. *Paschasius* Radbertus Corbejensis monachus, dein Abbas scripto anno 831. libello de sacramento corporis, & sanguinis Christi, quem anno 845. Carolo Calvo dedicavit, docebat, post consecrationem species tantum panis, & vini relinqui. *Rabanus Maurus* autem *Heribaldus*, aliique hanc doctrinam oppugnabant, licet non eadem ratione. Carolus Calvus binis viris doctis Ratramo, & Jo. Scoto in mandatis dedit, ut hanc controversiam explicent¹.

- I. In hac controversia disputantes mutuo invidiosis se onerabant consecrariis, quorum quidem princeps illud est, quod deinceps seculo undecimo *stercorianum* nomine indicabatur. Qui cum Radberto species tantum panis, & vini remanere docebant, adusabantur, hac ex sententia sequi, quod corpus Christi cum reliquis fœcibus ventris efficiatur.

§. 35. Altera controversia hoc seculo fuit de *trina Deitate*. Hincmarus in ecclesiis, quibus præerat, vetabat ultima verba hymni perantiqui cani, *Te trina Deitas*, ratus per hæc verba unitatem naturæ divinæ tolli, atque tres Deos induci. Verum monachi Benedictini huic ejus mandato obtemperare, de quorum numero Ratramus non exiguo volumine ex antiquorum doctorum sentiis contexto trinam Deitatem defendebat¹. Sed hæc controversia brevi conticuit, verbaque hymni, quidquid obniteretur Hincmarus, loco suo relicta sunt².

1. Gotteschalchus, qui ante exortam hanc controversiam ob hæresim Prædestinationam, cujus reus putabatur, carceri mancipatus erat, ut mox dicitur, novo hoc bello in carcere audito scheda emissa fratrum suorum Benedictinorum causam agebat, quare *Tritheismi* quoque ab Hincmaro adcusabatur, & singulari libro confutabatur.

2. Etiamnum hodie hæc phrasis, *te trina Deitas* usurpatur in hymno corporis Christi edito a S. Thoma, non quidem ad indicandam pluralitatem naturarum, sed personarum.

§. 36. Eodem fere tempore aliud ex Germania certamen in Galliam inferebatur de modo, quo Christus ex utero matris in lucem prodiit. Germani quidam eum non communi reliquorum hominum lege, sed singulari, & extra ordinario modo utero matris egressi statuebant, qua sententia in Galliam delata Ratramus eam oppugnabat. Germanis subveniebat *Paschasius Radbertus*, secus sentientes negatæ virginitatis Mariæ incusans.

§. 37. *Gotteschalchus* Saxo illustri genere natus, ab infantia a parentibus Deo in monasterio Fuldensi, ut barbara illorum temporum consuetudo ferebat, dicatus aliquandiu monasticam vitam exercuit, post vero votorum relaxationem petiit. Causa acta est sub *Olgario* Archiepiscopo Moguntino in synodo anno 829. habita & pro Gotteschalco sententia lata. Sed Rabanus tunc Fuldensis monasterii Abbas adpellationem ad Ludovicum Pium interposuit cujus adpellationis exitus ignoratur. Id certum, Gotteschalchum ad Orbacense monasterium migrasse, ubi lectioni Augustini, & Fulgentii continuam operam navabat. Anno 846. Romam profectus inde ad comitem Eberardum, qui ipsi probabilius consanguineus aut affinis erat, divertens cœpit de prædestinatione Dei sæpius disputando ea in vulgus spargere, quæ magnam ei invidiam suscitavit; agebat enim, geminam esse prædestinationem, aliam electorum ad vitam, aliam reproborum ad mortem. Rabanus interea temporis a Fuldensi monasterio ad Moguntinum archiepiscopatum evectus fuit, qui sermonibus Gotteschalchi perceptis ejus doctrinam edito libro de *prædestinatione* confutavit, eundemque librum ad comitem Eberardum una cum litteris misit, quibus eum orabat, ut Gotteschalchum a se dimitteret.

§. 38. Gotteschalculus Italiam deserere coactus per Dalmatiam, Panoniam, & Noricum peregrinatus est, ac tandem malo omine Moguntiam advenit anno 848. Tunc Rabanus concilio coacto Gotteschalehum ut Prædestinationaræ hæresis reum condemnavit, eumque ad *Hincmarum* Remensem, a quo fuerat ad presbyteratum evectus, misit.

- I. De Gotteschalchi doctrina, num catholica fuerit, nec ne? a primis ejus causæ exordiis usque ad nos contentio magna est propagata. Probabilis tamen videtur, eum a prædestinationario errore immunem fuisse, nam ex duabus fidei confessionibus, quas in carcere elucubravit, prædicat quidem prædestinationem ad mortem, sed clare exponit, hanc prædestinationem non esse ad malum, sed ad penam tantum, & quidem post prævisionem peccatorum.

§. 39. Hincmarus anno sequenti concilium habuit, in quo non solum Gotteschalchi doctrina iterato est damnata, sed ipse etiam flagris, & cædibus tamdiu excruciatum est, donec accenso coram se igne libellum, in quo sententias scripturæ, & Patrum collegerat, quas in concilio adferret, coactus est jam pene moriens suis manibus in flammam projicere. Post crudelem flagellationem in carcere apud monachos Altvillareses inclusus exactis in durissimo hoc ergastulo quatuor lustris ad extrema deductus est, & vel in ipso mortis articulo sacramentis privatus anno 868. mortalium omnium infelicissimus extremum diem obiit.

- I. Infelici monacho nihil omnino profuit plurium episcoporum, aliorumque illius ætatis præstantium virorum patrocinium, nihil oblatio facta per leuem probandi innocentiam, nihil appellatio ad Papam interposita; nam Hincmarus hæc omnia insuper habuit, & ipsis etiam legatis pontificiis rationem reddere variis tergiversationibus detrectavit. (*Flodoardus* L. 3. c. 14.)

§. 40. Funestissimum, quod seculo octavo ecclesiam lace-
rabat, certamen illud erat, in quo de cultu imaginum dimi-
cabatur; ex Græcia enim, ubi ortum erat, ad orientis, & oc-
cidentis incolas non sine magno rei sacræ, & civilis detri-
mento manavit. Qui cultum imaginum tanquam illicitum reje-
cere, *Iconoclastæ*, seu *Iconomachi* adpellantur (ab *εικον* imago
& *μαχμα* pugno,). Primum harum turbarum authorem qui,
dam faciunt *Philippicum Bardanem* Græcorum post initium
seculi octavi Imperatorem, at rectius initium Iconomachorum
ponitur in Imperatore *Leone Isauro*, qui edito anno 726.
edicto omnes imagines, excepta imagine Christi crucifixi, tol-
li, cultumque earum prorsus abrogari jussit.

- I. Jussit enim consentiente Joanne Patriarcha Constantinopolitano anno 722. ta-
bulam, in qua concilium generale sextum erat depictum, e portico templi S.
Sophiæ auferri, & mandato Romæ misso imagines hujusmodi e sacris ædibus

sublatas voluit, quod edictum Papa *Constantinus* non modo rejecit, sed etiam in concilio Romæ coacto Imperatorem ipsum ut hæreticum condemnabat, verum hanc ob causam minus recte author Iconomachorum habetur, nam tabulam pictam concilii generalis sexti non ex odio erga imagines sanctorum, sed in favorem Monothelitarum ex ædibus sacris auferri voluit, imo ostendi contra potest, eum sanctorum imagines venerasse, quia imaginem Honorii, & Sergii in locum imaginis sexti concilii oblatæ suffecit.

§. 41. Procul dubio Imperator primitus nihil aliud intendebat, quam abusus circa imaginum cultum qui jam tum irrepserant, tollere. At cum ad hunc finem consequendum aptissimum putabat, omnes prorsus delere imagines¹, ingens a plebe tumultus excitatus est. Videns itaque Imp. ex male intellecto ipsius edicto turbas exortas, ratum duxit, mentem suam explicare, & declarabat: *Non huc spectat mea sententia, ut eæ prorsus deleantur, sed hoc ajo: sublimiore loco eas esse ponendas, ne ore quisquam eas contingat, atque ita quodammodo rebus honore dignis contumeliam inferat.* At nihilominus restiterunt Imperatori tum alii, tum præprimis *Germanus* Constantinopolitanus Patriarcha, itaque Imperator commotus longius progressus est, & omnem omnino imaginum cultum damnavit, ac in imaginum defensores sævire cœpit, quamquam superstitionis imaginum cultores ei plures sine fundamento aflungant crudelitates², sed dato etiam, Imperatorem nimium quantum modum excessisse, non minus etiam ex altera parte sævierunt imaginum defensores³.

1. Præceps, & vehemens, quod nactus est, ingenium eum impendebat prudentiæ, ac moderationis legem sequi, inveteratasque superstitiones paulatim, sensim, sine sensu eradicare.

2. Inter alia narratur, quod duodecim imperialis collegii professores una cum œconomo magistro, qui iis præsidebat, quia in ipsius sententiam descendere nolebant, immiso igne in collegium vivos combusserit, quibuscum ornatissima conflagrassetur bibliotheca tricena, & tria millia voluminum continens, in quibus mirabile illud erat ex draconis intestino confectum *Homeri Iliadem*, & *Odysseam* aureis litteris descriptas complexum.

3. Nam cum Imperator statuem Salvatoris, quæ ad æneam urbis portam in loco excelso diu steterat, deturbari jussit, populus regiæ urbis in furorem actus tum ipsum Leonem statuit invadere, tum plures ejus ministros, eosque præprimis, qui sacram imaginem dejecerant, trucidavit. Quantum hi Christiani ab illis erant mutati, qui sub Imperatoribus Gentilibus durissimos cruciatus, & mortem ipsam sustulerant, quin unquam tumultum excitassent, hi vero non erubere ob statuem Salvatoris dirutam manus suas sanguine maculare.

§. 42. Præerat tum ecclesiæ Romanæ *Gregorius II.* Postulavit ab eo Imperator concilium generale, quod non necessarium esse cum Pontifex respondisset, minas eidem Imperator intendentavit, missurum se Romam satellites, qui S. Petri imagi-

nem confringerent, & ipsum Gregorium in exilium deportarent, sicut olim a Constantino relegatus fuit *Martinus I.* At arroganti, quod dedit Papa, responso ¹ exacerbat Leo convocatis in aulam episcopis quibusdam, accessito quoque Constantinopolitano tunc temporis Patriarcha *Germano* de abolendis ubique imaginibus edictum tulit, cujus subscriptionem cum a Patriarcha nec precibus nec minis impetrare potuerit, eum deposuit, & in ejus locum *Anastasium* suffecit. De his certior factus Gregorius II. synodum Romæ celebravit cum episcopis vicinis, in qua Iconomachos, & *Anastasium* tanquam sedis Constantinopolitanae invasorem damnavit ².

1. Ita enim respondit: „Quod si nobis insolenter insultes, & minas intentes, non est nobis necesse tecum in certamen descendere, ad quatuor, & viginti stadia „secedet in regionem Campaniæ Romanus Pontifex. Tum tu, valde, ventos „persequere.”

2. Græci scriptores enarrant, Gregorium II. Leonem tributorum exactione privasse, vel Italiæ populos ad defectionem incitasse, quod & defendit Baronius, alique aulæ Romanæ patroni; at Galli levius peccasse Gregorium contendunt, negantque eum populos ab officio, & fide Imperatoris avocasse. Nituntur hi potissimum autoritate Latinorum scriptorum *Anastasi*, *Pauli Diaconi*, & aliorum, qui non modo illam Pontificum in Imperatoribus adgrediendis, & oppugnandis audaciam fenerant, verum etiam eos fidei suæ erga Imperatores specimina quædam edidisse tradunt. Duas scripsit ad Leonem Imp. Gregorius Papa epistolas, in quarum prima dicit: „Imperatoris non esse de ecclesiæ dignitatibus ferre judicium, sicut nec Pontificis de reipublicæ negotiis satagere” & in altera epistola fatetur, se inermem, ac nudum esse, invocare Deum, ut quod *Paulus incestuosus Corinthio* contingere voluit, & Imperatori contingat. Qui sic loquitur, potestne cogitare de prohibenda tributorum pensione? Istud tamen fatendum, Gregorium II., ejusque successorem studio suo erga cultum imaginum occasionem populis Italiæ dedisse ab Imperatoribus Græcis desciscendi.

§. 43. Gregorio II. successit Gregorius III., qui bis ad Leonem Isarum missis legatis eum ab imaginum extirpatione revocare non poterat, coacta dein Romæ episcoporum circiter nonaginta trium synodo synodicum promulgavit constitutum, quo imaginum impugnatores condemnavit.

§. 44. Filius Leonis Isauri *Constantinus Copronymus* ¹ paterna pressit vestigia, quum anno 741. imperium adeptus est, imaginumque cultum æque fortiter extirpare studebat. Præerat tum ecclesiæ Romanæ *Zacharias*, qui missa legatione Imperatorem demulcere studebat. Pontificum legatum honorifice excepit Copronymus, nec sine spe remisit, confecto enim contra Saracenos prospere bello concilium trecentorum triginta octo episcoporum Constantinopoli congregavit, ut causam de imaginum cultu cognosceret, in quo imaginum cultoribus anathema dictum ².

1. Α κορροστικός, & ούμο νοσην, quoniam dum ablueretur baptismo, sacrum fontem fœdavit alvi excrementis.

2. In hoc concilio absentibus, & ne quidem invitatis Patriarchis Romano, Alexandrino, Antiocheno, & Hierosolymitano sex mensium spatio a Febuario ad Augustum usque anni 754. est deliberatum.

§. 45. Anno 767. Constantinus Copronymus ad *Pippinum* Galliarum Regem legatos misit, qui filiam ipsius *Godegesilam* Leoni Augusto Copronymi filio collocandam postularent, & qui, ne religionis disparitas obsesset, controversiam de imaginibus Gallicanorum episcoporum examini, ac iudicio permetterent. Pippinus concilium *Gentiliaci* iussit celebrari, in quo duplex quæstio ad examen vocata: prima de imaginibus, altera de processione spiritus Sancti, circa quam Græci Romanos innovationis arguebant ¹.

1. Quis tamen hujus synodi fuerit exitus, & decisio, authores, qui illius meminerunt, non dicunt. Putant quidam acta hujus synodi studio fuisse suppressa, quia Iconomachis favebant.

§. 46. Post Copronymi obitum imperio admotus filius ejus *Leo IV.* anno 775. æque ac pater imaginum cultum damnabat. Ab initio cum imaginum cultoribus mitius egit, sed ex eo poenis, & legibus coercere cœpit, ex quo in *Irenes* uxoris suæ pulvinari duas imagines reperisset; inquisitione enim facta in eos, qui ipsas intulissent, cubicularium *Theophanem* occidi jussit, & tres alios cubicularios *Jacobum*, *Leonem*, ac *Thomam* in carcerem conjecit, *Irenem* vero repudiavit.

§. 47. *Leo IV.* ab uxore ejus *Irene* interemptus dicitur, quo mortuo filius ejus *Constantinus* minorenis annos natus duodecim cum matre *Irene* regnavit ¹. *Paulus* Constantinopolitanus Patriarcha, qui sub Leone IV. cultum imaginum damnaverat, sub *Irene*, & *Constantino* poenitentia ductus sedi suæ renunciavit. Ejus in locum suffectus *Tharasius* Imperatori a secretioribus mandatis, qui utpote laicus se muneri huic imparem existimans diu repugnabat, tandem vero illud hac suscepit conditione, ut synodus generalis cogeretur. Itaque tum *Tharasius* post sui inaugurationem, tum *Irene*, & *Constantinus* ad *Hadrianum I.* Papam anno 785. scripsere, ut Constantinopolim veniret concilio præfuturus, aut legatos mitteret, qui vices illius obirent.

1. *Irenes* ut sola regnaret, anno 787. jussit ut filio oculi eruerentur. at post quintum annum deposita est a Græcis; propterea, quod aspiraret ad nuptias *Caroli M.*

§. 48. Indictum concilium generale cum ob turbas exortas Constantinopoli celebrari non poterat, anno 786. inchoatum est Nicææ in Bythinia ¹. Præter viginti duo canones disciplinares hæc synodus edidit decretum licitum esse Dei, sanctorumque imagines, nec non crucem colere, attamen cultu quodam inferiori, non cultu *latriæ* soli Deo debito.

1. Est ergo hoc concilium Nicænum II., inter generalia VII., cui præter sedis Romanæ legatos episcopi adfuere 350.

§. 49. Anno 790. cum acta septimæ synodi delata sunt in Franciam, & ab episcopis, ipsoque Carolo M. discussa, eorum confutatio, & crisis acerba satis prodiit libris illis quatuor, qui *Carolini* vocantur ¹. Inter cetera in his libris proferuntur rationes, ob quas imagines sanctorum non deberent dici *sanctæ*, sed potius imagines sanctorum ².

1. Quidam hos libros pro supposititiis habent, plerique tamen eos si non a Carolo M. saltem ipsius jussu compo-itos fuisse contendunt; etsi enim Caroli nomen præferant, facile tamen videtur, hominis litterati factus esse in scholis instituti, non Imperatoris. Viri doctissimi conjiciunt, *Alcuini* magistri sui opera in conficiendis his libris eum usum fuisse, quamquam hæc conjectura *Morhemio* eo ex capite dubitationis aliquid habere videtur, quia Alcuinus, quum hi libri conscriberentur, in Anglia morabatur. Ceterum notant Catholici, in libris Carolinis de imaginibus non rejici cultum *dulæ* sanctis competentem, sed cultum *latriæ* soli Deo debitum.

2. „Video imaginem cum inscriptione: *S. Petrus*. Quæro jam, quare imagines *sanctæ* dicantur? cur non potius juxta traditionem imagines *sanctorum* adpellantur? In quo consistit sanctitas imaginum? num in ligno, ex quo sculptantur? in coloribus, qui ex materia admodum impura præparantur? aut in cera, ex qua eas artifex format &c.”

§. 50. Anno 794. Francofurti ad Mænum Carolus M. concilium habuit, in quo quæstio de imaginum cultu habita iterum est, ubi doctrinam concilii Nicæni II. rejectam fuisse quidam volunt, at absque dubio in Francofurtensi synodo non de cultu *dulæ*, sed *latriæ* sanctorum imaginibus exhibendo quæstio fuit.

§. 51. Hispaniam, & Galliam anno 783. error commovit *Felices* episcopi Urgellitani, & *Elipandi* Archiepiscopi Toletani, quorum uterque docuit, Christum secundum humanitatem non esse naturalem, & proprium Dei filium, sed *adoptivum*. Papæ *Hadriano*, aliisque Latinis doctoribus hæc opinio Nestorii errorem renovare, & Christum in duas dividere personas videbatur ¹. Hinc Felix Narbone primum anno 788, dein Ratisbonæ in Germania anno 792, porro Francofurti ad Mænum, mox Romæ anno 799,

denique in concilio Aquisgranensi error is condemnatus. Felicis discipuli *Adoptiani* dicebantur ².

1. Cum enim fillatio personam, non naturam respiciat, sequitur, si duo in Christo sint filii, *naturalis* secundum divinitatem, & *adoptivus* secundum humanitatem, duas quoque esse personas.

2. Si Bonifacio Germanorum Apostolo ad Zachariam Papam scribenti credimus, anno 745. *Clemens* quidam Scotus, & *Adalbertus* multos errores in Germania, & Gallia docuere.

§. 52. Diu jam conteptionis erat inter sedem Romanam, & Constantinopolitanam; Antistites enim Constantinopolitani indigne ferebant, primum inter Patriarchas locum episcopo Romano concessum fuisse, quem honorem ipsi eo ex capite ambibant, quia translata Constantinopolim Imperatorum residentia ea *nova Roma* constituta est (§. 495. ¹.) His se seculo octavo jungebat alia dissensionis causa, lis nimirum circa processionem Spiritus sancti, quem Latini ex Patre, Filioque, Græci vero ex solo Patre procedere contendebant ¹. In hac controversia cum Latini sententiam suam per symbolum Constantinopolitanum tuerentur, quod Hispani primum, dein etiam Galli vocabulo *filioque* incertum quo tempore, aut qua occasione, in dogmate de Spiritu sancto auxerunt, Græci Latinorum audaciam symbolum totius ecclesiæ hac additione vitandi adcusabant, & sacrilegam nominabant ².

1. Obscura hujus controversiæ sunt initia: certum vero quum sit, jam anno 767. de ea in concilio Gentiliacensi in Gallia cum Imperatoris Græci levatis actum fuisse, verosimile est, inter certamina de imaginibus eam in Græcia exortam esse, siquidem in concilio eodem Gentiliacensi quæstio de imaginibus est discussa (§. 45.)

2. Attamen absque fundamento; nam si ecclesia jus habet condendi symbola, etiam eo ipso jus habet jam condita additis explicationibus declarandi. nam etiam symbolum Nicænum ecclesia in concilio Constantinopolitano contra Macedonios congregata magis explicabat.

§. 53. Controversia hæc de Spiritus sancti processione seculo octavo exorta sequenti seculo vehementius exarsit, dissidiumque inter orientalem, & occidentalem ecclesiam acceleravit, nam flamma a Leonis Isauri temporibus gliscens in apertum prorumpebat incendium, quum *Photius* doctissimus Græcorum illius temporis, deposito *Ignatio*, Patriarcha Constantinopolitanus ab Imp. *Michael* anno 858. esset creatus.

§. 54. Nicolaus I. Papa Photii nominationem ad Patriarchatum tanquam illegitimam rejecit, eumque in synodo Romana excommunicavit ¹; at his minime territus Photius par pari repen-

dens Nicolaum in synodo Constantinopolitana similiter excommunicavit¹.

1. Non sola causa Ignatii Nicolaum contra Photium concitavit, sed etiam provinciæ Romanis Pontificibus a Leone Isauro, & Constantino Copronymo ob studium erga cultum imaginum ereptæ Illyricum nimirum, Macedonia, Epirus, Achaja, Thessalia, Siciliaque, has enim per legatos Constantinopolim missos reddi sibi postulerat. Hinc Nicolaus æquo animo tulisset injuriam Ignatio illatam, si has provincias a Photio, & a Græco Imperatore Patriarchatui Romano ereptas recuperare potuisset.

2. Antequam Papam excommunicasset, litteras dedit encyclicas ad Patriarchas, & orientis episcopos, quibus eos ad synodum vocabat, ut discutiant, & damnent sequentes ecclesiæ Romanæ errores, quibus prædicatores Romani Bulgarorum gentem recens conversam imbuerant: primo, quod contra ecclesiæ canones illicite diebus sabathi jejunent, secundo, quod primam jejunii quadragesimalis septimanam a reliquo jejunio dividentes lactis, & casei esum permitterent, tertio, quod conjugia clericorum damnent, quarto, quod nullos, nisi episcopos oleo sacro baptizatos consecrare, seu confirmare posse putarent, & ideo unctos a presbyteris iterum ungerent, quinto, quod symbolum Constantinopolitanum addita voce *filiusque* vitaverint. Hæc quinque puncta tanta videbantur Photio, viro ceteroquin sui temporis doctissimo, ut graviora cogitari nullo modo possent. Nicolaus Papa adusionem hanc ad *Hincmarum*, & reliquos episcopos Galliæ anno 867. mittebat, ut in conciliis suis de responsione deliberarent. Hinc *Ratramus*, alique Galli contra Græcos in aciem probabant, scriptisque libris Latinorum causam agebant.

§. 55. Omnia cum utrinque arderent, *Basilius* Macedo adepto imperio Græcorum pacem restituit. Ignatium nimirum sedi restituit, Photium vero in exilium misit, qui etiam in concilio Constantinopolitano IV., generali VIII. præsidentibus legatis *Hadriani* II. anno 869. damnatus est. Subscripsere huic concilio episcopi 109. (neque enim admissi fuere, qui stabant a partibus Photii) repetita est Iconomachorum damnatio, & præcedentia concilia confirmata.

§. 56. Mortuo anno 878. Ignatio Photius favente Imperatore ecclesiæ Constantinopolitanæ iterum restitutus est consentiente quoque *Joanne VIII.* Papa ea tamen lege, ut Bulgari ad Romanam ditionem redderentur (ecclesias enim provinciarum Bulgariæ a Romano patriarchatu evulserat *Leo Isaurus*, repetebantur autem a Papa, quia hi populi a Romanæ ecclesiæ prædicatoribus ad fidem conversi sunt.) Promittebat restitutionem Bulgariæ Photius, nec Imperator votis Pontificis refragari videbatur.

1. Nam ut sibi reditum ad regiam sedem aperiret, Imperatoris *Basilii* genealogiam, ejusque genus perobscurum a *Tyridate* Armenorum Rege deduxit, hac fraude in animum *Basilii*, qui rusticam ex Macedonia originem suam erubescibat, sese rursus insinuavit.

§. 57. Celebrabat Photius ita restitutus Constantinopoli pseu-

do — Synodum adversus generalem octavam, quam pariter nuncupabat octavam, qua finita Imperator, quocum Photius sine dubio sentiebat, Bulgaros tradi Patriarchæ Romano noluit. Hinc Pontifex legatum *Marinum* Constantinopolim mittebat, atque consensum in Photii restitutionem retractabat. Marinus ab Imperatore in carcerem quidem conjiciebatur, at inde liberatus postea Joanne VIII. mortuo Pontifex Romanus creabatur, acceptæque memor injuriæ Photium denuo condemnabat. Sexenio post Imperatoris Basilio filius *Leo*, cognomine Philosophus anno 886. Photium iterum sede patriarchali deturbavit, & in Armeniacorum monasterium *Bardi* nominatum relegabat, in quo anno 819. diem obiit.

1. Lis hæc, si plus moderationis Romæ fuisset, sedari, ac concordia inter Græcos, & Romanos dissidii autore sublato conservari potuisset, at litibus semper magis, & magis auctis tandem triste illud græcæ, & latinæ ecclesiæ est exortum dissidium, quamquam juxta plurimum opinionem schisma hoc seculo undecimo per *Michaelen Cerularium* primo est instauratum.

CAPUT TERTIUM

DE

DISCIPLINA, MORIBUS, ET RITIBUS.

§. 58. Ignorantia, & barbaries horum trium seculorum disciplinam ecclesiasticam, ac mores Christianorum satis corruperat. Viri ceteris doctiores, quales fuere Ven. Beda, Alcuinus, Rabanus Maurus, Hincmarus, Gerbertus (postea Papa Sylvester) vicio sui ævi velut torrente abripiebantur. Scientias omnes complexi volentes ex omnibus aliquid, nullam absolute capiebant. Imprimis critica arte destituebantur, qua opera genuina ab apocryphis discernere debuissent, jam enim sub finem seculi quinti per multa scripta circumferebantur, quibus clarissimorum virorum nomina non solum ab hæreticis, sed etiam a Catholicis, & quidem intentione non mala, falso præfixa videbantur.

1. Exemplo nobis esse potest vel solus *Vigilius* Tapsensis, qui ipse fassus est, quod S. Athanasii nomen suo suppresso mutuatus esset, idem *Vigilius* scripta quædam mutuato nomine Augustini evulgavit.

§. 59. Ubi itaque desiderabantur acta Martyris in ipsius festo legenda (desiderari autem plerumque debebant, cum pleraque in persecutione Diocletiana flammis sint consumpta) concinabantur

vel verosimilia, vel ut ad vulgi genium accommodarentur, prodigiis plena. Id enim ad nutriendam fidelium pietatem plurimum conferre videbatur. Hujusmodi lectiones maxime seculo nono, quo traslationes reliquiarum frequentissimæ erant¹, confictæ sunt.

- I. Referunt historici ad annum 816. inventionem corporis *S. Jacobi* Apostoli Compostellæ in Hispania. Corpus *S. Marci* Evangelistæ furto sublatum e templo Alexandriæ Venetias a quibusdam mercatoribus delatum tradunt anno 820. *S. Bartholomæi* Apostoli corpus ex insula Lipari translatum est Beneventum anno 840. justa Chronicum Sigeberti &c.

§. 60. Falsa quoque monumenta aliqui creabant sive in supplementum veterum, quæ erant deperdita, sive omnino commentitia. Ad quam classem referenda est Constantini donatio, de cujus veritate seculo nono in Francia nemo dubitabat, inter hæc vero scripta supposititia nullæ perniciosiores extitere, quam decretales epistolæ Isidori, quæ novis principiis de judicio episcoporum & autoritate Papæ introductis (ut ait Fleury) disciplinæ ecclesiasticæ vulnus immedicabile inflixerunt, quod malum facile evitari potuisset, si obscuris illis temporibus ars critica non ignota fuisset¹.

- I. Hinemarus Canonistarum sui ævi facile princeps nunquam tamen vera a falsis distinguere valuit. Non nesciebat, has epistolas superioribus seculis fuisse ignotas, ipso enim docente discimus quo tempore in lucem prodire cœperint, sed criticæ expers argumenta falsitatis, utut manifesta, non vidit, quin & ipse, ubi has decretales causæ suæ favere putabat, in subsidium adducebat.

§. 61. Alius ignorantia istorum temperum effectus erat, quod homines nimium credulos, & ad superstitionum pronos reddiderit (commune enim est eruditorum adagium, ignorantiam matrem esse superstitionum). Non tenemur fidem adhibere omnibus miraculis quæ Deus per sanctos patrasse narratur, sed narrationes ejusmodi eo adcuratius ad examen vocandæ sunt, quo magis ea, quæ adfirmantur, supra fidem esse videntur, & maximi momenti sunt¹. Pari modo res se habet, si de revelationibus, & apparitione spirituum, de operatione dæmonum, sive id ministerio magorum, sive alio modo fieri dicatur, questio est. Ideo de ingenti miraculorum numero, quæ his seculis contigisse narrantur, pauca fide digna sunt, non enim tam vera, quam prodigiosa scribere voluisse videntur. Imo sat probabiliter dici potest, pleraque eum in finem conficta fuisse, ut parratorum miraculorum fama & sanitatis recuperandæ spes largas a fidelibus oblationes eliceret, sive ut bona ecclesiastica rapientibus metus, vindictæ divinæ incuteretur.

1. Quippe asserere falsum miraculum secundum Paulum peccatum est, quo falsum testimonium contra Deum dicimus (1. ad Corinth. cap. 15. v. 15.) quod etiam Petrus Damianus observat in vita Domin. Loric. N. 1.

2. Illo enim tendunt pleræque narrationes, quæ in collectione miraculorum de S. Martino, Benedicto, aliisque in ecclesiasticis leguntur fastis, qui ideo sancti sunt, quia bona terrena contempserunt, in cælum translati avaritiæ cupiditate accenderentur, & autoritate, qua apud Deum valent, ad penas ab illis exigendas uterentur, qui ecclesiarum suarum ærarium expilarent. Alia præterea causæ adferri potest, cur permulti parum provide obscuris his seculis tam solite miracula qualiacumque in populum sparserint; nempe saltem metu penarum temporalium illos in officio contineri posse putabant, qui æternarum horrore non movebantur, sed non adtendebant, ita introduci errorem periculosum falso principio nixum, quod Deus improbos *ordinarie* in hac vita castiget; nam ita Christiani ad statum veteris testamenti reducebantur, in quo tam divinæ promissiones, quam comminationes circa temporalia versabantur. Ita religio vilescenti apud multos periculo exponebatur. cum experientia contrarium sæpe demonstrasset, & quotidie bonorum ecclesiæ usurpatores non impunes modo, sed etiam rerum omnium affluentia prosperam vitam ducere videbantur. Imo Papæ & episcopi non sine prædientia promissiones bonorum temporalium adhibebant, ut Principes ad auxilium contra hostes ecclesiæ ferendum impellerent. Promissa, aut minæ ad breve tempus homines rudes fallere possunt, ubi vero eas effectu carere vident, prout sæpius carent, scandalo sunt, & fidem eorum labefactant; dubitare enim incipiunt de veritate omnium promissionum, minarumve, quæ ad statum vitæ futuræ spectant. Nihilominus plurimi præjudicium antiquum ne quidem postremis seculis abjecerunt. Mirandum sane, Baronium perspicacis ingenii virum in suis analibus adverse omnia, quibus ecclesiæ præsertim Romanæ inimici diversis temporibus perculsi sunt, tanquam totidem divinæ ultionis exempla, quorundam vero Principum prosperitati tanquam bonæ causæ, quam defendebant, argumenta notet. Verumtamen historiæ veritate compulsus sæpe ad abyssum judiciorum Dei confugit, ut tristissimorum eventuum, quibus etiam zelosissimos religionis catholicæ cultores afflictos legimus, causam inveniatur. (*Fleury Diss. 3. H. E.*)

§. 62. Effectibus ignorantiae merito accensenda est illa facilitas qua reliquiæ recipiebantur; nam non minus quam miracula caute ad examen vocandæ sunt. Postquam vero editis legibus decretum, ne ulla ecclesia, aut ullum altare consecraretur, nisi adessent sanctorum reliquiæ, cum necessitas urgeret unde alijs quas comparandi, mirandi non est locus, eas ad examen rigidum non fuisse vocatas ¹.

1. Sordida dein cupiditas, oblationes, & peregrinationes quibusdam ecclesiis parandi multo laxius clericorum avaritiæ satiandæ modum aperuit.

§. 63. Ex affectu loca sacra, in quibus Christus versabatur, & reliquias sanctorum venerandi, præsertim antequam ex uno loco in alium transferri solebant, nata est consuetudo religionis causa peregrinandi (§. 475. Tom. 1.), & licet stante imperio Romano ob continuum omnium provinciarum commercium piæ peregrinationes facilius suscipi possent, nihilominus etiam sub barbarorum dominatu, postquam nova regna stabilita sunt, fuere frequentissimæ ¹. Quis jam non videt, tali modo rei levis momenti, & accessoria causa præcipua officia fuisse neglecta? ²

1. Fuit hoc devotionis Christianæ genus illorum populorum genio maxime congruum; nam cum semper vel venationi indulgerent, vel bellum gererent, continuis profectionibus erant assueti. Unde pie peregrinationes commune religionis exercitium populo, regibus, clericis, episcopis, & monachis factæ sunt.
2. Nam episcopi deserta ecclesia sua ad integros annos ex Germania, Francia vel Anglia Romanam, vel etiam Hierosolimam petebant, Abbates vel monachi claustra sua relinquiebant, feminæ viæ adeo longe periculis se exponebant, ciues demum labores, ac negotia domestica negligebant.

§. 64. Nulli vero rei ad disciplinam ecclesiasticam pertinenti magis nocuere peregrinationes, quam penitentia; seculo enim octavo inchoato, qui peccatoribus penitentiam injungebant, gravium peccatorum reos procul a patria profugos aliquanto tempore exemplo Caini per varias regiones errare jubebant. Cum vero brevi sub hac penitentia ambulatoria ingentem abusum latere viri sapientes intelligerent, jam Caroli M. ætate decreto synodali (*Capit. Aquisgran. anno 639. Cap. 77.*) prohibitum, ne homines illi horrendi aspectus, qui sub penitentia larva nudi, & vinculis ferreis onusti in mundo errabant, ulterius tolerentur.

§. 65. Alia fuit superstitio, quam ignorantia peperit, in eruendis rebus occultis per *sortes sanctorum*, & *ordalia*, seu judicia Dei, quæ alias etiam *purgationes vulgares* dici solent, eo quod suspectus de crimine quodam isdem se purgabat, & innocentiam demonstrabat. Inter hæc ordalia primo referebatur *jus cruciationis*, *stilicidii* vel *feretri*: si enim quis de perpetrato homicidio suspectus fuit, ad cadaver occisi ductus illud tangere jubebatur, & quod si ad tactum cruorem sanguinis emisit, reus habebatur¹.

¹. Tantas hæc superstitio egit radices, ut ejus praxis nec seculo decimo— septimo in Germania penitus fuerit sublata; nam *Stylius* celeberrimus suo tempore Ictus in usu moderno Pandectarum L. 48. Tit. 18. N. 7. hæc narrat: *Casus*, qui anno 1669. die 20. Jun. ex *Parsiana* ad facultatem juridicam *Francoguti* transmissus fuit, retulit in tract. de jura sens. Dss. 7. C. 3. N. 5. scilicet dubium erat, an a matre, an ab avia infanticidium commissum, utraque ergo ad infantem, qui jam per aliquot dies sub terra interrat, delibebatur, ut cadaver tangere. Mater prius hæc protulerat verba: Si ego tango culpa in tu matre, qui Dies de meo volat in te, aut nullum adpererat signum. Postea ad cadaver adducta avia eodem, quæ mater, protulerat verba: mor infantis facies in præpore rubore effundebatur, & ex auribus ejus aliquot guttæ sanguinis effundebantur, quo obprobrio avia conscientia stimulis ducta delictum cum omnibus suis circumstantiis confessa erat. Alium casum refert *Besoldus* in thesaur. pract. voc.

§. 66. Altera species purgationis vulgaris erat *supernatio* in aqua (*la prueba del agua, el juicio del agua*) quæ ex gentilismo ad christianismum translata est, & præsertim in crimine magiæ adhiberi solebat. Per illam suspectus ad ecclesiam est ductus, & sacris peractis post conjurationem aquæ & hominis¹ vestibus exu-

tus in aquam projectus est. Quod si non supernatavit, sed ad fundum mergebatur, innocens habitus est².

1. Formulam conjurationis aquæ, & hominis adscripsi in meo Jur. Eccles. Tom. II. §. 722.

2. Hujus purgationis author a quibusdam habebatur *Eugenius. II. Pont.*, verum id falsum esse præter Natalem Alexandrum probavit *Bæthmerus*. Contra hanc purgationem *Ludovicus Pius* in Capitulari anno 829. Cap. 12. legem edidit, verum istud probationis genus in Gallia, & Germania etiam post *Ludovici* edictum in usu fuit.

§. 67. Cetera Ordalia memoratu digna sunt *experimentum crucis*¹, purgatio *per eucharistiam*², *experimentum ferri candentis*³, purgatio *per duellum*, *judicium aquæ calide*, aliaque⁴, quibus successu temporis ubique abrogatis suffecta est purgatio canonica, quæ fit per juramentum purgatorium.

1. In hac purgatione pro illo sententia ferebatur, qui diutius manus extensas, atque in crucifixi modum conformatas tenebat. Abrogavit eam *Ludovicus Pius* anno 816.

2. In concilio enim *Wormatiensi* anno 868. celebrato canon X. decrevit, ut si episcopo, aut presbytero homicidium, furtum, adulterium, maleficcium imputatum fuerit, missam celebret, & communicet, atque ita se purget. Dia venit in Germania hujus purgationis genus, sed ob sacrilegii periculum antiquatum.

3. Qui illæsus nudis pedibus super carbones accensos incedebat, vel ferrum candens manibus contrectabat, innocens habebatur. Hic experimento ferri candentis innocentiam suam probavit *Richarda* filia Regis Scottorum, & uxor *Caroli Grassi* ob suspicionem adulterii repudiata.

4. Ordalia interim aperte evincunt, illam ætatem. in qua usus illorum viguit, de providentia Dei convictam fuisse; qui enim expectat, ut Deus modo quod implicite sentit, Deum res humanas curare.

§. 68. Invalebat repente, incertum quibus authoribus, seculo VIII. omnium animos hæc persuasio, poenas peccatis debitas nulla alia ratione redimi facilius posse, nisi oblationibus, donationibus templis, clericis, aut monachis factis, qua opinione ubique recepta ditiores, quorum sat scelerata iis temporibus erat vita, opes liberaliter ad pios usus dicarunt, ut molestas peccatorum poenas, puta longa, & severa jejunia, corporis cruciatus, crebras, & diuturnas preces, & similia effugerent, securosque se a poenis post hanc vitam sustinendis præstarent¹.

1. Hinc qui donabant templis, & sacerdotibus, notissima formula dicebatur id facere propter redemptionem animarum suarum. & ipsa bona data plerumque dicebantur *pretia peccatorum* (*Lud. Ant. Murat. Antiq. Ital. med. ævi T. 5.*)

§. 69. Ritus mirum in modum his tribus seculis auctos¹

D:

fuisse, vel illud argumento esse potest, quod seculo nono quidam cœperint interpretationes eorum rudis populi causa scribere ².

1. Claudius Fleury Diss. III. in H. E. multitudinem ceremoniarum eo ex capite probat, quia sunt subsidium non leve, quo Deus veram religionem per omnia tempora propagari, & custodiri voluit, ita enim discurrit: *Ceremoniæ sunt subsidium non leve, quo Deus veram religionem omni tempore conservari, & propagari voluit, quia, ut nos scriptura docet, sensibilia fidei testimonia sunt* (Deut. cap. 6. v. 20). *Festorum natalis Domini, & resurrectionis solemnitas in perpetuum homines etiam rudissimos admonet, Christum pro salute nostra natum, mortuum, & a mortuis resurrexisse. Dum Christiani in nomine Patris, Filii, & Spiritus S. baptizant, fidem Trinitatis consentunt, dumque missa celebrabitur, publicum testimonium pro veritate eucharistiæ dantur. Quoties formulas orandi adhibemus, toties fidem in materia de gratia profiteamur. Psalmodia, & lectiones, quibus officium ecclesiasticum constat, clericos compellit ad linguas discendas, in qua publice recitantur, & ex quo illa vulgaris esse desit. Nihilque magis exploratum, quam nos soli religioni in acceptis referre, quod linguarum mortuorum scientiam retineamus, sine quibus primævas scripturæ codices, & antiquorum scriptorum libros amisissimus. Verum considerandum est, quod ritus in divinos, & humanos distinguere possimus. Ritus divinitus instituti sunt immutabiles, & ideo plurimum conferunt ad conservationem dogmatum, quemadmodum etiam ante legem novam modus colendi per sacrificia a Deo ordinatus fuit ad conservandam, & propagandam promissionem venturi Messie, etiam in lege nova ritus baptizandi per Trinitatis personas dogma de Trinitate, alique ritus alia dogmata conservant: quod si tamen sermo sit de ritibus mere humanis, qui nullum habent cum conservatione, & propagatione dogmatum nexum, eorum multitudo universim non est probanda, prima siquidem ad superstitionem via sunt ritus nimis avari, aptique eam inducere errorem, ut vulgus patet, in his externi, actibus essentiam religionis esse positam, uti ipsa nos sæpius docuit experientia.*

2. Inscrībuntur hi libri de *divinis officiis*, divinum enim officium stylo istius ævi idem erat, quod ceremonia religiosa. Rationes rituum in his libris, quæ redduntur, maximam partem longe petitiæ sunt, falsæ, coactæ, timo pueriles, & ridiculæ.

§. 70. De singulis ritibus introductis sermonem instituere operosum nimis, nullius quoque utilitatis foret, ideo pauca tantum monebimus. Festis Latinorum diebus anno 998. accessit auctoritate *Odilonis* Abatis Cluniacensis *commemoratio omnium fidelium defunctorum*. Ante hoc quidem tempus, jam usitatum erat, ut certis diebus preces pro defunctis fierent, quæ tamen vel ad consanguineos, vel ad quasdam fidelium societates pertinebant, at ab *Odilonis* tempore ad omnes defunctorum animas extendi cœpere hæc preces.

§. 71. Cultus Mariæ sub finem seculi X. auctus est officio, quod *parvum* vocare solent Latini, confirmatumque postea fuit ab *Urbano II.* Papa in concilio Claramontano. *Rosarii* quoque non obscura seculo decimo haberi vestigia continent quidam, quidquid autem sit, qui *S. Dominicum*, seculo XIII. rosarii authorem prædicant, certa non habent opinionis suæ testimo-

nia, uti hoc ex instituto demonstravit Jo. Mabillonius Præfat. ad Acta S. S. Ord. Bened. seculo V. ¹.

I. Illud vero prorsus est absurdum, quod vulgus credit, B. Mariam Dominico adparuisse, eique institutionem rosarii injunxisse. Prima rosarii vestigia ad expeditiones cruciatis aliqui referunt. alii *Paulum* Eremitam auth. rem faciunt, qui, cum tercentas orationulas singulis diebus recitare solebat, totidem lapillos ad eas numerandas adhibebat.

§. 72. Seculo nono immoderatum adeo erga sanctos invaluit studium, ut sibi quisque cœtus, imo homo patronum adsciscebatur, & apud Deum deprecatores. Ilinc mos nascebatur, novos sanctos continuo creandi, quorum res gestas monachis nemo felicius comminiscebatur. Impiæ huic licentiæ novis in dies incolis cœlum ditandi modum concilia ponere studuerunt, in quibus cautum est, ne quis sanctus haberetur, nisi qui in concilio provinciali hoc honore dignus pronunciatus est. Pontifex vero hoc jus paulatim ad se traxit ¹, hisque initiis *canonizatio sanctorum* nata est.

I. Ferunt a Leone III. circa annum 800. celebratam fuisse primam solemnem canonizationem sanctorum, eamque fuisse S. *Smitherti* episcopi, de quo *Sedricus* ad diem secundum Martii, sed *Benedictus XIV. L. I. C. 7. & 8.* demonstrat, primam canonizationem solemniter factam fuisse S. *Udalrici* episcopi Augustani peractam a *Joanne XV.*

CAPUT QUARTUM

DE

HIERARCHIA.

§. 73. Continua etiam his tribus seculis sibi succedebant serie episcopi Romani, quos inter foeminam quamdam sub nomine *Joannes* fuisse, quidam tum Catholicorum, tum Protestantium propugnaverunt ¹. Dicebant siquidem defuncto *Leone IV.* anno 855. foeminam quamdam *Joannam Anglicam* nomine ex Moguntia oriundum unanimi omnium voce Papam fuisse electam. Quare ponebant Papissæ Joannis regimen inter Leonem IV., & Benedictum III. ².

I. At non Catholici tantum, sed etiam Protestantes, & Reformati eam confutarunt, & præcipue *David Blondellus* reformatæ ecclesiæ addictus in familiari elucidatione questionis, utrum foemina in sede pontificia Romæ sederit, quam gallico scripsit idiomate. Veram autem esse hanc historiam doctius, & ingeniosius ceteris defendit *Frid. Spanhemius*.

2. Fœmina hæc juxta testimonium Florentini Archiepiscopi, quod desumpsit ei Martinus Polonus, in puellari ætate a quodam suo amasio in habitu virili Athenas deducta sic in diversis scientiis profecit, ut nullus sibi par inveniretur, adeo ut post Romæ in trivis legens magnos magistros discipulos, & auditores habuerit. Et cum in urbe ob scientiam magnæ divitiis esset, in Papam concorditer electam fuisse. Narrant porro eam ecclesiam Romanam annis duobus, mensibus quinque, diebus quatuor administrasse, usque dum in solemnî supplicatione doloribus circumventa peperisset, & in puerperio obivisse. Hæc de re monachus poeta cecinit: *Papa pater patrum peperit papissa papellum.*

§. 74. Totam hanc narrationem fabulam esse rationibus validis evincere¹, ac contra sentientium argumenta diluere² non est arduum, quid autem fabulæ occasionem dederit? eruditi non conveniunt³.

1. Rationes hujus sunt sequentes: 1.) Factum adeo memorabile, quod in conspectu totius urbis Romæ perpetratum fuisse, scriptores cœvi, & synchroini, qui alias res minus notabiles litteris consignarunt, commemorare non omisissent. Jam vero nullus scriptorū seculi noni, quin etiam seculi decimi de hæc re mentionem fecit. Prius, qui a longe fabulam hanc insinuat, fuit *Marianus Schotus* seculi undecimi scriptor monachus, qui anno 1086. obiit. 2.) scriptores seculi noni omnes Joannam Papissam ex serie Pontificum excludunt, siquidem Leoni IV. anno 855. vita functo immediate Benedictum III. successisse referunt. 3.) *Photius* vir ævi sui doctissimus, & Romanæ sedi infensus hæc factum adducere non omisisset. 4.) Fabula hæc semper magis, magisque evoluta, & variis aucta est circumstantiis; nam *Marianus Schotus* scripsit ad annum 853. Leoni IV. successisse Joannam fœminam duobus annis quique mensibus, & quatuor diebus. *Stephertus*, qui anno 1113. obiit, ad annum 654. in suo chronico jam fusius eam describit fabulam, dicens, fœminam, quæ Joannes Anglicus vocari voluit, peperisse. *Martinus Polonus* Ord. Præd. qui obiit anno 1270. id est, anni 184. post obitum *Mariani Schoti*, & 415. post electionem *Benedicti III.* scripsit, fœminam illam ex Moguntia orandam in solemnî supplicatione peperisse templum inter S. Clementis & Colosseum, atque in hujus exoracionem faciliaris supplicationes solemnæ per hanc deinceps viam non transiisse. *Theodorus Nicemius* addidit, statum in memoriam istius eventus erectam fuisse. *Wilhelmus Bevin*, & *Platina* jam sellam perforatam commentum sunt, in qua novus Pontifex sedens ab ultimo diacono sexus causa exploratur. Adeo scilicet adaugeta est hæc narratiuncula ut vix 460. anni satisfuerint ad hujus monstri formationem.

2. Contra sentientes adducunt sequentia, posterioribus temporibus in supplicationis solemnibus semper istam viam, in qua Joanna Papissa peperisse dicitur, nimirum inter S. Clementem, & theatrum a *Neronis* Coloso *Colosseum* nuncupatum Pontifices obliquant. Romæ in ipsa via, in qua Papissa peperit, observabatur statua marmorea, quæ mulierem cum infante adumbrabat, quæ per multos annos, & quidem adhuc anno 1413. superstes visa est. & demum quid sibi vult sella perforata stercoraria dicta? verum ad hæc reponitur, obliquantem viam non ad divinationem facti hujus sed ideo fieri, quia angusta nimis, & angustior, cum a pueris conibat Pontificis incommoda erat. Statua olim Romæ visa non mulierem, & infantem inter ubera matris positum representabat, sed grandæviam matrem, qui præire videbatur, quare titulum quemdam sapientem non cum ministro representabat, præsertim quia palmarum manu deferebat. Sedes stercoraria ideo est dicta, quia sedente in ea Pontifici stercus ceciderat Psalmi 113. *excitavit de pulvere egenum, & de stercore erexit pauperem.*

3. *Joannes Anagninus* originem fabulæ repetit ex electione Joannis IX. quia potentia *Theodore*, cujus amator erat, ad sedem erectus fuit. *Ouphrius* ex Joann.

nis Papæ XII. impura vita manasse credit, quibus etiam assentitur *Schræckius*, *Baronius* vero ex levitate animi Joannis VIII. qui in Photii restitutionem consensit.

§. 75. A Gregorio V., qui in fine seculi X. præfuit ecclesiæ Romanæ, collegium septem virorum, seu collegium electorale, fuisse institutum, *Bellarminus* de translatione imperii, aliique, qui Papam supremum omnium regnorum dominum volunt, contendunt, verum hos falli rationes indubiæ evincunt².

1. Collegium hoc, penes quod stat potestas eligendi Regem, & Imperatorem Romano — Germanicum olim septem constituerunt Germaniæ Principes tres ecclesiastici, & quatuor laici Mozantinus Germaniæ, Trevirensis Galliæ, Coloniensis Italiæ Archicancellarius, Rex Bohæmiæ Pincerna, Palatinus Dapifer, Dux Saxonie Archimareschallus, Marchio Brandeburgicus Anticamerarius. His posterioribus annis duo adhuc adnumerati sunt, & quidem Dux Bavarie, quem Ferdinandus II. ad initium seculi XVII. electorali decoravit dignitate, quare ab illo tempore Dux Bavarie Dapiferi, & Palatinus Archithesaurarii manus agit. Dux Hanoveranus Archivexiliier ab Imperatore Leopoldo in numerum electorum est assumptus anno 1692.

2. Sunt hæc sequentes: 1.) Veteres authores qui de rebus Germaniæ scripserant, uti *Witkindus*, *Ditmarus*, *Lambertus*, *Schafnaburgensis*, *Regino Prunien- sis*, *Otto Frisingensis*, *Sigebertus*, aliique nullibi hoc factum retulerant.

2.) Imperatores ab *Ottone III.* usque ad *Fridericum III.* non a septem dumtaxat Principibus electoribus, sed vel a populo per deputatos ad comitia conveniente, vel a Principibus imperii feudatariis electi sunt; nam *Henricus II.* qui ad annum 1002. successit *Othoni III.* ab omnibus regni primoribus electus est (*Otto Frisingensis* L. 6. Cap. 27). Iterum *Conradus II.* ad annum 1024. defuncto sine filio *Henrico* ab omnibus electus est, inter cujus electores Abbas *Uspurgensis* nominat etiam episcopum *Bambergensensem*, qui septem electorum collegio adscriptus nunquam fuit. Eodem modo electus *Henricus IV.* & *V.* *Lotharius II.* & ad annum 1152. *Fridericus I.* *Abnobarbus*, vel *Barbarossa* (*Otto Frisingen.* L. 2. de gestis Frid. C. 1.). Et ne videri cuidam queat, omnes quidem Principes solemnitis causa electioni interfuisse, solos tamen septem electores suffragia dedisse, attendenda est *Gregorii VII.* Epist. 3. L. 4. ad omnes Germaniæ episcopos, Duces, & comites data, qua eos hortatur, ut alium, nisi *Henricus* respicerit, Imperatorem eligant. 3.) necdum ad initium seculi XIII. electorale substitutum collegium, intelligitur ex electione *Friderici II.* de qua Abbas *Uspurgensis* ira habet: Anno 1210. *Otto* excommunicatus denunciatur. Tunc Principes Germaniæ, Rex videlicet Bohæmiæ, Dux Bavarie, & *Landericus Thuringie*, & alii quamplures convenientes *Fridericum Regem Siciliae* elegerunt in Imperatorem coronationem. Jam vero *Landericus Thuringie* nunquam septem virorum collegio fuit adscriptus, & Dux Bavarie primo a *Ferdinando II.* Elector nominatus est.

§. 76. Cum vidissent curiæ Romanæ assentatores, a Gregorio V. septem electorum institutionem reperti nullatenus posse, ut tamem aliquem Pontificum ejus autorem facerent, in diversas abierunt opiniones. *Aventinus*, & *Onuphrius* authorem electorum faciunt, *Gregorium X.* Alii *Innocentium IV.* in *Lugdunensi concilio*, quod ex actis illius probandum sibi sumpsit *Baronius*².

1. *Gregorium X.* eorum non fuisse authorem inde adparet, quod scriptores eo anteriores collegii electoralis jam meminerint; nam *Martinus Polonus*, qui sub

Innocentio IV. scripsit, in suo chronico ita habet: *Et licet isti tres Ottonas per successionem generis regnaverint, tamen postea fuit institutum, ut per officiales imperii Imperator eligeretur, qui sunt septem; videlicet primi tres cancellarii Moguntinus, Colonienſis, Trevirensis, Marchio Brandenburgicus camerarius est, Palatinus Dapifer, Dux Saxonie enseſ portat, Bohemus Pincernam agit.*

2. Contra Baronium illud pugnat, quod author tractatus de *Principum regimine*, qui supponitur esse Thomas Aquinas, aut Ostiensis, quorum uterque ante concilium Lugdunense scribebat, de electorali collegio mentionem faciunt, meminit & Albertus Abbas Stadiensis, qui anno 1242, proin quinquenio ante concilium Lugdunense suum scripsit chronicon, & hic quantum deprehendere licet, primus est author, qui a septem tantum Germaniæ Principibus eligendum esse Imperatorem, ac isthuc quidem non ex autoritate pontificia, sed ex Principum consensu, scripsit. Huc darent, eorum quoque opinionem improbandam esse, qui hujus collegii institutionem Carolo M. tribuant.

§. 77. Seculo VIII. Pontifices territorium temporale sunt consecuti; quum enim *Pipinus* Regis Franciæ Childerici Vicarius, seu Major — domus, qui potestatem omnem regiam jam usurpabat, Dominum suum nomine etiam Regis, & honore privare vellet, Francorum Proceres in comitiis anni 751. ea de re coactis posebant, ut Romanus ante omnia Pontifex consulereetur, num quod Pipinus cupiebat, fieri legitime posset? Igitur ex *Zacharia*, qui tum ecclesiæ Romanæ præerat, per legatos a Pipino missos querebatur, num *gens fortis, & bellicosa Regem ignavum, & ad nullam imperii partem utilem throno deturbare, atque in ejus locum digniorem, & jam dudum de republica egregie promeritum salvo jure divino sufficere posset?* Respondit Zacharias affirmative, cum Pipini auxilio ad compescendos Græcos, & Longobardos ipsi permolestos indigebat, quo oraculo in Gallia cognito nemo resistebat, ne Childericus regia dignitate exueretur, & in ejus locum Pipinus succederet. Zachariæ successor *Stephanus II.* anno 754. in Galliam proficiscens non modo translationem regni a Zacharia factam confirmabat, verum etiam Pipinum jam in tertium annum Regem coronabat ¹.

1. Famosa inter scriptores historiæ ecclesiasticæ fuit olim controversia de translatione regni Francorum a Childerico ad Pipinum. Cum Natali Alex. multi translationem regni a Zacharia, aut Stephano II. factam esse ea de causa negant, ne aimitere cogantur, ante Gregorium VII. aliquem Pontificum potestatem indirectam in Principum temporalia exercuisse. Bellarminus e diametro ut Pontificis potestatem indirectam in temporalia vindicet. translationem regni auctoritate Papæ factam fuisse præputat; verum tota hæc disputatio inutilis est. & supervacua, eo quod in translatione regni Francorum a Childerico ad Pipinum casus indirectæ dependentiæ ne quidem adfuerit. (§. 457 2. Tom. I.)

§. 78. In illa Italiæ parte, quæ in Græcorum adhuc potestate erat, per decreta contra imagines a Leone Isauro & Constantino Copronymo edita turbæ, & seditiones exortæ sunt. Longobardorum Reges occasione horum motuum usi paulatim provincias Græcorum in Italia occuparunt. Qua felicitate elatus *Aistul-*

plus Longobardorum Rex urbi etiam Romæ, ejusque tractui inhiabat, totiusque Italiæ imperium affectabat. Hæ temporum angustia cogeant Stephanum II. magni patroni sui Pipini auxilium implorare. Is anno 754. trajectis cum exercitu Alpbis impetrabat ab Aistulpho, ut jurejurando promitteret, se Ravenatensem exarchatum, Pentapolin, & omnia, quæ occupaverat, restituerum. Cum vero Aistulphus datam fidem falleret, & denuo vix ac Pipini exercitus trans Alpes fuerat, copiis collectis ad obsidendam urbem properaret, nullum Stephano erat in his angustiis remedium, nisi ad arma gallica perfugium. Scripsit itaque, vel potius finxit epistolam nomine S. Petri Apost. ad Pipinum datam, quam, ut quantocyus urbi Romæ suppetias ferret, vehementer adhortatur, ac sub comminatione perpetuæ a cælo exclusionis terret. Itaque Pipinus iterato cum copiis in Italiam profectus cum in promissa servanda adigebat, ereptasque illi Græcorum terras, id est, exarchatum cum Pentapoli Papæ donabat. (Carolus Sigonius de regno Italiæ L. 3.) ^{1.}

I. Quinam autem exarchatus hujus donati fines essent, valde controversum est, & multum ab eruditissimis disputant. Lis hæc dirimi haud potest, nisi ex ipsius donationis tabulis.

§. 79. Mortuo Pipino Rex Longobardorum *Desiderius* denuo terras a Pipino ecclesiæ Romanæ donatas invadebat. *Hadrianus I.* tunc Romanus pontifex ad Pipini filium Carolum, qui *Mignini* nomen obtinuit, confugiebat. Is ergo anno 774. superatis cum valido exercitu Alpbis regnum Longobardorum in Italia, quod ducentis, & amplius annis steterat, evertibat, Regeque Desiderio in Galliam relegato ipse se Longobardorum Regem creabat. Eo in itinere cum Romam Carolus etiam venisset, non modo liberalitatem sui patris probabat, verum etiam superabat, atque alias Italiæ urbes, & provincias, præter eas, quas Pipinus donavit, Pontificibus dederat ^{1.}

I. Causam novæ liberalitatis Caroli Pontifex ipse Hadrianus dicit fuisse peccatorum expiationem; sic enim in Epist. ad Carolum M., quæ 92. est codicis Carolini in Muratorii script. rer. Italic. T. 8. P. 2. „Venientes ad nos de „Capua. quam B. Petro Apostolorum Principi pro mercede animæ vestræ, „atque sempiterna memoria cum ceteris civitatibus obtulistis.” Non quidem dubitandum. Carolum, qui pius ex lege seculi sui videri volebat (§. 69.) causam hanc in tabulis, seu donationis diplomate expressisset, at qui characterem illius ætatis novit, hæc unicum donationis fuisse motivum non credit. Carolus per istam liberalitatem viam sibi sternere voluit ad imperium occidentis, vix vero honeste nisi suffragante, ac juvante Romano Pontifice, ut tunc erant tempora, id obtinere poterat.

§. 80. Postquam Pontifices a seculo octavo domini temporales sunt facti, seculo nono etiam eorum potestas in rebus spiritualibus supra modum augeri coepit, atque inde initia juris ecclesiastici.

ci a Pontificibus, eorumque assentatoribus depravati. Quo facilius autem aures, & animos *novum* istud ecclesiæ jus reperiret, anti- quis opus erat documentis, quibus stabiliri posset. Hæc inter Ro- manæ potentiae fulcra spuria principem fere tenent locum vulgo dictæ *decretales Isidori* Mercatoris, seu *Peccatoris* ¹, eum præ- cipue in finem confictæ, ut illimitatum quoddam Romanæ Pontificis imperium, quasi antiquissima illud traditione niteretur, demons- traret ².

1. *Dionysius* enim cognomine *exiguus* (§. 332. Tom. I.) exordio seculi sexti præcedentium Pontificum epistolas decretales (§. 492. Tom. I.) qua valuit diligentia collegit, suæque collectioni canonum adiecit. In iis recensendis a Pa- pa *Siricio*, qui sub finem seculi quarti decessit, facit initium. Defectum hunc ut suppleret edita collectione alia canonum obscurus quidam author, quem promiscue *Isidorum peccatorem*, vel *mercatores* adpellant, seculo octavo ad fi- nem vergente novas epistolas in suo natas cerebro a *Clemente* Pontifice usque ad *Siricium* singulis, & ab eo usque ad *Gregorium M.* plerisque Pontificibus adtingere, imo & genuinas, quotquot reperit, aut mutilare, aut adulterare non erubuit.

2. Singularis & non contemnenda est opinio *Spittleri* de origine decretalium *Isidorianarum*, quam idcirco adscribendam esse duxi: Cuando se dividió el vas- to reino entre los hijos de Luis en muchas porciones, y los señores de ellas man- tenían continua guerra entre sí, se extendían sobre los Obispos, y tenían los sufragáneos una buena ocasion para no obedecer á sus Obispos, quando estos no tenían algun Rey por su señor. Un Obispo que queria sustraerse de la autoridad de su metropolitano, y del sínodo provincial, no tenía mas camino que el de po- nerse bajo la proteccion del Obispo de Roma. Para facilitar este paso le vino al pensamiento á uno de estos sufragáneos rebeldes, el componer una coleccion de tales leyes eclesiásticas, fingiendo las decretales de los Obispos de Roma de los tres primeros siglos. Largo tiempo antes era conocida en Francia una coleccion de leyes eclesiásticas, que llevaba el nombre de *Isidoro*, Obispo Español. Esta colec- cion apoyaba la invencion de los falsarios, mintiendo sobre de donde venia este libro, y dióse por cierto que habia sido traído á Francia en el reinado de *Carlo- magno*. Todo el objeto de los falsarios era destruir la autoridad del metropolitano y de los sínodos provinciales y poniendo todo el poder de la ipocisia en las manos de los Obispos de Roma. Asi se trataba necesariamente toda la gerarquia de la iglesia, y se mudaban enteramente todas las relaciones de la iglesia con el es- tado. (*Spittler*.).

§. 81. Figmenta *Isidori* ubique authoritatem nanciscebantur, tamque satis diu conservarunt ³; nam primi, qui illis bellum in- dixerant, erant centuriatores *Magdeburgici* (§. 74. proleg.) Con- tra eos desperatam causam defendit *Franciscus Turrianus*, quem mox debellavit *David Blondellus* in libro, cui titulus: *Pseudo-Isidorus, & Turrianus vapulans* ⁴.

1. Rationes, ob quas privati hominis figmenta ubique authoritatem obtinue- rint, non adeo remote sunt: siquidem I. animadvertendum est seculo VII. *Isidorum* episcopum *Hispalensem*, & sanctitate, & doctrina celebrem, collectionem canonum edidisse, que in ecclesia Latina magni erat momenti. Propterea illo tempore episcopi humilitatis causa, ut advertit *Petrus* de Mar- ca, se subscribebant *Peccator*. Jam cum author obscurus pseudo decretalium se subscripserit *Isidorus peccator*, prout erat judicare, authorem hunc esse episcopum *Hispalensem*, quia hujus nominis nullus præter illum cogitus erat,

ideo collectio Isidori peccatoris habebatur pro collectione Isidori Hispanensis, idque eo magis fieri poterat, quia 2.) iis temporibus ars critica ignota fuit, cujus ope falsitatem detegere potuissent. Hac forsitan opinione prædictas epistolas primus in Galliam, & Germaniam intulit *Riculfus* Archiepiscopus Moguntinus, remque eo deduxit, ut multum iisdem adtribueretur, quod etiam præstitit illius successor *Rahamus Maurus*. Horum tamen conatus in propagandis pseudodecretalibus non satis efficaces fuissent (nam *Hincmarus* Rhemensis, alique eruditi obstrepebant, quamvis ex defectu artis criticæ argumenta falsitatis proferre non valebant) nisi 3.) *Nicolaus I.* Papa anno 865. in gravi ad episcopos Galliæ epistola Isidori receptionem urssisset.

2. Argumenta falsitatis gravia æque, ac copiosa sunt: nam 1.) si hæ epistolæ genuinæ essent, quæ ratione factum, ut Eusebio, Hieronymo, Dionysio Exiguo, aliisque scriptoribus, qui in conservandis Romanorum Pontificum decretis adeo solliciti erant, ignotæ fuerint? 2.) cur talia monumenta antiquitatis usque ad Isidorum, id est, usque ad seculum VIII. toti mundo erant ignota? cur nusquam illorum exemplar ad tempus usque Isidori habebatur, quæ tamen vi inscriptionis ad varias ecclesias mitti debuissent? 3.) Nulla in his epistolis fit mentio earum rerum, quæ tribus primis seculis erant frequentissimæ, uti de hæresibus illorum temporum, de persecutionibus, de penitentiis publicis &c. 4.) Quod author harum epistolarum vulgata scripturæ versione, quæ Hieronymum authorem habet, usus sit. 5.) Quod nullus Pontificum usque ad Nicolaum I. iis usus sit ad jura sedis Romanæ amplianda. 6.) Non minus etiam momenti stili similitudo, quæ denotat, omnium epistolarum eundem fuisse authorem, falsa temporum consignatio, & orationis barbaries primis seculis non congrua.

§. 82. Ceteros religionis ministros, quod adinet, eos variis vitiiis seculo VIII. deditos fuisse, cordatorum nemo negat. Ut enim omittam luxum, libidinem, aliaque, solum commemoro, episcopos se venationi, & militiæ totos tradidisse, quod effectus erat dominationis barbarorum ¹. Sed tamen neque illud prætereundum, episcopos cum bona ecclesiastica possiderent, ad armorum societatem a laicis quadam necessitate pertractos fuisse ². Hinc episcopus a Rege vocatus suas copias in hostem ducere debebat ³.

1. Id quidem non in ipsis exordiis factum; nam a principio barbari, licet Christiani, ad ordines ecclesiasticos non admittebantur; præter ignorantiam enim indita a natura ferocia, & animi levitas eis administrationem sacramentorum, & curam animarum committi prohibebat. Vix ante seculum VII. æque ac Romani ad officia ecclesiastica nullo discrimine ordinari cœperunt, quantum ex nominibus episcoporum, & clericorum, quæ usque ad illa ferme tempora Romanæ linguæ genio congrua notantur, coniecere licet; namque etiam ante illud seculum non occurrunt in conciliis cauciones prohibentes clericis, ne militent, aut venentur.

2. Illo enim tempore jus feudale est introductum, ac propterea bella non militibus pecunia conductis, & stipendia accipientibus gerebantur, sed satellitibus illorum, quibus viri Principes, & Reges fundos possidendos ea conditione concesserant, cuilibet præscriptum erat, quot homines, quot equos, quantum aliarum rerum in expeditionibus bellicis necessarium conferre teneretur. Itaque quia ecclesiæ jam illo tempore pingua prædia habebant, epi copi sicut & alii optimates reipublicæ exorto bello auxilium præstare Principibus, ac Regibus suis cogeantur.

3. Carolus M. quidem supplicis populi sui precibus dedit, ut jure hoc adquisito

E :

cederet, & episcopis onus procedendi in aciem relaxaret, si modo milites suos mitterent; verum salutare decretum male servatum est, quippe posteriori tempore sicut ante episcopos armatos, dimicantes, captos, in bello occisosque videmus.

§. 83. Ut vero de bello taceamus, jurisdictio temporalis illis seculis ecclesiis acquisita episcoporum animos distrahere cœpit in varia. Reipublicæ negotia ab optimatibus tractari solebant vel in comitiis generalibus, vel in Principum curia, cumque episcopi viri essent litterati, utiliora obsequia Regibus præstabant, quam laici. Igitur episcopis semper nova itinera erant suscipienda, nam nec Principis curia in certo loco erat fixa nec comitia publica in una urbe celebrari solebant'. (*Fleury Diss. III. in H. E.*)

I. Si, ut hujus rei exemplum demus, Caroli M. vitam perpendimus, eum modo citra, modo ultra Rhenum, jam in Italia, jam in Saxonia, hodie Romæ, post menses tres Aquisgranî videbimus nunquam non magno numero episcopos post se trahentem. Quanta temporis jactura! quomodo residentiam lege divina præceptam observare poterant?

§. 84. Jam a seculo III. consuetum fuisse quotannis concilia celebrandi provincialia constat. (§. 174. Tom. I) Ilac quoque ætate habebantur quidem curiæ, seu conventus generales, qui concilia dici poterant, sed non illa concilia ex canonum præcepto in qualibet provincia ab episcopis vicinis olim celebrata. Erant vero totius Francorum imperii concilia nationalia, in quibus simul Archiepiscopus Coloniensis, & Turonensis cum Narbonensi, & Mediolanensi, episcopi Italiæ, Saxonîæ, & Aquitanîæ considerare conspiciebantur, ideo quidem statuta in omnibus his provinciis sibi ipsis magis fuerant consentanea, sed episcopis raro in ecclesiis suis præsentibus vix unquam effectui dari poterant'.

I. Conventus memorati propriè comitia reipublicæ, & occasione tantum concilia ecclesiastica erant, ne inutilis esset tot episcoporum præsentia. Ergo materia præcipue in iis discutienda ad salutem reipublicæ spectabat, nec tamen episcopis abesse licebat, quia cum ceteris optimatibus vocabantur. Inde illa spiritualium, & temporalium rerum commixtio religioni maxime noxia originem duxit.

§. 85. Licet vero clericorum mores corrupti varias parerent querimonias, haud tamen impediabant, quo minus clerus a plebe coleretur. At longe tamen latius veneratio episcoporum, eorumque authoritas patebat in occidente, quam oriente. Cujus quidem rei causam intelliget facile, qui barbarorum populorum in Europa hoc tempore dominantium statum, & mores ante suscepta sacra Christiana noverit. Nempe omnes illa ætate gentes, antequam Christo nomen darent, in sacerdotum suorum pote tate fuerant, ac sine illis nihil alicujus momenti sive militare, sive civile agere

ausi sunt ¹. Post susceptam dein fidem maxima sacerdotum suorum Gentilium jura in novæ religionis Antistites transferebant. Hinc illa incredibilis sacri ordinis in Europa. autoritas.

- x. Docet nos hoc imprimis *Julius Cæsar* de bello Gallico L. 6. cap. 13. ita scribens: *Druides magno sunt apud eos honore; nam fere de omnibus contronesis publicis, privatisque constituunt, & si quod est admissum facinus, si cades facta, si de hereditate, si de finibus controversia est, iidem decernunt præmia, pœnasque constituunt, si quis aut privatus, aut publicus eorum decreto non stetit, sacrificiis interdicunt.* — — *Druides a bello abesse consueverunt, neque tributa una cum reliquis pendunt: militiæ vocationem, omniumque rerum habent immunitatem* &c. Tacitus item Germ. cap. 7. *Neque antinadvertere, neque cingere, neque verberare quidem nisi sacerdotibus permissum, non quasi in pœnam, nec Ducis jussu, sed velut Deo imperante.* Eliam *Helinoldus Chron. Slavor. L. 1. Cap. 36. de Rugianis: Major flaminis, quam Regis apud ipsos veneratio est. Idem de Slavis L. 2. Cap. 12. p. 235. Rex apud eos monita estimationis est comparatione flaminis, ille enim responsa perquirat — — Rex, & populus ad illius nutum pendet.*

§. 86. Ad auctoritatem, & jura, quibus in occidente episcopi, & clerus utebantur, immensæ accedebant opes, ex quo omnes hæc invasit opinio, pœnas peccatis debitas nulla alia ratione facilius redimi posse, nisi donationibus ecclesiis, & clero factis (§. 68). Bona vero, quibus Principes, & divites peccata sua expiare volebant, non *privata* tantum erant, quæ quilibet civium possidere potest, verum *publica* etiam, Principibus, & rebus publicis propria, quæ *Regalia* nominantur. Imperatores enim, Reges, Principes provincias, urbes, castella, cum omnibus, quibus Principes utuntur juribus, episcopis, templis, monachisve donarunt ¹.

- x. Itaque qui paupertatem profitebantur, præter omnem opinionem *Duces, Marchiones, Comites* fiebant, atque jus non modo populo dicebant, sed cum militibus etiam suis in bellum proficiscebantur. Origo hæc insignium est calamitatum, quæ Europam deinceps affligerunt, nominatim tristium de *investitura* bellorum, & certaminum de *regalibus*, ut suo videbimus loco.

§. 87. Eximia hujus liberalitatis, cujus ante seculum octavum, & etiam seculo octavo extra Europam nullum invenitur exemplum, causa etiam in forma gubernationis apud gentes Europæas valde bellicosas usitata continetur; gentium enim harum Reges clientes, & amicos suos ita sibi devincire solebant, ut magno illis terrarum tractus cum omni jure, retento sibi solo dominio directo, traderent. Rationibus præterea politicis obedire sibi videbantur Principes ditandis hæc ratione episcopis, & sacerdotibus, fideles enim sibi fore sperabant homines ad religionem obligatos, & Deo sacros, quam proceres laicos, homines bellicosos rapinis, cædibusque assuetos: & per episcopos etiam, quorum sacra fulmina magnum terrorem habebant, turbulento suos clientes in officio continere volebant ¹. Erroneo enim conceptui de excommunicatione jam seculo octavo posita fuere initia, quæ se-

culo decimo plene sunt stabilita; putabatur siquidem, excommunicatum jura omnia civilia amittere, omniumque bonorum temporalium jacturam facere ². Ex hoc jam adparet, quæ nobis uni-
ce ex superstitione, & peccatorum redemptione nata videtur epis-
coporum, & sacerdotum potentia, eadem simul erat fructus artis
regnandi, seu prudentiæ politicæ.

1. Egregius, qui hic ponatur, est locus Guillelmi Malmesburiensis L. 5. de
gestis rerum Angliæ: *Carolus M. pro contundenda illarum gentium ferocia omnes
pene terras ecclesiis contulerat, consilioissime perpendens, nolle sacri ordinis
homines tam facile, quam laicos fidelitatem Domini rejicere, præterea si laici
bellarent, illos posse excommunicationis autoritate compescere.*

2. Ratio erronei de excommunicatione conceptus in eo est, quod a novis his,
& rerum omnium ignaris Christianis confundebatur cum illa veteri ethnica,
qua sacerdotes Gentiles usi fuerant. Jam vero excommunicatio Gentilium tes-
te *Julio Cesare* de bello Gallico L. 6. talis fuit: *Si quis aut privatus, aut
publicus Druidum decreto non stetit, sacrificiis interdicunt. Hæc pœna apud eos
est gravissima. Quibus ita interdictum, ii numero impiorum habentur, iis omnes
decidunt, aditum eorum sermonemque defugiunt, ne quid ex contagione incommo-
di accipiant: neque iis petentibus jus redditur, neque honos ullus communicatur.*

CAPUT QUINTUM

DE

MONACHIS.

§. 88. Regulam S. Benedicti seculo VIII. tum in Germania,
tum in Francia, & Anglia pene omnia suscepere monasteria ¹,
ad cujus instituti propagationem quatuor potissimum concurrebant
causæ ².

1. Synodus Germanica anno 743. Can. 16. statuit: *ut monachi, & ancille Dei
monasterialis juxta regulam S. Benedicti monasteria, vel xenodochia sua ordina-
re studeant, & vitam propriam degere secundum prædicti patris ordinationem non
negligant.*

2. Harum erat 1.) regulæ ipsius præstantia, ejusque adprobatio, ac elogium
Gregorii M. qui eam vocabat *alteratione præcipuum*, 2.) conjunctio plu-
rium in unis, iisdemque monasteriis regularum. 3.) monastici ordinis per
illa tempora unio, seu unitas. Cum enim monasticus ordo nondum in varias
clases divisus, regulæ Benedictinæ propagationi nec ordinum monasticorum di-
versitas, nec regularum, quarum plures in eodem monasterio junctim obser-
vari poterant, varietas obstet, 4.) denique non parum ad illius propa-
gationem contulit clades monasterii Cassinensis a S. Benedicto conditi, ex quo
factum est, ut illius monasterii monachi Romæ humanissime excepti sint a
Pelagio II., quo ex loco eorum fama, adeoque & regula circumquaque diffun-
di facile potuit.

§. 89. Monachi æque, ac moniales seculo octavo episcopis adhuc subditi erant ¹. In erronea igitur ii sunt opinione, qui exemptionis monachorum a jurisdictione episcopali initia ad seculum sextum referunt ².

1. Id inter cetera probant statuta Bonifacii Archiepiscopi Moguntini, qui cap. II. statuit: *ut Abbates, & Abbatissæ sic caste vivant, ut subjectos, subjectasque illorum, vel illarum exemplum ostendant sanctæ conversationis. Quod si non fecerint, ab episcopo corrigantur, si autem episcopum minime audierint, episcopus Imperatori indicari faciat.* Idem legitur can. 3. Concilii Vernensis.

2. Quæ enim seculi sexti immunitates, & privilegia monachorum in corpore juris pontificii refert Gratianus Caus. 18. q. 2. aut supposititia sunt, aut nihil aliud monachis concedunt, quem liberam Abbatis electionem, aut ad summum immunitates a nonnullis oneribus, quæ monachorum quietem turbaverant, salva Episcoporum jurisdictione, ut ex formulis privilegiorum a Marculpho collectis liquet.

§. 90. Monasteria, quæ seculo VIII. extiterant, conformiter ad monumenta historica in *regalia*, & *episcopalia* dividi possunt. Regia illa dicebantur, quæ vel a Regibus fuerant fundata, vel a fundatoribus in jus regium traducta ¹. Eodem quoque seculo quosdam Abbatum pro ingressu in monasterium pecuniam accepisse, varia ostendunt monumenta ².

1. In Regia monasteria (ait Natalis Alex.) potestatem maximam ecclesie Regibus dedit; verum rectius dixisset: in monasteria Regia Reges sua jura majestatica exercere: eorum enim potestas in talia monasteria in eo consistebat, ut rationem expensarum, & reddituum ipsis reddere debuerint, & absque eorum voluntate institui Abbates, aut Abbatissæ ab episcopis non potuerint.

2. Synodus enim generalis VII. ita habet: *In tantum inolevit avaritiæ facinus in rectores ecclesiarum, ut etiam quidam eorum, qui dicuntur religiosi viri, & mulieres obliviscentes mandatorum Domini decipiantur, & per aurum introitus accedentium ad sacrum ordinem, quam ad monasticam vitam efficiant, unde fit, ut quorum initium improbabile est, omnia sint præjicienda.* Synodus Francofurtiensis can. 16. Audiamus, quæ quidam Abbates cupiditate ducti præmia pro introeuntibus in monasterium requirant. Ideo placuit nobis, ut pro suscipiendis in sancto ordine fratribus nequaquam pecunia requiratur, sed secundum regulam S. Benedicti suscipiantur. Hinc Carolus M. in capitulis, quæ proprie monachos spectant, cap. 15. statuit: *Ut nullus Abbas pro susceptione monachi præmium quærat.*

§. 91. Collapsam jam fuisse seculo nono disciplinam monasticam inde paret, quia Ludovicus Pius opera Benedicti Anianensis in concilio Aquisgranensi anno 817, eandem restauravit, inde Benedictus iste alter monachorum occidentis parens adpellari solet; conflavit enim in prædicto conventu Aquisgranensi veterum Patrum regulas undique conquistas in unam, ita ut non minus deinceps ponderis hæc Benedicti Anianensis *regularum concordantia*, quam ipsa princeps regula S. Benedicti habuerit.

§. 92. Sed tamen factam virtutis monasticæ jacturam reformatio hæc reparare non potuit; seculo enim X. varias ob causas disciplina monastica in occidente pene extincta jacebat. Munificentia *Wilhelmi Aquitaniæ Ducis* monasterium *Cluniacense* in Burgundia anno 910. fundatum est, ejusque regimen *Bernoni Abbati* Belmensi concessum. Is reformationem novam adgressus traditionem observantiæ regulæ Benedictinæ purioris collegit, eamque paululum immutatam, assumpto etiam atro vestitu, fundamenti loco posuit. Ejus successor *S. Odilo* rem plene perfecit, cujus præsertim opera brevi duo millia cœnobitarum sunt reformati. Abhinc nomen ordinis *Cluniacensis* innotuit.

I. Corrigendus hic quorundam error, qui in ea sunt opinione, ac si ordo Cluniacensis novam institutionem monasticam, seu novam monachorum sectam significet. Qui enim ita putant, in eo errant, quod sensum vocabuli *ordo* verum non perspiciant, sed ex significatione hodiernæ veterem ejusdem notionem præstentur, contra ac regulæ criticæ exigunt; *Ordo* enim nomine intelligitur quoque multorum monasteriorum societas, seu congregatio, quæ unum habet caput, & eadem vivendi leges sequitur. Cluniacensis itaque ordo non fuit nova monachorum familia, sed societas monasteriorum, quæ juxta regulam Benedictinam vivebat, quorum caput Cluniacensis erat Abbas.

§. 93. De puerorum oblatione a parentibus facta ex præscripto regulæ Benedictinæ nata est seculo nono controversia, an in posterum irrevocabilis censi deberet? *Rabanus Maurus* scriptum ad Ludovicum Imp. dedit libellum *contra eos, qui oblationem contra regulam S. Benedicti destruere volebant.* (§. 37.) viguit proin etiam deinceps in ordine Benedictino oblatio puerorum non secus, ac antea, ut constat ex *Pascasii Radberti* expositione psalmi quadragesimi quarti, qui eas vocat vota parentum, imo in *Conventu Aquisgranensi* de anno 817. Abbatum Franciæ canone quadragesimo quinto statutum: *ut scholæ in monasterio non habeantur, nisi eorum, qui oblati sunt* (§. 517. Tom. 1.)

§. 94. Dignissimum notatu est, *Carolum M.* lege lata prohibuisse, ne quis monasterio, aut etiam clero nomen daret absque suæ majestatis licentia, quia nonnulli ignavia instigante vitam monasticam profitebantur, ut se a publicis functionibus liberarent, alios Abbates cupiditate suadente circumveniebant, ut eorum bona monasteriis, quibus se mancipabant, donatione obtingerent.

I. Lex hæc lata in *Capitalari II.* anni 825 sequentis est tenoris: *De liberis hominibus, qui ad servitium Dei se tradere volunt, ut prius hoc non faciant, quam a nobis licentiam postulent. Hoc ideo, quia audivimus, aliquos ex illis non tam causa devotionis hoc fecisse, quam pro exercitu, seu alia functione regali fungenda, quodammodo capitalis causa ab his, qui nos ad hoc compescunt, circumveniente. Injunctum; & hoc ideo fieri prohibemus. Hanc Caroli legem ab ecclesia non fuisse receptam ait *Natalis Alexander*, qui in re videtur vitiis sui sævi abiectus erravit, cum tunc temporis jura publicum universale nondum satis excultum fuit.*

MEMBRI II. SECTIO I.

DE

FATIS ECCLESIAE EXTERNIS.

CAPUT PRIMUM

DE

FATIS ECCLESIAE PROSPERIS.

§. 95. Saraceni seculo nono Siciliam occuparunt, neque ullis inde tam Græcorum, tam Latinorum iteratis conatibus expelli adhuc poterant. Hac vero ætate anno 1059. *Robertus Guiscardus* Normanus Apuliæ Dux autoritate *Nicolai II.* Papæ cum fratre suo *Rogério* magno eos animo adgrediebatur, nec bellandi ante finem faciebat Rogerius, quam totam insulam occupasset & a Saracenis purgasset. Quo opere magno anno 1090. perfecto deletam pene a Machumedanis Christianam religionem restituebat, episcopos constituebat, templaque extruebat. Posterius ejus ad duodecimum seculum primo Ducum, deinde Regum nomine Siciliam possederunt.

I. Ab hoc fortissimo viro *Monarchia Sicula* originem habet; *Urbanus* enim II. ei indulsit, ut nullum in suis ditionibus legatum pontificium recipere teneretur, qui præter voluntatem suam missus esset, imo ut ipse autoritate apostolica, quæ per legatum pontificium cohibenda forent, cohiberet. Diploma, quo *Urbanus Rogerium*, ejusque successores legatos natos creasse dicitur, aulam Romanam fictum esse contendit, unde illæ contentiones inter Pontifices, & Reges Siciliæ de *Monarchia Sicula* etiam hoc seculo natæ.

§. 96. De propaganda in Asia religione Christiana, & maxime de abripienda Machumedanis Palæstina jam *Sylvestro II.* cogitabatur. (§. 10.) Sed ob calamitates Europæ consilium effectum caruit. *Gregorius VII.* in pontificatus sui exordio Christianorum Asiaticorum de crudelitate Machumedanorum querimoniis excitatus ipse bellum sacrum gerere volebat, & jam ultra quinquaginta millia se præparabant ad eum in hac expeditione sequen-

Gm. hist. eccl. T. II.

dum, ut constat ex illius Ep. 31. L. 2., verum lis cum *Henrico IV.* alique improvisi eventus dimittere eum hoc propositum jubebant.

§. 97. Elapso fere seculo XI. *Petrus* quidam cognomine *Eremita* renovandi ejus occasionem *Urbano II.* suppeditabat. Is in Palæstinam anno 1093. profectus magno cum animi dolore incredibiles molestias, & ærumnas spectaverat, quas Machumedani Christianis ad loca sacra commeantibus inferre solebant. Itaque zelo quodam, quem divinum nominabant, animatus per Europam discurrebat, Principesque Christianos ad bellum Palæstinæ tyranis inferendum inflamabat, imo epistolam de cœlo ad populum Christianum hac de re scriptam circumferebat, quo facilius simplices animos caperet.

§. 98. Mentibus hac ratione calefactis Urbanus II. anno 1095. in concilio, quod Placentiæ celebrabat, bellum hoc sacrum primum suadebat; verum paucis periculosissimum negotium placebat. Felicius in concilio, quod paulo post sequebatur, *Claramontano* res succedebat; Gallorum enim animos tumida Urbani oratio adeo commovebat, ut innumerabilis multitudo omnis ordinis, & ætatis ad bellum in Palæstina inchoandum paratissimam se præberet¹. Qui hæc castra sequebantur *cruciati*, & ipsa expeditio, quam susceperant, *cruciata* dicebatur².

1. Formidolosus, & ad ardua quævis superanda idoneus exercitus hic videbatur, revera tamen debilis, & ignavus erat, maxima enim sui parte ex monachis, opificibus, oratoribus, mercatoribus, servis, facinorosis, infimæque tardæ plebis, & meliorem fortunam quærentis sentina constabat, a quibus fortitudinem bellicam frustra quis expectat.

2. Id partim propterea, quia se crucem Domini ex manibus hostium ejus ereptum proficisci asseverabant, partim quia crucem ex alba, rubra, viridive lana dextro humero affixam gerebant.

§. 99. Octies igitur centena hominum millia, quod fide non indigni scriptores memoriæ prodiderunt, anno 1096. ex Europa, sed variis itineribus, & diversis sub præfectis Constantinopolim tendebant, ut hinc *Alexii Comneni* Imp. Græci consilio, & ope adjuti in Asiam migrarent. Author belli *Petrus Eremita* fune succinctus primus agmen 80000 per Hungariam, & Thraciam ducebat, sed hoc maximam partem ab Hungaris, & Turcomanis misere trucidabatur, neque alios quosdam hujus generis exercitus imperitis belli ducibus instructos fortuna melior expectabat.

§. 100. Paulo felicius iter hoc conficiebant, quibus Duces erant rei militaris periti. *Godofredus Bullionæus* inferioris Lotharingiæ

Dux vir maximus sui temporis heros cum fratre *Balduino* bene compositum 80000 millium tum peditum, tum equitum exercitum per Germaniam, & Hungariam ducebat, fretum Gallipopolitanum trajiciebat, & in Bithyniam transibat. Obsidebat primo metropolim Bithyniæ *Niceam* (ubi tum temporis Saracenorum Imperator sedem suam habuit) & anno 1097. expugnabat. Hinc per Asiam minorem in Syriam proficiscebatur, & anno 1099. urbem Hierosolymam in potestatem suam redigebat '.

- I. Die a capta urbe octavo Godofredus Rex Hierosolymitanus cunctorum suffragiis fuit declaratus, quo tamen titulo modestie causa abstinebat, procumbentique ad sepulchrum Domini, dum auream coronam abjecit, spinea imposita fuit. Hinc epigrama illud :

Lauream non hominem gestare, nec aurea Regem
Fas, ubi Res Divum spinea sarta tulit.

§. 101. Novum, quod Hierosolymis condiderunt Christiani regnum sub exordium seculi XII. florere, & firmis uti præsidii videbatur. Sed secundis his rebus post breve tempus adversæ succedebant: nam cum plerique sacrorum militum domum reversi essent, Christiani autem Duces, & Principes, qui in Palæstina manserant, privata magis commoda sua spectarent, quam publica, Machumedani collectis undique copiis Christianos perpetuis bellis lacescebant. Hi quidem per plures annos fortiter hostes depellebant, postquam vero *Atabek Zenghi* post diuturnam obsidionem urbem *Edessam* ceperat, Regum Christianorum in Europa opem implorarunt, & novos cruce signatorum militum exercitus poscebant. Favebant Pontifices his precibus, nihilque intentatum relinquebant, ut alteram expeditionem in Palæstinam Imperatori, ceterisque Regibus persuaderent.

- I. Plurimi conjiciunt, Pontifices expeditiones cruciatis suasisse, ut potestatem, auctoritatemque suam amplificarent, Latinorum vero Imperatorum, Regumque potentiam debilitarent, præter opinionem autem Pontificum per ipsas expeditiones cruciatas Reges potentiores factos fuisse, cum per eas clientes, vasallosque suos bellicosos longius amoverint, & insuper opibus exuerint. Sed fundamento hanc conjecturam destitui, qui accuratius omnia consideraverint, non dubitabunt, certe divinare, & prævidere non poterant Pontifices. fore ut tot Principes, & omnis generis homines ex Europa in Palæstinam proficiscerentur, imo ante videre non poterant, has expeditiones utiles illis futuras; omnia enim, quæ ad Pontifices, totumque clerum ex his bellis venire emolumenta, & tam auctoritatis, quam divitiarum incrementa non statim in ipso belli exordio inventa, & constituta, sed paulatim, & gradatim casu potius, quam consilio introducta sunt, ut adeo de proferendis potestatis suæ finibus per hæc bella eorum auctores pontifices ne quidem cogitarent. Adde existimasse ipsos Pontifices, una expeditione, eaque brevi rem totam confectum iri, Deumque ipsum miraculis Christianæ religionis hostes, & injustos Palæstinæ possessores oppressurum esse, porro Hierosolyma expugnata plerisque Principes Europæos, & milites in Europam rediisse, quod certe non permisissent Pontifices, si ex bello hoc gloriæ, & opum incrementum expectassent.

§. 102. Deliberabatur de hoc bello sacro diu in nonnullis comitis populorum, & conciliis. At dirimebat litem sub Eugenio III. Papa celebris ille Clarævallensis Abbas S. Bernardus, vir immensæ autoritatis. Quum enim is anno 1146. in Gallia, & Germania maxime in comitiis Gallorum *Veziliacensibus* (ut illa ætate loquebantur) *crucem prædicaret*, & magnas victorias, prosperrimosque rerum successus polliceretur *Ludovicus VII.* Gallorum Rex, ingensque numerus procerum sacræ se militiæ devovebant. *Conradus III.* Germanorum Imperator primum S. Bernardi monitis resistebat, at post moram tamen quamdam exemplum Gallorum Regis sequebatur. Uterque igitur numerosissimo cum exercitu, diverso tamen itinere in Palæstinam proficiscebatur; verum pars maxima utriusque exercitus in via partim fame, partim gladio Machumedanorum, partim naufragiis misere periit. Conradus Majo mense anni 1157. in viam se dabat, & ejusdem anni mense Novembri *Nicieæ* maxima suorum parte in itinere amissa Ludovico se jungebat. Uterque anno 1148. Hierosolymam proficiscebatur, & anno 1149. paucos, qui supererant, milites in Europam reducebat, nihil enim propter intestina Principum dissidia effici ab illis poterat.

§. 103. Neque tamen res Christianorum in oriente per infelicem secundæ expeditionis sacræ exitum desperata fiebat. Si Christiani Principes junctis viribus, & amota discordia hostes adgressi essent, restitui ea potuisset; at Latini omnes, proceres imprimis suis ipsi rixis, & inimicitiiis se debilitabant. Hinc *Saladin* fortissimus Dux Machumedanorum in fatali prælio anno 1187. ad Hierosolymam commisso Christianos prostravit, eodemque anno Hierosolymam urbem in potestatem suam redigebat. Post tantam cladem omnis rerum Christianarum in oriente spes in auxilio Regum Europæorum posita erat. Obtinuit illud Romanus Pontifex post multas, variasque sollicitationes, sed eventus votis haud respondebat.

§. 104. Inchoabat tertiam expeditionem sacram *Fridericus I.* cognomento *Ænobarbus* a rusa barba, Italis *Barbarossa* vocatus, qui anno 1189. magno cum Germanorum exercitu per Græcorum provincias in Asiam minorem, & hinc in Syriam penetrabat. Cum vero Imperator sequenti anno in fluvio *Saleph*, vel ut alii ajunt, *Serra* incertum qua ratione infelicitè perisset, magna pars militum ejus in Europam revertebatur, reliqui sub Imperatoris mortui filio bellare quidem pergebant, at plurimos pestis consumebat, quæ postquam ipsum etiam eorum Ducem Imperatoris filium occidisset, pauci superstites ad suos redibant.

§. 105. Sequebantur Imperatorem Fridericum anno 1190. Rex Galliarum *Philippus*, & Angliarum *Richardus* cognomine *Cor Leonis*. Uterque itinere maritimo in Palæstinam selecto cum exercitu pervenit, nec infeliciter primo cum hoste certarunt. Verum Galliarum Rex anno 1191. mense Julio post expugnationem urbis *Acrae*. Europam repetebat, relicta tamen exercitus sui in Palæstina parte. Post ejus discessum Rex Angliarum bellum acriter prosequabatur, nec *Saladinum* tantum præliis quibusdam vincebat, sed etiam *Jiffam*, & *Cæsaream* Palæstinæ urbes occupabat, verum idem a Gallis, & Italis desertus, aliisque gravibus rationibus commotus anno 1192. trium annorum, totidemque mensium, & dierum inducias cum *Saladino* paciscebatur, & paulo post cum suis Palæstina excedebat.

I. Tempore harum expeditionum tres celeberrimi ordines equestres, seu militares nascebantur, quorum munus erat itinera latronibus purgare perpetuis Machumedanorum certaminibus lacessere, pauperibus ad loca sacra comeantibus, & ægrotos invisere. Primus ordo equitum *S. Joannis Hierosolymitani* nomen habet a domo hospitali, seu xenodochio *S. Joanni Baptistæ* in urbe Hierosolyma dicato, quo pii quidam fratres inopes, & ægrotos Hierosolymam venientes excipere, ac fovere solebant. Quum hæc domus post conditum a Christianis regnum Hierosolymitanum liberalitate honorum virorum majores in dies redditus acquireret, ejus præfectus seu magister *Raymundus du Buy* circa annum 1120. cum fratribus suis in bellum etiam contra Machumedanorum sumptibus suis se proficisci velle sponderat. Ita repente ac præter opinionem ex pauperum, & ægrotorum ministris ab omni strepitu remotis milites fiebant, totusque ordo in tres classes dividebatur, in equites, id est milites nobiles, & illustri loco natos, quorum esset pro religione Christiana dimicare, in sacerdotes, qui sacra in templis ordinis facerent, & in fratres servientes, id est, ignobilis conditionis milites. Maxima edidit hic ordo fortitudinis suæ specimina, & immensas per eam opes sibi comparabat. Amissa Palæstina transibant equites in insulam Cyprum, postea insulam *Rhodium* vi, & armis anno 1310. occuparunt (inde milites *Rhodi* dicti) quam duobus fere seculis tenuerunt, donec a *Solimano* diuturna obsidione, & numero hostium magis oppressi quam victi mutare solum coacti *Melitam* insulam *Caroli V. Imp.* beneficio acceperunt, unde & *Melitenses* vocantur. Alter ordo non ex militibus & sacerdotibus compositus, sed totus militaris erat. Dicebatur ordo *Templariorum* a domo templo *Salomonis* vicina, quam *Baldunus II. Rex Hierosolymitanus* primis equitibus ad tempus dabat incolendam. Cœpit is anno 1118. Hierosolymis auctoribus *Hugone de Papanis*, *Godofredo de S. Amore*, ac septem aliis, quorum nomina ignota sunt. Regulam vero, & stabilitatem anno 1128. in concilio *Treconsi* in Gallia accepit. Juebantur equites armis religionem Christianam defendere, viarum securitati prospicere, in Palæstinam denique peregrinantes tutos a Machumedanorum crudelitate, & latrocinii præstare. Peperit ubi etiam hic ordo magnam celebritatem, & divitias, sed postea extinctus, ut suo videbimus loco. Tertius ordo equitum *Teutonicorum S. Mariæ Hierosolymitanæ* similis est primo, id est, curam pauperum, & ægrotorum præter militiam exigit. Ortus est anno 1190. in obsidione urbis *Acrae*, seu *Ptolomæidis* (quamquam sint. qui ante hanc obsidionem Hierosolymæ initia ejus, sed per ægrotorum, & vulneratorum curam susceperint. institutum hoc ita Germanis qui præsentibus erant, Principibus placuit, ut ordinem equestrem ejus causa in hunc ordinem aditus patebat, nisi Germanis, lisque nobilibus. Qui vero repauperum, & ægrotorum ministerio se consecrabant. Initia ordinis valde erant severa, præmia enim laborum, quos sustinebant equites, vestimenta erant, panis, & aqua.

§. 106. Seculo XIII. primam expeditionem sacram *Innocentius* III. Papa imperabat, at pauci Europæi, jussis ejus obtemperabant. Post varios conatus plerisque in provinciis vanos proceres quidam Gallie facto cum Venetis fœdere cum mediocri exercitu mari se committebant; at non is erat hujus belli eventus, quem Pontifex sperabat, Franci enim, & Veneti non in Palæstinam, sed Constantinopolim navigabant, & anno 1203. hanc urbem expugnabant, ut Imp. *Isaacum Angelum*, qui eorum opem contra injurias fratris *Alexii* imploraverat, in dignitatem restituerent.

§. 107. Alteram expeditionem sacram anno 1217. sub Papa *Honorio* III. Itali, & Germani junctis copiis suscipiebant. Dux exercitus erat *Andreas* Hungariæ Rex, cui se *Leopoltus* Austriacus, *Ludovicus* Bavarus, alique Principes junxerunt. *Andreas* post paucos menses Europam revertebatur, reliqui Daces anno 1200. *Damiatam* Ægypti urbem munitissimam expugnabant, sed non diu secunda hac fortuna utebantur, sequenti enim anno classis Saracenorum classem Christianam comœatu intercluso funditus evertibat, quam jacturam nullo consilio reparabilem jactura *Damiatæ*, & omnis simul spei, quam maximam Christiani conceperant, sequebatur.

§. 108. Novus igitur per universam Europam exercitus militum pro cruce certaturorum ab oratoribus, & legatis Pontificis conscribatur, qui tanto major, & nobilior erat, quanto certior spes affulgebat, fore ut ipse *Fridericus II.* Imp. Duce[m] se ei præberet. Promiserat enim hoc *Fridericus* Pontifici, & crucis signum ad Hierosolymitanam expeditionem ex manu *Hugolini* Cardinalis Ostiensis accepit, nec fidem fallere posse videbatur, postquam cum *Jolanda* filia comitis Brienæ, & Regis Hierosolymitani, quam anno 1123. matrimonio sibi junxerat, dotis loco regnum Hierosolymitanum acceperat. Cum vero vario obtentu iter per decem annos differebat, ab *Honorio* III. precibus, & minis ad implenda promissa frustra excitatus a *Gregorio IX.* Honorii successore anathemate percussus est. Post hæc exiguo cum comitatu copias adventum ejus ægre in Palæstina expectantes sequebatur. Præsens in Palæstina bellum non gerebat, sed componebat: invitis enim, & insciis commilitonibus pacem, seu potius decem annorum inducias cum *Melico Camelo* Machumedanorum Duce anno 1229. faciebat.

§. 109. Collabentibus post hæc in dies magis Christianorum in oriente rebus *Ludovicus IX.* Galliarum Rex, qui sanctorum fastis est adscriptus, in gravissimo morbo suscepto ex eo con-

valescens anno 1244. voto ad expeditionem Palæstinam se adstrinxit, & crucem ab archiepiscopo Parisiensi accepit. Ad annum 1248. usque negotia domestica voti executionem retardarunt, hinc hoc anno valido cum exercitu, magna classe in Ægyptum navigabat, ut hac provincia occupata eo facilius in Palæstinam, & Syriam penetrare posset. Initia satis læta erant, nam *Damiatam* celebrem Ægypti urbem capiebat, at progressus belli tristissimus. Pestis enim, & fames, intercepto a Machumedanis comæatu, exercitum anno 1250. invadebat: Frater Regis *Robertus* improvide hostem adgressus infelici prælio interficiebatur, Rex ipse cum duobus fratribus & maxima parte exercitus capiebatur. Magna vi pecuniæ (40000 librarum Gallicarum) redemptus quatuor annos in Palæstina consumebat, & anno 1254. cum paucis in Galliam redibat.

- I. Nam de duobus millibus, & octingentis equitibus illustri loco natis, qui Regem ex Francia comitati erant, non plures erant superstites, quam centum, quum ex Palæstina navigaret.

§. 110. Tot miseriis minime fractus invicti animi Rex anno 1270. bellum instaurabat. Igitur ingenti classe denno exstructa multis proceribus comitatus in Africam tendebat, futuro bello Asiatico propugnacula ibi paraterus. Expugnabat statim post adventum castrum Carthaginis: verum paulo post lues pestifera in portu Tunetano maximam copiarum partem, & ipsam Regem die 15 Aug. anni 1270. necabat.

- I. Post hunc nemo Regum Europæorum tanti laboris, & periculi negotium tentare ausus est. Quare Latinorum in oriente regnum paulatim contabescerebat, anno vero 1291. expugnata per Machumedanos Ptolomæide prorsus extinguebatur.

§. 111. Questionem de *justitia* expeditionum cruciatarum historici suam non faciunt, sed jurisconsultis relinquunt, dubia certe, & anceps horum bellorum est *causa justifica*, siquidem sine partium studio consideretur. At quidquid interim de hac re sit, illud certum, infinita mala ex his bellis in utramque rempublicam redundasse, quorum ad nostra usque tempora reliquæ supersunt.

- I. Bella hæc ratione *formæ* justa fuisse, nullum est dubium, eo quod autoritate publica suscepta sint; at vero num etiam ratione *materiæ* justa fuerint? jam seculo XII., & sequenti disputabatur, nam Cathari. seu *Waldenses* contra justitiam *ultramarinæ* (sic nominabant tum hæc bella) opponebant I. ad Corinth. cap. 10. v. 32. *sine offensione estote Judæis, & gentibus, & ecclesiæ Dei*, ad quod illis *Moneta* Dominicanus seculi XIII. scriptor reposuit Gen. Cap. 12. v. 7. Deum Abrahamæ, ut dicit Apost. ad Gal. Cap. 3. v. 29, nobis igitur data est illa terra in possessionem. Sed nec Waldensium argumenta magna, nec *Monetæ* responsiones solidas esse nemo non videt, siquidem belli causam justicam esse unice

lesionem aliter non declinabilem ex jure gentium constat, solam autem religionum diversitatem non esse causam sufficientem ad inferendum bellum jam S. Thomas XIII. scribens seculo, quo cruciatae adhuc frequentes erant, docuit (2. 2. q. 10. art. 8.)

2. Europa enim maxima incolarum suarum parte privabatur, immensa vis argenti in terras extraneas transferebatur, plurimae familiae divites antea, & potentes aut interibant prorsus, aut ad summam paupertatem redigebantur: capita enim familiarum quo sumptus itineris facere possent, terras, agros, praedia aut oppugnorabant, aut vendebant. Alii subditis suis intolerabilia tributa imponebant, quorum moles sic eos terrebat, ut & ipsi domos, agrosque desererent, & crucem sumerent. Taceo nova, & permulta saepe jura, quibus haec bella occasionem suppeditabant. *Un cruzado era soldado de la iglesia, y gozaba de todos los privilegios de los subditos de la iglesia. Sus bienes estaban bajo la proteccion de la iglesia, y eran tan sagrados como los eclesiasticos. No podia ser citado ante los jueces civiles: pertenecia al fuero eclesiastico. Ninguno podia apremiarle, y la delacion de los pagos no le ocasionaba el pagar los réditos porque la cruzada los eximia de ellos. ¿Qué extraño es pues que á una empresa con tantas ventajas acudiesen tantos? (Spittler).* Hinc autem evenit, ut qui vel mutuum accipere, vel emere, vendere, aut alias conventiones inire vellet, privilegiis eorum, qui vel crucem sumebant, vel sumere promiserant, renunciare cogerebant. Non minora religio detrimenta ex istis bellis capiebat, opes enim templorum, & monasteriorum multis modis augebantur, quia crucem sumerentes, quoniam sese vitae periculis objecerant, testamenta plerumque condebant, & in his templis, ac monachis partem bonorum suorum legabant. Sed haec detrimenta ex opum incremento in religionem manantia modica sunt si cum iis comparentur, quae ex episcoporum, & Abbatum, magno numero in Asiam migrantium, diuturna absentia oriebantur: subditi enim eorum sine legibus vivebant. inde corruptio tum cleri, tum monachorum. Ex Graecia, & oriente expeditionum cruciatarum tempore multi in Europam sancti antea Latinis ignoti transferebantur, de quorum vita, rebusque gestis merito dubitatur, reliquiarum denique falsarum multitudo in Europam portabatur; omnes enim qui domum ex Asia redibant, sacras reliquias, quas magno pretio a fraudulentis Graecis, & Syris emebant, tamquam ipollia egregia secum tulerant.

§. 112. In occidente Borussi, gens ferocissima, adhuc seculo XIII. ineunte in majorum superstitione persistebant, neque cohortationibus, & rationibus, sacerdotum ad eos aliquoties missorum, ut Christo nomen darent, adduci poterant. Hinc *Conradus* Massoviae Dux vim adhibendam esse duxit, atque ordinis teutonici equites, qui ex Palaestina ejecti Venetiis consederant, magnis promissionibus anno 1230. ad Borussos domandos, & Christianis sacris initiandos invitavit. Venerunt hi Duce *Hermano Balkio*, atque bellis pertinaciter per quinquaginta tres annos gestis ægerime ab illis impetrabant, ut equitum dominationem ferrent, & Christo nomen darent.

§. 113. Seculo XV. pene consumpto Lusitani navigando in Indiam, & Aethiopiam penetrabant, nec multo post anno 1492. *Christophorus Columbus* aditum ad Americam detectis insulis Hispaniola, Cuba, Jamaica, aliisque patefecit. Posthac *Americus Vesputius* civis Florentinus ad continentem pervenit. Harum regionum Europaeis antea incognitarum incolas novi hi Argonautae

notitia evangelii illustrandas esse censuerunt. Quum dein America inter Hispanos, & Lusitanos divisa est, ab utraque gente hortante *Alexander VI.* Papa Dominicanorum, & Franciscanorum multi in has terras missi sunt, qui populos ad Christum ducebant. (*Mamachii orig. & antiq. christ. Tom. II. de introducta per gradus in America religione Christiana*).

CAPUT SECUNDUM

DE

FATIS ECCLESIAE ADVERSIS.

§. 114. Seculo XI. Saraceni, quamvis ipsi variis premebantur malis, omni tamen calamitatum genere Christianos obruebant alios trucidantes, mutilantes alios. Turci vero non modo Saracenos in angustias redigebant, verum optimas etiam imperii Græci provincias ad Pontum Euxinum sitas sibi subjecerant, reliquas perpetuis incursionibus exhauriebant, nec valebat Græcorum respublica enervata resistere.

§. 115. In Hispania Saraceni maximam Christianorum partem præmiis, conjugiiis, pactis inducebant, ut ad Machumedana sacra transirent. Qui Danos inter, Hungaros, & Slavos antiquis superstitionibus magna adhuc copia faventes vivebant Christiani, ab iis crudelissime vexabantur, quare Christiani Principes supplicium passim in eos statuerunt, qui idololatriam sectabantur.

§. 116. Seculo XIV. Turci æque, ac Tartari in Asia dominantes variis in locis Christianæ religionis semina funditus deleverunt. Machumedanam religionem Tartarorum gens, ipseque potentissimus illius Imperator *Timurbeg*, sive *Tamerlanes* suscepit qui deinceps nutu suo innumeram hominum multitudinem ad deserenda sacra Christiana incitavit; at vero etiam adhibebat & arma (*Muratorius*).

§. 117. In Orientis regionibus in dies aliquid de amplitudine religionis Christianæ per Machumedanos detractum est. Neque in Tartaria, neque in alia harum amplissima provincia seculo XV. vestigia religionis Christianæ cernere licet. Decus tandem omne rei Christianæ occidit capta a *Machumede II.* anno 1453.
Gm. hist. eccl. T. II.

Constantinopoli, non enim fuit amplius Christianis quo adversus quotidianas victorum injurias res suas munirent, aut irruentem inscitiam, & barbariem fugarent ?

1. In China tantum Nestoriani generis tenues quædam reliquæ reperiuntur. Constat enim seculo adhuc decimoquinto supremum Nestorianorum in Chaldaea Pontificem in Cathajam, & Chinam episcopos misisse.

2. Cohortatus est quidem *Pius II.* Papa *Muchamedem II.* ad sacra Christiana suscipienda, sed in incassum.

MEMBRI II SECTIO II.

DE

FATIS ECCLESIAE INTERNIS.


CAPUT PRIMUM

DE

STATU LITTERARUM, AC ERUDITIONIS.

§. 118. In ecclesia Latina seculo XI. studia quodammodo inter monachos reviviscebant, ceteri enim, maxime viri nobiles, & potentes ingenii cultum despiciebant. Ad hujus quidem seculi exordium nullæ erant in Europa scholæ, quam monasticæ, & episcopales, nulli litterarum tam sacrarum, quam humanarum magistri nisi monachi Benedictini. Sed ineunte hoc seculo alii etiam sacerdotes, & viri docti in multis Gallia, & Italiae urbibus juventutem sibi erudiendam sumebant, qui quidem & plures disciplinas docebant, quam monachi, & felicius quasdam earum, quas monachi tractarunt, explicabant.

§. 119. Sub initium seculi in plerisque scholis adhuc septem, quæ vocabantur, artes liberales tradebantur. Initium fiebat a grammatica, hinc ad rhetoricam progrediebatur, sequebatur dialectica. Hoc *trivium*, uti loquebantur, superato, qui majorem adpetebat



doctrina, per *quadrivium* pergebat. Hic vero docendi ordo in omnibus occidentis scholis non leviter elapsa media seculi parte mutatus est; nam quum *dialectica*, quæ metaphysicam etiam, saltem partem ejus complectebatur, acutorum quorundam meditatione magis, quam ante excoleretur, ita plerosque animos hæc disciplina capiebat, ut grammaticam, rhetoricam, litterasque omnes tam humaniores, quam reliquas negligenter, sola *dialectica*, seu logicis, ac metaphysicis quæstionibus contenti ¹. Hinc ille contemptus linguarum, eloquentiæ, aliarumque artium, & magna illa barbaries, quæ per plura secula orbem latinum oppressit, & theologiam non minus, quam philosophiam corruptit.

I. Maximam illo tempore laudem ex *dialectica* emendanda, & ad vitæ humanæ usum accomodanda consecuti sunt *Laufrancus* Italus, *Anselmus* uterque episcopus Cantuariensis in Anglia, & *Odo* episcopus Cameracensis. Quorum quidem primus tanta illa ætate artis hujus cognitione valebat, ut *dialecticus* vulgo diceretur. Ab *Anselmo* celeberrimum istud argumentum, quod *Cartesianum* vulgo dicitur, excogitatum est, quo existere Deum ex entis perfectissimi notionæ demonstratur, ejus autem firmitatem *Gounilo* monachus Gallus illa jam ætate oppugnabat, cui singulari libro *Anselmus* satisfacere studebat.

§. 120. Vix vero paululum adoleverat *dialectica*, cum acris inter cultores ejus contentio de *objecto* hujus artis nasceretur ¹. Dabant hoc omnes, *dialecticam* in considerandis, & comparandis inter se *universalibus* occupari, quum rerum singularium utpote mutationi obnoxiarum nulla possit esse scientia metaphysice certa, dubitabatur vero, utrum universalia ad classem rerum, an vero ad classem *nominum* referenda essent? Itaque alii universalia contendebant esse res, qui *Platonis*, *Boethii*, aliorumque auctoritate nitebantur, alii e contra ea nihil esse dicebant præter vocabula, & nomina, & hi *Aristotelis*, *Porphirii*, aliorumque suffragiis sese tuebantur. Illi *Reales*, hi *Vocales*, seu *Nominales* vocabantur. Utrique iterum in varias sectas progrediente tempore distracti.

I. Contentio hæc in se quidem levis, & futilis, dudumque in scholis agitata, at si eventum spectes, magna & gravis erat, quoniam dissidentes sententias suas ad explicanda religionis dogmata adhibebant, & mutuo se odiosis consecutariis onerabant, quum etiam hæreseos una pars alteram incusabat.

§. 121. Seculo XII in ecclesia Latina magnam partem ardor incredibilis invadebat scientias amplificandi ¹. Coibant hinc passim collegia, & sodalitates virorum doctorum varias disciplinas tradentium, ad quas quum juvenes discendi causa confluerent, paulatim scholæ illæ majores formabantur, quas sequenti seculo *universitates* nominarunt. *Lutetia* *Parisiorum* virorum doctorum, scholarum varii generis, discentium denique numero cunctas Europæ urbes superabat. In Italia schola *Bononiensis* hac ætate erat

celeberrima, quam quidem illi potissimum adibant, qui juris cognitionem adpetebant. In eadem provincia schola medicorum Salernitana insignem discipulorum numerum alliciebat ².

1. Horum conatibus quidam Pontificum, Regum, ac Principum, qui litterarum, ad rempublicam firmandam, & ornandam utilitatem perspexerant, autoritate sua, & munificentia subvenerant, ut adeo illud Martialis huc quadret: *Sint Mecenates, non deerunt, Flacce, Marones.*

2. Tot scholis in Europa orientibus, Papa Alexander III. anno 1179. in concilio Romano singulari lege scholas etiam monachorum claustris, templisque cathedralibus ubique addi, & additas antea instaurari jubebat. Vim vero legis hujus crescens in dies majorum scholarum splendor, & gloria inervabat, atque ita scholæ claustrales & episcopales paulatim contabescebant.

§. 122. Adhuc omnis initio seculi XII. eruditio septem artibus liberalibus continebatur, quarum quidem tres gramatica, rhetorica, dialectica vulgo *trivium* nominabantur, quatuor reliquæ arithmetica, musica, geometria, & astronomia *quadrivium*. Illis artibus deinde addebatur *Theologia*, non illa vetus, ac simplex, quæ ordine carebat, & nexu, & unice scripturæ, Patrumve auctoritate nitebatur, sed philosophica, seu scholastica, *jurisprudentia* itidem, ac *medicina*, quam physicam iis temporibus nominabant ¹.

1. Hoc autem facto communis divisio artium etiam mutanda fuit. Igitur septem illæ liberales artes paulatim uno *philosophiæ* nomine comprehendebantur, quibus theologia, jurisprudentia, & medicina jungebantur. Unde quatuor illæ *facultates*, sequenti seculo in universitatibus natæ sunt.

§. 123. Veteris juris Romani autoritas in Italia effloruit, & reliquarum legum antea receptarum usum debilitavit, postquam sub *Lothario II.* Imp. anno 1137. in expugnatione Amalphitana codex celeberrimus *Pandectarum*, seu *Digestorum* inventus erat, & in Pisanorum manus venerat ¹; scholæ enim hujus juris Romani in academia Bononiensi aperiiebantur, quod institutum etiam ad alias deinde urbes tum in, tum extra Italiam propagabatur, quibus rebus evenit, ut, cum antea variis legibus homines viverent, jus Romanum paulatim in præcipua Europæ parte primas obtineret, legesque Salicas, Longobardicas, Burgundicas, ac alias extruderet.

1. Las principales causas que hubo para que el derecho de Justiniano se introdujera en Italia fueron: primero, la disputa crítica sobre la significación de la palabra *A. S.*; segundo, la grande habilidad de Irnerio que estudió en Constantinopla, en dónde las bellas letras se levan en Ravenna, y fue llamado tambien á enseñarlas en Bolonia, y después se dedicó enteramente al derecho; y tercero, el descubrimiento de las pandectas en tiempo del Emperador Lotario II. año de Jesucristo 1137. en Amalfi, cuyo código regalo el Emperador á los Pisanos, y el año de

1406. Negó á Florencia, donde se conserva con gran respeto. (Compendio de la historia de las ciencias de F. A. Fabricio, tom. III. pág. 736.)

§. 124. Postquam studium juris civilis Romani in academia Bononiensi reviviscere, etiam jus canonicum ibidem publice prælegi cœpit. Non deerant quidem canonum collectiones antiquæ, nulla tamen scholæ usui accomodata erat præter illam, quam anno 1150. adornavit *Gratianus* monachus Benedictinus cum inscriptione: *concordia canonum discordantium* (quod tamen Gratiani opus hodie communiter *decretum* nominari solet). *Eugenius III.* illud magna cum sui commendatione Bononiam misit, indulsitque expresse, ut publice prælegeretur. Doctores decreti *Decretistæ*, juris Romani vero *Legistæ* vocabantur ¹.

I. Ex Germania æque, ac ceteris provinciis juvenes copiose Bononiam migrarunt, ut gradum doctoris juris aut civilis tantum, aut & hujus, & canonici simul adipiscerentur. Inde postea consuetudo invaluit, doctores studii juridici adpellandi doctores *juris utriusque* civilis nimirum, & canonici, quo utroque omne studium juridicum tum temporis continebatur, jure naturali, civilis, feudali, criminali, aliisque jurisprudentiæ partibus, ex quibus hodie facultas juridica constat, aut ex integro, aut maxima ex parte adhuc ignotis.

§. 125. Sicut principes doctores juris Bononiæ, sic vicissim principes doctores theologiæ seculo XII. vivebant Lutetiæ Parisiorum. Quamobrem quicumque disciplinas sanctiores ex instituto discere volebant, ex universa Europa Lutetiam migrare solebant. Erant autem qui theologiam in Gallia profitebantur, in sectas diversas distracti, prima erat theologia *veterum*, qui dogmata sacra simpliciter ex scriptura, Patribus, & conciliorum decretis demonstrabant, raro vero aliquid ex profanis scientiis admiscere solebant, quos inter præcipui erant hoc seculo *S. Bernardus*, & *Petrus Cantor*. Ab hac secta ex toto differebat illa, quæ *positivorum*, & *sententiariorum* nomine deinceps adpellabatur, ea enim exemplo *Anselmi*, *Lanfranci*, *Hildeberti*, & aliorum præcedentis seculi doctorum sacra quidem dogmata scripturæ, & Patrum oraculis potissimum muniebat, sed ad rationem etiam, & philosophiam, maxime cum objectiones removendæ erant, confugiebat ¹. Ab hoc ergo tempore doctores theologiæ distingui cœpere in *biblicos*, qui & *veteres* dicebantur, & in *scholasticos*, qui & *sententarii*, seu novi vocabantur ².

I. Primas in hoc genere laborum *Petrus Lombardus* (id est, Italus ex Lombardia) Archiepiscopus Parisiensis tulit, cujus libri quatuor sententiarum postquam anno 1162. exierint, tantam subito authoritatem adepti sunt, ut omnes doctores sibi eas explicandas sumerent. Dictus fuit Lombardus *magister sententiarum*, quod nomen inde accepit, quia in suis libris quatuor sententiarum Patrum sententias collegit, & in certum ordinem redegit. Emortualis ei annus 1164.

2. Illi sacram scripturam in suis scholis misere licet plerumque interpreta-

bantur, & dogmata fidei seposita ratione & philosophia nuda explicabant. Hos vero, cum acuminis, ac ingenio ceteris præstare videbantur, juvenus in oculis ferebat, & diligentissime audiebat, cum *biblici* doctores paucos, interdum nullos haberent discipulos.

§. 126. Seculo XIII. maximi litterarum patroni, ac mæcenates erant *Fridericus II.* Imp. & *Alphonsus X.* Rex Castellæ¹. Itaque ubique fere hac ætate majores scholæ erigebantur, juvenibus ad eas confluentibus varia jura concedebantur, & scholis publicis majoribus forma quædam reipublicæ, & propria jurisdictio tribuebatur.

I. Horum prior academiam Neapolitanam condidit, Aristotelis libros latine converti jussit, viros doctos, quos poterat, in aula sua congregavit, alter vero tabulis astronomicis condendis, aliisque libris componendis æternam sibi memoriam peperit.

§. 127. In his autem scholis publicis, quæ Patavii, Mutinæ, Neapoli, Capuæ, Tolosæ, Salamantiæ, Lugduni, Colonix, aliisque locis condebantur, non omnes universæ doctrinæ partes explicabantur, sed quædam tantum disciplinæ. Illa, quæ Parisiis florebat, non tantum numero docentium, & discentium ceteras antebat, sed etiam omnes artes, ac scientias complectebatur, & prima idcirco fuit *universitas*, sive ut loqui solebant, *studium universale*, ad cujus dein exemplum aliæ paulatim formabantur¹.

I. In hac ergo omnium universitatum matre primum in quatuor collegia pro scientiarum, quas profitebantur, diversitate doctores distributi sunt, quæ quidem collegia *facultates* deinde vocabantur. Singulis facultatibus præfuit unus ex doctoribus reliquorum suffragiis creatus, cui *Decani* nomen impositum. Totius universitatis caput primum erat *cancellarius* episcopus nimirum Parisiensis, qui cum officio deesse videretur, deinceps *Rector* ei adjungebatur. Collegium, seu facultatem theologorum ordinabat imprimis, & dotabat anno 1250. Rob. de *Sorbono* vir pius, & opulentus S. Ludovici IX. Regis Gallix amicus a quo & nomen illud *Sorbonæ* accepit, & ad nostram ætatem utitur.

§. 128. Varie ante Latini philosophabantur, at hoc seculo omnes Aristotelis legibus, & imperio sese subjecerunt. Libri quidem Aristotelis præsertim metaphysici latini Lutetiæ Parisiorum jam sub exordium seculi publice explanabantur, ex his vero quum *Almericus* errores suos de Deo, aliisque rebus hausisse videretur, anno 1209. in concilio Senonensi sunt damnati flammis, at tamen paucis annis elapsis anno nimirum 1215. dialectica Aristotelis in academiam Parisinam reducebatur physicis tamen, & metaphysicis ejus libris exclusis. Post hæc Imp. *Fridericus II.* libros Aristotelis, aliorumque veterum philosophorum partim ex arabico, partim ex græco in latinum sermonem converti jubebat. Quæ interpretatio cum ab Imperatore academix Bononiensi, aliisque

commendaretur, Aristotelis autoritas præter omnem modum in scholis Europæis crescebat.

§. 129. Supremum existimationis gradum adtingebat Aristoteles, cum fratres mendicantes Dominici, & Franciscani philosophiam ejus amplecterentur, & in scholis ubique traderent. Principes enim litterarum tum divinarum, tum profanarum hi fratres illo tempore in Europa erant, quos sequebantur fere omnes, qui supra vulgus sapere volebant ¹.

I. Primi commentarios scripsere in Aristotelem *Alexander de Hales* Anglus Franciscanus, & Parisiensis doctor, qui nomen doctoris *irrefragabilis* obtinuit, & *Albertus Magnus* Germanus Dominicanus, & episcopus Ratisbonensis. vir certe non vulgaris ingenii, & communis suorum temporum magister. Post hos discipulus Alberti magnum illud scholarum lumen *Thomas Aquinas* Dominicanus *Doctor Angelicus* dictus unus omnium maxime gloriam Aristotelis amplificavit; nam & docendo, & scribendo libros ejus interpretatus est, & novam operum ejus latinam versionem priori veriore, & clariorem a quodam sui ordinis socio confici curavit. His igitur, aliisque nonnullis autoribus Aristoteles reluctantibus haud paucis theologis, & ipsis Pontificibus invitis inter Latinos principatum obtinuit.

§. 130. Neque tamen viri excellentes, & subtilis ingenii deerant, qui, tametsi magni facerent Aristotelem, humanæ tamen doctrinæ fines longius proferre vellent, & jejuna ex libris Aristotelis philosophandi rationem contemnerent. Inter hos maximum præter ceteros nomen consecuti sunt, & suo etiam jure *Rogerus Baco* Anglus Franciscanus *doctor admirabilis* dictus, vir egregius philosophiæ, matheseos, chymix, artium mechanicarum, linguarum multarum longe supra ætatis suæ modum peritus, præclarisque inventis nobilissimus. *Arnoldus Villanovanus*, quem Francum multi, alii Hispanum esse volunt, Petrus de Abano, seu Apono ¹.

II. Hi tamen omnes hunc ingenii fructum cœpere, ut in magorum, & hæreticorum numerum ab imperita turba referrentur, & ægre rogum effugerent. Baco multos annos in carcere consumpsit, bini reliqui post fata flammis digni ab *Inquisitoribus* judicati sunt.

§. 131. Hæc de philosophia. Theologiæ statum seculi XIII. quod adinet, principatum inter omnes obtinuit *Thomas Aquinas*, quamprimum enim ejus *Summa*, seu institutio theologiæ in publicum prodiit ¹, omnes hoc opus avidissime amplexi sunt, & præter Lombardum docendi, discendique normam assumpserunt. Ad exemplum itaque Thomæ Aquinatis pars maxima theologorum istius ætatis ad Aristotelis se disciplinam composuit, ejusque dialecticam, ac metaphysicam ad fidei dogmata explicanda adhibuit. Hi tamen præter styli barbariem nec definiunt adcurate, nec apte materias distribuunt, imo periculosas hinc inde miscent opinio-

I. *Jo. Launojus* Thomam celeberrimi hujus libri authorem esse eam ob rationem negat, quia *Clemens VI.* in oratione B. Thomæ recens cœlitum numero adscripto habita inter laudationis capitula etiam recenset multitudinem librorum ab eo compositorum, quorum cathalogum cum summa diligentia conscripserit Pontifex, in eo tamen *summa tripartita* desideratur, quomodo autem opus tam grande, si Thomæ sætus esset, fugere potuit Pontificis diligentiam? verum ei reponimus: argumenta negativa in quæstionibus facti nullam vim habere, si ex parte opposita adsunt argumenta positiva ex cœvorum, aut supparium testimoniis petita, porro autem multi authores S. Thomæ cœvi, aut suppres summam theologicam ipsi asserunt. Quid? quod se ipsum in sententiarum libris citet summæ theologicæ author, & opiniones, quas in eo opere junior docuit, corrigat.

I. Hæc si quis illis exprobrabat, respondere solebant: philosophicæ hæc dogmata vera esse, & rectæ rationi consentanea, at facile se concedere, theologicæ falsa esse, quæ quidem responsio satis est inepta, cum recta ratio revelationi, & vice versa contradicere nequeat.

§. 132. Studium juris canonici, seu pontificii hoc seculo etiam amplificatum est, nam Raymundus de *Penafort* jussu Gregorii IX. epistolas decretales Pontificum in libros quinque distributas collegit, quæ anno 1235. Bononiæ publicatæ sunt, & anno 1241. ibidem etiam publice doceri cœperunt, ex quo tempore doctores juris pontificii jam non *Decretistæ* (§. 124.), sed *Decretalistæ* dicebantur.

§. 133. Philosophia seculo XIV. æque sicut præcedenti aristotelica, seu *peripatetica* fuit, at minus bene ab his intellectus, & omni quam habebat, pulchritudine nudatus est Aristoteles. *Realium & Nominalium* controversiæ acrius, quam antea renovatæ sunt auctore *Wilhelmo Occamo* Franciscano doctore Parisiensi, qui princeps fuit Nominalium¹, & doctor *invincibilis*, vel *singularis* dicebatur. Reales adversarios suos tanquam heri natos philosophos contemnebant, & *modernorum* nomine notabant. Nominales contra illos nugas agere spectraque mentis pro rebus vere existentibus habere disputabant.

I. Reales tamen numero superabant Nominales, Pontificis simul Romani benevolentia valebant; Occamus enim nominalium princeps cum schismatis tempore *Angelo de Cortario* contra Joannem XXII. adhæssisset, hic Joannes primum, dein successores ejus nihil intentatum reliquerunt, ut Nominalium philosophiam, quæ inimica videbatur ecclesiæ, opprimerent, hinc academia Parisiensis anno 1339. publice philosophiam Occami damnavit.

§. 134. Theologi hujus seculi toti quanti erant scholastici, dialecticas subtilitates ad dogmata adplicantes, variisque de rebus magnas inter se controversias alentes¹, quibus hoc seculo novam & copiosissimam materiam suppeditabat *Joannes Duns Scotus*,

doctor subtilis dictus, ex ordine S. Francisci, qui res nonnullas Thomæ Aquinatis oppugnabat.

1. Distinctio nimirum virtualis intrinseca, seu formalis a parte rei, non actualis realis, natura concursus divini, modus gratiæ, alique inepæ scholarum disputationes diviserunt Scoti discipulos a discipulis Thomæ Aquinatis, hinc binæ illo tempore potentissimæ familiæ, Dominicani & Franciscani, inter se divisæ Scotistarum, & Thomistarum sectam condiderunt.

§. 135. Seculo XV. Græcorum, & Orientalium populorum musis Machumedanorum tyranis silentium fere imposuit. Inter Latinos e contrario bono omine ingenuæ artes pristinam gloriam recuperarunt. Causæ hujus erant 1.) Mæcenates, 2.) artis typographicæ inventio, 3.) Græcorum clades, & imperii Constantinopolitani excidium.

1. Hos inter eminet Nicolaus V. Papa, illustris familia Medicea in Italia, & Alphonsus VI. Rex Neapolitanus, qui æternum sibi nomen sua liberalitate, & eruditionis amore compararunt. Hinc academici in Germania, Gallia, Italia extractæ, & bibliothecæ magnis sumptibus collectæ sunt, qui conatus non poterant non magnum scientiis ferre subsidium.

2. De artis hujus inventore Cellarius dixit: illum plus commodi ingenio suo ad communitatem tulisse, quam vel Columbus, aut Americus novi orbis investigatione. Jam quidem seculo VII. post Christum natum typographiæ speciem invenerant Sineses, sed ea, quam hodie habemus, longe imperfectiorem, solebant nimirum in tabula lignea sculpere litteras, earumque cavitates atramento, aut quocumque colore illinire, atque ita tot, quot liberat, exemplaria imprimere poterant. Hæc Sinesium inventio Europæis ad annum 1428. ignota fuit, quo tempore Laurentius Kuster fortuito proprio Marte eandem imprimendi libros methodum detexit, primusque, quem hæc modo impressit, liber erat *speculum salutis*, & Donatus. Kusterum imitatus est anno 1440. Moguntici Joannes a Guttenberg, qui dein opera Jo. Fausti vel Fusti medici, & Alchymistæ celeberrimi. ac Petri Schæfer adjunctus jam non in tabulis ligneis litteras sculpebat, sed litteras ære fusas adhibuit, qua methodo anno 1452. prima vice biblia latina impressa est, cujus exemplar Faustus Parisiis 120. florenis vendidit, dum alias exemplar biblicæ manuscriptæ octingentis, aut etiam mille florenis stetit, quamobrem Faustus suspitionem præstigatoris incurrebat, ac ex Gallia fugere cogeatur. Inde fors notissima de doctore Fausto fabula, & ludi theatrales. Imperfecta quidem adhuc Guttenbergii erat ars typographica, attamen brevi magis exculta, inde vero factum, ut antiqui auctores classici Græcorum, & Latinorum in lucem publicam prodierint, ad eorumque manus etiam venerint, quibus eas sibi in manuscripto procurare res angusta domi non sinebat, uti cecinit *Agratinus* episcopus:

Nuper ab ingenio Rhenanæ gentis, & arte
Librorum emersit copia longa dimisit
Et qui e divitiis vix Regi obvenerat olim,
Nunc liber in tenui cernitur esse casa.
Quæ doctos latuit Græcos, Italosque peritos
Ars nova Germano venit ab ingenio.

3. Doctissimi enim gentis hujus viri expugnata Constantinopoli in Italiam migrarunt, atque hinc in reliquis Europæ provinciis dispersi sunt. Hi juventutem ubique præcarum litterarum studiis fideliter, ut haberent unde viverent, inibatant, hinc nulla fere illa ætate urbs, aut academia celebrior fuit, in qua non

Gm. hist. eccl. T. II.

Græcorum unus ingenuas artes docuisset. Nusquam vero frequentiores erant, quam in Italia, ubi Medicæ familie beneficio, & summa erga bonas litteras voluntate fovebantur, ex quo evenit, ut ex ceteris regionibus discendi cupidi certatim in Italiam commearent.

§. 136. Philosophia aristotelica ante Græcorum in Italiam adventum omnibus in deliciis erat, sed Græcorum aliqui in Italia magnis quibusdam viris loco rixosæ peripateticorum disciplinæ mansuetam & divinam, ut vocabant, Platonis sapientiam commendarunt, cujus amore Itali quidam capti juvenes quosdam illa imbuere curarunt. His studiis contigit, ut repente binæ philosophorum sectæ in Italia nascerentur, quæ diu variis scriptis inter se certarunt: utri philosophorum Platoni, an Aristoteli principatus decerni debeat? Vicerunt tamen Aristotelici, at absurdas religionem naturalem, & revelatam callide subvertentes sententias docuerunt, illi maxime, quorum dux erat *Averroes*: iis enim docuit, unicuique tantum intellectum in orbe existere, qui indivisibiliter inest singulis hominibus, hunc autem esse animam rationalem, quo quidem posito sequitur, unam tantum existere animam, cujus omnes homines participes essent.

- I. Pressi hi philosophi ab *Inquisitoribus* hæreticæ pravitatis sententias suas philosophicæ tantum, non item theologicæ veras esse ajebant. Astutæ huic temeritati modum posuit seculo sequenti Leo X. in concilio generali Lateranensi V., ubi Sess. VIII. damnavit asserentes: *unam in cunctis hominibus esse animam.*

§. 137. In Gallia, & Germania sectæ philosophicæ Realium & Nominalium non solum argumentis, & rationibus, verum etiam adcusationibus, & legibus acerrime inter se pugnabant, & nulla fere academia belli hujus experta erat. Plerisque vero in locis Reales potentiores erant Nominalibus, quos etiam *Terministæ* dicere solebant. In Parisiensi academia, dum Jo. *Gerson* vivebat, ejusque discipuli, eximia erat Nominalium autoritas, his vero mortuis anno 1473. Ludovicus XI. Rex instinctu episcopi Abricensis qui ipsi a confessionibus fuit, doctrinam Nominalium verabat, & libros omnes hujus sectæ tolli, ferroque ac clavis alligari jussit at mitigabat hoc edictum anno 1474; & quosdam Nominalium libros solvi catenis patiebatur, postremo anno 1481. omnibus Nominalium libris libertatem, sectæ ipsi vero pristinam dignitatem in academia restituit.

§. 138. In theologorum scholis fere regnabant illi, qui vocabulis, & distinctionibus dialecticis memoriae onerarunt, ut de rebus divinis ex proposito disputare possent. Pauci restabant ex theologis veteribus, qui *biblici* dici solebant. Exosi tamen jam tum erant multis hi theologi scholastici, a variis enim varie de his sordibus tollendis, aut emendandis deliberabatur. Horum autem

consilii & conatibus autoritas, quam summam habebant, Dominicanorum, & Franciscanorum obstabat, utpote qui in hoc doctrinæ genere excellebant, neque gloriam, quam rixando, & disputando sibi pepererant, obscurari patiebantur.

- I. Noti sunt magni Gersonii in sanandis gregis scholastici morbis labores assidui, qui opusculum edidit de *methodo theologiam studendi*, qui conatus etiam placuere *Sagonarolæ*, & *Petro de Aliaco*, præcipue vero *Nicolao Cusano*, cujus extat liber de docta ignorantia.

CAPUT SECUNDUM

DE

SCHISMATIBUS, HÆRESIBUS ET INQUISITIONE HÆRETICÆ PRAVITATIS.

§. 139. Schisma Græcorum, quod Photius seculo nono inchoavit (§. 53.), seculo XI. *Michael Cerularius* Patriarcha Constantinopolitanus perfecit. Anno enim 1054. epistolam dedit ad *Petrum* Antiochenum Patriarcham, in qua decem septem contra ecclesiam Romanam adcusationis erant capita'. Respondebat ad illa *Leo IX.* Romanus tum Pontifex prolixa, & vehementi epistola.

- I. Horum erat 1) quod Latini azyma consecrantes cum Judæis communicent, nec aptam assumant eucharistiæ conficiendæ materiam, 2) quod suffocata comedant, 3) quod barbas radant, 4) quod sabbatis jejulent, 5) quod immundorum animalium carnibus vescerentur 6) quod monachi Latini carnes edant, 7) quod Latini primam quadragesimæ hebdomadam, necnon quinquagesimæ carniem esu violent, 8) quod symbolo Constantinopolitano particulam *filioque* addiderint, ac male de spiritu sancto sentiant, 9) quod in liturgia hæc verba alta voce proferant: *unus sanctus, unus Dominus Jesus Christus in gloria Dei patris per spiritum sanctum*, 10) quod apud Latinos duo fratres duas sorores ducant, 11) quod in missa tempore communionis ministrorum alter alterum osculetur, 12) quod Latini episcopi a nullis ornentur seu ecclesiarum sponsi, 13) quod Latini episcopi ad bellum proficiscantur, & manus suas humano sanguine contaminent. 14) quod mersionem unicam in baptismo usurpent, 15) quod baptizatis sal in os immittatur, 16) quod nec sanctorum imagines, nec reliquias venerentur, 17) quod *Alleluja* tempore quadragesimali non cantant.

§. 140. Litem hanc ut in suo ortu extingueret *Constantinus* cognomine *Monomachus* Imp. Græcorum Pontificem rogabat, ut legatos Constantinopolim mitteret, qui de pace agerent. Veniebant igitur tres Pontificis legati, litterasque secum ferebant tum ad Imperatorem, tum ad Patriarcham, sed tristis erat legationis hujus exitus; nam cum omnis de pace deliberatio irrita reddita esset, le-

gati Romani anno 1054. Cerularium cum *Leone* Acridano excommunicarunt in templo S. Sophiæ, & exemplari excommunicationis in ara majori posito, pulvereque pedibus excusso abibant. At Cerularius vice versa Pontificem pariter excommunicavit, exemplar vero excommunicationis a Latinis in Græcos latæ comburi jussit.

I. De magno occidentis schismate inferius opportunior erit dicendi locus.

§. 141. *Berengarius* canonicus, & scholæ præfectus Turonensis, dein archidiaconus Andegavensis seculo XI docuisse fertur, Christum in eucharistia realiter præsentem non esse. Oppugnabant eum statim nonnulli in Gallia, & Germania, *Leo* vero IX Papa anno 1050. in concilio primum Romano, deinde in Vercellensi damnavit. Accedebat ad Pontificis judicium Parisiense concilium eodem anno a Rege Francorum *Henrico* convocatum.

I. Recentiores tamen contendunt ex actis concilii Romani sub Gregorio VII. adversus Berengarium habiti, quæ acta ipse Berengarius conscripsit, eum minime circa realem Christi præsentiam errasse, sed tantum asseruisse, panis & vini substantiam etiam post consecrationem perseverare.

§. 142. Mortuo *Leone*, successor ejus *Victor II.* primo in synodo Florentina, dein ejus legati in synodo Turonensi Berengarium damnarunt. Post obitum Victoris, & *Stephani X.* brevem pontificatum *Nicolaus II.*, qui eidem successit, Romæ anno 1059. synodum habuit, in qua Berengarius sententiam suam revocavit. Post hanc synodum revertens in Galliam cum Regem Henricum obiisse, eique succesisse Stephanum vixtum septennem cerneret, sententiam, quam poenarum metu ejuraverat, rursus docere cœpit. Denno *Gregorius VII.* in duobus synodis Romanis eum damnavit, in quarum posteriori sententiam suam sicco animo revocatam aliquamdiu secutus est quidem, attamen postea relictis omnibus in insulam *Cosmæ* Turonibus vicinam migravit, ibique obiit.

§. 143. Subtilem litem anno circiter 1089. Gallia de Trinitate movebat *Roscelinus*; negabat enim, ullo modo intelligi posse, quomodo filius Dei humanam induere naturam potuerit, non vero simul pater, & spiritus S., nisi statuatur, tres in Deo personas tres *res*, seu naturas separatim existentes.

I. Fuit canonicus Compendiensi. dialecticus acutus, sectæ Nominalium addictus, & *Petri Abolardi* præceptor. Cogebatur anno 1092. hunc errorem in concilio Suessoniensi detestari, verum periculo superato eum resumebat, hinc solum vertere jubebatur. Tandem bis exul in Aquitaniam concessit. (*Abailienus.*)

§. 144. Græcis, & ceteris orientis Christianis acriter seculo

XII. cum varii generis fanaticis pugnandum fuit, qui feruntur credidisse duplicem Trinitatem, conjugii & carnis usum rejecisse, omnem cultum Dei externum baptismum etiam cum eucharistia sprevisse. Græci, ceterique orientis populi hoc hominum genus vocant *Massalianos* seu *Euchetas*. Ex hoc genere prodiisse dicuntur *Bogomili* ¹, quorum author *Basilius* medicus & monachus sub *Alexio Comneno* Imp., quum ad frugem revocari nullo modo posset, Constantinopoli igne damnatus est. Quæ de hoc homine, ejusque sententiis memoriæ sunt prodita, satis perspicue docent, ad Manichæorum, & veterum Gnosticorum religionem disciplinam ejus accessisse ².

1. Nomen sectæ huic est a misericordia divina, quam continuo implorasse dicuntur, nam *Bogomilus* lingua *Mysorum* est, qui misericordiam Dei implorat.
2. Mundum siquidem, & corpora non a Deo, sed a dæmone condita esse stætuabat, hinc & Christo verum corpus fuisse negabat, hinc legem Moysis respuebat, hinc resurrectionem corporum negabat, quæ ad pravam materiam reditura esse putabat.

§. 145. *Petrus de Bruis*, & discipulus ejus *Henricus* ¹, ut refert *Petrus Cluniacensis Abbas*, sequentia docuere: 1) homines ante usum rationis baptizandos non esse, eo quod non aliena sed propria fides cum baptismo salvet dicente Domino: *qui crediderit, & baptizatus fuerit, salvus erit, qui autem non crediderit, condemnabitur*, 2) templa non esse extruenda, & jam extructa demolienda, eo quod ubique Deus in taberna, & in ecclesia, in foro & in templo eos, qui merentur exaudit, 3) cruces sacras esse confringendas, quia instrumentum mortis Christi non venerandum, sed ad ultionem mortis ejus omni dedecore afficiendum, 4) in eucharistia Christum realiter non adesse ².

1. *Petrus* post viginti annorum itinera Anatiliæ, sive ad sanum *S. Ægydii* crematus est, *Henricus* vero in carcerem fuit conjectus, ubi decessit.

2. Manichæos etiam fuisse Petrobrusianos fama vulgavit, quam tamen incertam fuisse *Petrus Cluniacensis* significat. Sane Manichæum non fuisse *Brusium* id palam ostendit, quod a carnibus non abstinuerit.

§. 146. In Italia *Arnaldus de Brivia* *Petri Abælardi* discipulus vir moribus severus res novas moliebatur, contendens, omnia bona temporalia esse laicorum, & injuste a clericis retineri, nec salutem consequi posse episcopos regalia, & monachos possessiones habentes. Cum eam ob rem ab *Innocentio II.* in concilio Lateranensi anno 1139. damnatus fuisset, in Helvetiam recedere coactus est, at *Innocentio* mortuo redibat. Post variâ fatâ anno 1155. jussu *Friderici* Imp. captus ad rogam condemnatus, cineresque

in Tyberim projectæ: *ne stolidæ plebis, quem fecerat improbus error, martyris ossa novo, cineresque foveret honore, ut cecinit Guntherus* ¹.

1. Excusari Arnaldus posset, & pœna rogi impulsu S. Bernardi in eum lata satis iniqua fuit, cum enim vidisset, ex immensis divitibus Pontificum, episcoporum, & monachorum mala multa bellaque nasci, tum reipublicæ, tum ecclesiæ salus pascere videbatur, ut sacer ordo congrua sustentatione contentus operas suas imperantibus civilibus reddat; non enim jus habent ob ministerium sacrum præter congruam sustentationem quid exigendi ministri sacri.

§. 147. Inter doctores *scholasticos*, qui veritatem violasse visi sunt, primas tenet *Petrus Abælardus* ¹, auctore potissimum S. Bernardo in concilio Suessionensi, & Senonensi anno 1220, & 1240. condemnatus ². Ipse Abælardus ad sedem Romanam provocavit, ad quam accessurus præpeditus est morbo, obiitque anno 1142. apud monachos Cluniacenses a Petro Venerabili Cluniacensium Abbate cohonestatus amplo, splendidoque epitaphio ³.

1. Post consuetudinem cum *Heloisia*, ex qua filium suscepit, & cujus causa procurante *Fulberto* canonico Parisiensi *Heloisia* patruis virilia ei exsecta fuere, monachus S. Dionysii Parisiis factus est.

2. Bernardus enim in Senonensi concilio asserebat, Abælardum loquentem de Trinitate sapere cum Ario, agentem de gratia sentire cum Pelagio, & de Christi persona scribentem adherere Nestorio, quod Bernardi judicium confirmatum fuit epistola Innocentii II. ad episcopos Galliarum, in qua hæc habentur: *Dolemus, quod in Petri Abælardi pernicioſa doctrina Arii, Manichei, Nestorii, Euzychiti, & Dioscori hæreses pullulare ceperunt: unde universa ipsius Petri perversa dogmata cum suo authore damnamus &c.*

3. Epitaphium Abælardi, ut habetur apud Caveum in seculo Waldensi ita clauditur.

Est satis, in tumultu Petrus hic jacet Abailardus
Cui soli patuit, scibile quidquid erat.

§. 148. In concilio Rhemensi, quod anno 1148. præsidente Papa *Eugenio III.* habebatur, homo quidam fatuus ex minori Britania damnabatur *Eon* nomine. Quum enim in formula exorcismi hæc verba audivisset: *per EUM, qui venturus est judicare vivos & mortuos*, ex convenientia vocabuli EUM cum nomine suo concludebat, se illum *eum* esse, qui vivos, & mortuos judicaturus erit ¹.

1. Medicis tradendus stolidus homo, non hæreticis adnumerandus. Ipse in carcere obibat, multi vero sectatorum ejus, qui in Britania minori habebat, cum ab ejus veneratione abduci non poterant, supplicio ignis necati.

§. 149. Rusticani, & illitterati homines quidam seculo XII. *Apſtolicorum* sectam condiderant; nam vitæ integritatem os-

tentates, omniaque exercentes exterioris pietatis officia se Apostolorum successores esse gloriabantur. Baptismum parvulorum, sanctorum invocationes, & orationes pro defunctis rejiciebant. Non solum ex nuptiarum damnatione, sed etiam ex abstinentia a carnibus, a lacte, & omnibus ex coitu genitis Manichæorum sobolem se probabant.

§. 150. Nulla vero secta ex iis, quæ seculo XII. sunt exortæ, majorem sibi famam, majoremque sectatorum numerum peperit, quam *Waldensium*. Auctor sectæ erat Petrus *Waldo* ex oppido *Vaulx* dives mercator ¹. *Reinerus* quondam inter *Waldenses* episcopus, dein vero ad ecclesiam nostram reversus, ordinemque Prædicatorum ingressus in suo de secta *Waldensium* opusculo errores, quorum adcusabantur, in tria partitur capitula, primum complectitur conceptus de ecclesia, & clero Romano ², alterum circa sacramenta, & tertium reprobationem quorundam rituum ecclesiæ Romanæ. Communia cum *Waldensibus* habuere dogmata *Albigenses* exorti seculo XIII. nomen sortiti ab *Albigensi* civitate, seu *Abia*, aut *Albiga* provincie *Narbonensis* in Occitania, ubi plurimum invaluerunt regnantibus *Philippo Augusto*, & *Ludovico VIII.*

1. Condidit eam anno 1160. sequenti occasione: cum civis quidam *Lugdunensis* subito cecidisset, *Waldo* mortis imagine perterritus vin. ingentem pecunie pauperibus erogavit, quæ beneficentia multitudinem pauperum maximam ipsi consociavit, quibus voluntariam paupertatem, ac Christi exemplar sectari persuasit, hinc ejus sectatores dicti sunt *pauperes de Lugduno*. *Cathari*. seu pueri in *Sabaudia* autem, & *Pedemontii* vallibus *les Barbets*. *Sabatatos* etiam. & Inquod ob nimiam paupertatem calceos deferrent ligneos quos Galli vocant *Sabots*. Dividebantur etiam in *perfectos* & *imperfectos*, quorum quidem illi sponte omni se possessione abdicabant, ipso habitu, & vestitu rerum omnium inopiam profitebantur, crebris jejuniis corpus attenuabant, hi vero paulo liberalius, & receptis moribus convenientius, etsi sine omni fastu & luxu vivebant.

2. *Fleuryus* ad annum 1184. scribit *Waldenses* initio errasse in eo dumtaxat. quod paupertatem desiderant, & fanaticam profitebantur, spernebantque ecclesiasticam potestatem. *Reinerus* autem in iis sequentia reprehendit: 1) quod adimvero ecclesiam Romanam sub *Sylvestro* Papa defecisse, quia tunc adimvero mobilia bona tunc possidere cepit, 2) quod ecclesia Romana sit meretrix inrum cepit, episcopos scribas, & monachos phariseos, 3) Papam esse omnium errorum homicidas ego ob bella iniusta (§. 111 1) ab ipsis adprobata. & decreta. 5) uni Deo parendum esse, non prelati, 6) neminem in ecclesia altero esse majorem juxta illud *Matth. C. 23. Omnes vos fratres estis*. 7) decimas solvendas habere debere juxta illud *Deuter. C. 18. non habebunt sacerdotes, & omnes, qui de tribu Levi sunt, partem, & hæreditatem cum populo Israel. quia sacrificia comedunt, & nihil aliud accipiunt*, ideo clericos omnes manibus operari debere Apostolorum iustar.

§. 151. Seculo XIII. anno circiter 1230. *Stadinghorum* ho-

minum fanaticorum secta in Germania¹ erupit; somniabant enim, se dæmone magistro uti, qui se ipsis in diversis formis in secretis eorum scholis conspiciendum præberet, eosque informaret ad sui cultum. Feruntur hi extinctis lucernis promiscuam libidem exercuisse. Corpus Domini singulis annis in paschate e manu sacerdotis acceperet, illudque in ore servantes in latrinam expuebant, Luciferum a Deo violenter & injuste in infernum præcipitatum fuisse putabant, clericos & monachos, si forte in illorum manus inciderent, omnibus injuriis affecerant.

1. Ingens numerus, præsertim rusticorum sectam hanc profitebatur, qui in confinis Frisie & Saxonie paludibus, & fluminibus circumdati ac muniti sua dente Gregorio IX. Papa ab *Hensico* Brabantie Duce, & *Florantino*, Hollandie Comite maxima clade prostrati sunt. Sex millia cæsa, ceteri partim aquis submersi, partim in varias regiones dispersi (hæc constat ex Gregorii IX. Epist. ad Archieps. Moguntinum).

§. 152. *Fratres, & sorores liberi spiritus* multos utriusque sexus homines magna pietatis specie in partes suas trahebant, disputantes ex Rom. Cap. 8. v. 2. 14. se veros Dei filios in plenissimam esse libertatem assertos, variaque nomina in diversis provinciis sunt sortiti. In Germania enim, & Belgio *Beghardi* & *Begutte*, in Gallia *Beghini* & *Turpulini* dicebantur. Discurrerant vero per agros, & urbes panem clamoribus poscentes, laboris osores, mulierum clandestina commercia sectantes¹ populum a publicis conventibus sacris avocabant (*Millerus in Moshemii compen.*)

1. His tamen longe deterior erat secta *Guillelmiana* famina ex Bohemia orta a *Berio*. *Burcardo* descriptæ. Hujus sectæ viri & mulieres post quasdam proces sub medio lumine abscondito ad fortuitos concubitus gradiebantur, ut *Spondanus* refert ad annum 1360. sed Guillelmam quoque assererant esse spiritum sanctum femineo sexu incarnatum, aliaque absurdisina fingeant deliramenta. Obiit hæc femina anno 1281, & anno 1300. exhumata, ac combusta (*Jos. Mabillon. Musæi Ital. p. 1. 20.*)

§. 153. *Flagellantium* cruenta secta circa annum 1260. in Italia est exorta. Magna hominum copia omnis ordinis, ætatis, & sexus per urbes, & agros flagella manibus tenens discurrerat, nudatumque corpus flagellis misere lacerebat bis in die per dies tres, & triginta in memoriam annorum a Christo in terris transactorum. Quidam impostor sectæ huic addictus finxit, delatam ab angelo epistolam, qua universis peccatoribus securitas veniæ datur, qui triginta quatuor diebus flagellantium devotionem exerceant, neminem autem a peccatis absolvi assererant, qui sectæ huic nomen non dedisset, ideo mutuo audita confessione se absoluebant. Renovata est hæc secta anno 1349. in Germania,

& Hungaria ¹. Neminem ad suam recipiebant sectam, nisi qui quatuor ad minus denarios singulis diebus ad victum haberet, ne mendicare cogeretur, nisi peccata confessus esset, & suæ haberet uxoris consensum. ².

1. Eodem enim anno 1349. ducenti Spiræ magno honore sunt excepti, centum alii ad ipsos illuc accesserant, Argentorati mille numerabantur. Damnavit illos eodem anno universitas Parisiensis, vetuitque Philippus Rex, ne sub vitæ discrimine Gallias pervaderent, damnavit eos etiam *Clemens VI.* Adhuc seculo XV. inferioris Saxoniae incolis molesti erant, ab antiquioribus tamen diversi, nam rejiciebant omne cultum externum, in fide, ac flagellatione omnem salutis spem collocantes. Dux sectæ in Thuringia *Conr. Schmidt*, Quedlinburgi *Nic. Schädem*, in reliquis provinciis innumeri alii vivi ab *Inquisitoribus* combusti sunt. (Illorum scripsere historiam *Albertus Argentincensis*, *Schottgen*, *Jo. Gersonius* vero speciali eos tractatu confutavit.)

2. Huic lugubri sectæ toto genere opposita erat hilaris illa *saltantium* Aquisgranî anno 1373. orta & per Belgium diffusa. Utriusque autem sexus homines choreas ducebant repente, manibus se se invicem tenentes. tanto ardore tamdiu saltabant, donec suffocati fere conciderent, interea sibi mirabilia visa obtingere perhibentes. Dæmoni hæc cæca illa ætas tribuebat, morbumque exorcismo impugnabat, quem medicus citius, aut licitor armatus, simpliciusque vicisset.

§. 154. De *Fratricellorum* secta & veteres, & recentiores tam confuse, & dubie disserunt, ut difficulter erui possit, quæ eorum origo, doctrina, & mores fuerint. Probabilius videtur *Fratricellos* (qui etiam latine *fratres parvos*, aut *fraterculos de paupere vita* sese nominabant) monachos fuisse *Franciscanos*, sed a magna *Franciscanorum* familia segregatos, præpositi generalis, & Pontificis auctoritatem recusantes, qui *Francisci* legibus perfectius obtemperare volebant, quam ceteri *Franciscani*, eaque de causa nec communiter, nec separatim aliquid possidebant, sed mendicando quotidie victum quærebant, laceris ac sordidis utentes vestibus ¹. Putabant professos regulam *Francisci* non esse obstrictos ad obediendum Romano Pontifici in suis declarationibus, seu interpretationibus circa regulam factis, eo quod regula sit ipsum Christi evangelium, negabant Papam ordinem *Francisci* abrogare posse, Christum & Apostolos etiam in communi nihil habuisse putabant, in eoque positam esse evangelicæ paupertatis perfectionem.

1. Cultu sordido incedentes (ait *Nat. Alex.*) gyrovagi, hypocritæ paupertatis evangelicæ speciem sibi arrogabant, se orationi, & contemplationi adstrictos nos mentiebantur, ideoque ad laborem non teneri. Unde ad sectam ignavorum hominum colluvies pastores porcorum, gregum, ac pecorum, cementarii, carbonarii, fabrique condebant panem ut uti si comederent, & mendicitate (ut ipsis quidem videbatur) non indecora vitam sustentarent.

§. 155. *Georgius Palamas* Græcus monachus, ac postea episcopus Thessalonicensis *Palamitarum* ¹ sectæ nomen dedit, *Bar-*
Gem. hist. eccl. T. II.

Iaamus gente Calaber, monachus S. Basilli, episcopus postea in Calabria Hieracensis Græciam peragrans, & in monachorum mores inquirens sectam hanc detexit; et veterum enim magistrorum suorum præscripto quotidie in remoto quodam angulo sedentes oculos constanter in medium ventrem, seu umbilicum per certum tempus dirigebant, in illò vero statu divinam quamdam lucem se intueri jactabant. Quæsi, qualis hæc lux esset? responderunt, ipsam esse Dei gloriam, lumen vero, quod in transfiguratione Christi adparuit, exempli loco adferebant ².

1. Sectam hanc plerique illorum monachorum sunt professi, qui se *ἡσυχαστὰ* a quiete, & animo imperturbato nominabant; *Hesychnstæ* enim latino vocabulo sunt *Quiescentes*, Barlaamus eos etiam *Euchetas*, *Massalianos*, & novo vocabulo *ομφαλογόφους*, *Umbilicos* vocabat.

2. Non est, cur quis miretur, monachos quosdam orientales ad eam dementiam devenisse, ut putarent, se lumen Dei, ejusque gloriam videre, si oculos ad umbilicum figunt; nam omnes populi orientales, qui vitam *contemplativam*, seu *myrticam* profitebantur, seu Christiani fuerint seu Machumedani, in institutis suis habebant, oculos in certum punctum quotidie per horas aliquot perstinaciter dirigendos esse, quod qui fecerit, illum extra se velut rapi, resque cernere admirabiles, & frui voluptate nulla re explicanda. Explicatum res hæc planum habet, si attendatur, facultatem imaginandi, ac phantasmia ex prædicto situ corporis diu servato multa proponere objecta imaginaria.

§. 156. Anno circiter 1420. *Adamitarum* sectam suscitavit quidam *Picardus*, qui ex Gallia Belgica per Germaniam in Bohemiam penetravit, seque Adam, ac Dei filium nominabat. Ejus assecræ nudi incedebant addicti promiscuis connubiis in omnem exardescentes libidinem, atque adeo inverecondi, ut illos *Zischka* dux Thaboritarum omnes gladio deleverit duobus tantum reservatis, ex quibus gentis superstitionem cognosceret. Paulo modestiores his erant *fossarii*, qui ad instar brutorum promiscuam libidinem in abditis locis, fossisque, unde nomen habent, explebant.

§. 157. Opportuna se hic offert occasio disserendi de origine inquisitionis hæreticæ pravitatis, quæ in hac epocha est exorta. Cum enim seculo XIII. Waldenses, & Albigenses in provinciis Galliæ, præsertim Tolossana latius quotidie se extenderent *Innocentius III.* sub initium seculi XIII. anno 1204. *Arnaldum* Abbatem Cisterciensem, *Petrum* de Castro novo, & *Radulphum* monachos ejusdem ordinis illud delegavit, ut in inquirendis hæreticis episcopos adjuvarent, imo plenissima autoritate papali muniti eorum in persequendis hæreticis defectum supplerent, qui dein *Inquisitores fidei*, seu *hæreticæ pravitatis* dicti sunt. At tum episcopi, tum magistratus civiles eorum missionem licet a Papa sæpius confirmatam agnoscere detrectabant, adeo ut biennio

jam prædicationi insistentes nihil, aut parum se profecisse viderent. Quare idem Pontifex Innocentius III. anno 1206. *Dilectum* episcopum Oxomensem, & *S. Dominicum* ejusdem ecclesiæ tum canonicum ut se prioribus jungerent, eadem autoritate ablegavit.

- I. Dominicus mox socios hujus operis sibi conquirere, & novi ordinis ad hunc scopum instituti autor. Iisdem temporibus S. Franciscus cum suis fratribus hoc munus contra hæreticos in Italia sibi sumpsit. Mox eo ventum est, ut fratrum mendicantium turbæ quaquaversum per provincias discurrerent, tum voce tum scriptis hæreticos impugnarent, populum ad belli societatem signo panis crucis pectori affixo excitarent iisdem indulgentiis concessis, quas nacti sunt milites cruciati.

§. 158. Hactenus quidem omni jurisdictione destituti magis *delatorum*, quam *judicum* officio fungebantur, quod ut effectu non destituatur, Innocentius III. in concilio Lateranensi IV. anno 1216. archiepiscopis, & episcopis sub pœna depositionis imperavit, ut in convictos, aut suspectos de hæresi debitis animadvertant pœnis, Principes vero, & magistratus civiles juramento obstringi voluit, vi cujus promittere debuere, se de terris sibi subjectis universos hæreticos esse exterminaturos, si quis autem requisitus & monitus suam terram purgare neglexerit ab hæreticis, eum excommunicari jussit, per annum vero in excommunicatione persistentis terram Catholicis occupandam se daturum edixit.

- I. Accesserunt *Friderici II.* constitutiones de anno 1221., quibus iudicibus secularibus hæreticos ab ecclesia judicatos puniendos commendavit: obstinatis pœnam ignis, pœnitentibus vero carceres perpetuos præstituit, pœnas criminis perduellionis & læsæ majestatis ad crimen hæreseos extendit, omnesque leges tum jure civili, tum canonico contra hæreticos latas confirmavit, præterea inquisitores, id est, fratres Minores & Prædicatores tuendos recepit, (Constitutiones hæc extant apud *Goldast. Constit. Imp. Tom. I. p. 293.*)

§. 159. *Gregorius IX.* eodem zelo animatus legatum suum ad provincias, quas Albigenenses inhabitabant, misit, qui anno 1229, celeberrimum illud celebravit concilium, in quo peculiaris contra hæreticos procedendi modus primum definitus est. Et quia episcoporum rigor ei non videbatur sufficere, tandem anno 1231. inquisitionis officium solis fratribus Dominicanis commisit, sed nimis inquisitorum fervor & rigor in causa fuit, quod hoc inquisitionis tribunal in Gallia non diu perstitit.

§. 160. *Friderici II.* leges (§. 158. 1.) anno 1243. *Innocentius IV.* confirmavit, pluraque anno 1252. pro stabiliendo inquisitionis tribunali adjecit, quod & ipse Dominicanis & Franciscanis per Lombardiam, Romaniolam una cum episcopis exercendum mandavit tanta severitate, ut sæpius mitigari debuerit. Hæc est inquisitio *Italica*, quæ postea in Tuscia quoque, quin & in aliis

Italiæ partibus successive stabilita nullibi tamen sine maximo labore, & perpetuis contra inquisitionis abusus querelis ¹.

1. Potest huc quoque referri inquisitio *Veneta*, quæ a temporibus Nicolai IV. a curia Romana independentem propriam reipublicæ autoritatem exerceri cepit. Regnum *Neapolitanum* ob dissidia Regum, & Pontificum intactum ab hoc iudicio mansit.

§. 161. Ex Italia mox in alia regna penetravit inquisitio & imprimis instinctu *Raymundi de Pennafort* anno 1233. in Aragoniam migravit. Ibi pœne jam extincta erat, cum *Ferdinandi Catholici* precibus Sixtus IV. anno 1483. *Thomam de Turrecremata* Dominicalem inquisitorem generalem dedit, quem biennio post in hoc munere Innocentius VIII. confirmavit. Illius autoritate anno 1484. conventus Hispalensis celebratus est, quo universum iudicii ordinem, quo ad nostra usque tempora utebantur, designavit, & intra annos quatuordecim, per quos hoc munere fungebatur, 14000 ad rogam sunt damnata ¹. Hispani hujusmodi tribunal in Belgio quoque moliebantur, ubi Dux Albanus regnante Philippo II. armata manu rem adgressus est, cujus immanitatis metu defecere Batavi cum fœderatis provinciis, nec in reliquo Belgio ullum dudum supererat inquisitionis vestigium, nisi innata quædam populi Belgici ejus execratio. (*Van-Espen*) Inquisitio *Lusitanica* ad normam Hispanicæ a Paulo III. anno 1535. postulante *Joanne II.* Rege est erecta.

1. Circa idem tempus, quo opera Raymundi de Pennafort inquisitio migravit in Aragoniam, etiam venit in Germaniam, cum jam a Gregorio IX. Papa primus Germaniæ inquisitor denominatus est *Conradus Marpurgensis*, at Germani eum, cum muneri suo incumberet, juxta natale solum suum Marpurg anno 1223. necarunt.

§. 162. Processus ipse inquisitionis hoc ordine peragebatur: Inquisitor mandatum a Papa, aut ejus vicariis acceptum exhibebat episcopo ejusve vicario, & magistratibus civilibus, hosque cogebat ad jurandum de executione legum civilium & ecclesiasticarum contra hæreticos ¹. Deinde munus suum solemnī oratione in æde primaria, in qua proponit *edictum fidei* ², auspicatur.

1. Primi Inquisitores a Principibus litteras liberi comitatus, & jurandum de legum contra hæreticos executione adeo rigide exegerunt, ut defectantes excommunicarent, & civitates interdicio sublecerent, sed postquam certa tributa sunt consecuti, eorumque jurisdictio agnita est, violentis his mediis abstinuerunt.

2. Sic appellabant monitum generale ad omnes homines, ut sub pœna excommunicationis intra certam tempus eas omnes, qui hæreticos suspecti sunt, denuntiarent. Terminis præstitis tunc septiduum dierum, intra quem qui venerant, & se ipsos accusabant, a pœnis *seditionis* liberabantur, unde terminus *crutis* dictus fuit.

§. 163. Proposito edicto fidei adcusationibus vel denunciatio-
nibus aures præbebat, & suspectum in carcerem abripiendum ju-
bebat, interrogabatque non adeo exacte servato juris ordine. In-
quisitor autem cuncta alta voce promebat, ne adcusati aut pœ-
nam effugere, vel ceteros erroribus contaminare potuerint. Causa
preparata adhibito episcopo, vel vicario suo generali, itemque
doctorum ac proborum virorum consilio sententiam protulit in
loco publico cum debita solemnitate, & hoc ipsum est, quod
Hispani *actum fidei* (AUTO DE FE) adpellabant, quem ut tanto
celebriorem redderent, plerumque plures diversorum criminum
reos asservabant, quos simul supplicio tradebant. Erexerant in
loco frequenti suggestum, ex quo inquisitor vel socius verba fe-
cit ad populum de *fide*, deque erroribus illorum, quos in su-
blimi loco expositos ostendit populo, denique sententia lata mox
executioni dabatur.

§. 164. Qui convicti, aut violenta suspicione gravati sed pœ-
nitentes erant, publice abjurata hæresi ab excommunicatione ab-
solvebantur. Insigne pœnitentis acceperant vestem, quam *sacrum*
benedictum (SAN BENITO) vocabant¹. Qui convicti, & impœni-
tentes erant, vel etiam pœnitentes sed relapsi, judici seculari tra-
debantur ad supplicium², atque hoc erat in Hispania omnium
spectaculorum maximum, quod ut eo terribilius reddant, impœ-
nitentes saccis nigris, quibus flammæ infernales & dæmonum figuræ
depictæ erant, indutos rogo injecere³.

1. Erat hæc vestis instar humeralis cruce Andreana a tergo & in pectore sig-
nata, quamque quoad vivunt gestare, ac certis diebus ad portam ecclesiæ cum
cerei accenso in manibus se sistere vel similem pœnitentiam agere teneban-
tur, nonnumquam in perpetuum carcerem detrudebantur.

2. Equidem ne *irregularitatem* contraxerint inquisitores, sententiæ inserebatur
formula, qua evitandæ irregularitatis causa efficaciter intercedebant, ut ci-
tra mortis periculum iudex sententiam moderetur. Sed ita universis illudebant;
nam si iudex vel accusaret, vel momentum differret exequi leges, quæ sup-
plicium ignis in hæreticis decernunt, excommunicabatur, & si per annum in
excommunicatione persisteret, ex tunc velut hæreticus condemnabatur. Hinc
hæc inquisitionum intercessio & protestatio de praxi adeo in morum ceremo-
niam, & formalitatem abiit, ut ne adtendi quidem pateret a iudice secu-
lari, nisi ipse se voluit expungere periculo, ut qua hæreticus damnetur. Quod
vero magis mirandum illud est: ipsi Imperanti denegatam fuisse facultatem
adgratandi in sententia ab Inquisitoribus lata.

3. Scopus institutæ inquisitionis est, loca ubi viget, ab hæreticis vel purga-
re, vel præservare. At media ad hanc finem obtinendum adhibita sunt etia-
modi, ut spectato natura eorum hypocrisis & ignorantiam producant. Tunc,
ne quis detrahatur, in carcerem detrahatur, & ab inquisitione separatur. Cuius
fundamentum est verbum quoddam in voce prædictum, pœnitentiam impedit, quod ali-
quis aliquando in eo, quod religiosem contemnit, & quod, cum etiam non habet præpa-
rat, questionem format, ac se instrui curat. Bisvitiandum simul de satisfactione

est aut tacere, aut loqui, & agere sicut alii sive interna cum externis correspondant sive non. Peccator consuetudinarius, qui concubinam suam dimittere non vult, pascha'lem obire communionem non omittit, ne in fine anni tanquam de heresi suspectus inquisitioni denunciatur; regiones ubi inquisitio viget, laxissimis casuum doctoribus abundat. Optimum in literis proficiendi medium est lectio; verum hæc in ejusmodi loco admodum difficilis est. Sacra scriptura ibidem non in lingua vernacula sed latina solum prostat, & qui biblia hebraica habet, de judaismo se suspectum reddit. Plures probatæ Patrium, aliorumque scriptorum ecclesiasticorum editiones hic prohibite sunt, quia ab hæreticis, aliisque authoribus suspectis adornatæ. (Fleury Diss. 7. in H. E. §. 13.). Verendum est, ne homines alienæ jurisdictionis ministri mandati regulas migrent, culpasque, ac suspiciones augeant, exaggerentque, ut sit, quod agant. Porro inconcinnum est, ut in terris, in quibus per duo secula hæretici nom. tolerantur, quotidie hæretici vel apostatæ inventi puniantur. (Idem in Instit. jur. eccles.)

CAPUT TERTIUM

DE

CONCILIIS.

§. 165. Anno 1122. sub *Callixto II.* Papa, & *Henrico V.* Imp. Romæ in Lateranensi basilica habebatur concilium, quod est *generale IX.* & *Lateranense I.* Interfuere episcopi trecenti (in *Pandulphi Pisani* scriptis *nongenti* mendose leguntur). Occasio illud celebrandi erat dissidium inter sacerdotium, & imperium circa investituras per annulum, & baculum, de quo infra dicetur. Canones sunt conditi viginti duo & expeditio cruciata propositis indulgentiis decreta.

§. 166. Romæ in eadem basilica Lateranensi anno 1139. habebatur concilium inter *generalia X.* & *Lateranense II.* sub Papa *Innocentio II.* & *Conrado III.* Imp. Aderant Patres circiter mille. Occasio convocandi fuit schisma *Petri Leonis* Antipapæ¹. Pronunciatum anathema in Petrum de Bruiis (§. 145.) & *Arnaldum* de *Brixia* (§. 146.) canones conditi triginta, inter quos notabilis ob datum est decimus quintus *privilegium canonis*.

1. Eadem enim die, qua *Innocentius II.* est electus, factio seditiosa intrusit *Petrum Leonis* nomine *Anacleti II.* usurpato. *Innocentius* Roma secedens ad *Ludovicum VI.* Galliarum Regem, deinde ad *Lotharium* perrexit, a quo Romam deductus, & restitutus est. Discedente autem ex urbe *Lothario* *Innocentius* pandum extincta *Anacleti* factione *Pisam* advenit ibidem commemoratus usque ad obitum *Anacleti*. Vexum hæc seditiosi substituerant iterum alterum, quem *Victorem IV.* appellabant. Hic post tres menses dejectus est, & celebrato concilio schisma extinctum.

§. 167. Romæ iterum in Laterano sub *Alexandro III.* Papa,

& Friderico II. Imp. anno 1179. celebratum est concilium inter *generalia XI.* & Lateranense III. Aderant episcopi trecenti. Anathemate sunt proscripti Waldenses, & Albigenes (§. 150) canonesque conditi numero viginti septem.

§. 168. Romæ denuo in Laterano sub Innocentio III. Papa & Friderico II. Imp. anno 1215. convocatum concilium inter *generalia XII.* & Lateranense IV. Aderant Metropolitæ, & Primates 76, episcopi 412, Abbates & Priores 800. Occasio illud convocandi erat expeditio contra Saracenos, & errores Joachimi Abbatibus, ac *Almerici* Carnotensis ¹. Expositum est symbolum fidei ad stabiliendam transubstantiationem, damnataque Joachimi, & Almarici doctrina, canones numero septuaginta sunt conditi ².

1. Ortus fuit Carnuti (Chartres) in Gallia Celtica, commentus est. nullam futuram fore generationem, sexusque discrimen, si Adam non peccasset, cessasse jam cum lege Moysis potestatem patris, & ipsius Almerici ætate legem Christi. Vigere autem modo legem spiritus S., per quam omni religione externa sublata unusquisque sola interiori gratia salvetur. (*Martene* Tom. 4. Anecd. *Fleury* ad annum 1210. num. 59.)

2. Canone tertio fuit statutum, ut hæretici magistratibus civilibus puniendi tradantur, canone quinto, post Romanam ecclesiam locus nobilior conceditur Constantinopolitanæ, quæ illum a concilio Constantinopolitano anno 381. usurpaverat, canone vigesimo primo, cunctis præcipitur fidelibus, ut saltem semel in anno recurrente paschate proprio sacerdoti peccata confessi sacramentum sumant. Decretum quoque fuit, ut Judæi, & Saraceni inter Christianos degentes aliquo indumenti genere ab iis secernantur.

§. 169. Concilium *Lugdunense I.* inter *generalia XIII.* habebatur anno 1245. sub Innocentio IV., & Friderico II. Imp. Aderant episcopi centum quadraginta & Baldwinus Imperator orientis. Conditi ibidem canones decem septem, quorum duodecim a Bonifacio VIII. inserti fuerunt Lib. 6. decretalium, cum pertractent de judiciis ecclesiasticis, reliqui spectant ad subsidia mittenda cruce signatis ¹.

1. Dicta quoque sententia excommunicationis, & depositionis in Fridericum II. ob rationes infra adducendas. Disputare solent num Imperator autoritate totius concilii, utrum vero a solo Innocentio consentientibus ei aliquibus tantum episcopis exauthoratus fuerit? de qua re coram dici potest.

§. 170. Concilium *Lugdunense II.* inter *generalia XIV.* celebratum fuit sub Gregorio X. Papa & Rudolpho I. Imp. anno 1274. Interfuere episcopi 500. Abbates 70, Prælati alii 1000. Definita est processio spiritus S. a patre & filio, ac rursus Græci in communionem recepti sunt, statuta auxilia Christianis bellum in Syria gerentibus, & canones conditi triginta.

§. 171. Concilium *Viennense* in *Gallia generale* XV. habebatur sub *Clemente V. Papa* & *Henrico V. Imp.* Interfuere præter cardinales episcopi trecenti. Actum est in hac synodo de recuperatione terræ sanctæ, extinctus ordo *Templariorum* ¹, damnati fuere *Beguardi*, & *Beguinae*, indictumque suadente *Raymundo Lullo*, ut in *Oxonienſi*, *Parisiensi*, aliisque academiis *hebraica*, *chaldæa*, & *arabica* lingua traderetur.

I. Sunt, qui existimant *Philippum Pulchrum* Galliarum Regem divitiis *Templariorum* inhiasse, eorumque extirpationem hac de causa ursisse; verum constat, *Philippum* bona, quæ possederant, amplissima partim aliis ordinibus, maxime equitibus *S. Joannis* hodie *Melitensibus* tradidisse, residuum vere tisco regio intulisse, probabiliſſor proin eorum est sententia, qui scribunt, ob enormia, quorum adceſſabantur, crimina fuisse extirpatos; nam *Thomas Walsinghamus* in historia anglicana in vita *Eduardi II.* narrat: *Depositum fuit contra Templarios*, & conſcriptum, quod quando receperunt quemquam ad ordinem, amotis omnibus exceptis fratribus ejusdem ordinis adduxerunt illum ad locum privatum, & totaliter denudaverunt, & tunc unus accederet ad eundem, & eum oscularetur in posteriori parte, deinde indueretur & cingeretur corrigia de *Sambuco*. Et post cruce portaretur & ibi doceretur sibi, quod crucifixus non est Christus, sed quidam falsus propheta deputatus per *Judeos* ad mortem propter delicta sua, & fecerunt eum ter spuer super illum, & postea proſecerunt crucem ad terram, & cum pedibus conculcari fecerunt, deinde ostenderent sibi caput cujusdam idoli, quod quotidie adorabant. Et præter hæc depositum est contra eos, quod initio fœderentur sodomitico statuantes, quod nullus utatur mulieribus, sed quilibet alterutro, cum voluerit.

§. 172. Occasione magni schismatis occidentis celebratum est concilium *Pisanum*, *Constantiense* ¹ *Basileense*, ac *Ferrariense*, de quibus infra opportunior erit dicendi locus.

I. In hoc concilio, præter schismatis compositionem etiam agebatur de damnatione *Wicleffæ*, & *Hussi*, ideo hic loci utriusque damnatio est exponenda.

§. 173. In sess. VIII. damnata est doctrina ac memoria *Joannis Wicleffæ* ¹, ac speciatim articuli 45. ibidem inserti quidam ut hæretici, alii erronei, alii ut scandalosi & blasphemii, quidam ut piam aurium offensiui, nonnulli ut temerarii & seditiosi ², ejus pariter libros omnes & tractatus concilium igne damnavit, ossa ejus denique exhumari jussit, & procul ab ecclesiæ sepultura projici.

I. Erat natione *Anglus*, theologiæ doctor, & professor *Oxonienſis* vir acris ingenii, atque ut ista tempora ferebant, in primis eruditus. Ab initio contra monachos mendicantes insurrexit, juraque academiciæ *Oxonienſis* contra illos defendebat: postea vero cum anno 1367. a *Simone Langhamo* Archiepiscopo *Cantaurienſi* præfectura collegii *Cantaurienſis* privaretur, qui monachum in ejus locum suffecit, *Urbanusque V. Papa*, ad quem appellavit, judicium Archiepiscopi ratum habuisset, tum monachos, tum Pontificis potestatem scriptis, sermionibusque acriter est aduersus, asserens, ecclesiam Romanam esse synagogaſ atheniensem, authoritatem decretalium, eorumque studium, monachorum institutionem, vota, & mendicitatem reprehendit &c. Obiit anno 1385.

2. Cum in hoc concilio variis notis, seu *cenſurarum* generibus articuli Wicleſſi proſcripti ſint, uſus invaluit, ut in theologia dogmatica in ſimilibus occaſionibus eadem notæ non ſolum diſtingui, ſed multiplicari etiam cœperint.

§. 174. Sess. XV. *Joannis Huſſ* articuli damnati ſunt, qui tunc temporis Pragæ munus professoris theologiæ, & concionatoris obibat. Natus in Bohæmiæ pago *Huſſinez* (unde nomen ſuum accepit) anno 1373. ab obſcuris parentibus in univerſitate Pragenſi tantos fecit progressus, ut anno 1393. factus fuerit baccalaureus, 1396. magiſter, 1400. concionator, & confeffarius Reginæ Sophiæ Bavaræ Regis Wenceslai conjugis, 1401. decanus facultatis theologiæ, & 1409. univerſitatis rector.

§. 175. Huſſus jam ab anno 1408. academiam Pragensem a Gregorio XII., ſeu Angelo Coriario, cui Bohæmia adhuc adhæſerat, abducere ſtudit. Ægerrime vero hoc Archiepiſcopus Pragenſis & reliqui ferebant ſacerdotes, qui Gregorii partibus addicti erant. Hinc magna inter Huſſum, & Archiepiſcopum inimicitia. Ad hanc primam odii erga Huſſum cauſam, quæ ſuperari poterat, accedebant aliæ majores. Primum *realium* partes in philoſophia ſectabatur, & ea re *nominales* pro ætatis illius more premebat, horum vero magnus in academia Pragenſi erat numerus, nec mediocris authoritas. Deinde anno 1408. efficiebat, ut in Germanorum & Bohæmorum controverſia de ſuffragiorum numero ſecundum Bohæmos pronunciaretur¹, qui longæ litis exitus Germanos ſic offendit, ut una die ſupra duo millia Pragam reliquerint, nec multo poſt tria millia ſecuti fuerint, & *Lipſiam* trium dierum itinere a Praga diſtanti adierint, ubi *Friſidericus* cognomine *Bellicofus* Saxoniz elector eorum cauſa anno 1409. academiam condidit.

- I. Legibus enim academiz ſtatutum erat, ut in deliberationibus academicis tribus ſuffragiis Bohæmi uterentur, unico vero reliquæ tres nationes Bavarica, Polonica, & Saxonica, quæ communi nomine nationis *Germanicæ* comprehendebantur. Uſu vero invaluit, ut Germani, qui Bohæmos longe numero vincebant, tria ſerrent ſuffragia, Bohæmi unum tantum. Huſſus igitur ſive patriæ amore, ſive *Nominalium* odio, quos maxima Germanorum pars Realibus prætulit, inflammatus authoritate, quæ in aula ob eloquentiam magna valebat, perfecit, ut Germani trium ſuffragiorum jure privarentur, & uno contenti eſſe juberentur.

§. 176. Germanis Praga pulſis Huſſus liberius quam antea contra aulam Romanam & cleri vitia inſurrexit, Wicleſſi etiam libros & ſententias publice laudavit. Jungebant ſe ei *Hieronymus* Pragenſis, & *Jacobellus* Miſnensis, qui ad S. Michaelis per id tempus conciones magno cum populi plauſu habebat. Cum illo congressus *Petrus* Dreſdenſis mirari ſe ait, doctum piumque vi-

Gm. hiſt. eccl. T. II.

rum in suis sermonibus ad populum errorem illum non animadvertisse, qui circa sacræ coenæ administrationem in ecclesiam irrepsisset, in qua sub una tantum specie corpus Christi populo ministraretur, cum apud Joannem Evangelistam sub utraque specie sumi jubeatur dicente ibi Christo: *Nisi manducaveritis carnem filii hominis, & biberitis ejus sanguinem, non habebitis vitam in vobis.* His affectus Jacobellus cum evolutis SS. Patrum scriptis Dyonisii præsertim & Cypriani communionem calicis laudatam invenisset, commovere populum cœpit, ne deinceps sumptionem calicis, sine qua salvari nemo potest, negligeret. Huic Hussus ejusque asseclæ consensere, quod etiam Hussitæ Bohæmiæ semper retinebant, propterea dicti *Calixtini*, quamvis Wicleffii doctrinam maxima ex parte deseruerint ¹.

- I. In retinendis tamen Wicleffii articulis ab Husso adprobatis constantiores fuerunt *Thaboritæ* sic a loco qualem natura muilitissimo adpellati, quem ad Lusitaniam annuam Joannes Zischka Dux Hussitarum occupavit, manibus cinxit, extractisque domibus civitati Thabor nomen dedit, sociosque suos Thaboritas nominari voluit. Hi post Hussi mortem bellum in Catholicos immane gessere, & Zischka mortuo (qui ut e pelle sua ad terrendos hostes tympanum conficeretur mandavit) in duas scissæ sunt factiones. Alii *Procopium Magnum*, quem *Rasum* quoque vocaverunt, in Duce sibi elegerant, alii nullum inveniri posse dictitantes parem Zischkæ selectis paucis, qui communi consilio rem bellicam gererent, se *Orphanos* adpellavere.

§. 177. Joannes XXIII. Papa excommunicationis sententiam in Hussum tulit, simulque Pragæ sacrarum peractione interdixit, donec ibi moraretur, sed a Papa ad Christum adpellabat Hussus; ac insuperhabita excommunicatione & sermonibus & scriptis doctrinam suam propagare pergebat. Ad Constantiense dein concilium *Sigismundi* Romanorum, & Bohæmiæ Regis mandato se contulit ad defendendam doctrinam suam. Jamjam autem habiturus ad basilicas omnes, monasteria, collegia, & pontem Pragensem programma affixit Latina, Germanica & Bohæmica lingua, quo significabat, se concilio adstiturum, ibique doctrinæ suæ rationem redditurum. Si tamen Archiepiscopus juberet, se in provinciali synodo compariturum, & episcoporum, aliorumque virorum ecclesiasticorum Pragensis provincie sententiam auditorum. Conformiter ad hæc litteras dedit ad Regem, Reginam, aulæ proceres, ac magistratum, quibus ipsis notum fecit, se ab Archiepiscopo petiisse, ut audiretur, & quæstio de hæresi, quam sui amuli afflingebant, haberetur: porro inventum fuisse neminem, qui ipsum adcusaret, ideoque jussisse Archiepiscopum, ut cum suis in pace abiret, proinde rogabat Regem, ut ejus rei testimonium sibi concedere dignaretur, nullum tamen ejusmodi testimonium, sed salutarum conductum tantum obtinuit.

§. 178. Congregatis eodem tempore Pragæ comitiis Hussus 2

comitibus, & urbium deputatis obtinuit, ut Archiepiscopum in suum totiusque nationis honorem interrogari curarent, an ipsum hæresim docuisse compertum haberet? si affirmative responderet, se ad satisfactionem & obedientiam paratum. Archipræsul ab ordinibus rogatus respondit, illum alicujus hæreseos, errorisve reum se nescire, sed excommunicatione Pontificis innodatum, a qua absolvi ipsum necesse esset, de quo Archiepiscopi responso patientes litteras aliqui ipsi tradiderunt.

§. 179. His instrumentis præsidisque munitus, liberoque regio comitatu lætus se itineri ad concilium Constantiense commisit, illucque veniens die sequenti *Joannem Chlunæum*, & *Henricum Lazembogium* ad Papam misit, qui illum Regio diplomate munitum, quo tutus esset, ad concilium œcumenicum a se deductum nuntiarent: proinde ab eo petere, ut absque periculo, & impedimento Constantiæ degere posset, cui petitioni Pontifex annuit.

- I. Cum Norimbergam venisset, programma affixit, quo se Constantiam tendere significabat fidei suæ rationem redditurum, & omnibus, qui ipsum erroris adcurare vellent, responsurum, idemque fecit in omnibus urbibus, quas pertransiit.

§. 180. Brevi post suum Constantiæ adventum duplici de causa fugam meditari cœpit, & reipsa dominica III. quadragesimæ in curru straminibus undique tecto, & ea die ex urbe educendo se abscondit. De fuga monitus consul civitatis eum Constantiam reduci jussit, inde post octo dies in ædibus Fratrum Prædicatorum custodiæ traditus, unde cum pene evasisset, in alium carcerem translatus est. Eodem vero die ipse Papa Joannes XXIII. se Constantia subduxit, hæc causa fuit Hussum in alium carcerem transferendi: ministri enim pontificii, quibus illius custodia demandata erat, dominum secuti claves carceris Sigismundo, & synodo reddiderunt, post hæc Hussus in Constantiensis episcopi potestatem traditus in arcem quamdam trans Rhenum deportatus est diligenter custodiendus.

- I. Prima erat causa, quia Realium sectæ deditus infensissimum se præbuerat Nominalibus, malo vero ejus cito præcipui judicium ejus in concilio Nominales erant, maxime illud Constantiensis concilii oraculum *Joannis Gerson* nominalium maximus patronus, & Hussi hostis, Regis Gallicæ, & academici Parisiensis orator seu legatus in concilio. Accessit altera fugiendi causa: sacrum in hospitio sæpius faciebat Hussus licet excommunicatus, & plebs frequenter eo concurrabat. Ubi illi ad episcopum Constantiensem est relatum ipsi prohibuit, ne sacris operetur, at cum Hussus non parvis et populo diras minas intentabat episcopus, si missam ejus audiret, tum de fuga cogitare cepit.

§. 181. Interea *Hieronymus Pragensis* anno 1415. pervenit

Constantiam tum ut doctrinam suam defenderet, tum ut magistro suo Husso suppetias ferret. Programma affixit, quo Sigismundo Imp. & synodo significabat, se paratum esse ad doctrinam suam coram universo concilio defendendam. Postquam ipsi data dies, qua in concilio se sistat, & ad ea, quæ ipsi in causâ fidei objicerentur, responderet, fugam arripuit, a præfecto vero Joannis comitis Palatini in itinere interceptus, vinc-tus Constantiam ductus, & in carcerem conjectus est. Utrouque jam Husso, & Hieronymo in carcere delitescente Bohemiarum proceres ad Cæsarem, & ad synodum scribebant pro Hussi libertate, ipsum inauditum carcere condemnatum conquerebantur, violatamque salvi conductus fidem, supplicantes Imperatorem, ut fidei publicæ datæ memor eum carceribus eripiat, ex iisque eductus publice audiat.

§. 182. Nihil tamen Bohemiarum proceres his efficere litteris, siquidem Hussus ex carcere ad synodum deductus est sententiam damnationis excepturus. Pronunciavit synodus, eum fuisse & esse manifestum hæreticum pertinacem & incorrigibilem, adeoque degradatione peracta eum curiæ seculari tradendum statuit his verbis: *Hæc sancta synodus Constantiensis Joannem Huss atento, quod ecclesia Dei non habeat ultra, quid gerere valeat, judicio seculari relinquere, & curiæ seculari relin-quendum fore decernit* ¹. Quærant viri eruditi causas tam crudelis sententiæ in eum latæ, nec eas tamen in ipsius sententiis aut moribus inveniunt, ex quo concludunt, eum injuste ab inimicis oppressum esse ².

1. Solemniter degradatus imposita mithra chartacea hac cum inscriptione: *Hæ-resiarcha*, in qua dæmones depicti erant, civili potestati est relictus. Tum Imperator Ludovicus Bavarie Duci jussit, ut eum licitoribus traderet, a quibus cum ad locum supplicii duceretur, pro foribus templi libros suos comburi cernens sublevisit. Cum ad locum supplicii pervenisset, psalmos 30. & 51. læto, ac hilari vultu recitavit, versum illum non semel repetens: *In manus tuas Domine commendo spiritum meum*. Priusquam bustum incenderetur, Dux Bavarie & comes de Papenheim adequitarunt ipsum admonentes, ut doctrinam suam revocaret, & vitæ parceret, quod cum noluisset, ignis admotus est, cineresque ejus in Rhenum projecti, ne ab ejus assecis in Bohæmiam deferrentur, & colantur.

2. Personale in eum Patres Constantienses gessisse odium non una ratione ostendi potest: ac 1.) quidem Hussus sermonibus & scriptis suis maximos motus in Bohemia excitavit, totique ordini sacro magnam apud populum invidiam excitavit, quia in vitia cleri acriter insurrexit. Perspiciebant igitur clerici & monachi, si homo ille in patriam rediret, & scribere docereque pergeret, actum fore de autoritate sua & commodis, itaque quantum poterant evitabant, neque vel pecunie vel labori parebant, ut tantum hostem interimerent; nam Laurentius Byzinus in Diario Hussitico pag. 135. in Ludewigi reliquiis Tom. 6 ita habet: *Nervus periculis præcipue in regno Bohemio, & marchionatu Moravie condemnationem ipsius (Hussi) contributione pecunie, & modo alio diversis procurant, & ad ipsius consensum interitum*. 2.) In ipso concilio multi aderant potentia ac autoritate præditi, qui se valde læsos ab Husso putabant. Hussus Realiū

sectæ deditus insensissimum se præbuit Nominalibus, malo vero ejus fato præcipui iudicium ejus Nominales erant, maxime illud Constantiensis concilii oraculum Joannes Gerson. Ipsi Nominales in litteris ad Ludovicum Gallie Regem in Baluzii Miscellaneis Tom. IV. pag. 534. non diffidentur, manu & telis suorum Hussum cecidisse: *Sustinet Deus doctores Catholicos Petrum de Aliaco, Joannem de Gerson, & alios quamplures doctissimos viros Nominales, qui convocati ad concilium Constantiense, ad quod citati fuerant hæretici, & nomination Hieronymus & Joannes* — *dictos hæreticos per quadraginta dies disputando superaverunt. Non falsa hæc esse historia concilii Constantiensis demonstrat. Capitales erant istis temporibus Realium & Nominalium inimicitiae. Una secta qualibet occasione data alteram hæreseos incusabat. Ostendit hoc examen magistrale ac theologicale magistri Joannis de Weisalia in Ortiviii Grotii fasciculo rerum expetend. & fugiend. Col. 1535. pag. 163, quo in opere deessidum Realium ac Nominalium his commemorabilibus describitur verbis: Quis nisi ipse diabolus seminauit illam rixam inter philosophos & inter theologos, ut tanta sit dissensio etiam animorum inter diversa opinantes? adeo ut si universalia quisquam realia negaverit, existimetur in spiritum S. peccasse, imo summo & maximo peccato plenus creditur contra Deum, contra Christianam religionem, contra justitiam, contra omnem politiam graviter deliquisse. Unde hæc cæcitas mentis nisi a diabolo, qui phantasias nostras illudit? 3) Magno Hussus Germanorum odio flagrabat, hoc publice Pragæ professus erat odium, hoc Constantiam eum comitabatur. Germani contra memores injuriarum olim illis Pragæ illatarum grave pariter in eum conceperant odium. Atqui Germanorum perinsignis erat in concilio auctoritas, quis dubitabit eos illa in adversarius suos usos fuisse? 4) Denique ille ipse Rector academice Pragæ Joannes Hoffmannus, quem germanica Hussus eum natione Pragæ eiecerat, maximus Hussi hostis episcopus Misnensis anno 1413. factus erat, & in concilio inter episcopos Germanie illustrem locum tenebat. De controversia, num fides Husso per saluum conductum data fuerit violata? coram.*

§. 183. Sumpto de Husso supplicio synodus in causam Hieronymi Pragensis magistri artium, laici, Hussi discipuli, sed ipso longe facundioris, & doctioris incubuit. Petrus de Aliaco cardinalis, & alii a concilio deputati ei persuaserunt, ut Hussi doctrinam abjuraret, quod & fecit. Sed postea mentem mutans a synodo excommunicatus curiæ seculari traditus vivicomburio sublatus est¹.

I. Quidam referunt, eum damnationis tempore vaticinatum fuisse his verbis: *Ad justissimum Jesu Christi tribunal adpello, ut centesimo abhinc anno mihi ad hæc respondeat. Quidam similia ab Husso his verbis prædicta referunt: Hodie auferem assatis (Hussus enim idiomate bohæmico auferem significat) centum abhinc annis natus cygnus veniet, quem occidere non valebitis, idque vaticinium in Luthero impletum fuisse; verum hæc commentitia esse probat silentium scriptorum cævorum Poglii, Bænzæ Sylveii, & aliorum. Admiranda constantiam tum Hussus, tum Hieronymus ultimum supplicium sustinuerunt: Pertulerunt ambo constanti animo necem, & quasi ad epulas invitati ad incendium properarunt, nullam emolumentum metuens, quæ miseri animi posset facere iudicium. Ubi ardere coeperunt, Hieronymus ceciderunt, quem vis flammæ & fragor ignis interceptum patuit. Nemo philologorum tam fortis animi mortem per tulisse traditur quam isti incendium (Hænzæ Sylveii in Hist. Bohem. Cap. 26) & Poggius Florentinus in Epist. ad Leonardum Arætum de Hieronymo scribit: Stabat in periculis, intripidus mortem non conturbans scilum sed appetens, ut a terram CATONEM dixisses ——. Nullus unquam stoicorum tam constanti animo, tam forti mortem perpassus ——. Vidi hunc exitum, singulos actus inspexi &c.*

§. 184. In eodem concilio Constantiensi communio sub utraque specie laicis est interdicta, damnataque sententia Joannis

Parvi theologi Parisiensis de tyranis licite a privato quovis occidendis, suppresso tamen *Parvi* nomine, quod illustre illud erat.

I. *Joannes* enim Dux Burgundiæ anno 1407. *Ludovicum* Ducem Aurelianensem per sicarios interfecit. Magna hinc contentione exorta pro Joanne Burgundico *Parvus* Parisiis verba fecit, atque ut culpam omnem ab eo depelleret, statuebat nihil eos peccare. qui tyranos indicta causa sive dolo de medio tollerent. *Tyrannorum* vero nomine non intellexit supremos imperantes, verum cives potentiores opibus suis ad Regum patriæque perniciem abutentes.

§. 185. Anno 1512. sub Julio II. Papa, & Maximiliano Imp. Romæ in Laterano habebatur concilium generale, inde *Lateranense* V. Convocatum fuit ad dissolvendum concilium a quibusdam cardinalibus Pisis inchoatum.

I. Occasio concilii hujus fuit sequens: anno 1438. synodus Bituriensis sub Carolo VII. Gallicæ Rege edidit *sanctionem pragmaticam*, qua authoritas concilii præferretur authoritati Pontificis, episcoporum electio confertur collegio canonicorum, gratiis expectativis locum esse non sinit, beneficiarum reservationem prohibet, numerum cardinalium ad viginti quatuor coarctat, aliæque curiæ Romanæ ingrata in viginti tres articulos distributa definit. Pragmaticam hanc sanctionem Eugenius IV., Pius II. aliique Pontifices frustra delere tentarunt, donec per *Concordatum* inter Leonem X., & Franciscum I. anno 1516. concessa Regi nominatione episcoporum reservata Pontifici confirmatione, aliisque articulis aut omissis, aut immutatis setata est controversia. Antequam vero inter Leonem X. & Franciscum Gallicæ Regem concordatum hoc fuit initum, Papa *Fulius* II. indignationem *Ludovici* XII. Galliarum Regis incurrebat, hinc *Ludovicus* habitis apud Turones comitiis de indicendo concilio nationis Germanicæ & Gallicæ consentiente Maximiliano Imp. deliverabit, permissis ad id exequendum quibusdam cardinalibus ex parte Regis stantibus. Istis pro in authoribus concilium Pisanum anno 1511. celebrandum indictum fuit, ac stata die Pisis convenire quatuor cardinales & quorundam aliorum procuratores, ac plures præsertim Galliarum episcopi, at *Fulius* ut hoc concilium solveret, indixit *Lateranense* inchoandum proximo anno 1512. die 17. aprilis. lata quoque in eos, qui Pisis conveniant, bulla. Post tres sessiones concilium illud Pisanum translatum est Mediolanum, ibique lara in Julius depositionis sententia anno 1512. die 21. aprilis post sessionem VIII. fuit dissolutum. *Lateranense* autem V. sub Julio inchoatum est anno 1512. die 3. Maji, qui illo nondum absoluto obiit. Sub ejus successore Leone X. demum initum est, initaque inter illum, & Gallicæ Regem Franciscum concordata, uti dictum fuit.

CAPUT QUARTUM

DE

DISCIPLINA, ET RITIBUS.

§. 186. A sæculo VII. disciplina circa prænitentiam valde est immutata, prænitentiæ enim publicæ ritus in supplicia & poenas temporales mutabantur. Poenitens procedere jubebatur nudus usque

ad cingulum, pendente de collo fune, virgas manibus tenens, quibus deinde a clericis cædebat, quam pœnam, ut alios sileam, subire coactus est *Raymundus senior* comes Tolosanus (*Fleuri H. E. L. 76. n. 47.*), & ut acerbior esset pœnitentia mulctæ pecuniariæ adiciebantur, quæ priusquam concederetur absolutio, exigebantur, has vero ubi pœnitentes præstiterant, de reliquis facile indulgentiam impetrabant ¹ sub idem tempus consuetudo introducta est etiam in pœnitentia secreta audita confessione, tum satisfactione injuncta & acceptata extemplo absolvendi (*Morinus de pœnit. L. X. C. 24 n. 8 seq.*) cum contra in antiqua disciplina peccatores nonnisi post totam, vel certe magnam pœnitentiæ partem expletam absolverentur ².

1. Ita pœnitentia, & absolutio tam privatorum, quam Principum in negotia temporalia degenerabant, nec vacabat diuturna probatione experiri: an corde contrito esset pœnitens, quem in finem pœnitentia canonica a veteribus fuit instituta, sed prima cura erat, ad præstandam cautionem de restitutione bonorum usurpatorum, de damnis resarciendis, & persolvenda mulcta eum adigere.

2. Hæc mutatio argumentationibus scholasticorum nitebatur: absolutionem externam illi non esse denegandam, quem per contritionem absolutionem internam jam accepisse supponere debemus, tumque, si esset in statu gratiæ, opera satisfactionis majori merito esse peracturum. Sed considerandum fuisset, hominis mentem spe obtinendi, quod non habet, multo acrius, quam postquam illud adeptus est, in iis quæ promisit servandis, stimulari.

§. 187. Modus opera satisfactionis injungendi a seculo XIII. magis, magisque recedebat a rigore canonum antiquorum, qui jam confessariis tanquam exempla, quibus dirigerentur, non amplius vero tanquam regulæ, quas tenerentur sequi, proponebantur, plerisque præsumptibus, defecisse naturam, nec ut olim vires corporis ad rigores pœnitentiæ ferendos pares esse ¹. Jus, quod antea solis episcopis competebat, mitigandi pœnitentiam, de rigore operum sive de tempore aliquid relaxando ad omnes presbyteros extensum (*Guil. Paris. de pœnit. C. 17*) tandem introducta regula generalis, pœnitentiam injungendam ab arbitrio confessarii pendere. (*Morinus de pœnit. L. X. C. 25 n. 7.*)

1. Sicut moderni phisici temperant antiquarum violentiam potionum, sic & nos plerumque antiquorum rigorem canonum pœnitentialium, quia non possumus sustinere contrariam illius temperis, quando & corpora, & merita defecerunt. Tunc enim in aucto Christi fortitudo erat fides, quando recens erat deus Christus, ideoque & quædant & credebant non patenter solum, sed & illenter pro Christo custodire alios duras, tunc quidem remissiones etiam homines &c. (*Petrus Pictaviensis in L. pœnit.*). Nonnulli doctores usque adeo exorbitabant, ut dicerent, illos judicare, qui antiquis constitutionibus canonicis ad litteram inherendum esse affirmarent.

§. 188. Indulgentiarum multitudo, easque lucrandi facilitas

mirum etiam in modum antiquum circa poenitentiam rigorem relaxabant; nam episcopi seculo XII. & sequenti indulgentiam concedebant varia opera præstantibus, videlicet quidquam de suis facultatibus ad fabricam ecclesiæ, ad sarta tecta xenodochii conservanda, ad ædificia reipublicæ, ad pontem construendum, firmandum aggerem, ad reparandas vias publicas conferentibus ¹. Licet vero his indulgentiis tantum aliqua poenitentix pars relaxaretur, ubi tamen plures jungebantur, tota extingui poterat ². Demum per indulgentias intuitu expeditionum cruiatarum concessas poenitentix canonicæ lethalem acceperant ictum ³.

1. Guilielmus episcopus Parisiensis illius seculi scriptor ejusmodi indulgentias utiles esse de sacram. ord. C. 13. ita evincere conatur: Cui potestas competit, satisfactionem poenitentem imponendi, ei etiam jus est eandem vel augendi, vel diminuendi, prout honori divino, salutis animarum, publicæ vel privatorum utilitatibus expedire cognoverit. At manifestum est, majorem honorem Deo debere, & majus præstari fidelium animabus bonum, si construatur ecclesia, in qua jugiter preces & sacrificia offerantur, quam si maxima poenitentia tormenta peccatorum sustineat, ergo episcopus poenitentium peccatorum in majus bonum convertere tenetur. Et inferius: si indulgentias pro reparando ponte, vel via publica concessas spectemus, hæc opera pie peregrinantibus ad limina Apostolorum, vel Hierosolymam peregrinantis prosunt, ut bonum omnibus fidelibus commune silentio prætereamus. Verum Deus plus honoratur, cum Christianorum animi poenitentix rigore puris moribus, & virtutibus excoluntur, quam cum ecclesia e lapidibus constructur, vel cum in ea cantatur: nam ista solam speciem religionis exhibent, cujus anima aut essentia virtus est.

2. Hæc sunt illæ indulgentiæ, quas concilium Lateranense IV. discretionis adventas & superfluas dicit, quæ ecclesiæ claves contemptui exponant & vim poenitentix eludant. Ut igitur hos abusus coerceret, præcipit concilium, ne in dedicatione alicujus ecclesiæ major quam unus anni indulgentia concederetur, etiamsi complures adessent episcopi, quilibet enim suam, ab aliorum episcoporum indulgentia distinctam, concedere ambiebat.

3. In concilio enim Claramontano ab Urbano II. anno 1059. celebrato (§. 98) decretum fuit proposito canone: *Quicumque pro sola devotione, non pro honore aut pecunie perceptione ad liberandam ecclesiam Dei Hierosolimam profectus fuerit, iter illud pro omni poenitentia ei reputetur.* Hæc indulgentia primum iis solam concedebatur, qui arma arripientes ipsimet in terram sanctam proficiscerentur postea ad eos quique extendebatur, qui militare in persona non valentes ad expeditionis successum aliquid conferrent, veluti ad faminas, senes, & infirmos. Denum omnibus concedebatur indiscriminatum, qui ad sumptus belli sacri contrihebant servata summæ sive in vivis, sive per testamentum concessæ proportionem.

§. 189. *Liturgia*, seu modus officia divina celebrandi, quæ Romæ usitata erat, in omnibus ecclesiæ occidentalis provinciis nondum recepta erat seculo XI. Igitur hac ætate Pontifices, seu quod identitatem rituum ad unitatem totius ecclesiæ quid conferre, seu quod dissimilitudinem eorumdem authoritati suæ inimicam putaverint, omnem adhibebant diligentiam, ut Romana liturgia ubique adoptaretur, qua in re imprimis Gregorii VII. di-

ligentia enituit, quod epistolæ ejus ostendunt. Nullus vero Europæ populus præter Hispanos voluntati Pontificum hac in re constantius, ac diutius adversabatur; veterem enim suam liturgiam, seu præcanti modum, qui *Mozarabicus*, seu Gothicus dicebatur (§. 490. Tom. I.) ut cum Romano ritu commutarent, nullo modo adduci poterant. Obtinebat quidem *Alexander II.* anno 1068., ut Aragonenses non alienos se ostenderent a Romano ritu, nec Catalauni repugnabant. At perfecta negotii hujus gloria Gregorio VII. relicta erat, qui Aragoniæ & Castellæ Reges *Sancium & Alphonsum* urgere non destitit, donec sublato ritu Gothico Romanum receperint ¹.

1. Sancius primus obtemperabat, sequebatur anno 1080 Alphonsus. In Castellæ regno procures existimabant. litem hanc ferro dirimendam esse, quare duos eligebantur milites, quorum alter pro Romano, alter pro Gothico ritu singularem certamine vel duello pugnaret. Vincebat miles Gothicus. Post hæc ignis judicio rem committi placuit, uterque codex ritus Gothici & Romani rogo immittiebatur, Romanus flammis abscuritur, Gothicus illæsus manet. Prævaluit tamen Pontificis auctoritas, Regineque *Constantie* voluntas, cui Rex Alphonsus parebat. Species hoc fuit *ordaliorum*. (§. 65. seq.).

§. 190. Illud multo majorem inter eruditos crism excitabat, quod Pontifices usum linguæ popularis in divinis officiis prohibuerint. Dum latina lingua inter omnes occidentis populos vigeat, & in vulgus nota fuerat, nihil obstabat, ne utiliter in sacris populi Christiani adhiberetur, at postquam vulgaris esse desiit, mortuaque esse cœperit, abs dubio utilius fuisset, ut suo quilibet populus sermone in sacris uteretur. Sed non potuit hoc nec seculo XI. nec sequentibus a Pontificibus impetrari. Rursus hac in re Gregorius VII. plurimas habuit partes; nam dum *Wratisslaus* Bohemiæ Rex ab eo petisset licentiam officium divinum lingua Slavonica celebrandi, Gregorius denegavit. Videtur ignorasse Gregorius, quæ ducentis ante ipsum annis sub Joanne VIII. gesta sunt, hunc nimirum Papam, qui etiam officium divinum lingua Slavonica celebrari prohibuerat, causa deinde melius cognita mandatum retractasse. Ceterum alias satis constat, quod in sana antiquitate & seculis clarissimis lingua illa, quæ in quibusvis provinciis vulgaris erat, prælecta fuerit sacra scriptura, & etiam divina officia celebrata. Unde discimus, hujusmodi mandata Gregorii VII. ætate non esse antiquiora ¹.

1. Ratio, cur pertinaciter adeo linguæ latine usus hucusque in officiis divinis retentus sit, abs dubio nimia antiquitatis est veneratio. In eadem nimia veneratio amore excedit Christiani in oriente viventes, de quibus *Egyptii* veteri Coptorum lingua, *Judei* & *Nestoriani* syriaca, *Abyssini* veteri æthiopica rem divinam administrant, omnes licet hæ linguæ dudum mortuæ evaserint.

§. 191. *Alexander II.* Papa statuit, ut presbyteri unam tantum *Gm. hist. eccl. T. II.*

tum singulis diebus missam celebrarent ' excepto die Nativitatis Dominicæ. Definitum id fuit in synodo Romana anno 1063. , olim quippe non una fuit in *Missis* agendis consuetudo ².

1. Hanc ob causam inventæ sunt deinde missæ *bisfiatæ* & *trifiatæ* dictæ, in quibus avari sacerdotes, ut pro uno sacrificio plura stipendia acciperent, plures missas diversi generis v. g. de sancto, votivam, & pro defunctis celebrarent usque ad offertorium unam post aliam, deinde ex ordine tot secretas orationes dicebant, quot missas legebant, ac una communione peracta, & semel recitato canone totidem collectas addebant, quot ab initio præmisserant. Has missas detestatur *Petrus Cantor Cap. 29.*

2. Nam fuerunt dies a Card. Bona L. 1. Cap. 18. dicti *Aliturgici*, in quibus non celebratur missa, cujusmodi est etiamnum *parasceve* paschatis, & apud Græcos quadragesimæ tempus, quo utuntur missa *Præsanctificationum* (§. 488. Tom. 1.). Caruit item apud Romanos. & Alexandrinos liturgia dies sabbati, contra consuetum fuit duas celebrare missas prima die Januarii, in vigilia ascensionis Domini, in tribus diebus jejuniorum post pentecostem, aliisque, quos Card. Bona adpellat *Polyturgicos*.

§. 192. *Glaber Rodolphus* Hist. L. 3. cap. 4. in Duchesnii script. Franc. Tom. IV. pag. 217. hæc habet: *Infra millesimum tertio jam fere imminente anno contigit in universo pene terrarum orbe, præcipue tamen in Italia & Galliis, innovari ecclesiarum basilicas.* Ratio hujus in eo est, quia seculo X. per totam fere Europam putabatur, elapsis mille post Christum natum annis extremum judicium futurum. Hæc opinio præter multa alia etiam id effecit, ut homines templa, ædesque sacras tanquam in posterum haud necessarias, & brevi cum orbe terrarum interituras aut collabi penitus sinerent, aut restaurare negligerent. *Anno vero infra millesimum tertio jam fere imminente* (ut habet *Glaber*), seu formidine de extremo judicio jam præterita ubique collapsis fere templis succurrebatur, & ingentes sumptus in eorum instaurationem conferri debebant.

§. 193. Primi erant canonici Lugdunenses, qui seculo XII. festum immaculatæ conceptionis Mariæ celebrare cœperant, ut constat ex epistola S. Bernardi anno circiter 1140. ad eos data, in qua novum hoc institutum reprobatur, simulque argumenta immaculatæ conceptioni Mariæ obstantia producit. Sed nihil profecit his suis monitis Bernardes; nam non tantum concilium *Basileense* habitum anno 1439. festum istud canone trigesimo sexto in universa ecclesia celebrandum edixit, sed etiam invaluit successu temporis, ut in omnibus academiis *juramentum* defendendæ immaculatæ conceptionis ab iis exigeretur, qui in aliqua facultate ad supremam lauream admittebantur, ad cujus festi propagationem *Joannes Dans Scotus* abs dubio multum contulit. Ulterius quidam progressi non dubitarunt deponere votum,

quo se obstrinxerunt etiam cum periculo amissionis vitæ defendere immaculatam Mariæ conceptionem ².

1. Lege Aug. Imp. *Josephi II.* prohibitum est in terris Austriæ hæreditariis a Neo — doctoribus facultatum academicarum iurjurandum defendendæ immaculatæ conceptionis exigere.
2. Contra hos pugnavit *Ferdinandus Valdesius*, & præprimis doctissimus *Lud. Ant. Muratorius* sub nomine *Lampridii* hoc argumento: bonum certum præferendum est incerto, vita est bonum certum, sententia de immaculata conceptione incerta, vita itaque huic opinioni non debet postponi.

§. 194. Fuerunt nonnulli, qui seculo XII. cœperunt aquam vino admiscere ante missæ initium ob controversiam isto seculo exortam, an aqua immediate in vinum, an in Christi sanguinem convertatur? in qua priorem sententiam propugnant Thomistæ, in alteram propendere videtur *Imocentius III.* de celebratione missarum ¹.

1. Qui aquam in vinum verti negant, & solam ejus cum vino adstrunt permutationem, non admodum quæstionibus hujusmodi commoventur, præsertim cum nulla tallum disputationum sit utilitas.

§. 195. Seculo XIII. festum *corporis Christi* est institutum, cui rei occasionem dedit S. virgo *Juliana* Leodii apud Belgas vivens, quæ divina visione edoctam se esse prædicabat, velle Deum, ut quotannis festum corporis Christi celebretur ¹. Hac visione fidem invenit apud *Robertum* Leodicensem episcopum, qui anno 1246. per totam suam diocesim hoc festum celebrari jussit, *Urbanus IV.* Papa vero anno 1264. festum istud universæ ecclesiæ imperavit una cum officio edito a S. Thoma Aquinate.

1. Prædicabat enim, se toties, quoties preces ad Deum funderet, conspicere plenam lunam, in cujus disco macula esset nigricans. Postquam diu animo volvisset, quæ hujus visionis esset significatio? eam interna illuminatione divinitus edoctam fuisse, lunam repræsentare ecclesiam Christianam, maculam vero nigram defectum festi corporis Christi annuatim in ecclesia Christiana celebrandi. (*Maclaine*).

§. 196. Elapso seculo XIII. anno nimirum 1300. Bonificius VIII. publicis ecclesiæ ceremoniis celeberrimum annum jubileum adjecit, concessit enim iis, qui dicto anno vere pœnitentes & confessi basilicas Principis Apostolorum visitaverint non solum plenam & largiorem, imo plenissimam omnium peccatorum suorum veniam hasque indulgentias omni anno centesimo iterandas voluit ¹. Successores ejus hoc institutum multis ritibus non modo auxerunt, verum etiam, cum usu didicissent, proficuum illud ærario suo esse, prævenerunt; *Clement* enim VI anno 1350. annum illum centesimum prævenit novo jubileo, & in posterum

singulis quinquaginta annis redire voluit. Rursus *Urbanus VI* magis jubilæi reditum acceleravit, statuitque, ut postea omni trigésimo tertio anno rediret, & tandem *Sixtus IV.* ad annum vigesimum quintum contraxit¹².

1. Concursus hominum Romam peregrinantium indulgentiarum lucrandarum causa tantus erat, ut infra dictum annum de mense in mensem ducenta millia advenarum Romæ numerarentur. Plerique oblationes largas secum adtulerant, quibus ærarium Pontificis est auctum, ac ex pecuniis ibidem expensis cives urbis Romæ non modicum cæperant lucrum.

2. *Clemens VI.* cum terminum jubilæi singulis quinquaginta annis redire voluit, rationem legis hujus petentibus regerere potuisset: quod id sit factum ad imitationem legis mosaicæ, quia Judæi singulis quinquaginta annis annum celebrabant jubilæum (*Levit. cap. 25.*), sed qui deinde arctioribus multo finibus tempus anni hujus definiverunt *Urbanus VI.* & *Sixtus IV.* difficiliter satisfacerent illis, qui iustas sibi hujus accelerationis causas dari voluissent; quamvis enim illorum est ratio, quam quidam proferunt, jubilæum ab anno quinquagesimo ad trigésimo tertio ideo coarctatum fuisse, quia Christus tot annis in terra versatus est, & si etiam hoc detur, ob quam tandem rationem annum jubilæi singulis viginti quinque annis retire voluit *Sixtus VI*? suspicari proin licet, rem hanc ad indulgentiarum quæstum pertinuisse.

CAPUT QUINTUM

DE

DISCORDIA INTER SACERDOTIUM ET IMPERIUM.

§. 197. Offert se hic primo loco lis inter *Gregorium VII.* *Papam* & *Henricum IV.* Imperatorem exorta. Simoniaci vitium jam a *Stephani IX.* tempore Pontifices eradicare satagebant, horum vestigiis insistens *Gregorius VII.* altero sui pontificatus anno simoniacos vehementius adgredebatur, legesque contra simoniam in synodo Romana renovabat, inde vero bellum est enatum, quod longe difficillimum habebat exitum, atque per multos annos protractum ingens inter imperium & sacerdotium creabat dissidium.

§. 198. *Henricus IV.* legatos pontificios comiter quidem excepit, ejusque consilium simoniam abolendi laudavit, at nec ipse nec Germaniæ episcopi concedere legatis volebant, ut concilium in Germania cogerent, & in eos animadverterent, qui se simoniæ reos fecerant. Igitur anno 1075. in synodo Romæ habita longius progressus *Gregorius* familiares quosdam *Henrici*, quorum consilio & auxilio in vendendis episcopatibus uti dicebatur, atque non-

nullos Germaniæ & Italiæ episcopos excommunicabat, deinde sanciebat: *Ut quicumque episcopatum, aut abbatiam conferret, vel de manu alicujus laicæ personæ investituram acciperet, anathemate plecteretur*.

I. Ad hanc rem intelligendam necesse est exponere *originem & modum* illarum investiturarum, quas Gregorius damnabat. Investituræ originem suam debent feudorum introductioni, quorum usum Germani si non primi invenerunt, saltem communiorum reddiderunt illis præsertim temporibus, cum jus vulgo dictum *manuarius* in Germania viguit. Inde juxta Strykium in suo jure feudali *investitura* derivatur a voce germanica, quod significat firmare, vel ab *investire*, seu veste aliqua induere; solemnibus enim vestibus in ejusmodi inaugurationibus uti solebant. Si jam dominus directus feudum alicui concedit, illi aliquid extrahit in signum dati feudi. Cessio itaque feudi adhibitis quibusdam signis possessionem invenientibus investitura dicitur. Signa investituræ varia pro diversitate locorum aut temporum adhibebantur, & adhuc adhibentur, nimirum vel per gladium, vexillum, baculum, sceptrum, anulum, vel quodcunque aliud signum. His jam præsuppositis ex superius dictis (§ 86.) notandum est, a Caroli M. temporibus episcopus & monachus bona publica accepisse, quæ jura *regalia* sibi adnexa habebant, uti jus gladii, teionii, cudendæ monetæ &c. Bona ista conditionem *feudorum* sequuntur, hinc episcopi a Regibus investituram accipere debebant; non enim prius legitimi horum bonorum possessores habebantur, nisi aulam adissent, juramentum fidelitatis, seu homagium deposuissent, & signum translati domini utilis, seu investituram accepissent. Signum investituræ, quo Principes tempore Gregorii VII. utebantur, erat *baculus*, & *annulus*, qui modus investendi eo primum tempore introductus fuisse videtur, quo Imperatores electionibus per clerum & populum factis jus nominandi substituerunt; porrigebant enim antea viris ecclesiasticis eadem signa collatæ possessionis & usufructus, quæ militibus, comitibus & aliis vasallis tradere solebant, tabellas nimirum, virgulas & alia, atque hæc consuetudo clericos & laicos iisdem signis investendi sine dubio mutata haud fuisset, nisi clerici, quibus jus erat episcopos eligendi, spem Imperatorum arte fessuissent: mortuo enim episcopo illi, qui suum esse contendebant successionem eligere, sine mora ex gremio suo aliquem elegerunt, & consecrari curarunt. Hinc Imperatores ne tali ratione potestate privarentur episcopatus, cui voluerint, confidendi, insignia munera sacri, anulum nimirum & baculum statim post obitum episcopi ad se mitti jacebant, nam per baculum & anulum jurisdictionis episcopalis tum tradi solebat, nec ideo ablato baculo & annulo is, quem forte clerici in episcopum elegerant, consecrari poterat, omnis vero electio, quæ consecratione non dum firmata erat, irrita reddi poterat. Quamprimum itaque quis episcopus mortuus est, aut magistratus aut provincie præfectus baculum eius & anulum ad aulam mittebat. Imperator dein hæc insignia tradebat cui volebat, quo facto hæc ratione episcopus designatus Metropolitanum, ad quem consecratio pertinebat, ei que baculum & anulum ab Imperatore acceptum reddebat, ut ex ejus manu hæc potestatis sue insignia deus acciperet. Ex his jam apparet, duo fuisse puncta, quæ Gregorium offendeant: primum quod per hanc investituram jus antiquum eligendi episcopi funditus everteretur, & potestas eos nominandi ad Imperatores devolvebatur; secundum, quod sacre potestatis insignia baculus nimirum & annulus laicorum manibus traderentur.

§. 199. Non terrebat lex Gregorii Henricum. In vendendis episcopatibus peccatum esse a se non dissimulabatur, potestate vero episcopos nominandi, eosque per baculum & anulum investendi dimittere nullatenus voluit. Hinc Gregorius, qui non ignorabat, multis Germaniæ Principibus, maxime vero Saxonibus invisum esse Henricum, commodam sibi occasionem oblatam ra-

tus Imperatorem per legatos *Goslariam* missos Romam evocabat, ut in concilio de criminibus, quorum argueretur, causam diceret. Quo mandato vehementer offensus Imperator ipse sine mora *Wormatiæ* conventum egit episcoporum Germaniæ, in eoque Gregorium variorum flagitiorum aduersatum pontificatu indignum pronunciavit, comitiæque novo Pontifici creando indixit. Gregorius vicissim accepta hac per legatos & litteras Regis sententia eum & sacris & regno simul interdixit, populumque a iuramento fidelitatis absolvit¹. Denunciato hac ratione utrinque bello utraque respublica in binas factiones scindebatur.

1. Plerique tum temporis falsum de excommunicatione habebant conceptum, putantes, eam simul privationem iurium & bonorum temporalium post se trahere. Eam ob causam Regis factores dixerant, Regem excommunicari non posse, id quod occasionem præbuit Gregorio prolixam dandi epistolam; qua ostendere conabatur Papæ ius esse Imperantes sacris & regno interdicens.

§. 200. Deficiebant primo ab Henrico Suevorum proceres, quorum Princeps *Rudolphus* erat Dux Sueviæ. Accedebant his Saxones, quibuscum Regi dudum graves inimicitie erant. Utrique a Pontifice excitati, ut novum Regem, si Henricus voluntati ecclesiæ satisfacere nolle, eligerent, *Triburæ* prope Moguntiam anno 1076. convenerant de re tanti momenti consultaturi. Exitus deliberationis erat, ut litis cognitio inter Regem & Principes Romanos Pontifici ad comitia, Augustæ sequenti habenda anno, invitando comitteretur, Rex interea privatam agere vitam juberetur, hac addita conditione, ut nisi intra annum anathemate solveretur, regno careret.

§. 201. Henricus igitur hortatu amicorum in Italiam sibi proficiscendum, & clementiam Pontificis implorandam esse iudicabat, sed non tantum itineris huius fructum, quantum sperabat, capiebat; nam peccatorum quidem veniam ægre licet a Pontifice in castro Canusii impetrabat, postquam aspera hyeme anno 1077. mense Febuario per triduum intra ambitum murorum castri nudis pedibus, aperto capite, vili amictu vestitus animi dolorem professus esset, disceptationem vero de iure regni ad conventum Principum Pontifex differebat, Regemque interea omnium regie dignitatis & ornamentorum & iurium usu interdixit. Pactum hoc ferebant indignissime Italiæ tum proceres tum episcopi, defectionem minitantes Henrico. Quare paulo post ab eo resilliebat, & secus, quam Gregorius jusserat, depositam Regis personam resumebat. Ea re cognita Sueviæ & Saxonie Principes in conventu Forheimensi anno 1077. mense Martio *Rudolphum* Sueviæ Ducem concordibus suffragiis elegerant.

§. 202. Atrox hinc in Germania, & Italia bellum. In Italia Gregorius auxilio Normanorum inferioris Italiæ Dominorum & Mathildis Longobardis pro Henrico pugnantis non infeliciter restitit. In Germania Henricus cum fœderatis Rudolphum, ejusque socios, sed fortuna parum secunda insectabatur. Gregorius duobus belli eventus neutrius partis per aliquot annos videri voluit, at post infelix Henrici cum Saxonibus ad *Fladenheim* anno 1080. prælium audacior factus denuo Henricum diris devovit, & Rudolphum missa ei corona legitimum Germanorum Regem pronunciavit¹. Quam temeritatem ulturus Henricus multorum Germaniæ & Italiæ episcoporum suffragiis fultus Gregorium eodem anno in concilio Moguntino iterum exauthoravit, & paulo post in Brixiensi conventu Guibertum Ravenatensem Archiepiscopum Papam creavit, qui sibi Clementis III. nomen postea adscivit.

1. Misit Rudolpho coronam hac cum inscriptione: *Petra dedit Petro, Petrus dedit Rodolpho*. Alii eundem versum ita allegant: *Petra dedit Romam Petro: tibi Papa coronam*. Hanc Gregorii audaciam improbarunt viri tum pietate tum doctrina celeberrimi: quos inter Desiderius Abbas Casinensis, quem successorem optavit, habuitque Gregorius, Hugo Cluniacensis, Sugerius Abbas S. Dionysii &c. uti perspicue testantur temporum illorum historici, neque ipse diffinitur Gregorius Epist. 3. L. 7. ad Germanos scribens: *Quotquot Latini sunt, omnes causam Henrici, præter admodum paucos, laudant, ac defendunt, & per nimiam duritiam ac impietatis circa eum me redarguunt* (Steph. Rautens- trauch Inst. Jur. Eccles.)

§. 203. Post aliquot menses Rodolphus hostis Henrici ex vulnere in prælio ad *Elistrum* fluvium accepto Merseburgi moriebatur. Itaque sequenti anno 1081. Rex in Italiam cum exercitu proficiscebatur, Gregorium ejusque assecclas, si fieri ullo modo posset, debellaturus, his enim victis sperabat fore, ut motus germanicos facilius componeret. Pugnabat per annos aliquot cum Mathildis copiis varia fortuna: his frustra Romam obsedit, tandem anno 1084. maxima urbis parte potitus Guibertum, quem Pontificem fecerat, nomine Clementis III. in sede Romana collocavit, ipse ab hoc coronatus a Romanis Imperator salutabatur, denique Gregorium in castellum S. Angeli inclusum acriter pressit. Liberavit hac obsidione Pontificem Robertus Normannus Dux Calabriae & Apuliæ, eumque *Salernum* abduxit, sed hinc sequenti anno 1085. magni quidem & invicti animi vir, sed omnium, qui vixerant, Pontificum audacissimus diem supremam obiit¹.

1. Scribit quidem Sigebertus Gemblacensis in *Chronographia* ad annum 1085. Gregorium mortis proximum pectorum pœnitentiæ, missisq. ad *Leptinam*, ut non indolentem ostendat, sed restitit prætorum eorum etiam authorum testimoniis nimirum Hugonis Flaviacensis Abbatis, & Pauli Benricensis, qui inter cetera testatur, ultima Gregorii verba hæc fuisse: *Duxi pacem, & odi iniquitatem, propterea morior in castris*.

§. 204. Mortem Gregorii difficillima subsequebantur tempora; Clemens enim III., seu Guibertus anti-papa & in urbe Roma & in magna Italiae parte dominabatur, in Germania vero Henricus bellare cum Principibus pergebat. Adversarii Henrici Normanorum adjuti copiis anno 1086. Romæ Desiderium Abbatem, qui *Victoris* III. nomen assumpsit, in Gregorii locum suffecerant, isque anno 1087. parte urbis Romæ a Romanis Clementi erepta in æde S. Petri consecrabatur, sed vir in audacia Gregorio dissimillimus, placidus nimirum & timidus mox Beneventum rediit, & paulo post Casini mortuus est, veneno calici opera Henrici injecto, si fides habenda Ptolomæo Lucensi H. E. L. 19, ante mortem tamen in concilio Beneventi habito, quæ de abolendis *investituris* a Gregorio VII. sancita sunt, renovavit.

§. 205. Succedebat Victori *Otto* episcopus Ostiensis monachus Cluniacensis, qui *Urbanus* II. dici voluit. Huic arridere primo fortuna videbatur, sed redeunte anno 1090. Imperatore in Italiam, & *Guelphum* juniorem Baviaræ Ducem, Mathildimque fortiter oppugnante alia rerum facies nascebatur. Redibat anno 1091. spes Imperatorem opprimendi, quum *Conradus* filius ejus a Pontifice & reliquis patris sui hostibus adduci se sineret, ut a parente descisceret, regnumque Italiae sibi vindicaret, at turbulentissimus tamen minuebat Italiae status, neque Urbanus urbem Romam subicere sibi poterat. Itaque habito *Placentie* anno 1095. concilio, in quo Gregorii leges contra investituras repetebat, iter in Galliam suscepit, & celeberrimum illud Claromontanum habuit concilium, quod expeditionem cruciatam, uti dictum §. 98, decrevit. Rediens in Italiam castellum Romanum S. Angeli quidem in suam redegit potestatem, at paulo post anno nimirum 1099. decessit, sequenti anno anti-papa Clemens III. etiam est mortuus. Itaque post Urbanum electus Papa *Paschalis* II., antea *Reinrus* monachus Benedictinus, regnabat solus, neque enim factioni Henrico addictæ ita fortuna favebat, ut in locum defuncti Clementis III. Pontificem alium sufficere potuissent.

x. In eodem concilio, quod imprimis memorabile, Urbanus funestam bellam de investituris multo difficilius sustulit; nam Gregorius non prohibuit episcopis fidelitatem Regibus suis præstare. Urbanus vero etiam in verba Principum quorum jurare vetuit. canonum enim viginti quinti concilii hæc addita sunt: *Ne episcopus, vel sacerdos Regi, vel alicui laico in manibus ligam fidelitatem faciant.*

§. 206. Paschalis anno 1102. in concilio Romano decreta contra investituras renovavit, Henricum denno diris devovit, & hostes ei, ubicunque poterat, excitavit. Restitit quidem Henricus fortiter, at cum biennio post proprius filius ejus *Henricus* V. arma in patrem obtutu religionis caperet, actum erat; bello enim

infelicitè gesto imperio se abdicare a filio coactus est, & anno 1106. Leodii miser & relictus diem obibat ¹.

I. Ad tantam ægestatem Henricum IV. venisse scribit Sigonius L. 9. de regni Italiæ, ut nullo clericorum stipem illi erogante illud Jobi gembundus clama-verit: *Miseremini mei, saltem vos amici mei, quia manus Domini tetigit me.* Episcopus Leodiensis, qui cadaver defuncti Henrici in sua ecclesia sepelivit, illud tanquam hominis excommunicati corpus effodere, atque in loco non sacro deponere jussus est, unde Spiram translatus, ubi annis quinque in loculo lapideo extra ecclesiam servatum, quibus elapsis filius ejus Henricus V. Spi-ræ multis episcopis, & Principibus convocatis exequias patris sui celebravit, licentiam enim ei parentandi a Paschali II. obtinuit episcopis testatum facien-tibus, poenitentem e vita excessisse, & tanta pompa, ut nemo antecessorum ejus majore, in sepulchro familiæ suæ sepultus.

§. 207. Henricus V. filius & successor Henrici IV. etsi epis-coporum & abbatum electionem clericis monachisque permisserit, nullo tamen modo adduci poterat, ut se investitura per anulum & baculum abdicaret, hinc Pontifex in conciliis in Italia & Gallia anno 1107. habitis repetebat decreta contra investituras lata. Seque-bantur aliquot annorum induciæ veluti, cum Henricus V. disti-neretur bellis adeo, ut hoc negotium urgere non posset. His vero bellis compositis anno 1110. magno cum exercitu in Ita-liam proficiscebatur Romæ longum hoc & funestum certamen compositurus. Romam lentis itineribus pergenti Papa omni se præ-sidio nudatum videns pacem his legibus obtulit: ut Henricus in-vestituræ per anulum & baculum renunciaret, episcopi vero & abbates beneficia *regalia* Imperatori redderent. Probabat hoc pactum Henricus, verum episcopi vehementer ei repugnabant. Acri hinc contentione Romæ in ipsa S. Petri ecclesia exorta Henricus Pontificem comprehendit, & in arcem Trebicam capti-vum duci curabat, in qua quum aliquandiu delituisse, nova facta est conventio, qua Imperatori investituram per virgam & baculum concessit.

§. 208. Pacem hanc vi & armis expressam majores turbæ & graviora mala excipiebant. Primum post pactionem initam Pas-chalis II. in urbem regressus invenit ibi universum clerum Ro-manum sibi aversum, & valde improbantem foedus istud, parum absuit, quin apertum in schisma eruperit illa dissensio. Cum jam Papa totum clerum Romanum adversus se commotum cerneret, & ab omnibus urgeretur, ut pactum istud rescinderet, conciliem in basilicam Lateranensem convocavit, factumque suum fratrum con-silio corrigendum subdidit, quod concilium pactum cum Impe-ratore rescindebat. Multis posthac in conciliis tam Galliæ quam Germaniæ Henricus sacrorum communione est exclusus, imo hæreticis a quibusdam adnumeratus ¹, Principes etiam Germaniæ cum eo pro ecclesia passim bellum gerebant. Tot, tantisque ma-

lis ut finem imponeret Henricus, iterum in Italiam cum exercitu profectus est, & Romæ comitia celebrabat, Pontifice fuga Beneventum elapso. Sed Normani auxilio venerant Pontifici, & urbem Romam expugnare tentarunt.

I. Ivo tamen Carnotensis, alique modestius sentiebant, nec putabant sententiam investituræ defendentium hæreticam esse, hinc hæresis *henriciana* signum est.

§. 209. Majores eventus expectabantur, cum Paschalis anno 1118. diem obiret. Paucis post ejus mortem diebus *Joannes* Cajetanus monachus Benedictinus ex monasterio Cassinensi Pontifex creatus, qui *Gelasii II.* nomen sumpsit. Ei Henricus anti-papam opposuit *Mauritium Burdinum* Bracarensem in Hispania Archiepiscopum, qui Gregorius VIII. adpellari voluit, quare Gelasius cum se tutum Romæ ac in Italia non videret, in Galliam migravit, ibique paulo post Cluniaci moriebatur. Qui comitati eum erant cardinales statim post obitum ejus *Guidonem* Archiepiscopum Viennensem comitem Burgundiæ, cognatumque Henrici imp. Pontificem crearunt, qui *Calixtus II* dicebatur. Post multiplices itaque conatus, & concertationes anno 1122. in comitiis Wormatiensibus inter Pontificem & Imperatorem his legibus pax est sancita, ut in posterum libere episcopi & abbates ab illis, ad quos jus hoc pertineret, eligerentur, præsentem tamen Imperatorem, qui, si eligentes inter se dissentirent, litem adscitis in consilium episcopis dirimeret, denique ut Imperator non per anulum & baculum, sed per *sceptrum* episcopos investiret¹.

I. Pax hæc sub nomine *transactionis Calixtinæ* est nota, tantaque lætitia per omne imperium est excepta, ut extent diplomata. in quibus ab ea tanquam a salutari epocha annorum notæ ordinantur. Confirmavit eam quoque Pontifex in concilio generali anno sequenti 1123. habito Romæ. (§. 165.)

§. 210. *Fridericus II.* filius *Henrici VI.* anno 1214. imperium adeptus juramento se obstrinxit expeditionem cruciatam suscipiendi, quum vero ad decem annos exsolutionem promissi protraxerit, a *Gregorio IX.* in synodo Romana anno 1228. anathemate est percussus, & cum postea suscepta expeditione cruciata inscisi & etiam invitis commilitonibus pacem, seu potius decem annorum inducias cum Machumedanorum Duce fecisset (§. 108.), idem Gregorius IX. subditos ejus a juramento fidelitatis absolvit. His fulminibus territus pacem rogavit a Papa, jurataque satisfactione eandem obtinuit. Anno 1239. eum rursus idem Gregorius varias ob causas¹ anathemate percussit, subditos a juramento fidelitatis absolvit, ac loca omnia, in quibus ageret, interdicto subjecit. Lata die palmarum sententia est in basilica Lateranensi, in cœna Domini renovata, & post aliquot dies universis orbis Christiani episcopis signifi-

cata, jussitque Pontifex litteris encyclicis eam singulis diebus dominicis & festivis in suarum dioecesium ecclesiis ritu solemnipro-
mulgari.

I. Causæ in sententia excommunicationis expressæ erant. 1) quod contra Romanam ecclesiam seditionem moverit in urbe, 2) quod Prænestinum episcopum legatum pontificium, ne in sua legatione procederet, quam in Albigenium partibus ad corroborandam fidem Pontifex ei commiserat. impediri mandaverit, 3) quod quasdam cathedrales & alias ecclesias vacantes in regno Siciliæ reparari non permiserit, & proventus ecclesiarum vacantium aut in usus suos, aut ad castrorum ædificia impenderit, 4) quod ecclesias in regno destrui, ac profanari sineret, 5) quod nepotem Regis Tunisi venientem ad Romanam ecclesiam pro recipiendo baptismo detineret, ac Petrum Saracenum civem Romanum ex parte Regis Angliæ ad sedem Romanam venientem carceri mancipasset, 6) quod terras ecclesiæ occupasset, 7) quod terras quorundam nobilium de regno, quas ecclesia tenebat, occupaverit, ac ecclesias quasdam, monasteriaque omnibus fere bonis spoliaverit, 8) quod templarios, & hospitalarios in regno mobilibus & immobilibus spoliatos juxta tenorem pacis integre non restituerit, quod exactiones ab ecclesiis & monasteriis extorserit, quod Prælatos ecclesiarum & Abbates Cistercienses, aliorumque ordinum compulerit dare summam pecuniæ per singulos menses pro constructione castrorum, 9) quod contra tenorem pacis eos, qui adhæserant ecclesiæ, spoliatis exulare cogeret, & tandem 10.) quod negotium terræ sanctæ impedivisset.

§. 211. Videns Imperator, Papam contra Christi institutionem excommunicationis fulmen vel maxime ad conservanda jura temporalia vibrasse, immanes adversus eum iras concepit, litteras minis refertas scripsit, objectaque diluere crimina conatus est ¹. Apologeticas quoque pro eo scripsere litteras episcopus Herbipolensis, Wormatiensis, Vercellensis, & Parmensis (quas apud Matthæum Parisium legere est). At illas ceu meris commentis & frivolis excusationibus, mendaciisque scatentes sprexit Pontifex, & encyclicas ad episcopos, ac Principes orbis Christiani dedit, quibus sententiæ suæ æquitatem probare conatur, & Imp. Fridericum II. impiissimi libri, *de tribus mundi impostoribus Moyse, Christo, & Machumede* authorem pronunciat ².

I. Hos etiam versiculos sparsisse Imperatorem, & in cubiculum Pontificis im-
mitti curasse testatur Matthæus Parisius.

*Fata docent, stellasque monent, aviumque volatur,
Totius mundi malleus unus erit.
Roma diu titubans, variis erroribus acta,
Totius mundi desinet esse caput.*

Papam vero reposuisse:

*Fama refert, scriptura docet, peccata loquuntur,
Quod tua vita brevis, pœna perennis erit.*

2. Imperatorem huius libri authorem fuisse nitebatur testimonio tum aliorum Germanicæ Principum, tum maxime Henrici Ragonis Thuringie Landgravi, qui se audivisse dicebant, quum hæc loqueretur. Forte similia Friderico ve-

hementē commoto. nec raro imprudenti exciderant, & erant inter erudito philosophiam aristotelicam sectantes, quos secum plurimos habebat Imperator, qui materiam talis impietatis suppeditari possent. Hinc fabula illa fluxit libri prædicti autorem aut ipsam esse Fridericum, aut *Petrum de Vineis* Friderici administrum primum, quod tamen falsum esse inde patet, quia in illo Jesuitarum fit mentio. *El libro que lleva por título, liber de tribus baratoribus, sive tractatus de vanitate religionum, es realmente un libro que no existia cuando mas se hablaba de él, y del cual hablaban millares de gentes, sin que nadie lo hubiese visto. Su presumida existencia la motivó verosimilmente Simón de Tournai, doctor en teología de la universidad de Paris en el siglo XIII. (Mosheim).*

§. 212. Exinde Fridericus in Pontificem bellum gessit grave. Gregorius Papa Prænestinum episcopum ad S. Ludovicum Francorum Regem legatum misit, ut ipsum ad arma contra Fridericum capienda provocaret, quin etiam Roberto comiti Atrebatensi Regis Ludovici fratri imperium Friderici dedit¹. In Anglia pariter sententia excommunicationis in Fridericum promulgata est, & immensa pecuniæ vis ad bellum contra ipsum gerendum exacta², qua de re graviter conquestus est Fridericus datis ad Henricum III. Angliæ Regem litteris. *Ferdinandus Castellæ Rex se a copiis adversus Fridericum Pontifici subministrandi excusavit, quod bello adversus Saracenos implicatus esset, at mediatorum se interposuit pro redintegranda inter Imperatorem & Pontificem pace.*

1. Respondit Rex Franciæ, quod se eo bello implicare nollit, partim quia nec ipsi, nec Gallicanis Principibus justitia illius perspecta esset, partim quia fœderatum Imperatorem aggredi *perfidum*, ejus ruina crescere velle *ambitiosum* esse videretur.

2. Has vero pecuniarum exactiones legatus apostolicus ab Anglicanis abbatibus extorsit, Pontifici enim Angliæ modestis exceptionibus postulata ejus elusere. Clerus Gallicanus vero respondit, quod contribuere non debeat, tum quia contributio fieret contra eam, qui contraxit cum Principe suo, tum quia fieret ad effusionem sanguinis Christiani. Rectores ecclesiarum de *Benchirise* ad contribuendum frustra etiam hortatus est legatus pontificius. responderunt enim, contra Imperatorem non esse contribuendum ut contra hæreticum, cum non sit damnatus judicio ecclesiæ, nec pro eo, quod occupat vel impugnat patrimonium ecclesiæ Romanæ. Item sicut ecclesiæ Romana suum proprium habet patrimonium, cujus administratio pertinet ad Dominum Papam, similiter & aliæ ecclesiæ suum ex largitione & concessione Regum, quod in nullo est censuale vel tributarium ecclesiæ Romanæ. Christum item ad Petrum solum dixisse: *Quidcumque ligaveris, &c. solveris, erit ligatum &c. solutum.* nunquam vero dixisse: *quodcumque exegeris super terram, erit exactum in caelis.* Repe tamen & episcopis faventibus ad contributionem sunt compulsi, ut refert *Mattheus Parisius*.

§. 213. Germaniæ Præsules latam a Gregorio in Fridericum sententiam promulgare detrectarunt, & Pontificem rogabant, ut ad pacem cum illo ineundam descenderet. Pontifex scriptis ad Electores litteris jussit, ut alium Imperatorem eligant, illi vero rescribere, non esse pontificiarum partium exuere dignitate, sed electum a Principibus coronare (*Statensis Abbas in Chron.*)

Interea Viterbienses, alique pontificiæ ditionis populi ad Fridericum defecere, qui in pontificios subditos horrenda crudelitate grassabantur. Imperator conflato ex diversis nationibus exercitu in Campaniam, Picenum, Marchiam, Romaniolam populabundus excurrit, Beneventum ac Faventiam longa obsidione fatigatus expugnavit, Jannensium classem, qua legati pontificii & præsules ad synodum pergentes vehebantur, *Entii* filii nothi opera dissipavit, captos in carcerem coniecit. Romam versus copias promovit, Spoletum oppressit, flammis Albam delevit, &c. (*Richardus a S. Germano in chronic.*).

§. 214. Defuncto interim Gregorio, & Cœlestino IV. (qui septemdecim tantum diebus Pontificatum gessit) *Innocentius IV.* ad sedem Romanam evectus est. Fridericus, qui a Gregorio nullam concordiam sperandam habuit, eam ab Innocentio obtinere omnibus viribus adlaboravit, misit enim ad eundem litteras honorificas, & legatos, atque utraque parte de concordia ineunda est actum. Puncta quædam, ac leges concordiæ a Pontifice sunt propositæ, quas tamen vel non recepit Fridericus, vel si eas adimplere promisit, mox eum pœnituit, neque se contenta servaturum dixit, nisi prius anathemate solveretur. Hoc cum præstare noluisset Pontifex, non tantum non est inita concordia, sed vetus, & quidem longe vehementius recrudit dissidium. Pontifex structas a Friderico insidias fugiens in Galliam se recepit, & synodum œcumenicam Lugduni celebrandam indixit. (§. 179.)

§. 215. Tres fuerunt habitæ sessiones. Multa in prima & secunda sessione peroravit *Thadæus de Suessa* Imp. orator, sed cum exacerbatum Papæ animum placare non potuisset, in Fridericum, quatuor maxime criminum eum reum pronuncians¹, sententiam tulit².

1. Horum erat 1) *perjurium* multiplex, 2) evidens & vehemens *hæreseos* suspicio, 3) *sacrilegium* violenta captione ac detentione cardinalium, 4) læsa pontificia majestas, seu commissa *felonia* (beneficiario enim jure regnum Siciliae ab ecclesia Romana tenuisse dicitur).

2. Omnis hæc exauthoratio inanis & frustranea fuit, nec enim pro exauthorato unquam se habuit Fridericus; imo de sententia certior factus illico coronam adferri jussit, quam capiti imponens dicit: *non dum coronam meam perdi vel Paparum infuigatione, vel synodali concilio, nec sine cruento perdam gladio*. Et revera multum sanguinis ob sententiam a Papa indeliberate latam fusa est, si quidem multa bella Imperator per filium suum Conradum cum Henrico Landgravio, quem Pontifex artibus suis a quibusdam Principibus Germaniæ Imperatorem creari fecerat, commisit.

§. 216. Infaustum quoque concitavit *Joannes XXII.* Papa

cum *Ludovico* Bavaro Imperatore bellum. De imperio enim in Germania dimicabant *Ludovicus* Bavarus, & *Fridericus* Austriacus, quoniam electores inter se divisi aliqui hunc, alii alterum elegerant, plura tamen habuit suffragia *Ludovicus* Bavarus. *Joannes* Papa litis hujus cognitionem ad se pertinere iudicans *Clementinas* imprimis promulgavit constitutiones, quas inter declarat: *ad probationem personæ ad imperialis celsitudinis apicem assumende, nec non unctionem, consecrationem & imperii coronam Romanos Principes a summo Pontifice accipere & juramentum fidelitatis eidem Pontifici præstare debere.* Postmodum edita constitutione omnes & singulos imperii vicarios, quos *Henricus VII.* Imp. in Italiæ civitatibus imperio obnoxiiis constituit, exauthoravit, arroganterque pronunciare est ausus, imperii vacantis administrationem ad Romanum spectare Pontificem, eo quod ipsi in persona *B. Petri terreni simul & cælestis imperii* jura Deus ipse commiserit. *Ludovico* vero Bavaro & *Friderico* Austriaco imperii competitoribus diem dixit, qua jura sua instrumentis & rationibus ad sedem apostolicam vindicarent, ut causa cognita alterutri adjudicaretur imperium.

§. 217. Armis agere maluit *Ludovicus*, & cum anno 1322. competitorum suum *Fridericum* bello superasse, & cœpisset, inconsulto Papa imperii administrationem suscepit, litemque ferro terminatam Papæ judicio denuo subijcere noluit. Indignissime hoc ferens *Joannes* anno 1324. Imperatorem omni jure imperii privavit. *Ludovicus* contra *Joannem* hæreseos contra Christi & Apostolorum paupertatem adcusavit & ad concilium generale adpellavit. Exacerbatus tum his, tum aliis rebus Pontifex anno 1327. Imperatorem denuo omni dignitate & regno spoliavit, & anathemate percussit. Hanc injuriam ita ulcisccebatur Imperator, ut anno 1328. Romæ publice *Joannem* indignum pontificatu pronuntiaverit, *Petrum de Corbario* in ejus locum suffecerit, qui *Nicolaus V.* dici voluit, & *Ludovicum* coronavit. Igitur *Joannes* invito Imperatore, & *Ludovicus* invito Pontifice regnare pergebat.

§. 218. Mortuo *Joanne XXII.* electus est *Benedictus XII.*, sub quo probo Pontifice certamen cum *Ludovico* Imp. quievit; quamvis enim a Rege Francorum, ut fuerunt, impeditus in communionem ecclesiæ *Ludovicum* non receperit, nihil tamen etiam in eum moliebatur. Alia mens erat successori ejus *Clementi VI.*, qui *Joannis* pressit vestigia; anno enim 1343. nova in Imperatorem fulmina vibravit, quæ cum sperni a *Ludovico* intelligeret, anno 1346. eum denuo diris devovit, Germaniæque Principes induxit, ut *Henrici VII.* filium *Carolus IV.* Imperatorem eli-

gerent. Civile hinc in Germania bellum exarsisset, nisi anno 1347 Ludovicus diem obiisset.

§. 219. Ingenti inter *Philippum* Pulchrum Galliae Regem & *Bonifacium VIII.* Papam dissidio initium dedit ipse Bonifacius, eo quod non contentus exercitio potestatis spiritualis jura majestatica Regis invaserit. Cum enim *Guido* Flandriae comes Philippi Regis sui offensam incurreret, quia filium suum Rege inconsulto contra leges ejus temporis filiae Regis Angliae maritum dedit, comitemque propterea una cum uxore in custodia tenuisset Philippus, usquedum filiam obsidem tradidissent, Guido de injuria, quam sibi illatam putabat, ad Pontificem adpellavit. Suscepit adpellationem Bonifacius, non satis considerans de re temporali agi & de juribus Regis. Episcopo Meldensi dedit in mandatis, ut Regi optionem daret vel Flandriae comiti satisfaciendi, vel ad tribunal apostolicum se sistendi. Princeps judicium Rex ægerrime tulit, responditque legato, Pontifici renunciaret, se nullum præter Deum se superiorem agnoscere, cui de regni administratione rationem reddere teneretur. Idem dedit responsum, cum ei sub anathematis poena Pontifex imperasset, ut inducias cum *Eduardo* Angliae Rege ineat.

§. 220. Dissidium auxit constitutio a Bonifacio anno 1296. edita¹, quoniam Philippum Regem spectare videbatur, qui a clero Gallicano subventionem ad belli sumptus postulaverat. Rex vicem rependere volens Pontifici extraneos ingressu in regnum omnique commercio prohibuit, pecunias etiam extra regnum effferri vetuit, quam prohibitionem Pontifex indignissime tulit, literisque ad Regem datis conquestus est de injuria, quam edicto isto Romanae ecclesiae intulerat, hortatusque, ut errata corrigeret, & sedis apostolicae benevolentiam promereretur², at Rex ad has querelas Papæ respondit argumentis ex jure publico, & S. scriptura petitis³.

1. Inserta legitur hæc constitutio L. 6 *Decret. Tit. de cleric. immunit.* In qua statuitur, ut quæcumque persona ecclesiastica suorum vel ecclesiae proutentum partem laicis sub adjutorio, mutui, subventionis, doni, seu quovis alio titulo sine sedis apostolicæ autoritate solverit, eo ipso excommunicationis sententiam incurrat, eadem poena statuitur in Reges, Principes, comites, aut cujuscunque præminentiæ civiles personas, qui a personis ecclesiasticis quid exegerint, aut receperint.

2. Aiebat Papa, non esse, cur a se lata constitutio adeo invidiose exciperetur, cum consilia Regi pro regia defensione præstari non prohibuit, sed tantum id atque sedis apostolicæ licentia non fieri, ut exactiones a regis ministris imponere modum aliquem haberent. Si vero necessitas inminueret, eandem apostolicam non modo permissionem, sed vim etiam, ut Clerus Gallicanus Regi subveniret, & calices etiam ad reipublicæ usum concedat.

3. Nimirum se jure prohibuisse eversionem equorum, armorum & pecuniarum e regno absque sua licentia: id se permissurum, ubi exploratum esset, bona esse clericorum & absque regni detrimento, hostiumque commodo fieri. *Libertatem* clericos præ laicis nullam habere, quum libertatem a servitute peccati Christi sanguine nobis comparatam clerici ac laici communem habeant, singulares autem inhumanitates clericorum benignitate Principum civilium ipsis indultas jura Regum auferre non posse, illaque Christi verba: *Reddite, quæ sunt Cæsaris, Cæsari* Pontifices ac clericos etiam spectare. Turpem esse partem, quæ toti non congruit, membrum inutile & quasi paralyticum, quod corpori subsidium ferre recusat, proin clericos, qui regno auxilium denegant membra inutilia & quasi paralytica censi debere. Jus naturæ subverti, cum prohibetur clericis, ne contra hostiles incursus Regi, regno & sibi metipsis subveniant. Se ecclesiam ac ministros ejus venerari, justitiæ cultorem perpetuo fore, minas mortalium omnium non reformidare (Edita sunt ista Regis responsa in historia dissidii p. 21).

§. 221. Interea *Petrus* Remensis Archiepiscopus cum episcopis & Abbatibus suæ provinciæ significat Bonifacio, ipsius constitutionem graves in Gallia excitasse turbas ¹. Quamobrem Pontificem enixe rogat, ut querelarum causas rescindat, & pacem restituat. Monitis ac precibus episcoporum inflexus Bonifacius anno 1297. diploma promulgavit, quo constitutionem suam ante editam interpretatus declaravit; eam ad donationes & voluntarias præstationes Regi a personis ecclesiasticis factas se non extendere, neque adtingere *feudalia, censualia* vel alia servitia tam de *jure*, quam de *consuetudine* a personis ecclesiasticis debita.

I. Eam enim Regis, Principum, ac Baronum esse sententiam ajbat Archiepiscopus, a qua dimoveri non possunt: omnes & singulos Regis subditos ad defensionem regni ac patriæ omni privilegio ac exceptione cessante obstrictos esse, imprimis vero beneficiatis ac feudatariis, quorum aliqui propter acceptum feudum inde vasallitica, cuncti vero jurejurando Regi ad jus & honorem ipsius servandum obligantur.

§. 222. Sublata videbatur dissidii causa, cum nova improvise emeris. Bonifacius VIII. compromisso arbiter factus est controversiarum, quæ Reges inter Philippum Franciæ & Eduardum Angliæ, ac Guidonem Flandriæ comitem movebantur. In favorem Angli & Flandri sententiam tulit anno 1298., qua inter alia edixit, ut Rex Philippus comiti Guidoni filiam & urbes captas restitueret, qua sententia non levem dedit Regi offensionis causam, quoniam id partim studio, & animo Galliæ aulam deprimendi fecisse visus est ¹.

I. Promisit enim scripto Regi, se nequaquam sententiam prolaturum, nisi eo consulto & consentiente, at judicavit non expectato Regis consensu; obsignatam siquidem Angliæ Regi legato tradidit sententiam Philippo significantiam. Aperto diplomate Rex iniquas condiciones arbitratus judio Pontificis stare se nolle protestatus est, quin & *Robertus* Artesiæ comes ira excandescens diploma pontificium de manu legati rapuit, laceravit, & in ignem projecit.

§. 223. Dissidii hujus præcipuus inventor erat Bernardus *Saisi* episcopus Appamiensis inquietus atque turbulentus homo, quem recenti beneficio Pontifex ornavit, sibi que ideo obstrinxit,

cum Appamiarum episcopatum in monasterio canonicorum regu-
larium S. Antonii anno 1296. in ejus gratiam vel invito Rege ere-
xit. Huic legationem commisit Bonifacius ad Philippum Regem,
ut eum ad syriacam expeditionem impelleret, indietasque ad hoc
opus decimas in alios usus convertere prohiberet. Pontificis manda-
ta insolenter executus est *Bernardus* nulla Regis reverentia, minis
etiam anathematis & exauthorationis Regi intentatis nisi Papæ obe-
diret, quæ Philippi animum adeo exacerbarunt, ut eum in custo-
diam Archiepiscopo Narbonensi ejus Metropolitano tradiderit.

I. Ita quidem *Platina*, sed tradunt alii, ob verba contumeliosa in Regem, &
quod nihil se ei debere jactaret, sed tam in temporalibus, quam spirituali-
bus uni Papæ subesse, adeoque ut reum majestatis læsæ ad curiam Regis
fuisse vocatum, & sui Metropolitani custodiæ traditum, ut ab eo una cura
episcopis provincie canonice judicaretur.

§. 224. Missus a Rege ad Pontificem nuncius, qui ei significa-
ret, quod licet Rex potuisset de Magnatum consilio episcopum
conjuracionis convictum extremo damare supplicio, quia causa
læsæ majestatis nullus esset privilegii locus, licet illum bonis exue-
re saltem potuisset, ipsum tamen ob ecclesiæ reverentiam Papæ
significare voluisse, quem propterea rogavit, ut in virum mortis
secundum canones procederet, eumque exauthoratum justitiæ per-
mitteret.

§. 225. De his certior factus Bonifacius litteras misit ad Re-
gem, episcopum Appamiensem quantocyus libertate donaret, ac
ad sedem apostolicam proficisci permetteret, bona restitueret oc-
cupata. Scripsit etiam ad Archiepiscopum Narbonensem, ut epis-
copo Appamiensi ab omni potestate & custodia seculari plene libe-
rato & sub custodia Pontificis constituto diligenter inquireret de
capitibus adeusationum ipsi objectis, illumque cum instrumentis ad
sedem apostolicam mitteret. Sed & legatum ad Regem Pontifex
misit *Jacobum de Normandis* archidiaconum Narbonensem, qui
ei sedis apostolicæ autoritate juberet, ut episcopum dimitteret, a
collatione & usufructu quorumcunque beneficiorum vacantibus
ecclesiis abstineret, & orientalem expeditionem juvaret. Id nisi
impetraret legatus regnum Franciæ ad sedem apostolicam devolu-
tum declararet, Regem configeret anathemate, subditos a juramen-
to fidelitatis absolveret, Præsules omnes & doctores ecclesiæ Galli-
cane adesse juberet synodo proxime celebrandæ, ut malis eccle-
siæ a Rege illatis remedium adhiberetur. Archidiacono legationem
obeunti pontificias litteras eripuit ac in ignem conjecit comes At-
trobantensis, moxque tum legatus tum episcopus Appamiensis libe-
tate donatus regno abire jussi. Tum Rex prohibuit edicto solemn-
i, ne quis e clero Gallicano Romam peteret, aut regno aurum vel

Gm. hist. eccl. T. II.

argentum extraheret, & custodibus apposis cavit, ne quis fulminantes Pontificis litteras in regnum adferret ¹.

1. Auxit dissidium *Columnensium* hostium Pontificis suscepta a Rege protectio, sive in eos demonstrata benevolentia. *Celestinus* enim V. antecessor Bonifacii VIII. sponte resignavit pontificatui, Bonifacius vero ne vivente adhuc Celestino electio ejus tanquam invalida impugnari queat, eum in arcem *Fumonis* includi jussit. Splendida autem *Columnarum* familia alium Pontificem eligi voluit, electionem Bonifacii ex eo impugnans, quod Celestini resignatio non sit facta canonice sed Bonifacii artibus, ac suasionem ab eo extorta.

§. 226. Anno 1303. Bonifacius Regis animum sibi tentandum ratus, antequam fulmina contra ipsum disploderet, card. *Joannem Monachi* in Galliam legatum misit certis cum articulis Regi offerendis, secundum quos ad satisfactionem ecclesiæ præstandam ipsum hortabatur ¹. Respondit Rex ad hos articulos summa modestia ², quas tamen responsiones haud æqui bonique duxit Bonifacius; morarum enim impatiens anno 1303. in Regem præcipitem excommunicationis tulit sententiam, quam ad legatum misit ei significandam, & in provinciis regni ritu solemnem promulgandam. At Rex adversus Papam se, regnumque suum munire minime omisit ³.

1. Erant articuli sequentes: 1) ut Rex prohibitionem clero datam eundi Romam revocaret, 2) Regi nuntiaret collationem beneficiorum vel in, vel extra curiam ad Papam spectare, laicum vero beneficium conferre non posset, 3) Pontificem legatos suos mittere posse absque consensu Imperantis, 4) bonorum ecclesiasticorum administrationem non laicis, sed solum personis ecclesiasticis esse tributam, summam vero dispositionis eorum potestatem ad Papam pertinere, 5) Regi non licere bona ecclesiastica occupare, vel ecclesiasticos viros (exceptis causis feudalibus) ad suum judicium trahere, 6) Regem gravissimam injuriam Papæ irrogasse permittendo, ut diplomata pontificia comburerentur, 7) mutationem monetarum bis intra breve tempus factam, aliaque gravamina a Rege esse emendanda, 8) civitatem Lugdunensem & suburbia, merum & mixtum imperium non esse in dominio Regis, sed ecclesiæ Lugdunensis, 9) ut apostolicus legatus Regi significaret, nisi intra certum tempus hæc omnia emendaret, & ecclesiæ satisfaceret, ipsum Pontificem pro jure & officio suo provisurum, ac spiritualiter & temporaliter contra Regem processurum.

2. Dicebat nimirum, se nihil egisse, nisi quod jure regio agere poterat, quod si vero hæc responsio Pontifici non probarentur, se paratum esse Ducem Burgundiae & Brabantie arbitrio stare, quos ob notam eorum probitatem, & devotionem erga Romanam ecclesiam in hoc dissidio arbitros lubenter se admissurum Pontifex professus esset.

3. Ordinum enim conventum Parisiis in Regia celebravit eodem anno 1303. mense junio, cujus exitum veritus pontificius legatus clam recessit Romam reverurus. In hoc conventu Rex & omnes regni ordines adherentibus eis clero Raticano & universitate Parisiensi ad concilium generale contra Bonifacium VIII. adpellarunt.

§. 227. Graviora & acerbiora in Regem Bonifacius moliebatur dum de his quæ in Gallia contra ipsum gesta essent, certior fac-

tus est. Imprimis constitutionem edidit, quæ incipit: *Rem novam non adgredimur*, qua declaravit, citationes cujuscunque personæ, etiam *imperialis* autoritatis autoritate apostolica factas præsertim si ipsi impediant, ne iis innotescant, æque valituras, ac si ipsis coram significatæ fuissent. Facultati theologicæ & juridicæ justitiam indixit, omnemque docendi facultatem & lauream doctoralem conferendi suspendit, donec Rex Pontificis mandatis obtemperaret. Provisionem omnium beneficiorum in toto regno vacantium sedis apostolicæ dispositioni reservavit. Denique censuras in Regem latas confirmavit, regnum sacris interdixit, subditos a juramento fidelitatis absolvit, inita etiam a quibusdam Principibus cum Rege fœdera rescidit.

§. 228. Acerbum istud diploma in die nativitatis Mariæ promulgaturus erat, nisi Deo disponente captus fuisset a *Guillmo Nogareto* '. Anagninienses Pontificem ex atrocis hujus hostis manibus liberabant quidem, at is paulo post Romæ rabie ac ægritudine mense octobri anno 1303. mortuus est.

1. Degebat tunc Bonifacius Anagninæ, & Wilhelmus Nogareto celeberrimus jurisconsultus in Italia ad gerenda Philippi negotia versabatur, cui Rex dedit in mandatis, ut concilii generalis convocationem ab ecclesia Gallicana expetitam, & Galliæ ad dictum concilium advectionem significaret. Nogaretus vir strenuus & acer adseita in auxilium potenti *Columnarum* familia, quæ cum Pontifice dissidebat, & præprimis *Sciarræ* parvum conscripsit exercitum, & Bonifacium Anagninæ secure degentem subito invasit, captum tum aliis gravissimis injuriis affecit, tum colapho ferrea chirotheca inflecto sauciavit. (Alii id *Sciarram* fecisse ajunt.)

§. 229. Tristi hoc exemplo eruditus *Benedictus XI.*, qui Bonifacio successit, Regem Galliæ ejusque regnum ne monitis quidem ab excommunicatione & interdicto absolvit. At Nogaretum, qui nimis graviter in majestatem Pontificis peccasse putabatur, ut admissi criminis absolveret, a se impetrare non poterat. Is ergo vir audacissimus litem Bonifacio intentatam strenue in aula Romana persequabatur, Regisque sui verbis postulabat, ut mortuus etiam Pontifex infamiæ nota inureretur. Benedictum brevi mors veneno maturata abripuit, itaque Philippus anno 1305. clandestina machinatione perfecit, ut *Bertrandus de Got* Gallus archiepiscopus Burdigalensis Romæ Pontifex crearetur ', qui *Clemens V.* vocari voluit, & sedem suam ad votum Regis Avenionem in Gallia transtulit. Clemens nutu & voluntate Philippi totus regebatur, hostis Bonifacii maximus Wilhelmus Nogareto, ecclesia licet ejectus esset, nihilo tamen minus in aula Pontificis & regis sui, & propriam causam contra Bonifacium audacissime egit. Philippus cadaver Bonifacii effossum publice cremari voluit, avertebat hanc infamiam *Clemens* ægerime consilio & precibus: at in ceteris Regi obtemper-

randum erat. Leges igitur a Bonifacio latas abrogare, quinque annorum decimas Regi concedere, & Nogaretum levi pœna imposita, quam nunquam exolvit² culpæ omnis absolvere.

1. Nempe his Regis cum Pontifice nondum prorsus erat composita, & Nogareto nondum absoluto facile recrudescente poterat. Quare indigebat Pontificis Galli, quem pro arbitrio regere posset, atque totum devictum sibi, & obnoxium veluti haberet.
2. Erat autem pœna Nogareto imposita septem peregrinationes sacræ, & perpetua in Palestina commoratio ad ibidem occasione data pugnandum contra Saracenos.

CAPUT SEXTUM.

DE

HIERARCHIA, SEU REGIMINE SACRO.

§. 230. Ecclesiæ Romanæ *monarchiam*, cujus fundamenta Pontifices a tempore prodeuntium pseudo — decretalium Isidori jecerant, penitus stabilivit *Hildebrandus* (a cujus nomine aliqui seculum XI. vocant *Hildebrandinum*), qui electus in Pontificem anno 1073. *Gregorii VII.* nomen assumpsit. Docet id partim ejus *dictatus*¹, partim conatus omnia fere regna sub fidem & clientelam S. Petri, ut aiebat, id est, Pontificis Romani cogendi, eique subjiendi², præcipue vero, quod in libris cum Henrico IV. ausus sit exercere potestatem indirectam in temporalia Principum subditos a juramento fidelitatis absolvendo, cujus potestatis ante Gregorium VII. nullum in ecclesiâ reperitur vestigium, vel usus.

1. Dictatum Gregorii, seu ut alii loqui malunt, *dictatus Hildebrandini* nomine intelliguntur viginti septem breves sententiæ seu propositiones de suprema potestate Romanorum Pontificum in universam ecclesiam & rempublicam, quæ L. II. Epist. Greg. VII. inter Epist. 55 & 56 interjectæ leguntur hoc titulo: *Dictatus Papa*, & quas inter falsissimæ, & absurdæ etiam sunt numero septima: *Soli Papa licet pro temporis necessitate novas leges condere*, octava *solum Papa uti potest imperialibus insigniis*, & *vigesima tertia: Papa canonice electus Cardinalatus meritis beati Petri indubitanter efficitur sanctus*. Baronius, Christianus Lupus (cujus amplissimus in hos dictatus, quos sacrosanctos putat, commentarius extat) omnesque Ruffianæ curiæ assentatores dictatus hos ab ipso Gregorio VII. in concilio forte quodam compositos esse statuunt. At Gallorum doctissimi Jo. Lamoignon, Nat. Alexander, Ant. & Franc. Fagius, Lud. Ellas de — Pâris & plures alii acriter disputant, subjectas Hildebrando esse ab homine quodam doloso, & aulæ Romanæ adulatore. Quod ut probent, observant, etiam quædam illarum sententiarum mentem Gregorii satis bene exprimant, esse tamen quædam in illis, quæ sensibus ejus in epistolis propositis aperte repugnant. Addit Nat. Alex. quod nullus author Gregorio VII. corevus, aut suppar hujus dictatus meminerit, nec ipse etiam Grego-

rius dictatum in suis epistolis laudat ac vindicat, uti alia sua decreta. Mediam inuit viam *Moshemius* conjecturando, hominem quemdam ex epistolis Gregorii partim editis, partim aut latentibus aut amissis, fortassis etiam ex ore ejus has sententias litteris mandasse, cum materia dictatum sine dubio hildebrandina sit, maxima etiam pars eorum totidem fere verbis in ejus epistolis passim legatur.

2. Audacis hujus consilii testimonia ex ipsis Gregorii VII. epistolis & aliis quibusdam antiquis monumentis eruii colleguerunt. Lib. IX. Epist. Ep. 3 futuro Romanorum Imperatori haec iurjurandi formulam praescribit: *Ab hac hora & deinceps fidelis ero per rectam fidem B. Petro apostolo, ejusque vicario Papae Gregorio — —, & quodcumque mihi ipse Papa praeceperit sub his videlicet verbis: PER VERAM OBEDIENTIAM, fideliter sicut oportet Christianum, observabo, & eo die, quando illum primitus videro fideliter per manus miles S. Petri, & illius efficiar.* Qui hoc aliud est, quam hominum perfectum, & lignum feudum? A Galliae regno dominium temporale, quod Pontifices habent, manasse est notissimum, at Gregorius tamen vectigale ecclesiae Romanae illud cohtendebat, atque legatos suos censum annum, seu tributum a Gallis percipere jubebat L. 8 Ep. 23 *Dicendum autem est omnibus Gallis, & per VERAM OBEDIENTIAM precipiendum, ut unaquaeque domus saltem unum denarium annuatim solvat B. Petro, si eum recognoscunt Patrem & pastorem suum more antiquo.* Sed hic frustra jussit Gregorius; a Francis enim nullum censum unquam impetravit. Eadem epistola Saxoniam feudum ecclesiae esse contendit, seu Carolum M. S. Petro illud obtulisse significat. Ipsum Galliae Regem Pilippum I. his verbis alloquitur. L. 7 Epist. 20. *Maxime enitere, ut B. Petrum (id est Pontificem) in cujus potestate est tuum regnum & anima tua, qui te potest in caelo & in terra ligare & absolvere tibi facias debitorem.* Idem quod Gallis, etiam Hispanis persuadere studebat L. 10. Epist. 7. *Regnum Hispaniae ab antiquo proprii juris S. Petri fuisse, & soli sedi apostolicae ex aequo pertinere.* Apud Hispanos paulo felicior erat, quam apud Gallos; Petrus de Marca enim ex antiquis monumentis probat, Regem Aragonum Bernardum Gregorio annum censum spopondisse, ac solvisse.

§. 231. Scivit etiam Gregorius fines imperii ecclesiae Romanae in Italia proferre, & patrimonium S. Petri augere. *Mathildem* enim *Bonifacii* ditissimi Ducis Tusciae filiam, Principem in Italia potentissimam permovit, ut Romanam ecclesiam bonorum suorum haereditatem scriberet. Controversia magna exorta est, quas terras Mathildis Gregorio donaverit, ex ipsis enim donationis tabulis quidam concludunt, eam non *feuda imperii*, quae possidebat, nec idcirco Marchiam Tusciae, Ducatumque Spoletanum, sed allodia tantum sua donasse.

1. Dicit enim in instrumento donationis: *Ego Mathildis — — dedi & obtuli ecclesiae S. Petri omnia bona mea jure proprietario tam quae tunc habuimus, quam ea, quae in antea adquisivimus tam sive jure successionalis, sive alio quocumque jure ad me pertinent.* Verum alii contra animadvertunt, verba haec: *jure proprietario*, ex quibus videtur sequi eam, tantum allodialia donasse, non ad bona pertinentia donationis, sed ad in duam donationis, & cum antecedentibus verbis *dedi & obtuli* coniungi debere. Non enim dicit: *dedi bona omnia, quae jure proprietario possidebam, sed, & si omnia bona mea ecclesiae jure proprietario, id est, volo, ut ecclesiae omnia bona mea jure proprietario tanquam bona propria possideant, neque scribere potuisset Mathildis sive jure successionalis, sive alio quocumque jure ad me pertineant, si de solis bonis allodialibus intelligi voluisset.* quia nullum bonorum genus est illud. At respondebit forte aliquis: ecclesia Romana nunquam feuda imperii per Mathildis donationem sibi data esse pugnabit, sed sola allodialia postulavit, at vero dato hoc non concessio hic loci non de moderatatione Pontificum in petenda haereditate, sed de sensu donationis factae quaeritur.

§. 232. Idem Gregorius altero sui pontificatus anno in concilio Romæ habito sanxit, nec sacerdotes uxores ducerent, qui vero haberent secum sive uxores, sive concubinas aut eas, aut sacerdotium dimittant¹. Lege hac promulgata clerici ingentes turbas excitarunt², mala etiam ingentia exorta, præsertim inde, quod prohibuerit vel missæ conjugati sacerdotis interesse³.

1. Clerici illo tempore uxores ducentes abs dubio id cum consensu suorum Imperantium fecerant, atque adeo illarum matrimonia legitima erant. De conjugii autem legitimitate docet Paulus: *His, qui matrimonio juncti sunt, præcipio non ego, sed Dominus, uxorem a viro non discedere.* (ad Cor. C. 7. v. 10.)

2. Vix Germaniæ episcopi decretum de cœlibatu in suis diœcesibus exequi cœperant illico clerici omnes in querelis educti, hæresim esse manifestam & insanam doctrinam, homines velle compellere ad ducendam vitam angelicam, cum tamen Christus de continentia differens fassus fuisset: *non omnes capiunt verbum hoc, qui potest capere capiat*, & S. Paulus: *Qui se non continet, nubat, melius est nubere quam ui.* Si vero exequi hoc decretum obstinate statuisset, malle se sacerdotium, quam matrimonium abjicere, & tunc Pape curam fore, ut undecunque posset loco hominum, quos aspernaretur, angelos ad regendas ecclesias accerseret. Parum quoque abfuit, quin Sigfridus Archiepiscopus Moguntinus, & Altmannus episcopus Passaviensis, dum decretum hoc promulgarent, a clericis tumultuantibus interfecti fuissent. Verum bellum hæc tempus, & constantia Pontificis paulatim sedabat, nullus enim erat inter Reges Europæ, qui sacerdotum uxoribus patrocinium præbere voluisset.

3. Id quidem in pœnam & confusionem presbyterorum conjugatorum statuisset perhibetur, verum etsi hanc habuisset intentionem, populus tamen exinde hausit errorem, conjugatos presbyteris potestate cœlesti corpus Christi carere. Pessime etiam hujus decreti effectus; nam teste Sigfrido continentiam pauci tenebant, aliqui eam aut causa quæstus, aut iactantie simulabant, aliqui incontinentiam perjurio, aut adulteriis cumulabant. Fuit hoc laicis occasio contra clericum insurgendi, & se ab omni ecclesiastica subiectione excutienti. laici sacra mysteria terminabant, & de iis disputabant, infantes baptizabant humere aurium pro sacro oleo & chrismate utentes, in exitu vite vitium & sepulturam ecclesiasticam a presbytero conjugato accipere volebant, decimas presbyteris deputatas igne cremabant, corpus Domini a conjugato presbytero consecratum pedibus calcabant, & sanguinem Domini voluntarie effuderant, multaque alia contra jus & fas in ecclesia gesta sunt.

§. 233. Diu quidem ante Gregorium VII. usitatum erat, ut subiectionem & obedientiam Romano Pontifici profiterentur Metropolitani ceterique episcopi; at his non contentus Pontificum omnium audacissimus Gregorius ab iis insuper juramentum fidelitatis exegit, cujus formulam in concilio Romano anno 1079. præscripsit injuriosam sane majestati civili, ac juribus Imperantium, idem enim iurjurandum præscripsit, quod ad feudum ligium, aut juramentum vasalliticum requiritur¹.

1. Docet id formula iurjurandi his verbis concepta: *Ego episcopus N. ab hac hora in antea fidelis ero sancto Petro, sanctæque Romanæ ecclesiæ, Dominoque meo Pape N. ejusque successoribus canonice intrantibus, nec ero neque in consilio, neque in facto, ut vitam perdat aut membrum, vel capiatur mala captione. Consilium quod mihi*

aut per se, aut per litteras, aut per nuntium manifestabit, ad ejus damnum nulli pandom. Papatum Romanæ ecclesiæ, & regulas SS. Patrum adjutor ero ad defendendum & retinendum saluum ordinem contra omnes homines. Vocatus ad synodum veniam nisi præpeditus fuero canonica præpeditio. Legatum sedis apostolicæ, quem certum esse cognovero, in cunctis & redeundo honorifice tractabo, & in suis necessitatibus adjuvabo. Apostolorum limina singulis annis aut per me aut per nuntium visitabo, nisi eorum absolvat licentia. Sic me Deus adjuvet & hæc sancta evangelica.]

§. 234. Clemens V. post Bonifacium VIII. conatibus Philippi Pulchri Galliarum Regis electus ex voto Regis in Galliarum mansit, & pontificiam sedem Avenionem transtulit, qua in urbe per septuaginta annos hæsit, quod quidem tempus Itali *exilium babilonicum* adpellare solent. Certum est, hanc Pontificum commorationem in Gallia haud parum authoritati sedis apostolicæ novuisse. Absentibus enim Pontificibus factio *Gibellina* in Italia, quæ Pontificibus inimica erat, multo audacius, quam ante caput extulit, nec patrimonium tantum S. Petri invasit, sed scriptis etiam potestatem pontificiam laceravit. Multæ hinc urbes a Pontificibus defecere, ipsa Roma turbarum bellorumque civilium mater & nutrix erat, leges & decreta ex Gallia missa publice non modo a proceribus, sed a populo quoque spernebantur, quibus seditionibus sedandis Pontifices vix suffecerant, licet inquisitores acerrime munere suo fungerentur.

§. 235. Cum vero Pontifices in Gallia versantes ex vastata & seditiosa Italia paucos fructus seu redditus perceperunt, novos pecuniam adquirendi modos excogitarunt. Itaque non tantum *indulgentiis* sæpius quam ante populo vendebant, verum etiam litteras suas omnis generis magno pretio redimi volebant, qua in re Joannes XXII. maxime solertem & providum se præstitit. Præter hæc sublato collationum ordinariis competentium jure potestatem sibi arrogabant Galli Pontifices beneficia pro arbitrio suo conferendi.

1. Is enim *taxas* & *regulas cancellariæ* non quidem primus invenit, attamen amplificavit, & ratione utiliore adornavit, idem *annatas* imperasse dicitur, primæ licet origines ejus illo antiquiores sint. Per annatas autem teste *Philano* 25 milliones corradebat; dum enim pingue vacabat beneficium ad id talem presentatio sex aut plures post se traxerit, quia semper aliquis ex tenuiori beneficio ad pinguius translatus est, quibus vero annatasolvere jubebatur. Pluralitas quoque beneficiorum ad augendas annatas contulit, quicunque enim plura habuit beneficia, ea dimittere debuit, & ab iis, quibus collata fuerant, iterum annatæ solvebantur.

2. Odiosissima itaque & antea rara *reservationum*, *provisionum*, *expectatarum* nomina sub his Pontificibus ubique audiebantur, & omnibus Europæ gentibus acerbissimas querelas exprimebant, quæ præter modum crescebant, cum Joannes XXII. Clemens VI. & Gregorius XI. publice edixissent, se omnes sibi ecclesias *reservare*, omnibusque de *placitudine potestatis* providere velle. Inde talium decretalistarum axioma invaluit, Pontificem esse *ordinarium ordinarium*, omniumque beneficiorum Dominum.

§. 236. Mortuo Clemente V. anno 1314. graves de successore eligendo contentiones natæ sunt, Gallis Gallum, Italis Italum poscentibus. Vicerant post biennium Galli, atque *Jacobus de Eusa* electus est assumpto nomine Joannis XXII. ¹, quo defuncto denuo inter Gallos & Italos de eligendo successore rixæ sunt exortæ, at electus est tamen sub finem anni 1334. *Jacobus Furnerius* assumpto nomine *Benedicti XII.* Huic successor *Clemens VI. Innocentius VI., Urbanus V., & Gregorius XI.,* ultimus eorum, qui Avenione residebant ².

1. Sub finem vitæ suæ Joannes publicam prope universæ ecclesiæ reprehensionem & animadversionem incurrebat. Anno nempe 1331. & sequenti in publicis sermonibus trahit, animas a corpore separatas Christum quidem hominem, non vero Dei faciem, seu naturam divinam ante conjunctionem cum corpore post extremum judicium visuras esse. Id dogma theologi Parisienses anno 1323. damnaverunt, Papa vero mortui proximus anno 1334. eam mitigavit, & successor ejus verum dogma definivit.

2. Hoc sub Pontifice enim magni, & periculosi motus Italiam & Romam turbaverunt. Florentini maxime atrox ecclesiæ Romanæ bellum inferrebant, Italiam igitur ut pacaret, & ereptas S. Petro terras recuperaret, anno 1376. sedem suam Avenione Romam iterum transtulit, quod ejus concilium *Catharina Sagenensis* Avenionem protecta, quam credula ista ætas divinitus afflatam esse putabat, exhortationibus suis imprimis promovit. Sed paulo post Gregorium consilii sui penituit, eoque enim ceciderat absentium diu in Italia Pontificum auctoritas, ut Romani, ac Florentini variis eum contumeliis afficere non vererentur. Itaque Avenionem reverti voluit, mors vero anno 1378. secuta hoc suum impedivit propositum.

§. 237. Post Gregorii XI. obitum populus Romanus metuens, ne Gallus crearetur Pontifex, qui Avenionem migraret, furiosis clamoribus & minis poscebat, ut Italus ecclesiæ præficeretur. Itaque terribili electores Bartholomæum Pregnanum Archiepiscopum Barensim elegerunt, qui *Urbani VI.* nomen sibi imposuit. Sed cum ejus electio tumultuosa videretur, cardinales brevi post ab ipso defecerunt partim acerba ejus indole, partim violentiam in ejus electione causati, quæ juxta canones irrita esset. Quare *Fundus* urbem regni Neapolitani, quem locum securiorem putabant, secesserunt, aliumque ibi Pontificem *Robertum* comitem Gebenensem, qui *Clemens VII.* dicebatur, crearunt, dicentes, ad speciem tantum, ut Romanus populus sedaretur, Urbanum electum fuisse. Urbanus Romæ mansit, Clemens Avenionem in Galliam profectus est. Hoc est initium tristissimi illius schismatis, quod *magnum schisma occidentis* vulgo vocari solet ¹.

1. Incepit anno 1278. & non nisi anno 1429. prorsus extinctum fuit, quare annis quinquaginta duravit. Cum magno studio a seculari bullis, excommunicationibus, ac alijs Urbanus contra Clementem, & vicissim Clemens contra Urbanum pugnavit.

§. 238. Urbano, postquam undecim annis sedem tenuisset, anno 1389. suffectus est Romæ *Bonifacius IX.*, post hunc *Innocentius VII.*, dein Angelus Coriarius assumpto nomine *Gregorius XII.* Avenione contra defuncto *Clemente VII.* electus est Petrus de Luna scientiarum peritissimus, qui *Benedictus XIII.* adpellari voluit. Horum uterque in ipsa electione impellente universitate Parisiensi, & Carolo VI. Rege iuramentum præstitit, abdicaturum se pontificatu, si id ad schisma tollendum necessarium foret, sed quum neuter promissis staret, atque ambo concilium quoddam generale convocare tergiversarentur, cardinales utriusque obedientiæ, ut schisma tollatur, concilium generale *Pisis* celebrandum obtento desuper a Principibus consensu indixerunt, datis ad ambos Pontifices litteris, ut ad concilium compareant. Inchoatum est concilium anno 1409., postquam autem de pontificatu contententes præmissa trina citatione non comparuerunt, uterque depositus, & electus est *Petrus de Candia*, qui *Alexander V.* adpellari voluit.

§. 239. Cum synodi *Pisanæ* authoritati *Gregorius XII.* & *Benedictus XIII.* in sua obedientia Pontifices adpellati, seu propriis suis nominibus Angelus Coriarius, & Petrus de Luna non pareant, jamque sua pertinacia pseudo-Pontifices evasissent, & nihilominus *Gregorius* nonnullæ civitates Italiæ, *Benedictum* Hispaniæ magna pars ut legitimos Pontifices colerent, errore facti, quod ipsis persuasum non esset. *Pisanam* synodum œcumenicam esse, aut ipsos jure depositos, ac in eorum locum legitime electum *Alexandrum V.*, & qui huic successit *Joannem XXIII.*, altera synodo opus erat, seu *Pisanæ* ipsius redintegratione, ac continuatione, quam scilicet suspensam, duntaxat, & in tempus magis opportunum reservatam, non penitus dissolutam voluit *Alexander V.*

§. 240. Quamobrem *Joannes XXIII.* *Alexandri V.* successor post sui electionem de transferendo *Pisano* concilio in commodiorem locum, ad quem tutus omnibus pateret accessus, de restituenda ecclesiæ unitate, ac de dampnando *Wicleffo* & *Joanne Husso* cogitare cepit. Itaque re cum *Sigismundo* Imp. per legatos communicata, ac deliberata synodum œcumenicam *Constantiæ* Germaniæ urbe celebrandam indixit¹.

1. Annis quatuor. & mensibus sex scilicet ab ineunte Novembri anni 1414. ad 12. Aprilis 1418. duravit, & 45. sessionibus absoluta est.

§. 241. Princeps cura magni hujus concilii erat extinctio pontificalis dissidii, & hoc quidem negotio feliciter defungebatur.

Postquam enim binis solemnibus decretis sessione IV. & V. sanxerat, Pontificem concilio generali inferiorem esse, Joannes XXIII. anno 1415. pontificatu depositus est (jurato enim fidem dederat, se pontificatu cessurum esse, si id unitas ecclesie postulaverit, & nihilo tamen minus fuga se subduxerat). Gregorius XII. seu Angelus Coriarius eodem anno per Carolum de Malatesta ipse dignitatem pontificiam deposuit, Benedictus XIII., seu Petrus de Luna anno 1417. solemnii concilii decreto depositus. Quibus perfectis *Otto de Columna* cardinalium concordibus suffragiis electus est, qui *Murtini V.* nomen sibi imposuit ¹.

1. Consultius fuisset, non antea eligere Papam, nisi conceptis jam & promulgatis reformationis aulae Romanae decretis.

§. 242. Sessione trigesima sexta concilii Constantiensis decretum perpetuum de conciliis generalibus stato tempore celebrandis editum est, ut scilicet quinquennio post absolutionem concilii Constantiensis aliud celebraretur, & illo absoluto aliud septennio post, ac deinceps singulis decennis (§. 44. 3. proleg.) *ut sic per quamdam continuationem semper aut concilium vigeat, aut per termini pendentiam expectetur*, quem terminum liceat Papæ de consensu cardinalium ob emergentes forte causas breviare, sed nulloatenus prorogare.

§. 243. Iraque juxta hoc decretum elapso post finem concilii Constantiensis quinquennio, anno nimirum 1423. a Martino V. indictum fuit concilium *Papæ* celebrandum, ab eoque eodem anno episcopi quidam in hanc urbem præmissi sunt, sed cum nulli adhuc Transalpini venissent præter duos, & pestis *Ticini* grassaretur, mutari locum placuit, synodumque *Senam* transferri ¹. Postmodum denuo ob episcoporum paucitatem, & undique ingruentes bellorum tempestates anno 1424. ad persequendam commodiori loco & tempore inchoatam ecclesie reformationem urbem *Basileensem* ad concilii generalis septennio post juxta Constantiensis concilii decretum celebrandi designarunt, *protestantes tamen, quod propter hoc ipsum concilium Senense non censeatur esse dissolutum.*

1. In prima sessione concilii Senensis confirmata sunt decreta concilii Constantiensis de depositione Petri de Luna, & de damnatione Wicleffi, Husique. Actum est etiam de Græcorum cum Latinis unione, cumque Martinus V. nuntios Constantinopolim ad Imperatorem & Patriarcham ea de re misisset, Imperator vero respondisset, hoc negotium non posse tunc utiliter tractari, nihilominus decrevit synodus. negotium istud infinite deferendum, sed occasione data in illud incumbendum pro viribus, interim vero necessariam ecclesie reformationem in capite & membris promovendam.

§. 244. In ipso concilii Basileensis adparatu anno nimirum 1431. mortuus est Martinus V. succedebat illi Gabriel Condolmerus, qui *Eugenii* IV. nomen sibi dari voluit. Is probabat omnia, quæ Martinus de concilio Basileæ habendo sanxit, & hinc initium ejus anno 1431. præsidente loco Pontificis cardinali Julianus fiebat. Vix celebrari cœpit synodus Basileensis, cum variis ex causis & prætextibus Eugenius dissolutionem ejus decrevit, aliudque concilium *Bononiæ* post annum cum dimidio celebrandum indixit. At nec Imp. *Sigismundus*, nec Patres concilii, imo nec ipse Pontificis legatus *Julianus* decretum dissolutionis probavit, & ne dissolutionis rumoribus aut Eugenii litteris episcopi a concilii aditu deterrerentur, scripsit synodus litteras encyclicas 21. Jan. anni 1432., quibus significabant, decrevisse Patres in hoc concilio firmiter permanere.

1. Ajebat nimirum, Patres exiguo numero non supra decem Basileam convenisse, quamvis præscriptum tempus septemii ante menses octo esset elapsum, neque æquum videri, ut ab episcopis tam paucis ecclesiæ universali leges præscriberentur, rigere hyemale tempus, nec spem esse ut plures conveniant. Bellum inter *Philippum* Burgundię, & *Fridericum* Austriæ Duces exortum omnem circa Basileam regionem vexare & incendere, proin non posse Patres illic tuto congregari. Jam pridem sub Martino V. de Græcorum cum Latinis unione actum fuisse, *Joannem Palæologum* Imp. & *Josephum* Patriarcham Constantinopolitanum oratores ad se Romam misisse, qui executionem conventorum cum Martino V. nomine ecclesiæ Græcæ exposcerent. Expedire admodum reipublicæ Christianæ Græcorum cum Latinis unionem. Illis Basileam adire haud facile esse, ex tribus Italiæ urbibus oblatis Roma, Bononia, & Ancona Bononiam elegisse, tam auspiciatam occasionem negligendam non esse. Ad hæc adversam valetudinem causatus est, per quam tam longum iter conficere non liceret Roma scilicet Basileam, si ad annum cum dimidio synodus differatur, fore, ut recuperata valetudine ad locum viciniorum & ipse cum Romana curia facile accederet, & tempore magis opportuno orientales & occidentales conveniant frequentiores.

§. 245. Itaque concilium Basileense continuatum, & in sessione III. decreta concilii Constantiensis de superioritate confirmata. Anno 1435. *annatæ* frustra renitentibus legatis Pontificis abrogatæ sunt, anno sequenti numerus cardinalium ad viginti quatuor est revocatus, *expectatiæ, reservationes, provisiones* sunt sublata, quibus cum & alia accederent parum grata Pontifici, Eugenius molestissimum, & audacissimum hoc concilium rursus aut in Italiam transferendum, aut opposito alio concilio damnandum esse judicavit. Itaque cum anno 1437. Patres Basileenses sanxissent, concilium Græcorum causa aut Basileæ, aut Avenione, aut in urbe quadam Sabaudię celebrandum esse, Pontifex contra per legatos id concilium in Italia esse agendum decernebat. Neutra pars sententiam mutare voluit, quamobrem ab hoc tempore vehemens inter concilium, & Pontificem dissidium est exortum. Concilium anno 1437. Pontificem Basileæ ad rationem factorum sibi reddendam comparere jussit, Pontifex contra concilium dissolvit, illudque

Ferrariæ indixit, Patres vero consentientibus Imperatore, Gallicarum Rege aliisque Principibus Basileæ consultare pergebant, & Pontificem, quod decreto concilii haud paruisset, contumacem pronunciabant.

§. 246. Eugenius IV. concilium quod *Ferrariæ* indixit, anno sequenti 1438. præsens ipse inchoavit, & in secunda ejus sessione Patres Basileenses sacris interdixit. Agendum erat in hoc concilio potissimum de pace cum Græcis, at cum *Ferrariæ* res lente, parumque feliciter procederet, Eugenius sub initium anni 1439. concilium *Ferraria* proficisci voluit *Florentiam*. Basileenses Patres his aliisque Eugenii factis irritati anno 1439. eum pontificatu deiecere, quod tamen Regibus, Principibusque Europæ haud placuit. Eugenius vero denuo Basileenses diris devovit, omniaque eorum acta rescidit, qui fulmina ista ridentes eodem anno novum elegerant Pontificem *Amadeum* Sabaudix Ducem, qui *Felix V.* vocari voluit.

I. Migrarunt enim in Italiam ipse Græcorum Imperator *Joannes Paleologus*, Patriarcha Constantinopolitanus *Josephus*, præcipuique Græci theologi, quoniam sperabant fore, ut dissidio cum ecclesia Latina sublato Latini iis a Turcis ad incitas redactis opem ferrent.

§. 247. Tali ratione triste illud ecclesiæ dissidium, quod post tot labores in concilio Constantiensi extinctum fuit, novis & gravioribus malis comitatum rediit, non enim duo tantum erant Pontifices mutuis sententiis se damnantes, verum etiam duo contraria concilia Basileense ac Florentinum. Maxima quidem pars ecclesiæ Eugenio paruit, at plures tamen etiam academix, & inter eas omnium princeps Parisiensis, nonnulla etiam regna & provinciæ *Felicem V.* sequi malebant. Basileense concilium deliberare, leges ac decreta ferre, quidquid Eugenius Papa vel fautores ejus contradicerent, ad annum 1443. pergebat, quo anno tametsi Patres discederent, publice tamen significabant, finitum haud esse concilium, verum opportuno tempore aut Basileæ, aut Lugduni, aut *Lausannæ* denuo coactum iri. Florentinum concilium duce Eugenio in componendis Græcorum & Latinorum litibus potissimum occupabatur. Commisum fuit hoc mageum negotium delectis utriusque partis viris, Græcorum præcipuus *Bessarion* erat vir eruditissimus, qui postea inter Cardinales ecclesiæ Romanæ receptus fuit. Is ergo Pontificis beneficiis captus autoritate sua, Pontifex vero præmiis, minis, promissis reliquos Græcos permovit, ut propositas pacis condiciones reciperent, & laterentur, spiritum sanctum etiam a filio procedere, purgatorium existere, panem azymum in eucharistia adhiberi posse, denique quod primum erat, Romanum Pontificem totius ecclesiæ caput esse. Unus

ex Græcis *Marcus Ephesius* nullatenus adduci poterat, ut manus daret. Pax tamen hæc stabilitate caruit, Græci enim Constantinopolim reversi cives suos persuaserant, fraudulentè omnia Florentiæ gesta esse: Concilium ipsum Florentinum anno 1442. finem suis deliberationibus imposuit ¹.

x. Agebatur etiam in hoc concilio de Armenis & Jacobitis ad concordiam cum ecclesia Romana reducendis. Subjicitur synodo Florentinæ decretum pro *instruptione Armenorum*, non synodi, sed solius Eugenii nominè inscriptum, utpote editum post discessum Græcorum.

§. 248. Mortuus est Eugenius IV. anno 1447., & in ejus locum successit *Nicolaus V.* vir ipse litteratus, & litteratorum patronus, moderati præterea animi, & ad pacem propendentis. Sub hoc assiduo labore ac opera Principum civilium tranquillitas ecclesiæ Latinæ restituta est; nam Felix V. ipse pontificatu se abdicavit, Patres vero Basileenses Lusannæ congregati voluntariam ejus abdicationem ratam habuerunt, atque solempni decreto universam ecclesiam Nicolao obedire jusserunt.

§. 249. Collegii cardinalitii origo ad seculum XI. cadit. Primis ecclesiæ seculis sicut ceteri episcopi, ita etiam episcopus Romanus communibus suffragiis cleri & populi eligebatur. At hanc eligendi Romani episcopi formam mutavit *Nicolaus II.* in concilio Romano anno 1059. habito, ubi jus eligendi Romanum Pontificem privative cardinalibus concessit, ut modum turbis & bellis ponerent, quæ toties Romam & Italiam affligerunt, & in factiones diviserunt, cum novus esset eligendus Pontifex.

§. 250. Olim nomen *Cardinalis* commune fuit illis, qui ecclesiæ cujusdam ministerio perpetuo addicti, & veluti incardinati erant, idque non tantum de episcopis, sed etiam de presbyteris & diaconis est intelligendum, qui alicui ecclesiæ tanquam ordinarii erant ordinati ¹. Inde intelligitur, antiquitus ecclesiæ Romanæ cardinales alios non fuisse, quam ipsam ordinariam clerum Romanum ex presbyteris, & diaconis ² constantem. Episcopi autem cardinales Romani multis seculis erant ignoti, cum antiquitus episcopus cardinalis alias non fuerit, quam proprius & fixus, talis autem nullus præter episcopum Romanum, seu Pontificem dici potuit. Adeoque verosimile est, seculo primo XI., aut XII. contigisse, quod ecclesiæ Lateranensis, quæ est specialis sedes Pontificis, propter suam & Romani episcopi excellentiam septem episcopi ex circumvicinis sint assignati, qui certis diebus coram Romano episcopo celebrarent divina, aut ei celebranti assisterent, atque eam ob causam deinde episcopi *cardinales*,

quod huic ecclesiæ & Pontificis ministerio adscripti essent, adpellari cœperunt.

1. Per similitudinem autem ejusmodi episcopi, presbyteri & diaconi vocabantur cardinales, quia sicut *cardo* fixus & immobilis est, ac circa illum valvæ volvuntur, ita quoque circa illos episcopos, presbyteros, & diaconos tanquam fixos & proprios ecclesiarum *cardines* populus eorum curæ commissus in ecclesiastico regimine quodammodo volveretur.

2. Diaconia Romanæ erant loca, in quibus per diaconos regionarios pauperes, viduæ, pupilli, & senes regionis alebantur, habebantque hæc loca, quæ quasi publicæ domus hospitales erant, sacella sibi adjuncta. Qui itaque hisce locis tanquam *propius* diaconus ad ministrandum dictis personis præficebatur, diaconus *cardinalis* adpellatus est. Erant ejusmodi hospitales per quatuordecim regiones urbis distributæ. usu dein harum hospitalium paulatim exoleto, ipsisque ædiis dirutis, solis sacellis nomen diaconia adhæsit, a quibus diaconi urbis Romæ dicti fuere.

§. 251. At successu temporis cardinalatus jam non ab ecclesiæ adscriptione, sed a speciali Pontifici assistentia præstanda repeti cœpit, inde factum, ut exclusis aliis illis solis cardinalis nomen datum est, quibus post tempora *Nicolai II.* eligendi Pontificis potestas data est. Cum autem Nicolaus solis cardinalibus episcopis jus eligendi Pontificem commisisset¹, reliquus clerus Romanus id indigne ferens turbas in electionibus excitavit, quas ut sedaret *Alexander III.* numerum eligentium auxit, & præcipue dignitatis presbyteros, Priorem nimirum, seu Archipresbyterum Lateranensem, Archipresbyterum S. Petri, & S. Mariæ Majoris, Abbates S. Pauli & S. Laurentii extra muros, aliosque in eligentium ordinem retulit. Pacato clero nobiliori etiam inferior ad quietem esse deductus, postquam diaconi cardinales, seu regionarii eligentium numero adscripti sunt, quamquam quis Pontificum id fecerit, non constat.

1. Constat hoc ex ejus decreto, ubi dicit: *Statuimus, ut obente hujus Romane urbis adis electione Pontificis imprimis cardinales episcopi diligentissime simul de electione tractantes, mox ipsi electi cardinales adhibeant, siquis reliquus clerus & populus ad electionem non electionis accedat.* Quamvis autem cardinales episcopos de electione tractantes mox ipsos clericos cardinales adhibere jubeat, atque adeo videatur, ac si etiam presbyteris ecclesiæ Romanæ potestatem electionis commiserit, tamen illum summum presbyteros cardinales præferat præ cæteris ecclesiæ Romanæ clericis ut factæ electioni consentiant adhiberi valuisse canon primus & ultimus in eodem concilio Romano, in quo antea citatum decretum edidit Nicolaus, satis evincit. si quidem ibidem decrevit: *Primus nomen in electione Dei est status, ut electio Romani Pontificis in potestate cardinalium episcoporum sit, ita ut si quis apostolicæ sedis sine præmissis consensu, & canonice electionis curam, ac deinde sequentium clericorum & laicorum consensu intrinsecus, ita non Papa, aut Apostolicus, sed apostolicus habeatur.*

§. 252. Inde jam patet, cur hodie cardinales nominentur episcopi, presbyteri, & diaconi; nam hodie cardinales illi vocantur,

quibus jus eligendi Pontificem competit, hoc jus autem tributum est episcopis ministerio ecclesiæ Lateranensis adscriptis, presbyteris ecclesiæ Romanæ, & diaconis regionariis.

§. 253. Collegium cardinalitium brevi splendidissimis auctum est decoribus ¹, prærogativis ², & juribus ³. Quo vero præcise tempore hæc eorum dignitas creverit, determinari absolute nequit, id satis constat, sensim atque sensim ad eam, in qua conspiciuntur eminentiam pervenisse. Advertunt quidam, eorum dignitatem cum Romani Pontificis autoritate semper crevisse, adduntque, eam maximam fuisse sub *Alexandro III.*

1. Decorem, & splendorem eorumdem externum vestitus & honorum tituli conflant. Imprimis enim illis circa annum 1244. *Innocentius IV.* cum a Pontifice ad regendas ecclesiæ terras mitterentur, rubeum plicem tradidit, quod postea vel per consuetudinem, vel per expressam concessionem omnibus cardinalibus est datum. Dein *Paulus II.* publico decreto mandavit proposita penna, ne quis birretam coccineam præter cardinales ferat, quibus etiam primo sui pontificatus anno pannum ejusdem coloris dono dedit, quo equos & mulos sternerent, dum equitarent. Hæc insignia cum tantum cardinalibus e clero seculari assumptis essent data, *Gregorius XIV.* etiam regularibus plicem rubrum concessit, nam antea plicis ejusdem cum veste sua coloris utebantur. Post hæc sub *Urbano VIII.* est decretum, ut jam non *Illustrissimi* proit hactenus vocarentur, verum *eminentissimi*, huncque titulum non esse communicandum nisi solis electoribus ecclesiasticis imperiis.

2. Tantam sunt nacti dignitatem, ut Patriarchis, Archiepiscopis & episcopis antecedant. Initio quidem ne ipsi cardinales episcopi subscribebant aut sedebant ante episcopos ordinatione priores, nec presbyteri cardinales ante illos prorsus episcopos. Primi erant cardinales episcopi, qui aliis anteire cœperunt episcopis, cum quibus eum & alii in unum coaluissent collegium, æque ante episcopos pæcederim obtinere prædium. Non tamen antea hæc cardinalium prærogativa ita firma fuit, ut non identidem episcopi suum recuperarent gradum, nisi seculo XIII. in concilio Lugdunensi I, in quo ante Archiepiscopos, & in concilio Lugdunensi II. etiam ante Patriarchas sederunt. Olim quidam etiam disputabant, cardinalibus post Reges ante eorumdem filios, & aliis omnes quacunque civili dignitate instantes primum locum concedendum esse, at ab Electoribus Imperii hanc prærogativam nunquam agnitam fuisse satis constat. In Galliis vero quamquam adhuc sub *Francisco I.* Gallie Rege præbuit Regie stirpis Principibus, in *Pavienensis* tamen colloquio anno 1561, ut iis posthac cederent, decretum. (*Spondanus ad annum 1561.*)

3. Jura eorum alia sunt sede vacante, alia sede plena. Sede plena primos agunt Pontificis consiliarios, varlis Romæ præsunt congregationibus & dicasteriis, funguntur munere legationis, & protectorum ad curanda negotia variorum regnorum. Sede vero vacante imperio civili in omnia ecclesiæ Romanæ teris funguntur eo ordine, ut singulis diebus tres sint cardinales unus episcopus, presbyter alter, tertius diaconus locum tenentes, & gaudent jure eligendi Pontificem private.

§. 254. Communibus cleri & populi suffragiis in præcedentibus duabus epochis episcopos fuisse electos ex dictis constat, & quod in ecclesia Latina seculo nono electionibus episcoporum adhaedum laici interfuerint, testantur partim formulæ electionum

istis temporibus usitata, partim epistola *Hincmari* Rhemensis ad Henedulphum ¹. Sed successu temporis exclusus est ubique populus, quia non raro turbas excitavit. Interim excluso etiam populo admissi sunt ad electionem optimates & honoratiores, quæ res effectit postea, ut Imperantibus civilibus hoc in negotio plurimum tribueretur ².

1. Scripsit ad eum his verbis: *Ad eandem ecclesiam quanticus studeas prosperare — — —; quæ electio non tantum a civitatis clericis erit agenda, verum & de rusticorum parochiis presbyteris — — —. Sed & laici nobiles ac ci- ves adesse debent.*

2. Hi enim præ optimatibus multo plus valebant ad commoda ecclesiæ promo- venda, ad electionum componenda dissidia, ac prætensiones malevolorum re- primendas.

§. 255. Sed nova prorsus episcoporum electionibus facies se- culo XII. & sequenti cœpit induci, dum canonici ecclesiarum cathedralium sibi solis excluso cetero clero hoc adtribuerunt ¹. Duravit hæc potestas in capitulis, usque dum Pontifices transla- ta Avenionem sede pleraque beneficia suæ reservarunt collatio- ni ², qua re jus eligendi capitulis competens valde est imminutum.

1. Idque sive propterea, quia aucto admodum clero tumultuarie sæpius electio- nes fiebant, sive quia electionem Pontificis ad solum collegium cardinalitum devolutum tunc esse cernerent, quod jus moribus initio quasitum postea & Im- peratorum, & Pontificum constitutionibus est firmatum. Quemadmodum vero capitulis cathedralibus jus ex eorum gremio eligendi episcopos est concessum, ita etiam capitula monastica jus eligendi sibi Abbates obtinuerunt.

2. Clemens V. primo ecclesias cathedrales apud curiam Romanam vacantes, delu eorum etiam beneficiorum collationem, quæ clero & populo Romano carerent, Pontificis dispositioni reservavit. Postea *Joannes XXII.* provisioni suæ reservavit episcopales, & eorum superiorum sedes, quæ apud sedem Ro- manam illo vivente vacare contigerit. At *Benedictus XII.* dispositioni apostolice reservavit omnes archiepiscopales & episcopales ecclesias tunc apud se- dem apostolicam quomodocunque vacantes, & in posterum vacaturas.

§. 256. Incredibile dictu, quantas ubique hæc beneficiorum reservationes querelas excitaverint, quibus imponendi finem occa- sionem videbatur suppeditare concilium Constantiense, quia non tantum ad tollendum schisma, sed etiam ad suscipiendam *reformationem* in capite & membris convocatum fuit, ideo natio Ger- manica gravamina sua propter reservationes sub nomine *Avisa- mentorum* eidem obtulit. Ad vero Martino V. citius opinione ad Pontificatum erecto, & reformationis negotio ad proximum con- cilium rejecto Germani præter concordata ad quinquennium du- ratum quidam obtinere nihil. (§. 241. 1.)

§. 257. Repetita sunt res in concilio Basileensi, ubi Patres ses-

sione vigesima prima reservationes abrogatas voluerunt, quod tamen effectu caruit, quoniam Eugenius IV. concilium dissolvit, quam ob rem eum Patres Basileenses exauthorarunt, & Sabaudia Ducem sub Felicis V. nomine Papam salutarunt. Germani quidem ab initio neutrales nec Eugenio adversus Patres Basileenses, neque his adversus illum adhæserunt. At cum Coloniensis & Trevirensis Archiepiscopus dignitate sua sunt dejecti, ceterique Electores graviter per id offensi anno 1446. Francofurti conveniunt, Cæsarique Friderico denunciant, se, nisi Eugenius Papa latam contra Archiepiscopos sententiam revocaret, nationis Germanicæ gravamina tolleret, repudiata neutralitate Felici V. adhæsurus. Legatis hinc inde sæpius missis opera præcipue Æneæ Sylvii tandem Eugenio IV. anno 1447. obedientiam præstiterunt, atque editis ab Eugenio diversis bullis concordia est redintegrata, cui quidem Eugenius non diu superstes erat.

§. 258. Nicolao V., quamprimum ad pontificatum fuit evectus, hæc prima cura fuit, at antecessoris sui Eugenii acta rata haberet, & inchoatæ paci manum suppositurus, ac Germanorum gravaminibus satisfactorus in conventu Aschaffemburgensi cui *Fridericus* III. Imp. cum electoribus pluribus, & Germaniæ Principibus aderat, anno 1448. nova iniit cum Germanis concordata¹, quibus jus eligendi episcopos per reservationes imminutum capitulis cathedralibus Germaniæ est restitutum, reservationibus vero universim limites certi sunt positi².

1. Definiri solent concordata nationis Germanicæ, quod sint solemnibus conventio, & sanctio pragmatica inter Nicolaum V. Papam, & Fridericum III. Imperatorem reliquosque imperii status facta, in qua collationes beneficiorum certis regulis determinantur.

2. Todos los concordatos son una ventaja real para la corte de Roma; porque con ellos puede conseguir lo que no conseguiria de la obstinacion de algunos Principes que conociesen sus derechos. (Historia de la bula in cæna Domini 3. part. pag. 28).

§. 259. Confirmationes episcoporum restituta etiam capitulis eligendi libertate in concordatis Germaniæ Pontifici sunt retervata. Antea quidem episcopi confirmati sunt a Metropolitanis in synodis provincialibus, quæ quotannis semel, in quibusdam provinciis etiam bis habebantur. Verum seculo XIV. ubi per reservationes pontificias nominationes ad sedem Romanam sunt devolutæ, etiam jus confirmandi Metropolitanis est ademptum¹.

1. Indignum quippe videbatur, ut a Pontifice ad episcopatum designatus a Metropolitano confirmationem petere juberetur, quod tantumdem fuisset, ac nominationem pontificiam Metropolitanis iudicio probandam, vel improbandam subijcere.

§. 260. Et universim omnia fere jura jurisdictionis Metropolitanis olim competentia Pontifices sibi reservarunt. Jus episcopos confirmandi, exauthorandi, a residentia dispensandi, resignationes eorum recipiendi, episcopatus erigendi, uniendi, dividendi jura erant, quæ Metropolitanis in synodis provincialibus exercere, at vero post evulgatas pseudo decretales Isidori semper magis & magis imminuta, donec tandem sibi ea Pontifices privative reservarunt.

1. Ratio hujus in promptu est. Jura hæc Metropolitanis maxima ex parte in synodis provincialibus exercuerunt, at postquam concilia provincialia statis temporibus celebrare in desuetudinem venit, falsæ etiam Isidori decretales dicerent, jura prædicta soli Pontifici competere, mirandum nihil, ea ad sedem Romanam devoluta fuisse.

§. 261. Quare spirituali Romani Pontificis potestate argumentis ex falsis decretalibus deductis latius extensa necesse fuit jurisdictionis partem aliis committere, cum nec Papa in remotas provincias proficisci, nec omnes episcopos ad se vocare posset. Hinc a seculo XI. frequentissimæ legationes adornari coeptæ. *Legati* vero duplicis erant generis, episcopi vel Abbates illius provinciae, in qua, causa discutienda, vel cardinales Roma illuc missi. Legati ex provincia etiam erant diversi, nempe aliqui speciali Papæ mandato constituebantur, alii suæ sedis prærogativa hac autoritate gaudebant, seque *legatos natos* dicebant. Porro legati Roma missi *legatos a latere* se adpellabant, ut indicarent, quod ipsos Papa latus suum comitari solitos misisset. Ceterum vocem istam ex concilio Sardicensi acceperant.

§. 262. Legati nati ægre ferebant, quod Papa, privilegiis suis præteritis, alios constitueret; sed Papa majorem fiduciam posuit in illis, quos libere delegit, quam in Præsulibus vel sibi ignotis vel suspectis. Inter illos autem, quos delegit, populis gratissimi erant viri in ipsa provincia degentes, utpote ad cognoscendam, & sententiam proferendam magis idonei quam exteri de provincia remota advecti. (*Flcury, Diss. IV.*)

§. 263. Nihil vero magis legatis a latere invidiam creavit, quam eorum fastus, luxus & avaritia. Iter fecerant nec suis nec Papæ sumptibus, sed provinciae, ad quam mittebantur. Ingenti autem comitatu cincti proficiscebantur, nempe viginti quinque saltem equis, hunc enim numerum ne excederent, concilium Lateranense III. præscripsit. Quacunque transibant, ab episcopis & Abbasibus magnifice sustentabantur, & nonnunquam monasteria, ut pecuniæ suppetere, vasa sacra vendere cogebantur. Sed necdum satis: muneribus quoque cumulandi erant legati, quæ a

Principibus illius provinciæ, sæpe etiam a Patribus, quibus administrabant justitiam, acceperunt, inde factum, ut legationes susceptæ cardinalibus pro aurifodina erant, unde plerumque divitiis onusti redibant.

1. Hanc ob rem hortatus est S. Bernardus Eugenium III. Papam, ut tales eligerentur in legatos: qui ecclesias non spoliant, sed emendant, qui marsupia non exhauriunt, sed corda reficiunt, & crimina corrigunt, qui cum ad apostolicum redeant sedem, redeant fatigati, & non suffarcinati &c.

§. 264. Fructus legationis sæpissime erat concilium, quod legatus, quo tempore & loco ipsi videbatur, convocavit. Ipse conventui præerat, causas ad se delatas definivit & nonnullos canones ad disciplinam spectantes promulgavit. In paulatim concilia provincialia, quæ quotannis celebranda erant, exoleverunt. Dignitas archiepiscopalis a legatorum splendore obtusata, in titulos & ritus abiit, quales sunt pallium¹ gerere, & post crucem sibi prælatam incedere. Non tamen desunt exempla, quod legati pontificii quandoque ab Imperantibus sint rejecti².

1. Olim pallium a Pontifice gratis dabatur, invaluit postea, ut ad sustentandos curiæ Romanæ officiales aliquid exigeretur, quæ summa ita augebatur, ut natio Germanica contra ejusmodi exactiones nimium graves apud Imp. Maximilianum I. & Carolum V. gravamina interposuerit.
2. Exempla ejusmodi refert *Petrus de Marca* & *Van-Espen*, facitque huc etiam Epist. Friderici Imp. ad Hadrianum IV. Papam, qua respondet querelæ illius, quod missis ad Imperatorem cardinalibus non tantum ecclesias, sed & portas urbis occludi jussisset.

CAPUT SEPTIMUM

DE

MONACHIS.

§. 265. Nulli monachorum seculo XI. majori florebant sanctitatis & virtutis opinione, quam *Cluniacenses* in Gallia, quare eorum institutum per totam Europam est propagatum, eorumque exemplum alios quoque invitabat, ut similes monachorum congregationes institueret¹. Verum quo latius Cluniacensium congregatio propagata est, eo majus disciplinæ detrimentum sensit, cujus ruinæ causam si quæras, eam præcipue in copia *divitiarum*² & multiplicatione *precum vocalium*³ invenies.

1. Anno enim 1023. *Romualdus* Italus in Campum-Malduli desertum locum in

Apennini jugis secessit, ibique congregationis *Camaldulensis* fundamenta jecit. Dividuntur sectatores ejus in *canobitus* & *cruciatos*, utriusque duris & asperis legibus vivere jussi sunt, sed *cruciatos* haud parum a pristino rigore defecerunt. Paulo post *Joannes Guibertus* Florentinus in valle umbrosa in Apenninis pariter monitus sita congregationem *vaillantiorum* condidit. Ita evenit, ut familia Benedictina, quæ antea unum corpus fuerat, in diversas familias discernperetur uni quidem regulæ subjectas, at moribus tamen, institutis & vivendi ratione discrepantes.

2. Primi Abbates Cluniacenses amorem Principum, Regum ac Imperatorum sibi attraxere, a quibus munificentia copiose repleti sunt. A temporibus enim S. Odonis secundi Cluniacensium Abbatis numerus donationum jam adeo excreverat, ut de facto adhuc 188. diplomata supersint. Timeundum est, ne monachi isti satis recognoverint incommoda divitiarum in evangelio tam bene notata, ac ab ipsis etiam philosophis Gentilibus agnita. Divites naturaliter sunt superbi, utpote persuasi, se nemine indigere, sibi quæ nihil unquam defuturum. (*Paul. I. ad Tim. C. 6. v. 17*).

3. Precibus enim a S. Benedicto præscriptis multa adhuc accesserant, prout ex moribus Cluniacensibus a S. Udalrico vivente sub seculi XI. fine descriptis adparet. Inter alia officium defunctorum, ejus ipsi auctores erant, addiderant, quodque per integri anni decursum cantabant. Longa isthæc psalmodia definitum laboribus manuum tempus abstulit, id quod ipse Petrus venerabilis, dum S. Bernardi objectionibus responderet, fateretur dicens: *Regula laborem manuum idcirco solum præscribit, ut otium evitetur, quod fugimus, dum sacris precum, lectionis, & psalmodiæ exercitiis vacamus*, quasi vero Benedictus sacris hisce exercitiis non sat temporis assignasset. Forte Petrus Venerabilis præjudiciis illius ævi deceptus corporis labores seu exercitium vile & servile intuebatur. Antiquitas aliter judicavit, ut enim de Israelitis & aliis orientalibus taceam, Græci & Romani in laboribus manuum gloriabantur, ast nationes Germaniæ ac barbari septentrionis populi venationibus tantum & bellis occupati agriculturam & artes nunquam non contempnere, prout adhuc ex nobilium nostrorum moribus videmus.

§. 266. Collapsa itaque Cluniacensium disciplina exeunte seculo XI. anno nimirum 1098. novus prodiit vitæ monasticæ restaurator *Robertus* Molismensis in Burgundia Galliæ provincia Abbas. Cum enim monachos suos nullo modo ad vitam ex præscripto regulæ S. Benedicti agendam inducere posset, cum viginti sociis Cistercium (*Cister*) migravit, erat vero locus ille desertus, sylvestris, & sentibus horridus, ubi celebrem Cisterciensium ordinem inchoavit. Suprema huic ordini lex erat regula S. Benedicti, cui accuratissime satisfacere suos omnibus benignioribus interpretationibus semotis voluit *Robertus* reasumpta quoque veste candida. Admiratione virtutum ordo ille brevi tempore omnem Europam peragravit¹. Cum vero Cistercienses strictius vixissent, quam Cluniacenses, neque divitias adhuc possedissent, non exiguam autoritatis, qua Cluniacenses ante valuerant, partem ad se traxerunt².

1. Inter primas Cisterciæ filias fuit etiam monasterium *Clarevalle*ense, cui S. Bernardus Abbas datus est. Hujus autem viri sanctitas ac doctrina tam illustris fuit, ut a multis habebatur ipse ordo Cisterciensis conditor, & Cistercienses monachi Bernardini audiant, interim tamen sciendum est, ejus ædium discretio-

ne haud satis fuisse temperatum, si sanitatem spectes, quam immoderatis corporis macerationibus mature perdidit. Pluris æstimo Ægyptios, aliosque antiquos monachos, qui austeritatem sanitati ita adtemperabant, ut non raro centesimum annum adtingerent. (Fleury Diss. VIII. in H. E.)

2. Ita vero in dies tam numero, quam opibus & potentia crescebant, ad quæ incrementa nemo magis contulit, quam S. Bernardus vir immensæ per Christianam Europam autoritatis. Centum, & sexaginta cœnobîa ei aut origines, aut leges suas debent, cumque moreretur, septingentos in Clarevallensi monasterio reliquit monachos. Ex discipulis ejus præter multos archiepiscopos, & episcopos ipse erat Papa *Eugenius III.*

§. 267. Prosperrimæ vero res familiæ Cisterciensis Cluniacensium accendebant invidiam, & graves primum simultates, dein apertas inimicitias inter has binas opulentas & potentes familias pariebant. Uterque ordo S. Benedicti regulam sequebatur, verum differebat tum vestimentis, tum institutis regulæ additis. Cistercienses querebantur, quod Cluniacenses valde a prima disciplina sua deflexerint. Huic liti alia vehementior accessit de decimis; nam *Innocentius II.* anno 1132. Cistercienses ex agris, quos possidebant, decimarum solutione liberavit, quos inter agros quum multi essent subjecti Cluniacensibus, hi gravissime Innocentii liberalitatem ferebant, & propterea cum Cisterciensibus rixabantur.

1. Bernardus Cisterciensium oraculum primus anno 1127. scripto Cluniacenses est adgressus, respondit ei S. *Petrus Venerabilis* Cluniacensis Abbas.

§. 268. Duæ erant causæ, ob quas Cisterciensium ordo primævum amisit splendorem. Sicut enim Cluniacenses divitiarum opinione citius corruperant, ita etiam in ordine Cisterciensium factum. Altera causa collapsa disciplinæ monasticæ erat introducta ibidem novitas, distinctio nimirum monachorum *chori*, & fratrum *laicorum*. Regula Benedictina nullam hujus distinctionis facit mentionem, atque ad seculum undecimum usque monachi ipsi omnis generis servitiis sibi invicem exhibebant, iisdem laboribus omnes occupati.

1. Joannes Gaalbertus vallis-umbrae Abbas primus in suo monasterio instituit fratres laicos anno 1040, ejus ratio fuisse videtur ignorantia laicorum, qui etsi nobiles essent, ut plurimum ne quidem legere sciebant, ita quidem, ut cum lingua latina non amplius esset vernacula, sicuti erat tempore S. Benedicti, nec psalmos memorie mandare, nec e lectionibus in divino officio recitari committis proficere possent: cum monachi tum magna ex parte vel jam essent clerici, vel saltem clericatui destinati. Fratres igitur laici isti corporalibus occupabantur laboribus, œconomia campestris, ac negotiis extraneis, precum loco ad quamlibet horam canonicam certis orationum domiciliarum numerus ipsis præscribatur, quod ut exequi possent, a sua filio conjuncta gestabant. Cistercienses prout & Grandimontenses & Carthusiani ejusmodi fratres laicos max ab origine habuerunt, atque omnes ordines religiosi sequioribus temporibus nati illorum exemplum secuti sunt. Tandem hæc etiam ad moniales propagatum est, penes quas domesticæ chori a sororibus laicis distin-

quantur, quamvis eadem ratio hic non subsit, cum passim istæ non plus idiomatis latini calleant ac illæ. Jam vero hæc religiosorum distinctio fons fuit inexhaustus relaxationis. Monachi chori videntes infra se positos fratres eosdem ceu ignaves hominesque incultos ipsorum obsequio destinatos intuebantur, se ipsos vero ceu totidem Dominos putabant. Ab hoc igitur potissimum tempore religiosi labores manuum ipsis huius dignos iudicabant, utpote orationibus & studiis satis jam occupati. Ex altera parte fratres laici formæ divisionis fuere in monasteriis, quæ duplici tanquam diverso composita corpore perfecte unita amplius non fuerant. Fratres litteris, ac sæpe etiam educatione carentes quandoque dominium ambiebant tanquam magis necessarii pro temporali, quod a spiritali supponitur, prius enim est, ut vivas, quam ut ores, ac studeas.

§. 269. Regula S. Benedicti quibusdam mitior, aliis minus plena, nec ad omnia, quæ pietas erga Deam postulat, officia accommodata videbatur. Inde vero novæ monachorum familiæ institutæ sunt. Primum Stephanus de *Tirno*, vel *Tigerno*, quem alii Stephanum de *Mureto* a loco nominant, in quo primum familiæ suæ collegium anno 1073. extruxit, a Gregorio VII. facultatem impetravit, novum ordinem instituendi. Statuerat primo socios suos regulæ S. Benedicti alligare, at mentem deinde mutavit, ipseque illis instituti leges tulit. Multa sunt in eo valde gravia, paupertatem imprimis & obedientiam inculcat, terras extra metas monasterii possidere prohibet, ne pecorum quidem possessionem permittit, esum carniū prorsus ipsis etiam ægrotantibus adimit, silentium stricte servari jubet, solitudinem tantopere commendat, ut nullis nisi magnæ autoritatis viris accessum ad domicilia fratrum adperiat, denique rei familiaris administrationem fratribus laicis commisit, clericos divinarum rerum contemplationi unice operam dare volens ¹. Incredibilis erat XI. & XII. seculo huius ordinis existimatio, donec hæc & alia severa servabantur, ea vero prorsus cecidit cohortis gravibus inter clericos, & fratres laicos inimicitii, quorum hi supra clericos se efferebant ². Regulæ severitas refrigescente fervore horum monachorum mitigata est ab *Innocentio IV.*

1. Hæc monachorum familia *Grandimontensis* ordo vocatur, quoniam Muretum, in quo primum ejus domicilium conditum est, prope Grandimontem est situm.
2. Hæc jurgia usque ad aures Pape, qui tunc erant *Innocentius III.*, venerunt, qui amantiss., quo pars utraque exponenda putaret, auditis fratribus laicis precepit, monachos honorare, in spiritalibus subditi essent, nec de officio divino quidquam decernere præsumerent.

§. 270. Ordo *Carthusianus* a S. *Brunone* Remensis ecclesiæ magistro & cancellario in rupe altissima dioceseos Gratianopolitanae, cui Carthusiæ nomen, anno 1086. est institutus ¹. Lente novum hoc vitæ solitariae genus per Europam innavit in comparatione propagationis ordinum reliquorum, sero ad sexum sex-

mineum pervenit ¹, imo nunquam in hoc sexu radicēs agere poterat, quod legum asperitati est tribuendum.

1. Secessui Brunonis in eremum id dedisse occasionem olim communis fuit opinio, quod in exequiis pro quodam canonico Parisiensi celebratis, dum caneretur lectio: *responde nihil*, mortuus prima die inclamaverit: *iusto Dei iudicio adensatus sum*, secunda die: *iusto Dei iudicio iudicatus sum*, & demum die tertia: *iusto Dei iudicio condemnatus sum*. Postquam vero Jo. Launojus singulari libro: *de causa secessus Brunonis in desertum* narrationem hanc impugnavit, in fabulis ea numerari cœpit. Veram secessus Brunonis causam refert Guibertus Abbas Novigentensis de vita sua cap. 2. his verbis: *Romis degebat vir, cui nomen Bruno, artibus liberalibus instructissimus, severiorum scientiarum doctor, in ecclesia Gallicæ celebratissimus, qui cum dissolutam vitæ rationem in Manasse Archiepiscopo impatientissime ferret, cum quibusdam viris ecclesiasticis spectatissimis civitate excessit, quin etiam mundo renunciare, & omnes necessitudines suas fugere statuit.*

2. Virgines Carthusianas plerique eorum omittunt, qui de hoc ordine scripserunt, & multi propterea perhibent, carere Carthusianos virginum. seu monialium sodalitatibus; at habet tamen etiam hæc familia fœminæ sexus collegia, verum paucæ tantum, pleraque enim interierunt, & singulari lege anno 1368. cautum est, ne qua deinceps mulierum societas carthusiana instituatur. Igitur quinque tantum monialium Carthusianarum collegia, quatuor in Gallia, unam *Burgis* in Belgio.

§. 271. Medio seculo XII. elapso *Bertholdus* quidam gente Calaber cum paucis sociis in montem Carmelum migravit, eoque loco, ubi *Elias* delituisse olim dicitur, humilem domum & parvam ecclesiam extruxit, in qua ipse cum fratribus vitam ageret laboriosam & solitariam. Quum vero primis his montis Carmeli incolis semper alii succederent, *Albertus* Patriarcha Hierosolymitanus sub sequentis seculi exordium regulam vivendi illis præscripsit, quam Pontifices deinde confirmarunt, & multis etiam modis mutarunt ac mitigarunt. Hæc prima sunt initia familiæ *Carmelitarum*, vel ut alias dicitur B. Mariæ de monte Carmelo, quæ sequenti tempore ex Syria in Europam migravit, & inter ordines mendicantes non infimum obtinuit locum.

1. Ipsi quidem Carmelitæ origines has cum indignatione olim repudiarunt (moderæ enim hæc in re rectiora sentiunt) & prophetam Eliam sui ordinis conditorem esse contendunt, sed paucis, imo nullis extra societatem suam auriqum hanc originem persequere poterant. *Dan. Papabrochius* immanem Romæ litem movebat Carmelitæ, eo quod Eliam ordinis conditorem fuisse negaverit. Provocabant ad Papam *Innocentium XII.*, contentantes, vitas sanctorum, quæ nomen Papabrochii præsteterat, erroribus multis reatere. Papa rei cognitionem congregationi Inaldis commisit, cum autem Carmelitæ putarent, se in Hispania majore polleere auctoritate, eodem Papabrochii libros anno 1691. *Inquisitioni* detulerunt. Igitur in Hispania 14. Tomi huius operis, nempe vitæ sanctorum mensium Martii, Aprilis & Maji ab Inquisitionibus damnati sunt. Hæc tamen controversia anno 1698. ab Innocentio XII. ita composita est, ut parti utrique silentium imponeretur.

§. 272. Vivendi ratio canonicorum regularium juxta institutum Chrodegangi (§. 516. Tom. I.) ad seculum usque decimum du-

rabat, quo tempore non pauci, imo & integra collegia vitam communem abjecere, ad quam restituendam seculo XI. Nicolaus II., alique putabant paupertatem multum conferre posse. Inde autem factum, ut aliqui vitam communem reasumpserint eadem domo & mensa utentes retento tamen patrimonio & proprietatis jure, alii vero vitæ communi authore potissimum *Ivone* Carnotensi etiam votum paupertatis adiecere, hinc distinctio canonico-
rum secularium, & regularium ¹.

- I. Quia S. Augustinus pari fere ratione, qua Ivo Clerum suum instituerat, etsi nullum eorum in litteris retulit regulam, ideo regulares canonici etiam *canonici regulares S. Augustini* vocabantur.

§. 273. Labentem multis seculis canonico-regularium disciplinam instaurare voluit *Norbertus* Germanus. Novus ejus ordo *Præmonstrati* in Gallia anno 1121. institutus, atque ideo ordo *Præmonstratensium* dictus est. Fuit amplexus regulam S. Augustini, & placuit illi accipere vestem candidam.

§. 274. Monendum hic de *exemptione* monachorum a jurisdictione episcopi, quæ seculo XII. mirum in modum auctæ fuerant, quia querelæ contra illas ante hoc tempus nullæ leguntur. Hoc autem seculo contra eas invectus est *Petrus Blesensis* Epist. 68. ad Alexandrum III., præcipue vero S. Bernardus in duplici scriptorum suorum loco scilicet in Epist. ad Hinemarium Archiepiscopum Senonensem de officiis episcoporum, & in libro de consideratione ad Eugenium Papam. In uno loco de monachis & Abbatibus, qui exemptiones impetrabant, in altero de Pontificibus, qui eas concedebant, conqueritur, in quo harum intuitu Pontificis potestatem in dubium revocat ¹.

- I. Exemptionum incommoda omnium oculis patet. Idem est, nullum habere superiorem, ac eum habere adeo remittit, tot tantisque curis occupatum. Inde est, quod episcopi & clerus eorum subiectis contumaciter, inde est, quod in ecclesia confusio oritur disensiones, dum per exemptiones hierarchia quædam perturbatur efformatur. Miram exemptionum concessarum quidam eandem patroni adferunt: nimirum ideo a Pontificibus concessas fuisse, ne pauperes carerent remuneratione tot labores, quos regulares pro ecclesia Dei subire, ac si nullum remunerationis genus superesset, nisi quod jura alterius laici & in prædilectionem terti conceditur. Sæpe equidem, quod ob quietem monasteriorum, & episcoporum tyrannidem has exemptiones plerumque Romani Pontifices indoluerint, verum tamen in contrarium res versa est; monachia enim, quæ hoc beneficium damnatissime libertatis sive apostolica auctoritate, sive quod frequentius sacrum est, bullis auctoritatis adeptæ sunt, plus inquietudinis, plus insolentie incurrerant: ideoque multe domus has immunitates aut nunquam habere voluerunt, aut habitas continuo rejecerant.

§. 275. Etsi *Innocentius III.* in concilio Lateranensi anno 1215. *novas religionis*, id est, novos monachorum ordines introduci voluerat, multi tamen & ab ipso Innocentio & a sequentibus Ponti-

ficibus antea ignoti non tolerati tantum sunt, verum etiam adprobat, variisque privilegiis donati¹, quorum tamen aliqui jam sunt extincti².

1. Neque legem istam Lateranensis concilii tacite abrogatam fuisse mirabitur, qui ecclesiæ statum, qualis iis temporibus fuit, consideraverit; nam ut alia mittam, clerus secularis totus depravatus sua magis commoda quam ecclesiæ curabat, veteres monachorum familiæ a primis institutis suis omnes defecerant, omnes proin vitiorum progressus magis juvabant, quam morabantur. Igitur novis opus esse videbatur familiis, quæ malis ecclesiæ mederi aptæ essent. At vero ecclesiæ melius prospectum fuisset, si Pontifices & episcopi cleri secularis reformationi institissent, absque eo quod copias has extraneas in subsidium advocassent.

2. Ex horum genere sunt *Humiliati*, diu quidem ante seculum XIII. nati, sed ab Innocentio III. regulæ S. Benedicti subjecti & probati, quos anno 1571. Pius V. destruxit. *Jacobite* ab Innocentio III. quidem instituti, at post concilium Lugdunense esse desierunt. *Vallischoles*, qui non longe post initium seculi XIII. a scholaribus, id est, quatuor professoribus theologiæ Parisiensibus congregati, & hinc primum scholares dicti, deinde a valle quadam Campaniæ, in quam concesserant, accessionem nominis acceperunt, & Vallischoles dicti sunt. *Fratres B. Mariæ matris*, qui anno 1266. esse cæperunt, & anno 1274. jam deleti sunt. *Equites fidei*, & *charitatis* in Gallia publicis latrocinis oppositi, & a Gregorio IX. adprobat. *Fratres Eremitæ S. Wilhelmi* Ducis Aquitanicæ. Taceo fratres *Saccatos*, *Bethlehemiticis*, & plures alios minoris momenti.

§. 276. Bella Christianorum sacra in Palestina, in quibus multi Christiani a Machumedanis capti sunt, sub finem seculi XII. pepererunt ordinem *fratrum S. Trinitatis*, qui seculo XIII. demum stabilem formam accepit¹. *Servitas*, seu servos B. Mariæ anno 1233. in Etruria fundarunt septem Florentini, inter quos Princeps *Philippus Benitius*².

1. Authores fuere Joannes de *Matha*, & Felix *Valesius*. Sodales dicuntur fratres S. Trinitatis, quia omnia eorum templa Trinitati sunt dicata, & fratres de *redemptione captivorum*, quia redimendis Christianis a Machumedanis captis imprimis studere, atque huic instituto tertiam reddituum suorum partem impendere jussi sunt. In antiquis monumentis ordo hic etiam nominatur *ordo asinorum*, quia regula asinis equitare fratres jubet, & equorum usum prohibet.

2. Ordinis hujus lumen maximum erat *Fra-Paulo Sarpi* vir maximi ingenii, theologus Venetus, & celeberrimus historiæ concilii Tridentini scriptor, Romanæ curiæ infensissimus.

§. 277. Hos vero ordines, omnesque alios nobilitate, juribus, propagatione, aliisque rebus superavit longe familia *mendicantium*, quarum variae seculo XIII. in Europa stabilitæ sunt. Ejusmodi familias summa ecclesiæ necessitas poscere videbatur¹, quod primus perspexit Innocentius III., cujus magna erat erga socie-

tates paupertatem profitentes benevolentia: fovebant easdem & animabant sequentes Pontifices, cum experientia eos magnam eorum esse utilitatem docuerit. Qua voluntate Pontificum cognita tantus ubique mendicantium familiarum numerus ortus est, ut brevi ingenti essent oneri tum reipublicæ tum ecclesiæ.

I. Antiquæ siquidem monachorum familiæ per divitias corruptæ sunt, clerici pariter avaritiæ, luxui, vitæque molli dediti erant. Sectæ autem istis temporibus exortæ ex altera parte paupertatem voluntariam commendarunt, suosque assecutas Apostolorum inopiam imitari jusserunt, & sacri ordinis vitia ex divitiis nata exprobrarunt. Itaque putabatur necessarium esse, ut etiam ex parte ecclesiæ Romanæ essent, qui pariter paupertatem apostolicam profiterentur.

§. 278. Gravi huic incommodo *Gregorius X.* in concilio generali Lugdunensi anno 1274. occurrebat. Nam ordines omnes post concilium ab Innocentio III. Romæ anno 1215. habitum prohibuit, & mendicantium, ut ipse ait, *effrenatam multitudinem* ad quatuor sectas redigit, Dominicanorum, Franciscanorum, Carmelitarum, & Augustinianorum Eremitarum¹. His ordinibus cum Pontifices potestatem dedissent sese diffundendi, & ubique tam populum quam juventutem docendi, tota Europa in venerationem & amorem eorum subito exardescerebat, populus vix alia quam mendicantium templa frequentabat, nusquam fere nisi apud eos sacramenta quærebat, qua ex re gravissimas pastorum ordinariorum querelas nasci oportebat. Imo tanta erat horum fratrum autoritas, ut in maximi momenti negotiis, in bellis componendis, fœderibus sancendis, aulis regendis, vectigalibus colligendis, aliisque muneribus a monachi professione alienissimis adhiberentur, aut consultarentur.

I. Horum ordinem formaverat Alexander IV., qui varios Eremitarum cœtus in unam coire familiam, & iisdem legibus, quas Augustinum rogasse ferunt, vivere jussit.

§. 279. Longe tamen binis reliquis Carmelitæ nimirum, & Augustinianis majorem gloriam & potentiam obtinuerunt familiæ Dominicanorum¹, & Franciscanorum², quæ quidem per tria secula totam fere ecclesiâ & rempublicam gubernarunt, maxima ubique munera tam sacra quam civilia obibant, in omnibus academis auctoritate summa docuerunt, & pro Pontificum auctoritate contra Reges & episcopos incredibili fervore ac felicitate militarunt. Quod post concilium Tridentinum erant *Jesuitæ*, id Franciscani & Dominicani a seculo XIII. usque ad concilium Tridentinum erant, anima nimirum ecclesiæ, & reipublicæ, omniumque rerum alicujus momenti authores.

1. S. Dominicus ex nobili Guzmanorum familia in Hispania anno 1170. natus, canonicus Oxomensis cum Didaco ejusdem ecclesiæ episcopo, cum Petro de Castro novo, Rodulpho & Arnaldo Cisterciensibus ad Albigenes expugnandos profectus est. Novem annos hoc in negotio insumpsit, dein novis adscitis sociis ordinem *Predicatorum* instituit, quem adprobavit Innocentius III. Ne vero recens concilii Lateranensis decretum de novis religiosorum ordinibus non constituendis (§. 275.) violari statim videretur, jussu Papæ adprobata regulam S. scilicet Augustini, quam olim inter Oxomenses canonicos professus est, elegit. Postea vero ad mendicantes transiit, atque in Bononiensi fratrum conventu generali anno 1220. ipsi paupertatem imperavit.

2. S. Franciscus Assisii in Umbria mercatoris filius anno 1182. natus erat. E fonte baptismi nomen *Joannes* tulit, sed exinde cognomento *Franciscus* est dictus, quod magna facilitate didicisset Francorum linguam tunc Italis ob commercium cum Francis necessariam. Ad mercaturam a patre destinatus erat, attamen magis voluptatum, quam pecuniæ desiderio capi videbatur. Ex gravi morbo convalescens splendidum vestitum suum viro nobili, sed egeno sibi obvianti donavit. Ut ecclesiam S. Damiani reparare posset, clam incio parente pannos quosdam vendidit, & comparatam ex his pecuniam presbytero, qui huic ecclesiæ præfuit obtulit. At is aurum accipere recusat timens indignationem parentis Francisci, ipse vero ablatam pecuniam per apertam fenestram in ecclesiam conjecit. Ablatam pecuniam ex vendito panno repetebat pater, cumque eam tandem apud memoratam fenestram invenisset, nonnihil mitigatus postea filium ad episcopum venire, atque cedere bonis paternis in perpetuum jussit. responditque Franciscus, se lubentissimo animo iturum. Ubi in conspectu episcopi steterunt, non expectavit, dum pater querelas expoueret, sed detractas sibi vestes reddidit, omniaque jura dimisit, cum vero vestimenta patri redderet, agebat: *Hucusque adpellavi te patrem meum super terram, posthac major mihi facultas erit dicendi: Pater noster, qui es in caelis.* Inde ex urbe egressus in sylvas perrexit, at ob reparationem ecclesiæ S. Damiani Assisium reversus est, illasque aedes ex collectis elemosynis restaurare cepit. Hac perfecta aliam quoque ecclesiam S. Petro sacram & ab urbe magis remotam restaurare adgressus est, quo ædificio intra breve tempus consummato ad tertiam etiam sua opera reficiendam adjecit animum. Erat vero ista ecclesia S. Virginis sexcentis passibus Assisio distans a loco, in quo stabat, *Portiuncula* dicta, alio etiam nomine adpellabatur ecclesia Domine nostre angelorum, ubi Franciscus sedem quacunque alia magis dilectam elegit. Quadam die cum in missa illum locum evangelii recitari audivisset: *Nolite possidere aurum, neque argentum, neque pecuniam in zonis vestibus, non peram in via, neque duas tunicas, neque calceamenta.* incredibili gaudio exclamavit: *Hæc est, quod volo.* Mox calceos, baculum, peram abiecit & pecuniam, ac unica servata tunica dimisso cingulo coriaceo fune lumbos constrinxit. Brevi nactus est discipulos, quos cum crescere vidisset, ipsis stylo simplici institutum conscripsit, cuius fundamentum posuit evangelium adjectis paucis præceptis quæ necessaria videbantur, ut omnibus fratribus unica vitæ ratio esset. Ivit primum ad Innocentium III. regulæ suæ confirmationem petiturus, ad Papam maximi momenti negotiis occupatus virum sibi ignotum ne quidem auditum repulit. Episcopus autem Sabinensis ad Papam, aliosque cardinales agebat: *Caveo, ne si pauperis hujus viri preces repulsi, una evangelium rejiciatur,* qui re permotus Papa institutum ejus adprobavit, sed viva solum voce, quod factum anno 1210.

§. 280. Si ordinum mendicantium fundatores non essent sanctorum numero adscripti, suspicari quis posset (verba sunt Claudii Fleury Diss. VIII. in H. E.) eos amore proprio seduci se passos fuisse, seque distinguere, & supra alios sapere voluisse. Verum salva ejusmodi virorum sanctimonia de eorum luminibus minus bene sentire licet, ac timere, ne omnia illa sciverint, quæ

scivisse e re fuisset ¹. Nec videntur fundatores fratrum mendicantium genuinam paupertatis evangelicæ notionem habuisse ².

I. S. Franciscus existimavit, regulam suam esse ipsum evangelium omnino purum, citatis potissimum evangelii verbis insistens: *Nolite possidere aurum, neque argentum, neque pecuniam in zonis vestris* (Math. C. 10.) at nec cardinalis S. Pauli episcopus Sabinensis, ad Innocentium Papam dicens: *Si petitionem pauperis huius hominis rejicis, vide ne evangelium rejicias*, nec ipsemet S. Franciscus satis considerasse videntur contextum prædicti scripturæ loci; nam Christus mittens Apostolos ad prædicandum eos mox ita alloquitur: *Infirmos curate, mortuos suscite, leprosos mundate, demonem ejicite, gratis accepistis, gratis date*. Deinde subjungit: *Nolite possidere aurum, neque argentum &c.* unde clarum est, Christum id solum intendisse, ut Apostoli ab avaritia abstraherentur, ac desiderio dñum miraculorum in temporale commodum convertendi, & quid pro suscitatione mortui oblatum non fuisset? Christus addit: *dignus est operarius mercede sua*, quasi diceret, non esse Apostolis timendum, ne quid illis deesset, aut ne ii, quibus sanitatem aut vitam reddent, eos tamen interire suant. En! genuinum textus supra citati sensum. Sed inde haud sequebatur obligatio nutriendi homines, qui absque miraculis, & aliis missionis extraordinariæ signis mundum circuibant pœnitentiam prædicantes, idque eo magis, quod fideles dicere poterant: nos pastorum ordiniorum, quibus decimas, aliosque census solvimus, sustentatione abunde jam onerati sumus. Opportune quidem hæc copie extraneæ venere, ut pastorum ordiniorum maxima ex parte ignorantium, corruptorum, atque scandalosorum defectus supplerent, attamen utilius ecclesiæ fuisset cleri reformationi insistere, quam copias has extraneas assumere.

2. Clemens Alexandrinus a discipulis Apostolorum edoctus tractatum edidit supra questionem: quinam dives sit ille, qui salvus fiet? ubi ita disserit: Divitiae in se sunt indifferentes, sicut corporis vigor & pulchritudo, hæc sunt instrumenta, quibus bene vel male uti possumus. Bona temporalia, quarum abundantia divitias efficit, sunt materia necessaria plurium bonorum operum. Imo vero extrema paupertas in se potius mala est quam bona, virtutibus obicem ponit, & plurimum est causa gravium tentationum, pusillanimitatis, & desperationis, unde scriptura dicit: *divitias & paupertatem ne dederis mihi* (Prov. cap. 30. v. 9.). Itaque haud crude accipiendum Christi effatum de vendendis omnibus, sicut nec illud de patre odio habendo. Dum igitur, ut divitiis renunciemus, Christus nos docet, duntaxat nos obligat ad refræandos affectus, quos opes excitant, veluti superbiam, contemptum pauperum, voluptatum carnalium amorem, desiderium distracendi in infinitum &c. vir opulentus, divitiis recte utens, easque Jobi ad exemplum perdere paratus spiritu vere pauper est. Atque hæc sunt magni illius seculi II. doctoris Clementis Alexandrini principia doctrinæ scholasticæ & ascetarum inceptorum sophismatibus longe superiora, quibus positis inanes de voto paupertatis disputationes evanescunt, quæ tanticam Fratrisclorum sectam produxerunt. Sed demum ad essentiam paupertatis evangelicæ pertinere, ut non tantum renuncietur possessioni in particulari (ut præscribit regula Benedicti) sed etiam in communis. Ita ut monasterium redituum suorum nihil haberet, nondum tamen inde compellitur, mendicitate ex sidore particularum esse vivendum. Verum est, quibus certi deficient redditus, his non nisi cœnium su tentandi superius medium laborandi, vel mendicandi. Veteres Egyptii anachoretæ nullos etiam certos habebant redditus, quoniam enim præventum et terra arida & æreosa, quam inhabitabant, trahere poterant? ergo iis aut laborandum aut mendicandum erat. Mendicare non poterant in deserto solitarie viventes, necessario itaque laborare debebant. Fratres vero minores, aliique seculi XIII. religiosi mendicantem prælegerant prætextum, se non solitudinem sicut anachoretas destinatos esse, sed ut in mundo conversarentur peccatorum conversioni operam navaturi, sicque non deerant, a quibus elemosinas sperare poterant. Porro vita eorum errabunda, ac necessitas ea præparandi,

quæ ad populum dicerent cum laboribus manuum combinari haud posse videbatur. Demum autumabant, mendicitati plus inesse humilitatis, cum sit infimus societatis humane status, ac infra vilissimorum operariorum conditionem positus, idque eo magis, quo paupertas usque huc fuerit vilipensa. Equidem verum est, S. Franciscum discipulis suis laborem manuum imperasse. ad elemosynæ collectionem nonnisi velut extremum permisisse refugium: *Volo laborare* (inquit in suo testamento) & *districte exigo, ut omnes ceteri fratres cuiusdam honesto labori incumbant, illique qui modum vel artem nesciunt, cum addiscantur ad mensam Domini nostri ostiatim mendicantes.* Testamentum hoc claudit prohibitionem expressam, ne quis suorum ullum a Pontifice privilegium petere audeat, ac ne minima regulæ suæ glossa aut interpretatio adjiciatur. At necdum quatuor ab obitu Francisci anni effluxerunt, cum jam fratres ejus in capitulo de anno 1230. congregati a Gregorio IX. bullam obtinerent, quæ eos testamenti observatione non teneri declarat, quæque regulam variis in articulis interpretatur. Itaque labores manuum odium, mendicitas vero antea odio habita honorem sibi conciliavit.

§. 281. Binæ hæ mendicantium familiæ Dominiciani, & Franciscani cum in extirpandis hæreticis æque ac in Romani Pontificis potestate augenda seduli fuisset, a Pontificibus non modo negotiis & muneribus gravioribus præciebantur¹, verum etiam summis & invidiosis juribus, seu privilegiis cohonestabantur, quæ inter id non postremum erat, quod ubique etiam sine licentia episcoporum verbum Dei prædicare, confessiones excipere², aliaque parochialia jura exercere possent. Per hæc vero beneficia tanta copia in mendicantes effusa quum antiqua disciplina labefactaretur, & jura pastorum ordinariarum læderentur, ingentes quærelæ contra eos sunt exortæ³.

1. De ejusmodi muneribus notatu digna sunt verba Matthæi Parisiensis Hist. major. p. 634. *Fratres minores, & prædicatores invitos ut credimus, jam suos fecit Dominus Papa, non sine ordinis eorum lesione ac scandalo felonarios ac bradellor.* Idem p. 639. *Non cessavit Dominus Papa pecuniam aggregare, factiones de fratris prædicatoribus & minoribus etiam inditis non jam piscatores hominum, sed numerorum.* Idem ad annum 1239. p. 465. *Facti sunt eo tempore prædicatores & minores Regum consiliarii & multi speciales, ut sicut quondam milites induti in Regum donibus erant, ita tunc qui vilibus vestiebantur, in domibus, cameris, & palatis essent Principum.*

2. Alia fuit antiquæ ecclesiæ disciplina, quæ jubebat proprio suo parochia peccatorum conscientiam docerare, ut nimirum parochia pastor ordinarius ex continuis eorum parochianorum confessionibus auditis eorum statum cognoscere plene, moribusque spiritualibus mederi queat. At quum mendicantes de uno loco in alterum vagantes ex Pontificum privilegio, quocunque venerant, confessiones exciperent parochiani præcebant audacius, parochia redtione rationis metu nullo coerciti alique altis dicebant: *Libere indulgramus genti, crimina nostra haud æque detrecturi cuicumque horum fratrum prædicatorum venerimus, qui apud nos transibunt, & quos nec vidimus unquam, nec postea excusabimus.* (Fleury Tom. 20. pag. 536.)

3. Notæ sunt quærelæ, quas propterea Petrus de Vinea Friderico Imp. a consiliis secretis in Epistola eidem Imperatori anno 1243. nomine clerici secula-

ris oblata mendicantibus movit: Jam inde ob origine sua (incipit Petrus de Vineis nomine cleri secularis proponere Imperatori) mendicantes odium in nos conceptum impulit ad nostram vivendi, agendique rationem in conclusionibus suis infamandam (iudicium, clerum tum corruptum fuisse) juraque nostra ita imminuent, ut ad incitas redacti simus. Olim ex auctoritate numerum nostrorum Principibus imperavimus, metumque populis incussimus, nunc irrisui eis ac ludibrio sumus. Fratres dum alienam in mores involabant, nostras paulatim functiones nobis præripuerunt, sacrum tribunal, baptismum, extremam unctionem, ac cæmeteria sibi arrogantes. Et modo ut eo magis attenuarent jura nostra, & bonam privatorum hominum voluntatem a nobis avocarent, duo sodalitia nova instituerunt, in quo viros ac feminas tam generatim suscipiunt, ut fere nemo alterutri non sit insertus. Ita sodales in eorum templa cum conveniant, in nostris parochiis solemnitibus præsertim diebus habere non possumus: & quod pejus est, male se putant agere, si verbum dicimus ex aliis, quam his e fratribus audiant. Quamobrem decimis ac donis privati labore manuum, arte mechanica, vel lucro illicito querere victum cogemur. Jam nullum nos inter & laicos discrimen, imo conditio nostra deterior est, quia nobis nec clericos cum honore, nec laicos per conscientiam esse licet. Quid restat igitur, nisi ut a fastigio ad ima fundamenta diruantur templa nostra? ubi præter æs campanæ & fumorum quandam imaginem nihil superest. Altaria quorundam præbe ornata rite operit linteam rude, idemque lacerum: pavimentum antelæ lotum sollicitè, bellique herbis ac floribus constratum pulvis & sordes tegunt. Interea nobis potiores facti fratres mendicantes, qui casus primum & tuguriis incolabant, altis suffulta columinis, & in peculiaribus divisa sedes palatia construxerunt, quorum sumptus ad indigentiam pauperum impendi debuerant: hi fratres, qui inter initia sanctorum ordinum res caducas & vanam gloriam calcare pedibus videbantur, contemptum reserunt fastum, nihilque habentes omnia possident, ipsis divitiis ditiores, & nobis, qui fortune non inminuit dicimur, victus precario conquirendus est. Igitur ad Majestatis tuæ pedes accidimus, ut promptum malo remedium adhibeas, ne invalescente nos inter & fratres illos odio fides ex ipsis incrementi sui causis creditis periclitetur. Similes querelas contra mendicantes protulit Matthæus Parisiensis.

§. 282. Hæc inter controversias mendicantium cum clero nobilissima erat lis Dominicanorum cum academia Parisiensi, quæ anno 1228. cœpit, & ad annum 1259. inter varias vicissitudines est protracta. Duas sibi Dominicani vindicabant in academia Parisiensi cathedras theologicas. Eripuit illis alteram academia, & lege lata statuit, nulli religiosi sectæ binas in academia cathedras theologicas concedi debere. Reperebant pertinacissime Dominicani amissam cathedram, academia contra eos a se, cum quiescere nollent, segregavit. Sequebantur vehementes utrinque motus, linte ad Papam delata, *Alexander IV.* anno 1255. academiam Parisiensem jussit non modo Dominicanis pristinum in societate litteraria locum reddere, verum etiam tot quot ipsi occupare vellet, cathedras concedere. Restitit fortiter academia, & difficile hinc bellum exortum. Verum Alexander Papa tot acerbis legibus, mandatis, & epistolis, quarum quadraginta numerantur, magistros Parisienses terruit & oppressit, ut anno 1259. manus darent, & Dominicanis non modo, sed etiam Franciscanis cathedras in academia concesserant.

§. 283. In hac celebri contentione nullus magis strenue, &

animosius causam academix egit, quam *Wilhelmus a S. Amore* doctor sorbonicus. Is enim cum in aliis scriptis, tum maxime libro de *periculis novissimorum temporum* fratres mendicantes in universum asperrime adgressus est, atque vitæ genus eorum præceptis Christi adversari, & temere a Pontificibus, ac per errorem (ut disserte ait) *ab ecclesia confirmatum* esse disputabat ¹. In hunc igitur formidolosum hostem ira Dominicanorum potissimum excaudit, quem vexare ac insectari non destiterunt, donec anno 1256. *Alexander IV.* librum hunc publice damnavit, authorem vero ejus Gallia excedere jussit, ne sorbonam de novo in mendicantes armare posset. Paruit Guilielmus mandato Pontificis, at sub *Clemente IV.* Parisios rediit, librum suum longiori opere illustravit, denique summa ibi existimatione est mortuus ².

- I. Nomen celeberrimum iste liber inde habet, quod author contendit, Pauli vaticinium Ep. 2. ad Tim. Cap. 3. v. 1. seq. de novissimorum temporum periculis in fratribus mendicantibus impletum esse. Summa hujus libri ad sequentes propositiones reduci potest: Religiosi mendicantes etsi a summo Pontifice & episcopo missi sint, prædicare non possunt nisi a plebeis fuerint invitati, 2. per mendicantes instant vel instabunt pericula novissimorum temporum universæ ecclesiæ, 3. de evangelio non possunt vivere, 4. vivere debent de labore corporis, 5. periculum est in mendicando, quoniam qui de mendicitate vivere volunt, fiunt adulatores, detractores, mendaces, & viros, a justitia declinantes, 6. omnia pro Christo relinquere, & sequi Christum mendicando non est opus perfectionis, 7. hinc viro perfecto postquam reliquerit omnia, vivendum est aut laborando corporaliter manibus, aut intrando monasterium, ubi habeat necessaria vitæ, 8. prædicatores, qui vadunt ad orthodoxos, qui proprios habent apostolos, scilicet episcopos suos & presbyteros, non vadunt ad suam legationem, sed tanquam ad alienam, unde non sunt veri apostoli, sed pseudo — apostoli, & summe timendum est, ne per tales periculetur ecclesia, nisi expellantur ab ea, 9. valido mendicanti facienda non est elemosyna, 10. medicus validus graviter delinquit, ergo si scienter se ponit in tali statu, videtur quod non sit in statu salvandum, 11. religiosis non licet procurare, ut fiant magistri, quia magisterium honor est, hinc fratres non sunt admittendi in societatem scholasticam magistrorum secularium, nisi de ipsorum voluntate, nam cum sint in statu perfectionis, tenentur ad concilia, consilium autem Domini est Matth. C. 23. *Nolite vocari Rabbi* cum ergo velint docere solenniter, faciunt ut vocationi magistri, & sic vivunt contra Domini consilium, & ita publice peccant, & scandalizant, & sunt evitandi, 12. universim religiosos mendicantes velut pseudo — prædicatores, hypocritas, penetrantes domus, otiosos, curiosos, gyrovagos — adpellat. Quod ait Guilielmus a S. Amore, mendicantes *curiosos esse*, & *penetrantes domus* confirmat etiam Fleury Dias. VIII. in H. E. pag. 429. docet experientia. En ejus verba: *Ceterum si mendicantes respicerem nonnulli a seculo VIII. in ecclesia auctoritate accepit, non tunc credendum est, ejus inventionem esse novam, cum tempore istius sint mendicantes sub philosophia quoque aut religionis prædicant. Philosophi Cynici mendicabant, Diogenes aliquando vixit ad a statum quendam stipem petere, ut, prout ipse dicebat, repulsum ferre diceret. S. epiphanius ecclesiam Messalianorum hæreticorum mendicitatis incommenda ostendit, insinuatque ignavis christiani, de vilibus mendicantibus, ad qua efficienda divitibus, illis etiam, quorum bona modo parva sunt, mendicitas innotuit. Speciant hinc magis assiduationes, adulatores, concupiscentes, & collupia cellarum, & aliam rem mundanorum capiendam erga instantia, & quæ omnium passionum est, cupiditas, abstinendum. & theologus moralis præstat. Wilhelmus Durandus episcopus Mimatensis in suis expositionibus ad concilium Viennense multum erga rei-*

ciscum in corpore suo stigmata non habuisse, fratres minores populo imponere & falsa proferre, nec sine eleemosynæ copiosius acquirendæ gratia illud asserere. Sed Pontificum diplomaticibus oppressi Dominicani cessarunt rem istam publice impugnare, quamquam tacite semper eam riserint.

- I. Franciscum stigmata, seu formas quinque vulnerum Christi in corpore suo habuisse, nemo dubitat, satis enim multi & idonei sunt hujus rei testes; at non Deus aut angelus modo miraculoso, sed ipse Franciscus sibi ea impressit, ut perpetuam passionis dominicæ memoriam in corpore terret, similisque Christo fieret. Nempe moris erat illa ætate, ut qui ceteris sanctiores videri veillent, ipsi stigmatibus ejusmodi se notarent, ad quam consuetudinem trahere solebant verba S. Pauli ad Gal. cap. 6. v. 17. ubi dicit Apostolus: *Stigmata Jesu Christi in corpore meo porto*. Et magnus sanctorum *stigmatizantium* index in actis sanctorum seculi XIV. & XV. colligi potest.

EPOCHA QUARTA

A

REFORMATIONE LUTHERI, SEU A CONCILIO
TRIDENTINO AD NOSTRA USQUE TEMPORA.

INGRESSUS.

In hac epocha ordo narrationis mutari debet. Cum enim ecclesia Christiana ab hoc tempore in plures divisa est sectas, gesta omnium sectarum in una veluti & continua tabula exhiberi difficulter possunt. *Membratim* ergo incedendum, & in tot membra hæc epocha dividenda, quot diversæ Christianorum societates ortæ sunt. Causa scissionis ecclesiæ Christianæ erat reformatio a Luthero tentata. Hæc in Saxonia tenuibus initiis nata brevi universam Europam peragravit, & merito causa omnium mutationum tum in ecclesia tum in republica habetur, siquidem tum commoda tum incommoda ex ea orta nostra adhucdum sentiunt tempora. Historia proin reformationis mox ab exordio est exponenda. Memoria vero juvandæ causa reformationis historia in quatuor partes vel periodos dividitur, quarum prima explicat historiam ceptæ reformationis usque ad traditam Imperatori *confessionem Augustanam*, altera res ab hoc tempore ad belli usque *Smalcallici* exordium, tertia ad pacem usque *religiosam* exponit, & quarta, quid eodem tempore hoc in negotio *extra Germaniam* gestum fuerit?

CAPUT PRIMUM

AB

INITIO REFORMATIONIS USQUE AD AUG.
CONFESSIONEM.

§. 286. Auctor hujus reformationis erat *Martinus Lutherus* ¹, quam suscepit occasione abusuum circa indulgentias commissorum ². *Julius* enim II. Papa basilicæ vaticanæ S. Petri fundamenta jecit, & ad hoc ædificium quid contribuentibus indulgentias concessit. Successor ejus *Leo X.* ædificium perficere cupiens novas eum in finem indulgentias indulsit, quarum in Germania promulgandarum provinciam demandavit *Alberto* Archiepiscopo Moguntino & Magdeburgensi, qui munus id commisit *Joanni Tezelio* ordinis Prædicatorum ³.

1. Natus fuit *Islebio* in Saxonia anno 1483. obscuris parentibus, humanioribus litteris imbutus *Erfordiam* se contulit, in qua lauream artium consecutus est anno ætatis suæ vigesimo. Juris deinde studium adgressus cum ruri esset fulminis ictu, qui sodalem suum enecavit, perterritus ordini Eremit. S. Aug. nomen dedit anno ætatis vigesimo secundo. Exin a *Friderico* cognomine Sapiente Saxoniae Electore in academia Witebergensi professor theologiæ designatus est anno 1508. Dum suam cœpit reformationem annus agebatur post Christum natum 1517. sub Pontifice Leone X., Imperatore Maximiliano I., & Friderico Sapiente Saxoniae Electore.

2. Usus indulgentiæ illæ, quæ consistit in remissione pœnitentiæ ecclesiasticæ in criminum satisfactionem impositæ antiquissimus est in ecclesia (§. 81. 1. & 189. 1. Tom. 1.), quamquam & hæ indulgentiæ antiquitus summa cum moderatione concederentur. At a sæculo XI. alia indulgentia dari cœpit intuitu alicujus operis laboriosi propter evidentem aut adparentem ecclesiæ utilitatem suscepti. Inter hæc opera laboriosa fuit præparans expeditio sacra in Palestinam, quæ ut vidimus hortante *Urbano II.* in concilio Claromontano anno 1059. est decreta proposito canone: *Quicumque pro sola devotione, non pro honoris aut pecunie perceptione ad liberandam ecclesiam Dei Hierosolymam profectus fuerit, iter illud pro omni pœnitentia ei reputetur.* Eadem remissione deinde facta fuit iis, qui cum ipsi non possent, saltem suis sumptibus militem eo mitterent; dein vero etiam iis indulgentia dari cœpit, qui aliquid contribuerant ad ecclesiæ, monasterii & hospitalis reparat. onem.

3. Dum enim Pontifices pro indulgentiis eleemosynas colligerent, delecti aliqui sunt, lique plerumque Dominicali, qui indulgentias prædicarent, id est, qui populo denuntiarent, se indulgentias lucrari posse, eumque ad conferendam eleemosynam excitarent. Ejusmodi indulgentiæ prædicatorum alias dici solent *quætores eleemosynarum.*

§. 287. *Lutherus* præter munus professoris in academia Wi-

tebergensi etiam munus confessarii obibat. Quidam poenitentium, quorum confessiones exceperat, impoitas poenitentias hoc sub prætextu peragere detrectarunt, quod a Tezelio emerint *libellos indulgentiæ*, vi quorum ad nullam poenitentiam in criminum satisfactionem impositam tenerentur, quare Lutherus ejusmodi poenitentibus absolutionem denegavit, scripsitque epistolam ad Albertum Archiepiscopum Moguntinum, ex cujus delegatione Tezelius indulgentias prædicabat, in qua contra abusus, qui irrepserant, conquestus est ¹. Scripta est hæc epistola in vigilia omnium sanctorum anno 1517, ad cujus calcem adjecit 95. conclusiones aut theses, quas non expectato responso eadem die publice proposuit, & in templo super eodem argumento solemnem habuit concionem.

- I. Nat. Alex. refert, Lutherum eum in modum scripsisse: *se quidem indulgentiarum prædicatores, quos non audivat, minime reprehendere, sed per aliquos serpere audacem fiduciam, quicumque elemosynam quesitam conferret, æternæ gloriæ certum esse, nec alia satisfactione indigere, ut culpa simul & pœna deleatur: nihil cogitari posse scripturæ suæ repugnantius ea persuasione, cum S. Petrus doceat: vix justum esse saluum, & apud Amos ac Zachariam æquiparantur electi torribus & medio incendio subtractis, vim aliam indulgentiis non inesse, nisi a penis canonum liberandi, quas imponit ecclesia. Ita conquestus est eam ob causam, quod intellexisset Tezelium, dum murus indulgentias prædicandi ad præseus fuisset, varia scandalosa populo prædicasse, uti: *quamprimum pecunia pro iustis gentile libello in gazophiliacum injicitur, anima & purgatorio ad caelum ascendunt, crux, quam indulgentiarum prædicatores circumferunt, ejusdem est virtutis, quam ipsa crux Christi. Si S. Petrus hic præsens esset, non majorem haberet potestatem, quam questores elemosynarum. Indulgentia non tantum delevit peccata jam remissa, sed etiam prius commissa. Quatuor munus animarum vestrorum parentum & purgatorio liberare potestis, & quis adeo ingratus erit, ut negligat tam levi pretio id facere &c.* Aliqui contra in ea sunt sententia, quod cum munus indulgentias prædicandi Dominicanis commissum fuerit, id Augustinianorum idem munus amolientium excitaverit invidiam, qua de causa *Stancianus* tum temporis ordinis Eremitarum S. Augustini per Germaniam vicarium generalem, & Friderico Saxonie Electori valde acceptum Lutheri indulsisse, ut contra indulgentias declararet, & hoc fuisse reformationis initium. Verum facile ex monumentis istorum temporum ostendi potest, munus indulgentias prædicandi ordinarie Dominicanis collatum fuisse, non itaque erat ratio, cur Augustiniani agere tulissent, munus istud Tezelio fuisse commissum.*

§. 288. Prima hæc Lutheri cum Tezelio lis in se mediocris erat, & si prudenter Leo X. egisset, sedari levi opera potuisset ¹; privata nempe duorum monachorum concertatio erat de finibus potestatis pontificiæ in concedendis indulgentiis. Lutherus ab initio potestatem concedendi indulgentias Pontifici non denegavit, id solum contendit, virtutem indulgentiarum ad delendas alterius vitæ pœnas se non extendere, quod imprudenter Tezelius populo inculcavit. At quum hæc controversia primum negligenter, postea minus sapienter tractaretur, paulatim disceptatio crescere, & a tenuibus initiis ad res longe gravissimas progrediebatur.

- I. Elector Saxonie controversiæ finem imponere potuisset, si partibus litigan-

tibus silentium imposuisset. Imperantes enim civiles jus habent dissidia circa religionem in territorio exorta tollendi, & siquidem disputationes theologicæ mali radix essent, iis imponendi finem. Si el elector de Sajonia Federico el sabio (que en efecto lo fue) hubiera tomado por su propia autoridad medidas atinadas para alogar en su origen el miserable abuso de algunos predicadores de indulgencias que repugnaban á todas las reglas eclesiásticas, y hubiese impuesto pro-fundo silencio á los disputadores de ambos partidos, como lo podian su deber y su ciencia, sobre esta odiosa materia, lo que no querian ni podian hacer los obispos Sajones por miras politicas, entonces no habria tenido Lutero motivo para exacerbar, ó á lo menos no hubiera pasado tan adelante este asunto, y se habria evitado la terrible division que causó tantas desgracias á la iglesia y á los estados civiles. (Historia de la bula de la Cena).

§. 289. Si Lutherus mox ab initio susceptæ reformationis essentialia religionis adgressus fuisset, nullos aut paucissimos habuisset assecclas; at vero cum sub initium nonnisi contra abusos indulgentiarum insurrexerit, eo minus mirandum, quod magna pars Germaniæ ei plaudebat, cum Germani jam dudum molestissime tulissent varios a curia Romana excogitados modos & artes pecuniam corradendi (principiis enim juris publici & finantiæ repugnat, pecunias ex provinciis eum in finem colligere, ut Romæ splendidum ædificium erigi possit). Ceteri vero, qui falso putabant, illimitatam esse Papæ potestatem in concedendis indulgentiis, mox Lutherum ut hæreticum traduxerant¹, atque ita eum exacerbarunt, ut ulterius progressus jam non in reformandis abusibus sisteret, sed ipsa religionis essentialia adgrederetur.

I. Hos inter primus erat Tezelius, qui 95. theses a Lutero expositas igni tradidit ut hæreticas, eumque binis in academia Francofurtensi ad Viadrum disputationibus pro gradu doctoris theologiæ impetrando habitis impugnavit. Hinc se iungebat Ja. Eckius theologus Ingolstadiensis, qui cum Lutero Lipsiæ in aula Ducis Georgii adstante Principe, senatu, & academia disputavit.

§. 290. Leo X. Papa primum hanc litem spernebat, sed mox nitus a Maximiliano Imp. rem agi minime parvam, & Germaniam in partes ire, Lutherum ad causam dicendam Romam vocavit. Intercessit huic Pontificis mandato Fridericus sapiens Saxoniæ Elector, qui causam Lutheri jure ecclesiæ Germanicæ in Germania discuti cupiebat. Concessit voluntati Friderici Pontifex, & Cardinalem Thom. Cajetanum legatum denominavit, coram quo in comitiis, quæ tunc habebantur Augustanis, Lutherus rationem suæ doctrinæ reddere jubebatur, cujus tamen legationis nullus erat fructus¹. Interea Leo Papa in diplomate de anno 1518. die 9. Nov. dato declaravit, indulgentiarum efficaciam non tantum ad remissionem pœnitentiæ canonicæ ab ecclesia impositæ, verum etiam ad delendas pœnas purgatorii se extendere, qua re accepta Lutherus Witebergæ eodem anno 1518. a Pontifice ad futurum concilium generale adpellavit.

1. Imprudentiæ aula Romana in hoc puncto adcurari solet, quia aptior progerendo isto negotio legatus denominari debuisset; Cajetanus enim Dominicanus erat, & ideo a Lutero tanquam hostis ejus habebatur, quod quidem unice in causa fuisse videtur, cur nullus fuerit legationis hujus effectus; nam Lutherus mense Octobri anno 1518. Augustam delatus ter cum legato pontificio colloquebatur, cujus tamen colloqui is erat exitus, ut a legato & ipso Pontifice de causa sua tunc nondum satis instructo ad eundem Pontificem, cum melius fuerit de causa hac edoctus, adpellaverit.

§. 291. Displicuisse ipsi aulæ Romanæ Cajetani legati rationem agendi cum Lutero, eo quod imperiose cum eo egerit, atque, ut errores nullis licet rationibus victus confiteretur, importune jusserit, testatur celeberrimus Paulus Sarpi in H. conc. Trid. L. 1. p. 22. Itaque eodem fere tempore Pontifex alteri legato negotium commisit Lutherum ad unionem cum ecclesia Romana reducendi. Is erat *Carolus Miltiz*, eques Saxonicus, Leonis Papæ cubicularius. Cum Lutero congressus Miltizius datam illi occasionem declamandi contra indulgentiarum abusus concessit, ejusque adversarios, præcipue Tezelium, objurgavit. Hac mansuetudine effecit Miltitius, ut Lutherus epistolas obsequii plenas ad Pontificem dederit, & de integro silentium circa indulgentias pollicitus fuerit, modo & ejus adversarii sileant ¹.

1. In dicta Epist. his verbis Pontificem alloquitur: *Nunc beatissime Pater coram Deo, & tota creatura sua testor, me nequa movisse, neque h. die ullæ Romanæ ecclesiæ ac Beatitudinis tue potestatem ullo modo tangere: aut quæcumque versutia demereri, quin plenissima confiteor, hujus ecclesiæ potestatem esse super omnia &c.* (Nat. Alex.)

§. 292. Occasionem omnem legationis Miltitianæ fructum intervertendi dedit disputatio Lipsiana. Jo. Ekius Ingolstadiensis theologus dissensit cum *Carolstadio* archidiacono Wittenbergensi de libero arbitrio. Is ergo Carolostadium more istius ætatis ad pugnam singularem Lipsiæ instituendam invitavit, & Lutherum etiam, contra quem scripto pugnaverat, provocavit ¹. Consensit Carolostadius in oblatum certamen, & constituta die 27. Junii anni 1519. in arena comparuit Lutero comite ². Per dies 17. disputatio Ekii cum Carolostadio continuata, dein Lutherus cum eodem congressus de Romani Pontificis primatu certavit, nihil vero elecerant disputantes, neque rector Lipsiensis *Hofmannus* arbitri pugne, utra pars vicisset, pronuciare voluit, sed cognitio caute ad academiam Parisiensem & Erfurdiensem delata.

1. Bellicosum nimis majorem nostrorum ingenium ad scholas etiam manabat, quique de rebus eruditis animosius discesserant, ad pugnam se singularem, non solum ac milites ad duellum, provocare solebant. Iste pugna in celebri prætorio academici fortissimè solebant, rectorque academici cum magistris Indices arbitri erant certaminis, ac de victoria pronuciabant.

1. Inter testes & auditores disputationis hujus aderat quoque *Philippus Melan-*

chton Græcæ tum linguae professor Witebergensis. Proprium ejus nomen patrio idiomate erat *Schwarzerd*, græce Melanchton. vigintiquatuor circiter annorum erat, cum anno 1521. ad Lutheri partes transiit.

§. 293. Dum Miltitius cum Luthero in Saxonia non sine boni eventus expectatione de pace egit, Ekius post disputationem Lipsiensem Romam properavit, ut exitium Lutheri acceleraret. Is ergo Romæ societate cum Dominicanis in aula pontificia potentissimis inita Leonem urgebat, ut Lutherum excommunicaret. Victus igitur ab his importunis monitionibus Papa præcipitan-
tius, quam oportuisset, agens primam anno 1520. die 15. Junii legem in Lutherum promulgavit, qua una supra quadraginta ex ejus propositionibus damnata, scripta ejus rogo addicta, ipsum vero, nisi mandatis apostolicis intra sexaginta dies pareret, ejusque assecras ut hæreticos capi & Roma mitti mandavit.

§. 294. Lutherus accepta hac prima contra eum sententia ad futurum concilium generale adpellavit. Paulo post cum prævideret, se prælixo a Papa termino elapso solemnem excommunicationem ab ecclesia ejectum iri, ipse statuit ecclesia Romana exire, antequam a Pontifice inde ejiceretur, quod ut facto publico declararet, anno 1520. die 10. Decemb. rogo extra urbis mœnia composito præsentem magnam multitudinem tum sententiam Pontificis in se latam, tum corpus juris pontificii in ignem iniecit ¹. Mense nondum elapso post hanc audacem actionem die 4. Januarii anni 1521. secuta est sententia excommunicationis in eum lata.

1. Atque hoc illud est temporis punctum, quo Lutherus novum cœtum, seu novam condere ecclesiam adgressus est.

§. 295. Inter hæc Imp. Maximilianus I. mortuus, & in ejus locum anno 1519. illius nepos *Carolus V.* Rex Hispaniarum susceptus est. Leo igitur Papa novum Imperatorem suscepti muneris *advocati & defensoris Ecclesiæ* admonuit, petiitque, ut rebellem ecclesiæ civem Lutherum justis pœnis afficeret, Fridericus contra Saxonie Elector Casarem obtestatus fuit, ne quid in Lutherum præpostere statueretur, sed omnia jure ecclesiæ Germanicæ legibusque imperii agerentur. Carolus Friderico tantum debebat, quantum nulli Principi, ejus enim potissimum cura & studio dignitatem imperialem obtinuit ¹, quare ut & huic amico suo & simul Pontifici gratificaretur, Lutherum etsi jam a Papa excommunicatum in comitiis Wormatiensibus anno 1521. habendis audiendum esse, antequam quid in eum decerneretur, statuit ².

1. Muerto el Emperador Maximiliano resultaron poderosos partidos que se disputaban el imperio (vase de Carlos V. por Leo). Los dos mas poderosos fueron

Francisco I., Rey de Francia, y Carlos V. de España. Los electores para poner fin á las disputas, determinaron excluirlos como extrangeros y dar la corona imperial á un elector. Por unanimidad eligieron al de Sajonia Federico el sabio. Este pidió dos dias para pensarlo, y al tercero dió las gracias con gran modestia á los electores, y les hizo presente que en la edad avanzada que tenía, se hallaba sin fuerzas para tan pesada carga. Todas las exposiciones que le hicieron fueron vanas: los electores le pidieron que nombrase la persona que en su conciencia le pareciese más á proposito, y le prometieron que se conformarian con su dictamen. Federico se excusó hasta que cediendo á las instancias de los electores se declaró por Carlos V. (Cárlas Rolin.)

2. Mírum cuidam videri posset, & a lege ecclesiæ alienum, causam circa religionem versantem in comitiis imperii cognitam & tractatam fuisse; at sciendum est, comitia ista simul concilium nationis Germanicæ representasse, quoniam archiepiscopi, episcopi, & abbates inter Germanicæ Principes sedent.

§. 296. Comparuit itaque fide Cæsaris publica munitus Lutherus Wormatiæ, atque die 17. & 18. mensis Aprilis prædicti anni 1521. in comitiis causam dixit. Namque quæsitus & monitus, ut sententias dimitteret adhuc defensas, & cum Pontifice in gratiam rediret, nunquam se id facturum constantissime respondit, nisi aut solidis rationibus ex oris convinceretur. A quo proposito quum nullis sive minis sive promissis abduci poterat, domum quidem libere redeundi a Cæsare impetravit licentiam, at post discessum die 27. Maji communibus Cæsaris & Principum suffragiis una cum asseclis proscriptus est & *bannum imperii* contra illum declaratum. Redeuntem Fridericus Saxo in arcem Wartburgam, Cæsare fortassis haud inscio, duci jussit, in quo quidem castro, quod suum adpellabat *Pathmum*, per decem menses latuit tempus scribendo fallens.

§. 297. Ex hoc castro anno 1522. mense Martio inscio & invito Friderico Electore reddit Witembergam, quia ipso absente *Carolostadium*, aliosque periculosos excitare motus audivisset, quorum impetus fortiter repressit, & versionem sacræ scripturæ Germanicam, quam inchoaverat, paulatim absoolvere adgressus est.

- I. Eo enim absente Carolostadium missam abrogavit, Christum in eucharistia realiter præsentem esse negavit, quod tamen propugnabat Lutherus, & imagines e templis arisque deiecit.

§. 298. Hæc inter Leo X. Papa mortuus est anno 1522, successit ei *Hadrianus VI.* auxilio Caroli V. Imp., cujus præceptor fuerat. Ille Pontifex misso ad comitia imperii, quæ Norimbergæ anno 1522. & sequentibus habebantur, legato Franc. *Cheregato* enixe flagitavit, ne pena in edicto Wormatiensi in Lutherum & sectatores ejus sancita diutius differretur, simul tamen paratum se esse demonstravit ad tollendos, quæ Lutherum exacerbarant, abusos. Ad hæc mandata legationis proceribus Germa-

nix a Cheregato communicata responderunt Principes, saluberrimum illis concilium videri, si Pontifex cum Imperatoris consensu intra annum concilium convocaret in quadam Germaniæ urbe, in quo quicumque interesset, vel ex laicis vel ecclesiasticis, libere proponere posset, quidquid e re reipublicæ Christianæ judicaret. Demum innovari quidquam in religione lege publica vetant, usque dum concilium, quid facto opus esset, sanciat. Præpeditus tamen fuit morte Hadrianus, antequam concilium convocare potuerit, nam mortuus jam est anno 1523, successit ei *Clemens VII.*

§. 299. Hac ratione dum propagari cœpisset Lutheri reformatio, duo eidem opposita sunt impedimenta, alterum *intestinum*, alterum *externum*. In ipsa enim eorum societate, qui se ab ecclesia Romana separarunt, lis de præsentia corporis & sanguinis Christi in sacra cœna exorta est¹. Extra cœtum illorum vero, qui Lutherum sectabantur, anno 1525. innumerabilis hominum seditiosorum multitudo per varias Germaniæ provincias grassabatur, bellumque magistratibus, legibus, & universæ reipublicæ rapinis, cædibus, & incendiis intulit².

1. Lutherus cum suis discipulis sententiam de conversione panis & vini in corpus, & sanguinem Christi quidem rejecit, attamen verum corpus & sanguinem Christi una cum pane & vino percipere ad eucharistiam accedentes adseverabat. Secus videbatur collegæ ejus Carolostadio docenti, abesse corpus Domini a sacra cœna, panem vero & vinum signa solum esse, quibus ad commemorationem passionis & mortis Christi excitari debeant homines. Hæc controversia longa & difficilis exardescere ab anno 1524., & ad extremum Novatores in duas divisit sectas.

2. Maxima pars seditiosæ hujus turbæ ex rusticis constabat, qui Imperium Dominorum suorum moleste tulerant, qua de causa *rusticorum bellum* (*Combate de los labradores*) seditio hæc appellatur. Principio hæc seditio, quod libelli ab ipsis editi demonstrant, tota fere civile erat bellum, levare enim tantum parte tributorum cupiebant, nec de religione magnopere disputabatur. At quum furiose huic multitudini *Thomas Münzerus* se junxisset, ex civili bello, in Saxonia maxime & Thuringia religiosum & sacrum factum est. *Anabaptistarum* hi sectam instituisse feruntur; negabant enim licitum esse jurare, & nefas esse Christianis subire magistratus. Cessavit calamitas hæc post infelix rusticorum cum exercitu Germanorum Principum apud *Mülhusam* anno 1525. prælium. Münzerus capite plexus est.

§. 300. Cum formidolosa hæc seditio maxime serveret, Fridericus sapiens anno 1525. mortuus est. Is medius quasi inter Pontificem & Lutherum steterat, nec desperaverat fore, ut pax restitueretur. Alia mens fratri ejus & successori Joanni erat, qui jus sibi sacrorum prorsus arrogavit. Hunc Joannem Lutheri asseclæ alterum ecclesiæ suæ conditorem & parentem nominare solent, sed ab hujus etiam Joannistempore initium ducit Principum Germaniæ in religione dissensio, quæ antea modica fuerat; prudentia nimium Friderici sapientis animos victos veluti tenebat, Joannes ve-

ro cum multis rebus publice testimonium dedisset, se ab ecclesia catholica sejungere prorsus velle, dissiliebant repente Principum animi antea mediocriter tantum disjuncti, aliis religionem antiquam tenentibus, aliis Lutheri partes sequentibus.

§ 301. Anno 1526. habebantur comitia Spirensia, quibus frater Caroli Imp. *Ferdinandus* præsidebat. His in comitiis Imperator per legatos jussit rixas circa religionem tolli, edictum vero Wormatiense in Lutherum, ejusque socios latum servari. Principum vero plerique integrum sibi esse negabant mandato huic obtemperare, certique aliquid statui hac de re posse, antequam concilium legitime convocatum eam cognovisset, hujus enim esse controversias in rebus religionis ortas dirimere. Hac sententia post varias & longas concertationes obtinuit; omnes enim consensere, Imperatorem exorandum esse, ut concilium sine mora convocet, interea unicuique liberum fore, quomodo rem religionis administrare velit. Hoc decreto nihil opportunius illis esse poterat, qui partes Lutheri amplexi sunt; Imperator enim rebus Gallicis, Hispanicis, & Italicis impeditus res Germanicas & imprimis causas religionis per aliquot annos agere non poterat, hinc vi decreti Spirensis Lutheri asseclæ res suas firmare & augere studebant.

- I. Nam bellum gessit Carolus cum Francisco I. Galliarum Rege imperii Germanici competitor, quo victo cum Clemens VII. Papa fœdus cum Gallis & Venetis contra Imperatorem inlisset, adeo animum Caroli incendit, ut bellum in Italia Pontifici inferret, urbem Romam anno 1526. per Ducem suum *Carolum Borbonium* expugnaret, & Pontificem ipsam in castro S. Angeli obsideret.

§. 302. Ulteriore tamen reformationis propagationem mox turbabant comitia Spirensia, quæ Imperator restituta cum Clemente VII. pace primo vere anni 1529. denuo cogi jussit. Parte enim majore consentiente potestas, quæ ante triennium in prioribus comitiis Spirensibus singulis data est rem religionis pro arbitrio ad concilii usque decisionem gubernandi, tollebatur, & omnis ante concilii definitionem religionis mutatio illicita pronuntiabatur.

- I. Contra hoc comitiarum conclusum protestati sunt *Jeanes* Saxoniarum Elector, *Georgius* Elector Brandenburgicus, *Ernestus* & *Fridericus* Duces Lumburgici, *Philippus* Hassiarum Landgravius & *Wolfgangus* Princeps Anhaltinus, quibus se quatuordecim civitates imperii adjunxere, ad Cæsarem futurumque concilium adpellantes. Hinc *Protestantium* vocabulum natum est, quod ab eo tempore gerunt Lutheri asseclæ.

§. 303. Imperator in Germaniam rediens in comitiis Augustanis lites de religione natas cognoscere in persona propria proposuit (antea enim comitiis ejus nomine præfuit frater ipsius *Ferdi-*

nandus). Advenit Imp. Augustam Vindelicorum 15. Junii anni 1530. Nondum vero tum temporis brevis forma religionis & dogmatum, quæ Lutherus & ejus asseclæ profiteri vellent, extabat, quod tamen necessarium putabatur, ut in comitiis cognosci valeat, quid de rebus divinis sentiant, & causæ intelligi, ob quas Romanam ecclesiam deseruerint. Joannes Saxo Lutherus & alios quosdam doctores præcipua suæ religionis capita in literas referre jussit, Lutherus septemdecim illa capita, quæ in Suobacensi conventu anno 1529. jam placuerant, sufficere judicavit, eademque Torgaviæ Electori Saxonix exhibuit, qua de causa *Torgavienses articuli* nominantur. Hæc igitur Philippo Melanctoni materiam præbuerunt, ex qua jussu & autoritate Principum partim Coburgi partim Augustæ Vindelicorum illam confessionem, quæ *Augustana* vocatur, Luthero nunquam non consulto confecit, & amœniori oratione expressit.

CAPUT SECUNDUM

HISTORIA REFORMATIONIS AB OBLATA CON- FESSIONE AUGUSTANA AD BELLI SCHMALCALDICI EXORDIUM.

§. 304. Carolus V., ut dictum, 15. mensis Junii anni 1530. Augustam Vindelicorum ingressus comitiorum initium die 20. ejusdem mensis fecit. Obtulerant ei ibidem Protestantes *confessionem Augustanam*, viginti & octo capita continentem ¹. Opposuerunt confessioni huic Catholici, qui præsentés erant, confutationem, quam Joannes *Faber* (episcopus postea Viennensis) Joannes *Ekius*, & Joannes *Cochlæus* composuere, quæ cum die 3. Aug. pariter in comitis prælecta fuisse, poscebat Imperator, ut in ea Protestantes adquiescerent & concordiam inirent, negabant vero Protestantes, satisfactum sibi hac confutatione fuisse, atque exemplare ejus sibi tradi volebant, quo dubia sua opponere possent, quas tamen preces Imperator recusabat, controversiam novis scriptis protrahi nolens ².

1. Articulis 21. exponebat hæc confessio fidem & dogmata Protestantium. septem reliqui vero exprimebant abusus, quos ecclesiæ Romanæ opposuerant, nimirum 1.) de communione sub utraque specie, 2.) de conjugio sacerdotum, 3.) de missa, 4.) de confessione, 5.) de ciborum discrimine, 6.) de votis monachorum, 7.) de potestate ecclesiastica.

2. Nihilominus tamen Protestantes per Melanchtonem responsionem ad ea, quæ theologi presentes ex auditiæ libelli Catholicorum acceperant, parari, & die 22. Septembris Cæsari offerri curabant, a quo tamen haud recipiebatur. Hæc responsio illa est Aug. conf. *Apologia* dein a Melanchtone emendata, quæ anno 1531. edita & libris *symbolicis* ecclesiæ Lutheranae addita est.

§. 305. De concordia deinde actum. Septem utrinque delecti, qui operam in id conferrent, bini Principes, bini iureconsulti, & tres theologi. In multis dogmatibus Lutherani cum Catholicis consentire palam confessi sunt. Ex parte Protestantium theologorum partes præcipuas habebat Melanchton, qui ad concordiam satis erat proclivis, ut exprimit epistola ejus ad *Campegium* legatum pontificium, sed nihil est confectum, eo quod ipso *Sleidano* teste Melanchton ultra progredi a Luthero fuerit vetitus.

- I. Refert hanc epistolam Georgius *Cælestinus* Lutheranus in historia comitiorum Augustanorum: *Dogma nullum habemus diversum a Romana ecclesia — parati sumus obedire ecclesiæ Romanæ, modo ut illa pro sua clementia, quæ semper erga omnes homines ita est, parca quædam vel discriminet, vel relaxet. Ad hæc Romani Pontificis auctoritatem & universam potestatem ecclesiasticam reverenter colimus, modo non abiciat nos Romanus Pontifex. Cum autem concordia facile possit constitui, si æquitas vestra paucis in rebus conveniat, & nos bona fide obedientiam reddamus, quorsum opus est supplices abicere? quorsum opus est supplices ferro & igne prosequi? nullam aliam ob rem plus odii sustinemus in Germania, quam quia ecclesiæ Romanæ dogmata summa constantia defendimus. Hanc fidem Christo & Romanæ ecclesiæ ad extremum spiritum Deo volente præstabimus. Locis quædam dissimilitudo rituum est, quæ videtur obsistere posse concordie, sed ipsi canones fatentur, concordiam ecclesiæ in hujusmodi rituum dissimilitudine retineri posse.*

§. 306. In ordinum recessu Cæsar edictum promulgavit, quo tempus indulgebatur Principibus & civitatibus protestanticis usque ad 15. Aprilis, quo palam faterentur, an vellent usque ad futurum concilium cum ecclesia Romana ac cetera imperii parte in religione consentire. Interim ipsis præscribebatur, ne sinnerent in suis ditionibus circa religionem quid innovari, ne suos subditos in exercenda perturbarent, omnibusque etiam injunctum, ut concilium adeundi essent parati, quod a Papa intra sex menses se impetraturum pollicebatur.

§. 307. Dum Protestantes vidissent, in comitiis Augustanis nihil favorabile se impetrasse, sed potius rem eorum labi, anno 1530. & sequenti Elector Saxonie cum sociis *Schmalcaldiæ* & postea *Francfurti* foedus contra Catholicos inierant, in cujus societatem Reges Gallie, Angliæ, Daniæ, aliosque Principes & respublicas pertrahere studebant. Cum ad bellum res spectare videretur, arbitros se inter dissidentes interposuerunt Elector Moguntinus & Palatinus, & satis ad pacem ob duas circumstantias, ipse propendebat Imperator. Post varias igitur consultationes anno 1532. Norimbergæ pax inter Imperatorem & Protestantes est condita.

& vix tali modo belli metus est sublatus, cum Joannes Saxoniae Elector diem obierit, cui filius *Joannes Fridericus* successit.

1. Nam ipsi eodem tempore cum Tercis bellandum erat, neque ei auxilia contra hos prestare volebant Protestantes, & praeterea *Ferdinandum* Imperatoris fratrem, qui anno 1531. in comitiis Coloniensibus Romanorum Rex majoribus Principum suffragiis creatus erat, contra leges imperii electum esse contendebant.

2. Pacis conditiones erant, ut Protestantes pecuniam in bellum Turcicum conferrent, & *Ferdinandum* Regem Romanorum agnoscerent, Carolus vero decreta comitorum Wormatiensium & Augustanorum abroparet, Lutherique sectatoribus plenum jus de religione, quae vellent, statuendi concederet, dum aut in concilio intra sex menses celebrando, aut in comitiis imperii statueretur, quid circa religionem sentiendum sit.

§. 308. Cum jam omnis spes dissidii circa religionem tollendi in promisso concilio posita erat, Imperator Papam Clementem VII. obtestari non destitit, ut concilium maturaret. Is vero, quem praeteritorum conciliorum, praesertim Constantiensis & Basileensis vestigia terrebant, moras unice quarebat, & armis magis quam conciliis discordiam tolli cupiebat. Promisit quidem anno 1533. per legatum concilium in Italia aut Mantuae, aut Placentiae, aut Bononiae cogendum, sed displicere sibi concilium Italicum Protestantes significabant, litemque inter Germanos ortam intra Germaniae fines terminandam esse contendebant. (*Paul. Sarpus L. 1. H. Conc. Trid.*)

§. 309. Mortuo anno 1534. Clemente VII. eidem successit *Paulus III.*, qui de concilio ab Imperatore monitus facilius videbatur. Primo enim anno 1535. Mantuae se concilium habere velle profitebatur, dein reipsa anno sequenti missis litteris illud indixit. Protestantes contra, quod putassent, in concilio hoc ex arbitrio & sententia Pontificis cuncta gestum iri, anno 1537. in conventu Schmalcaldiae coacto abhorreere se quidem ab hujusmodi concilio suspecto profitebantur, at a *Luthero* tamen denuo summam religionis suae conscribi curabant, quam episcopis in concilio congregatis exhibere possent. Id *Lutheri* scriptum *Articulorum Schmalcaldicorum* nomine insignitum, & libris symbolicis Lutheranorum adnumeratum.

§. 310. Cum Protestantes concilium in Italia celebrandum abhorrerent, illudque in Germania celebrari vellent, in comitiis post hac Spirensibus anno 1542. Papa per legatum promissionem de concilio renovavit, & *Tridentini* se illud convocaturum, si placeret, significavit. Rex Romanorum *Ferdinandus* & Princeps Catholicus consenserant. Protestantes & locum & concilium Pontificis recusabant, liberum & Pontificis autoritate solutum concilium

lium postulabant, at nihilotamen minus Pontifex consentiente Imperatore concilium indixit, quod ineunte anno 1546. deliberationes suas inchoavit congregatis 6. cardinalibus, 4. legatis, 3. patriarchis, 32. archiepiscopis, 228. episcopis, & quampluribus theologis. Lutherus autem eodem anno 1546. die 18. Febr. in patria Islebiæ mortuus est.

CAPUT TERTIUM.

HISTORIA REFORMATIONIS A BELLI SCHMALCALTICI INITIO AD PACEM USQUE RELIGIOSAM.

§. 311. Cum Protestantes nec tot habitis comitiis concordiam inire, & etiam prima a concilio Tridentino edita decreta in comitiis Ratisbonensibus constanter recusare pergerent, Imperator contra illos bellare proposuit. Edixit *Hassus* & *Saxo* copias suas contra Cæsarem in Bavariam & in castra ejus ad Ingolstadtum tormentis bellicis fulminarunt. Prælium instare videbatur, sed quia *Mauritius* Joannis Friderici Saxonie Electoris patruus Imperatoris partes amplexus terras Saxonicas invasit, federati Schmalcaldici inter se dissentirent, denique argentum iis ex Gallia promissum non affereretur, discessit exercitus Protestantium & Saxodum rediit, quem Imperator magnis itineribus cum exercitu secutus prope *Mülburgum* ad Albin die 24. Aprilis anno 1547. post victoriam in pugna relatum captivum duxit. Alter Protestantium Dux *Philippus* Hassus suasu Mauricii & Electoris Brandenburgici supplex Cæsari factus est.

§. 312. Post victoriam hanc ex integro salva videbatur res Catholicorum. Imperator in comitiis Augustinis paulo post coactis posebat a Protestantibus, ut concilio Tridentino rem religionis controversam dirimendam committerent. Assentiebantur Imperatori plerique, Mauritius imprimis, qui electoratum Saxonie Joanni Friderico detractum cum parte terrarum ejus ab Imperatore acceperat. At frugtu tamen hujus approbationis concilii Tridentini Catholici excludabant; peste enim, ut fama ferebat, Tridenti exorta magna pars Patrum Bononiam migraverat, & concilium illececo erat dissolutum, neque a Pontifice impetrare poterat Imperator, ut concilium sine mora redintegraret. Spes igitur concilii cum differenda esset, necesse videbatur Imperatori, ut *interim* ratio quæ iam inveniretur, juxta quam usque ad concilii dissolutionem religionis negotium determinandum esset, hinc libel-

bāt & istud, quod Carolus ad preces Mauritii Philippum Asiæ Ducem, quem una cum Joanne Friderico post pugnam prope Mülburgum carceri mancipabat, libertati restituere renuerit, hinc Mauritius frædere cum Rege Galliæ, nonnullisque aliis Germaniæ Principibus inito validum adversus Imperatorem anno 1552. duxit exercitum, remque tanta celeritate egit, ut Imperator Oeniponti commoratus vix fuga se salvaverit.

r. Hunc in finem dicunt, eum motibus, quas religio peperit, ad potentiam suam in Germania amplificandam, & ceterorum Germaniæ Principum jura opesque labefactanda uti voluisse, Pontificis autem auctoritatem, ne magnis ejus consiliis nocere possit, sperasse per concilium Tridentinum imminuendam, quemadmodum olim per concilium Constantiense & Basileense factum.

§. 316. Cum itaque Imperator vidisset bellum improvisum, externo frædere Galliæ adjutum, nullumque resistendi habuisset remedium, ut hanc periculosi & ancipitis belli tempestatem sedaret, per Ferdinandum fratrem suum primum *Linii*, tum *Passaviæ* conventum habuit, ac Protestantibus non modo libertatem concessit, sed etiam comitia intra sex menses promisit, in quibus diuturna de religione dissensio funditus tolleretur. Comitia tamen promissa propter turbas in Germania natas, aliæque impedimenta ante annum 1555. haberi non poterant, isto autem anno Augustæ Vindelicorum præsentæ fratre Imperatoris Ferdinando commemorabilis illa *pax religiosa* est confecta.

r. Pax hæc legibus imperii fundamentalibus est inserta, & defniri solet, quod sit sollemnis conventio consensu Imperatoris & statuum imperii utriusque religionis in rem legiti fontamentalis anno 1555. in concilio Augustanis facta, cui eujus Protestantibus liberum religionis suæ exercitium permittitur, jurisdictionis ecclesiasticæ in eos suspenditur, bonorumque ecclesiasticorum hæcenus ab illis occupatorum relinquitur possessio.

CAPUT QUARTUM

HIISTORIA REFORMATIONIS EXTRA GERMANIAM.

§. 317. Lutherus reformationem suam in Germania suscepit anno 1517. occasione abusuum circa indulgentias commissorum (§. 286.). Biennio post anno nimirum 1519. in Helvetia *Ulricus Zwinglius* canonicus Tigurinus contra indulgentias & Romani Pontificis primatum prædicare cepit, nam sicut Lutherus in Germania contra Tezellum, ita Zwinglius in Helvetia contra *Bernardinum Samsnem* Franciscanum insurrexit, qui in Helvetia munus quæstoris eleemosynarum obit.

1. Senatus, populusque Tigurinus synodum indixit ad diem 29. Januarii. Zwinglius in hoc conventu summam doctrinæ suæ 68. articulis comprehensam proposuit examinandam, omnes contradicere volentes ad disputationem provocans. Magistratus audit Zwinglio omnibus pastoribus urbis & ditionis suæ mandavit, ne quid posthac aliud ecclesiis suis proponerent, quam purum verbum Dei in scriptura sacra comprehensum. Conventus alter posthac indictus habitusque, tum senatus consulto prohibita eucharistiæ circumgestatio solemnè pompa; Zwinglius enim realem Christi præsentiam in eucharistia negavit, & Carolostadii in hoc puncto doctrinam (§. 299. 1.) multo copiosius & ingeniosius proposuit.

§. 318. Suecos non multo post initia belli a Luthero ecclesiæ Romanæ illati *Olaus Petri* discipulus Lutheri ejus dogmatibus imbuerat copiosius, cum aliqualem eorum notitiam jam antea hauserint ope mercatorum Germanicorum, qui Lutheri scripta Sueciam secum adtulerant, aliorumque suorum juvenum, qui academiam Witembergensem visitaverant. Olai Petri conatus mire adjuvabat *Gustavus Vasa*, quem Sueci Regem pulso *Christierno* Danorum Rege creaverant, nam *Gustavus* jam antea, *Lubecæ* notitiam doctrinæ Lutheri hausit.

§. 319. *Daniam* jam anno 1521. *Christianus II.*, qui *Christiernus* vulgo dicitur, Rex crudelis imprudenter ad sectam Lutheri trahere studuit¹. Namque primum Martinum *Reinhardum* Carolostadii discipulum anno 1520. Saxonia evocavit, & theologiæ professorem *Hatniæ* constituit, quo anno 1521. discedente Carolostadium vocavit, qui tamen post breve tempus in Germaniam rediit, imo ipsum Lutherum, sed frustra in *Daniam* allicere conatus est, at consilium *Christierni* fortuna destituebat; ordines siquidem regni conjuratione facta anno 1523. eum tum ob conatus libertatem Danicam opprimendi, tum ob studium religionem catholicam abolendi regno privarunt, in ejusque locum *Fridericum Holsatiæ Ducem* elegere².

1. Non hoc fecit ex odio religionis catholicæ, sed ex rationibus politicis. Constat enim ex rebus ab eo gestis, ideo tantum eum placita Protestantium fovisse, ut potentissimos sui regni episcopos suis opibus privaret: episcopi nimirum *Daniæ* tot opes, tantamque auctoritatem sibi compararunt, ut Regibus multo potentiores essent, & universam rempublicam suo metu regere possent.

2. *Fridericus* prudentius & æquius egit. Patiebatur quidem publice in regno doceri Lutheri dogmata, at religionem catholicam non læsit: nam in comitiis *Othoniensibus* anno 1527. sua auctoritate perfecit, ut liberum religionis catholicæ & protestantiæ exercitium in suo territorio permitteretur.

§. 320. *Henricus VIII.*, *Britaniæ* Rex idem ille, qui Lutherum fervide oppugnavit, edito contra illum libello & propterea a *Leone X.* Papa nomen *defensoris fidei* obtinuit, *Anne Boleinæ* feminae in *Anglia* illustri loco natæ amore captus, quo eam in matrimonium sibi jungere posset, divortium cum uxore sua *Cat-*

tharina Caroli V. Imp. amica facere cupiebat, & *Clementem VII.* Pont. rogabat, ut huic ejus voluntati adsentiretur ¹, & etiam reipsa repudiata Catharina anno 1533. Annam Bolenam duxit. Nuptias hac causa Romæ cognita ut illegitimas damnavit *Clementis VII.*, Henricus pervicacior factus adduci non potuit, ut Annam dimitteret, & in omnes matrimonium hoc improbantes sævit, nec non a Pontifice Romano defecit, se ipsum ut Papam & *ecclesiæ Anglicanæ caput* a senatu & populo anno 1533, salutari jubens ². Non tamen abiecit dogmata illa Henricus, quæ repudiavit Lutherus, sed dogmata *ecclesiæ catholicæ* retinens ipse sibi potestatem pontificiam arrogavit, & crudeliter tum Catholicos tum Protestantes extremo supplicio addixit ³.

1. Motivum petendi divortium ipsi fuit adfinitas cum uxore sua: fratri enim ejus defuncto *Arturo* nupta fuerat Catharina, jam porro matrimonium cum vidua fratris legi divinæ repugnare contendebat Henricus; indulsit nimirum *Julius II.*, ut sibi matrimonio jungeret fratris sui *Arturi* viduam.
2. Adeo sub hoc Rege viluit in Anglia Pontifex Romanus, ut in publicis precibus hæc funderetur oratio: *Ab episcopi Romani tyranide, & detestandis enormitatibus libera nos Domine.*
3. Hos, quia in quibusdam dogmatibus ab ecclesia catholica dissenserant, illos vero, quia eum qua Papam cognoscere detrectarunt. Annis septemdecim subditos suos ita vexavit, Annam vero Bolenam de adulterio convictam anno 1535. die 9. Maji capite plecti jussit.

§. 321. Mortuo Henrico VIII. rei facies mutata est. Successit ei *Eduardus* filius, quem ex *Joanna Saimer* suscepit (hanc enim occisa Bolena duxit). Sub hoc Rege in Anglia religio catholica penitus extincta, & evocato e Germania in Angliam *Martino Buzero*, ac *Paulo Fagio* religio Protestantium propagata. Reviviscere visa est catholica religio sub *Maria Regina* ¹, cui princeps fuit cura religionem catholicam restituere, sed cum sine prole anno 1558. decesserit, regnumque consecuta fuisset *Elisabetha* Annæ Bolenæ filia, rerum facies mutata est; hæc enim se statim caput *ecclesiæ Anglicanæ* nominavit, variaque Catholicorum dogmata abrogavit.

1. Erat hæc filia Henrici VIII. & Catharinæ propter Annam Bolenam repudiatæ, quam pater concubio sibi jungens Bolenam illegitimo declaravit thoronatam, proximo vero debito decoravit honore, eique ante Elisabetham filiam Bolenæ jam ad regnum competere declaravit.

MEMBRUM I.

HISTORIA ECCLESIAE CATHOLICÆ.

CAPUT PRIMUM

DE

FATIS EXTERNIS.

§. 322. Romani Pontifices, postquam per reformationem a Luthero tentatam magnam Europæ partem ab ecclesia Romana defecisse viderant, multo plus quam antea solliciti erant de propaganda religione catholica in aliis mundi partibus extra Europam sitis, hac enim ratione damnum, quod religio catholica in Europa passa est, quodammodo resarciri poterat. Ad hoc negotium peragendum Jesuitarum ordo vix ac natus est, præ ceteris aptissimus videbatur¹, qua in re inter primos Ignatii socios nullus majorem sibi comparavit laudem, quam *Franciscus Xaverius Indiarum Apostolus* dictus; is enim anno 1522. in Indiam, quæ Lusitanis tum parebat, profectus brevi temporis spatio non minimam terræ continentis partem, & plures insulas Christi notitia imbuit. Hinc anno 1529. in *Japoniam* transiit, & fundamenta illius christiani cœtus incredibili celeritate jecit, qui per multos annos in amplissimo hoc imperio floruit. Ad *Sinas* cum dein commigrare vellet anno 1552. in *Insula Sancian* obiit².

1. Lojola enim socii tribus ceteris ordinibus communibus votis addiderunt quartum de obedientia Pontifici præstanda sine omni tergiversatione sive eos mittat ad infideles etiam in remotissimis regionibus degentes, sive ad hæreticos.

2. Post fata tamen ejus alii quidam ex Ignatii sociis seculo adhuc decimosexto Chinam sunt ingressi, quorum Princeps *Mathæus Riccius* Italus artium mathematicarum peritia procerum quorundam & ipsius etiam Imperatoris optimos adeos sibi conciliavit, ut licentiam impetraverit cum sociis suis christianam religionem populo prædicandi.

§. 323. Pontificum conatus religionem catholicam propagan-

T:

di seculo XVI. suscepti seculo sequenti solido & stabili fundamento sunt collocati. Et imprimis *Gregorius XV.* Papa anno 1622. illustrem de *propaganda fide* congregationem Romæ instituit, & uberrimis redditibus instruxit, hujus collegii (quod ex tredecim cardinalibus, binis presbyteris, unoque monacho, quibus scriba adjunctus est, constat) officium est religionem catholicam per omnes terræ partes tueri & propagare. Auxit illud *Urbanus VIII.*, & post eum multi alii privati tantis divitiis, ut imensis fere sumptibus ferendis par sit, quocirca missionarios plurimos ad remotissimos etiam populos non solum ad infideles sed etiam ad hæreticos amandat, libros varii generis ad discendas linguas peregrinas & barbaras necessarios edit, insignem numerum juvenum ad abeundas missiones delectorum alit & instituit, homines, quibus constantia in defendenda religione catholica exilium aut alias calamitates conscivit, suscipit & alit, in qualibet aula alicujus momenti suos habet *emissarios* vestitu laicali plerumque incedentes, qui aulæ Romanæ relationem de statu religionis faciunt ¹.

- I.** Addidit huic instituto aliud, non æque quidem magnificum, attamen nobile & utile valde *Urbanus VIII.* anno 1627. collegium nempe, sive *seminarium pro fide propaganda*, in quo ex omnibus fere nationibus futuri apud exterarum gentes missionarii educantur, & scientiis ad hoc munus maxime necessariis imbuuntur. Initium hujus instituti debetur. *Io. Bapt. Viles Hispano*, qui in aula Romana commorans omnes opes suas una cum domo, quam Romæ habebat pulcherrimam, eum in finem Pontifici obtulit, cujus dein liberalitatem multi alii imitati sunt. In Gallia quoque Regis autoritate anno 1653. congregatio sacerdotum a missionibus exteris instituta, a quibusdam vero episcopis & theologis Gallicæ conditum est *Seminarium Pariciense pro missionibus ad exterarum gentes*, cujus instituti sacerdotibus multæ plerumque erant lites cum Jesuitis.

§. 324. Ex his collegiis & societatibus magna illa missionariorum exiverint examina, qui totum qua nobis notus est orbem terrarum peragrarunt, & ex maxime barbaris etiam populis coegerunt Christianos. Majorem inter hos gloriam sibi compararunt *Jesuitæ*, *Dominicani*, *Franciscani*, & *Capucini*: qui tamen mutuo inter se dissidebant, & vel neglectæ & obscuratæ, vel etiam iniquatæ causæ Christi publice adensabant. Præprimis autem a missionariis aliorum ordinum *Jesuitæ* incusabantur, quod inter neo-conversos opiniones quasdam supersticiosas & profanas æquamente non tantum toleraverint, sed etiam foverint, quod mercatura faciendo aliisque artibus parum liberalibus divitias maximis sibi comparare studuerint, quod honoribus mundanis inhiaverint quod potentiorum amicitias adulatione & muneribus quærendo negotiis aularum se implicaverint, quod intestinas sæpe turbas in rebus publicis excitaverint, ac postremum quod Pontificis Romani vicariis obedire noluerint ¹.

1. Jesuitæ quidem hos aduersatores obtundere studuerant, at quod Romæ fidem inuenerint, tum multa alia declarare videntur tum hoc potissimum, quod a multis jam annis, antequam Jesuitarum societas extincta fuisset, congregatio de propaganda fide, cujus nutu missiones ad exterarum gentes administrantur, cautiùs & parcius opera Jesuitarum utebatur, quam antea, & vel Capucinarum vel Carmelitarum inopiæ & patientiæ in rebus arduis tribuebat.

§. 325. Tota fere Asia seculo XVII. his missionariis auctoribus fama nominis & religionis Christianæ perccebat. Atque ut ab *Indis* ordiamur, omnes fere partes ejus, illæ præsertim, quæ Lusitanis olim parebant, donec a Batavis ejicerentur, quidquam lucis evangelicæ Jesuitarum, Theatinorum, & Augustinianorum labore conspexerant. Omnium vero, quæ ad has nationes susceptæ sunt, missionum, nulla est celebrior, quam *Madurensis*, nulla enim uberiores tulisse fructus dicitur. Instituta est a *Roberto de Nobili* Italo Jesuita², quo mortuo singulare hoc institutum ad tempus jacuit, at Jesuitarum Lusitanorum consilio & opera rursus instauratum³.

1. Verba vix inuenerant Jesuitæ, quum vel gloria vel fructus missionis hujus laudandus, vel cruciatus & labores narrandi erant; dicitur enim a *P. Martino*, qui missionem hanc descripsit, *omnium missionum pulcherrima & perfectissima* (pag. 9.) singuli doctores mille saltem quouis anno baptizabant (pag. 11.), neque aditus ad baptismum facile patuit, tentabantur enim diu & per quatuor menses instruebantur. Qui recepti sunt, vitam agebant angelis magis, quam hominibus similem. & peccatorum mortalium rarissime erant apud illos vestigia. Insolitæ hujus sanctitatis si quis causas quæreret, duas Jesuitæ suppeditare solebant. Una ex his ipsi erant doctores, qui austere vivebant, nec pane nimirum, nec carne, nec piscibus vesci licebat, sed aqua & leguminibus iisque insulis, victui vestitus & reliqua respondebant. Altera ratio in eo erat posita, quod ab Europæis plane semoti vixerint hi novi Christiani, qui perversis suis moribus omnes Christianos in India corruptisse dicuntur.

2. Jesuita hic secum perpenderat, quod Indi omnes Europæos vehementer odio habeant, contra gentem *Brachmanum* tanquam ex Diis ortam venerent, nec alios facile magistris præter hos admittant. Itaque magnam impendit operam in cognoscendis moribus, religione, & lingua *Madauriensium*, dein fingebat se esse *Brachmanem* ex longinquis regionibus advenientem, quod ut *Madurensibus* persuaderet, documentum aliquod in charta antiquata characteribus indianis scriptum finxit hujus tenoris: *Brachmanes* Romanos longe antiquiores esse *Indiis*, & Jesuitas in linea recta a Deo *Brama* descendere. Imo *P. Joannesi* docuit Jesuita in historia sui ordinis narrat, Robertum eundem, cum quidam increduli Indi dicentium istam gentium esse negaverint, in præsentia *Brachmanum* *Madauriensium* juramento confirmasse, quod a Deo *Brama* descenderat. Dolo hoc duodecim *Brachmanes* commovit, ut in ejus se disciplinam darent, quorum exemplum magnam populi partem adduxit, ut eundem sibi magistrum addiscerent.

3. Nobilissimæ hæc quondam legationes ab anno 1744. mandato *Benedicti XIV.* omnes prostratae fuerunt. Imposuit enim Pontifex varam hanc gentes ad Christum convertendi methodum fingendo, se esse *Brachmaes*.

§. 326. Ad *Siamenses*, *Tuquinenses*, *Cochinchinenses* Jesuitæ primi omnium notitiam evangelii detulerant, & cupide dicuntur

homines hi fidem amplexi esse. Læto hoc nuncio excitatus *Alexander VII.* anno 1658. consultum judicavit novam hanc ecclesiam certis episcopis committere, & idcirco sacerdotes quosdam Gallos ex *congregatione a missionibus exteris* (§. 323. 1.) cum mandatis suis ad eam jussit proficisci. Verum Jesuitæ bonos istos viros vario modo vexasse narrantur, nec messem suam invadere patiebantur¹, hinc longa lis in aula Romana, cujus quidem non is erat exitus, quem sperabant Galli².

1. Hujus rei testes & fontes sunt varii libelli hac de causa a Gallis editi Lutetiae Parisiorum de anno 1666, 1674, 1681. Ceteris adcuratior & plenior est narratio *Franc. Pallu*, quem Heliopolitanum episcopum fecerat Pontifex edita Parisiis anno 1688. Ex instituto etiam res exponitur *Galliae Christianae Benedictinorum* T. 7. pag. 1027.

2. Post hæc *Ludovicus XIV.*, Galliae Rex Siamensium Regem (cujus primarius regni administer erat Graecus nomine *Constantius Christianus*) splendida legatione anno 1684. salutavit & ad fidem christianam suscipiendam hortatus est, qui tamen conatus frustraneus fuit.

§. 327. *Chinam*, quod omnia regna Asiae magnitudine & opibus superat, Jesuitæ, Dominicani, Franciscani, Capucini & alii ineunte seculo XVII. magno numero propagandæ religionis Christianae causa adierunt. Maximam vero laudem sublatorum in hoc negotio impedimentorum in gente acuta, superba, veterumque suorum morum studiosissima & tenacissima merito sibi Jesuitæ vindicant¹, quorum patrocinio nisi doctores reliqui humilioris tam ordinis, quam ingenii sine magno discrimine rem Christianam curare, & plurimos discipulos adjungere sibi poterant.

1. Hi enim cum nationem natura perspicacem & verum cognoscendi cupidam scientiis mathematicis maxime delectari cernerent, peritissimos mathematicos ad eam ablegarunt, quorum quidem aliqui tantum autoritatis solertia, morum urbanitate, rerum gerendarum intelligentia brevi tempore consecuti sunt, honoribus eximiiis ab Imperatore decorarentur, maximeque ponderis in ipsa aula negotiis adhiberentur.

§. 328. Imminuta est nonnihil hæc felicitas, quum primus ex Moglorum gente Imperator *Xun-Chi* decessit, filiumque reliquit impuberem; viri enim Principes, quorum tutelæ creditus erat imperii hæres, Christianae religionis odio dudum flagrantem potestate sua abutebantur ad eam & amicos ejus, præsertim Jesuitas injuriis atrocissimis opprimendos¹. Hæc anno 1664. gesta sunt, sed anno 1669. quam fascēs imperii ipse *Cham-Hi* suscepisset, non modo res Christianorum collapsæ restitutæ sunt, sed etiam progrediente tempore sic augebantur, ut hinc aureæ Christianorum in China ætatis exordium duxerint Jesuitæ².

1. Princeps Jesuitarum Jo. Adam. Schallius vir & munere, quod splendidum in aula gessit, & senectute, variarumque rerum cognitione venerandus in vincula coniectus capitis damnatus est, reliqui in exilium missi.

2. Imperator nimirum & animo & ingenio maximus, verique indagandi cupidissimus primum Jesuitas in aulam revocavit, & pristino gradu collocavit, deinde alios ejusdem ordinis viros scientiarum & artium variarum peritos ex Europa vocavit, quosdam porro eorum etiam muneribus amplissimis praefecit, & gravioribus negotiis civilibus admovit, postremum nonnullos ex Gallis maxime in familiaritatem recepit, & magistros suos variis in rebus praesertim philosophicis & mathematicis creavit. Jesuitis tam alte positis parum difficile erat multos religionis Christianae fautores, ejusque praecoribus certissima praesidia comparare. Triumphare prorsus in China Christus videbatur, quum anno 1692. legem illam celeberrimam Imperator ex favore erga Jesuitas promulgaret, qua negavit religionem christianam reipublicae noxiam esse, & subditis suis facultatem ejus amplectendae concessit, imo quod majus est magnificum Jesuitis templum intra ipsius palatii sui fines anno 1700. extruxit.

§. 329. Gesta haec & perfecta esse a Jesuitis omnia, ne illi quidem negant, quos ipsum Jesuitae vocabulum terret: num vero recte gesta sint, magna animorum contentione non multos ante annos adhuc disputatum est. Hostes Jesuitarum eos delictis haec beneficia redemisse pervicaciter pugnabant. Ipsam primum religionem antiquam Sinensium pessime interpretati esse, & Imperatori proceribusque ejus persuasisse feruntur, exiguo aut nullo plane discrimine veterem Sinensium religionem & Confucii doctrinam a religione Christiana distare, fallaciae huic alias addidisse minores, ut Sinarum genti, quae antiqua omnia mirifice consecratur & recentiora spernit, fidem facerent, ante multa secula Christum apud Sinas auditum & cultum fuisse. Officiorum dein & virtutum, quae Christi legatos decent, prorsus immemores fuisse dicuntur¹. Horum quaedam Jesuitae fatebantur quidem, sed excusare simul conabantur, cetera vero calumniatorum fabulas esse contendebant.

1. Adcusabantur enim, honores & imperia civilia non suscepisse modo, sed etiam appetivisse, clementia Imperatoris elatos splendore vestimentorum, epularum, serverum, & aedium frequentia totam vitam transegisse, non tam Christianis dogmatibus propagandis, quam humanis disciplinis praesertim mathematicis tradendis operam dedisse, imo res militares, ipsumque bellum administrasse. Interioris porro loci Jesuitae fenerationi, mercaturae, aliisque artibus, quibus opes & populi laudes parantur, studuisse perhibentur.

§. 330. Caput omnium adcusationum, quibus Jesuitae ob missionem in China onerabantur, hoc est: lucem eos tenebris junxisse, & quo citius Sinarum dubitationem vincerent, christianam religionem & Sinarum ritus superstitiosos miscere, iisque majorum suorum profanos ritus permittere. Censebat Mathaeus Riccius Sinensis ecclesiae parens (§. 322. 2.) maximam partem rituum, quos leges patriae Sinis imperant, a novis Christianis servari posse; nec enim religionis, sed reipublicae tantum causa inventos seu civiles

esse, nec a Sinis (si infimam plebem excipias) ad aliū finem referri (*Mamachus orig. & antiquit. christ. T. 2. pag. 373. seq.*). Contrarium placuit non Dominicanis tantum & Franciscanis, quos missionum socios habebant Jesuitæ, sed doctissimis etiam ex ipsis Jesuitis tam in Sina quam Japonia viris, de quibus *Nic. Longobardus* scripto etiam suæ defensionis rationis exposuit. Lis hæc diu privatim agitata anno 1645; a Dominicanis Romam est delata, & ab eo tempore totam ecclesiam catholicam mirifice conturbavit.

1. *Innocentius X.* anno prædicto secundum Dominicanos pronunciavit, *Alexander VII.* vero anno 1654. sententiam suam instinctu Jesuitarum non verbis quidem sed reipsa sustulit, nonnullosque rituum Sinensium Christianos retinere posse iudicavit. Renovabant querimonias suas Dominici anno 1661. & 1664. sub *Clemente X.* sed potentia Jesuitarum repressi videatur. Anno 1684. in ipsa China, in qua per plures annos quievit, certamen hoc majori quam antea contentioni instauratum est, inclinare ad partes Dominicanorum victoria videbatur, quum anno 1693. *Carolus Maigrot* doctor sorbonicus tanquam legatus apostolicus ad hos ritus explorandos missus est, qui publico sanxit mandato, Jesuitarum opinionis religionis christianæ puritati adversari, sed noluit Pontifex, cujus confirmationi *Maigrotus* edictum suum subjecerat in alteram partem nisi causa legitime explorata aliquid decernere. Quocirca anno 1699. congregationem Romæ instituit, cui litem hæc dirimendam commisit. Hæc Pontificis voluntatis percepta, quidquid in Romana ecclesia, maxime in Gallia, Jesuitis infestum erat, in aciem prodit. variisque libellis res & existimationem eorum laceravit, at nec sibi Jesuitæ deerant.

§. 331. Si a controversia hac, quæ tot nobilissima ingenta exercuit, tum minutæ quædam quæstiones, tum quæ ad Jesuitas potius ipsos, quam ad rem, de qua quæritur, pertinent, removeantur, binis quæstionibus tota continetur, primo nimirum, qua voce Sinensium idiomate verus Christianorum Deus sit exprimendus? ¹ secundo, num cultus *Confucio*, & majoribus defunctis deferri solitus neoconversis permitti possit? ².

1. Sinenses supremum, quod colunt, numen TIEN, & CHANG-TI id est, *cælum* lingua sua nominant. & Jesuitæ hoc vocabulum ad Christianorum Deum transtulerant: unde sequi videtur, eos existimasse, quod Sinarum supremum numen a Deo Christianorum non differat, seu Sinas idem de suo *Tien* seu cælo, quod de Deo Christiani, sentire. Itaque disputabatur, num Sinæ vocabulo *Tien* cælum spectabile & ex materia constans, an vero Dominum cæli seu eus infinite perfectum, talem nempe Deum, qualem religio christiana colendum proponit, intelligant? Hoc quidem Jesuitæ contendeant, & idcirco neo-conversos impedire volebant, quo minus in precibus & sermonibus vocabulum istud ad Deum designandum adhiberint. Adversarii Jesuitarum e contrario tuebantur, veterem Sinarum sapientiam impiam esse, neque Deum a natura rerum discernere, *Confucium* ipsum antiquum & celeberrimum ipsorum philosophum hominem fuisse veræ religionis naturalis ignarum, qui mundi existentiam non ex creatione, se ex fatali necessitate petiit.

2. Sinarum leges antiquæ eos jubent quotannis statis temporibus defunctos majores suos certis ceremoniis colere, omnes præterea litterati inter Sinenses *Confucium* bis singulis annis colere solent. Olim hunc cultum coram ipsius imagine in templo illi dicato appensa peragebant, hodie vero imaginis loco adhibent tabulam in templo collocatam hæc cum inscriptione: *Thronus animæ sanctissimi &*

§. 332. *Clemens XI.* etsi in favorem Jesuitarum totam controversiam suppressere maluisset, id sibi tamen haud licere putabat, eo quod universa Europa exitum ejus avidè expectaverit. Utraque pars Jesuitarum & eorum adversarii causam suam publicè egerat scriptis, ipse Imperator Sinensium *Cham-Hi* declaravit testimonio à millibus Sinensium confirmato ritus à vicario apostolico *Maigrot* reprobatos mere civiles esse, quibus pax publica imperii fulcitur. Post multas deliberationes sacrum officium anno 1704. hanc tulit sententiam definitivam: voces *Tien & Chang-Ti* ad Deum verum designandum non esse adhibendas, sed in eorum locum substituendas voces *Tien-Chu*, quæ cœli Dominum significant. Prohibitum etiam Christianis interesse sacrificiis, quæ fiebant in memoriam Confucii & majorum defunctorum. Tabellarum appensio cum inscriptione Sinica *King-Tien*, seu *cælum colito* in Christianorum ecclesiis vetita. Ne cui denique actioni fraus subesset in posterum, progenitorum mortuorum, tabulæ cum Sinica epigraphe, qua sedes spiritus vel animæ designantur, eliminatæ.

§. 333. Hoc sedis Romanæ judicium promulgavit Carolus Thomas *Tournonius*, quem ipse Papa Clemens XI. ad Sinas missionis causa ablegavit, dum eum antea Patriarcham Antiochenum renunciavit. *Tournonius* qua *visitator apostolicus* eum potestate legati de latere iter adgressus est, & anno 1705. Chinam appulit. Honorificum ipse aditum tum apud ceteros imperii nobiles, tum apud ipsum Imperatorem Pekini Jesuitæ præpararunt, verum vix ac sedis Romanæ judicium de ritibus Sinensibus promulgaverat *Nan-*
Gm. hist. eccl. T. II.

kini, non pauci Jesuitæ reperti sunt, qui illi obedientiam denegarunt, ipse vero eos sacris interdixit, aliasque ecclesiasticas poenas in eos tulit. Hoc cum Jesuitæ indignissime ferrent, tum a Pontifice petebant, ut eos ab obedientia Tournonio debita eximat, tum ipse Sinarum Imperatori proponebant, jura majestatica laxisse. Imperator *Cham-Hi*, cujus proprium de natura rituum Sinensium antea retulimus judicium, indigne tulit, eosdem Europæos, quos ipse tot observantiæ argumentis excepit, suam declarationem de rituum Sinensium indole repudiare, & antiquam eorum religionem adcuratius ac ipse perspicere velle sibi sumant. Sequella hujus severum erat mandatum, ne quis Europæorum in China sub gravi poena contra leges regni & antiquas consuetudines quid proponat, aut innovet¹.

- x. Plerique obtemperabant, qui vero Tournonii partibus adhæserant, partim regno discedere jussi, partim carceri mancipati. Ipse Tournonius solum migrare jussus ad urbem *Machaonensem* properavit, ibidem navim petiturus, ut iram Imperatoris & Jesuitarum effugeret, at inopinato ejusdem Principis jussu mense Junio anni 1707. in ea urbe consistere debuit, & ibidem carceri est mancipatus, in domum nimirum episcopi Machaonensis inclusus inter plures ærumnas quatuor annos transegit.

§. 334. Interim Tournonii fatum causam suorum inimicorum deteriorem reddidit; Papa enim, antequam ipsi ejus captivitas nunciaretur, acta ejus jam confirmavit, & congregatio sacri officii Jesuitarum adpellationem ab ipso ad Papam anno 1710. rejecit. Cum autem nec his concederent Jesuitæ Clemens XI. celebrem illam bullam, quæ incipit: *Ex illa die &c.*, mense Martio anni 1715. promulgavit, qua præcepit, ut omnes Sinenses missionarii sub poena excommunicationis morem gerant decisioni congregationis S. officii & decretis Tournonii, ut omnes in posterum ad missiones Sinenses ablegandi ad mandati hujus observationem jurejurando se obstringerent. Bulla hæc inter missionarios ceteros divisa fuit, priusquam ejus adventum in China resciverint Jesuitæ, at cum tamen Jesuitis etiam Pekini fuit insinuanda, & in eorum ecclesiis promulganda, id negotii in se suscepit *Castorani* jussu episcopi Pekinensis, cujus vicarius generalis erat, eamque tribus in ecclesiis Jesuitarum Pekini iis inconsultis & insciis promulgavit¹.

- x. Verum id præmii inde tulit, ut jussu Imperatoris sit vinculis constrictus & in carcerem conjectus. Viri hujus captivitas, quæ mox mitior, mox strictior erat, 17. durabat mensibus, demum hac sub conditione libertati est restitutus, ut bullam episcopo suo reddat, ac ab ulteriori promulgatione absteineat, atque ut illius auctoritas in toto regno Sinensi ex integro caderet, Imperator severum edictum promulgari jussit, quo omnibus missionariis exitium, Sinensibus vero Christianis mortem minatus est, si bullam reciperent.

§. 335. Pontifex cum sibi refractarios vidisset Jesuitas¹, de-

crevit legatum ad Sinensium Imperatorem esse mittendum, eumque rogandum, ut bullæ promulgationi & executioni consentiret. Munus legationis hujus commissum est Carolo Ant. Mezzabarba, quem Papa Patriarcham Alexandrinum nominavit. Advenit Pekinam anno 1720. benigne ab Imperatore exceptus quidem, attamen summa circumspectione salutis & vitæ suæ consulere studuit. Verum exiguus aut plane nullus legationis hujus erat fructus; nam Imperator pronunciavit, ad lites has finiendas optimum fore, si prohiberentur Europæi in regno Sinensi evangelium prædicare. Reditum dum Mezzabarba paravit, sex mensibus in urbe Machaonensi morari coactus est, quod tempus in componenda epistola pastoralis ad missionarios Sinenses insumpsit, quæ octo continebat declarationes & restrictiones bullæ *Ex illa die* &c. ².

1. Ne Inobedientiæ in sedem Romanam rei viderentur, modum agendi suum in-
scriptione prædictæ bullæ *Ex illa die* cohonestabant, erat enim sequentibus inscrip-
ta verbis: *Præceptum de omnipotenti & inviolata observatione eorum, quæ alias a sanc-*
titate sua in causa rituum seu ceremoniarum Sinensium decreta fuerant &c. Aiebant ita-
que Jesuitæ: cum ipse Papa bullam suam nominet *præceptum*, non esse necessa-
rium eidem obedire, eo quod præceptum ecclesiasticum, etsi venerandum sit, non
tamen æquivalet dogmati aut fidei articulo, cui contradici nullatenus possit.

2. Restrictiones hæ Romæ compositæ & legato transmissæ sunt, iisdem exigentibus
rerum circumstantiis uti posset. Papa vero id cautelæ adhibuit, quod eas nunquam
confirmaverit, ut successu temporis eas sedes Romana pro libitu reprobandi aut
adprobandi haberet facultatem. Mezzabarba quidem diu bullæ executionem abs-
que omni temperamine urgebat, sed ex quo ad effugiendas vitæ insidias fassus
est, se quasdam bullæ restrictiones obtinuisse, importunis precibus, ut eas ante
discessum ex urbe Machaonensi promulgaret, est adactus. Erant autem modera-
tiones sequentes: *Licet Sinis & Missionarios vocabulo TIEN naturam divinam de-*
signare, modo addant verbum TCHU, ut ambiguitas omnis nominis TIEN tollatur
& constet Dominum cæli (hæc enim significatio est formulæ TIEN-TCHU) doctores
Christianos venerari, non cælum. Ceremoniæ etiam, quibus tantopere Jesuitarum ad-
versarii offendebantur, permixtæ sunt, modo omnis superstitio & religionis species
segregetur, & tanquam civilis honoris signa spectentur, itaque permissum, ut domi-
servent novi Sinarum Christiani tabulas, in quibus nomina majorum, & Confucii au-
reolis litteris expressa sunt: admovent illis licite lumina, suffimenta, mensas refer-
tas cibis, fructibus & condimentis: imò & has tabulas ac majorum sepulchra in ter-
ram prosternendo salutare est permissum, modo declaratio fiat, se hæc tamquam civi-
lis honoris signa spectare.

§. 336. *Innocentius XIII*, qui Mezzabarba Romam redeunte
Romanam tenuit sedem, indignissime tulit, legationis nullum fuisse
fructum, adeo contra Jesuitas commotus est, ut parum ab-
fuerit, quin ordinem illorum penitus suppressisset. Injunxit eo-
rum præposito generali, ut omnes Jesuitas ex Sina revocet una-
que eis ordinis candidatos suscipere prohibuit, sed hanc tem-
pestatem sustulit mors Innocentii, sub ejus enim successore *Be-*
nédicto XIII res Jesuitarum in Sina ad pristinum, in quo erant,
locum redierunt.

§. 337. Dñm hæc agebantur Romæ, amisit ecclesia Sinensis protectorem suum. Imperator nimirum *Cham* - Hi Jesuitarum discipulus & amicus anno 1722. morte abreptus sceptrum filio suo *Jong-Tching* reliquit. Quartus hic erat *Cham* - Hi filius, ad cuius electionem Jesuitæ quamplurimum contulerant, eo quod ipsis plus ceteris ejusdem filii religioni christianæ favere videbatur. At vix imperium obtinuit, cum alia omnia, ac Jesuitæ putabant, agere coepit: legem nimirum patris sui, qua religionem christianam suscipere Sinensibus permittebatur, revocavit, suisque ministris ac provinciarum gubernatoribus Christianos persequendi, eorumque ecclesias diruendi licentiam concessit. Ipse exemplo suo ceteris præbat, omnes enim missionarios per regnum Sinense dispersos in urbibus *Kantoni*, & *Pekini* custodire jussit, ut ab ulteriori evangelii prædicatione impedirentur, at cum & in his urbibus eos clam officio missionarii perfungi rescivisset, omnes (exceptis Jesuitis Pekinensibus) ad urbem Machaonensem relegavit, quæ in extremis imperii Sinensis sinibus sita, & quodammodo sub Lusitanorum est ditione.

I. Nullis Jesuitæ Pekinenses precibus, ducas has in Christianos leges ut revocet ab Imperatore obtinere paterant, & non temere fors qui suspicari posset, lites, inter Christianos Sinenses ob bullam *Ex illa die* exortas Imperatorem permovisse, ut eas christianismi extirpatione sedare decreverit.

§. 338. Interim tantum abfuit, ut hæc persecutio controversias de bulla, ejusque mitigationibus a Mezzabarba relictis extinxerit, ut potius auxerit. Jesuitarum adversarii eas reprobabant, & Franciscus *Saraceni* episcopus Lorigensis receptionem mitigationum sub excommunicationis poena inhibuit. At Jesuitæ (etsi Mezzabarba ante discessum id prohibuerit) easdem mitigationes in linguam tartaricam & sinensem translatis ubique disseminarunt, præterea episcopum Pekinensem *Franciscum a Purificatione* eo persuaserunt, ut clericis suæ dioceseos sub poena depositionis eodem habere pondere & bullam *Ex illa die*, & ejus mitigationes mandaverit. Castorani episcopi Pekinensis vicarius generalis primus ei in faciem restitit, omnia se prius facturum, quam mitigationes bullæ receptum asseverans, cujus quidem exemplum brevi fuit suht secuti, ut eorum communi consilio Castorani Romam ablegatus fuerit, quo Jesuitas & Pekinensem episcopum deferat, & revocationem mitigationum a Mezzabarba relictarum impetret.

§. 339. Venit Romam Castorani anno 1734, at per integrum septennium mitigationum abrogationem impetrare hand potuit. Tandem anno 1742. Papa *Benedictus XIV.* in bulla, quæ incipit: *Ex quo singulari &c.* mitigationes prædictas reprobavit, eo quod

Mezzabarba metu mortis, cum vitæ insidias sibi strui intellēxisset, eas concesserit, & a sede apostolica utpote bullæ Clementis XI. repugnantes adprobatae nunquam fuerint, simulque sub pœnarum ecclesiasticarum comminatione omnibus vel latum unguem ab bulla *Ex illa die* recedere prohibuit, ac jurisjurandi formulam præscripsit, qua omnes missionarii Sinenses ad observationem bullæ clementinæ se obstringere jubentur.

§. 340. Neque tamen putes, vel ita controversiam de ritibus Sinensium sopitam esse; nam patroni dictorum rituum bullam Benedicti æque parvi pendebant, sicut bullam Clementis. Ideo post aliquot annos denuo Franciscanus querelis contra eos onustus Romam venit; verum Jesuitæ Pekinenses successive pristinam adipisci cœpere potentiam, quam sub Imperatori Cham-Hi habuere; nam Imperator *Kien-Long*, qui patri suo *Jong-Tching* anno 1735. successit, leges in Christianos ab antecessore suo latas tacite revocavit, & Jesuitis præsertim impense favebat¹.

1. His se brevi alia jungebant circumstantia Jesuitis favorabilis, siquidem jam dudum omnem adhibebant operam, ut ad episcopatus in indolium neo-conversorum partibus ex illorum ordine assumerentur, & reipsa aliquos episcopatus benevolentia Regis Lusitanæ, cui jas competit episcopos Asiaticos præsentandi, obtinuerunt, verum episcopatus Sinenses & inter hos præcipuum Pekinensem nunquam antea obtinere poterant, nisi anno 1745: tum enim Rex Lusitanæ Benedicto XIV ad episcopatum Pekinensem præcavit *Polyarpum de Souza* Jesuitam Lusitanum, quæ res causam eorum non parum adjuvit.

§. 341. Brevi tamen iterum ecclesiæ Sinensis res prosperæ coincidebant, nam utut primitus faventem se exhibuit Christianis Imp. Kien-Long, brevi tamen scena mutata, anno nimirum 1736. persecutio Christianorum ingruerat per aliquot annos continuata. Exordium sumpsit in provincia *Tokiensi*, ubi Dominici missionis munus obibant, & inde in totum regnum diffusa². Interim ipso hoc persecutionis tempore religio christiana non modicos fecisset progressus fertur³. Cum persecutio jam adeo ingravesceret, ut episcopus Pekinensis in Lusitania asylum quærere coactus fuerit, tandem ab anno 1753. melior fortuna Christianis redire cœpit, quam intercessioni Regis Lusitanæ pro Christianis apud Sinensium Imperatorem interpositæ debebant³.

1. Inter illos quinque Dominicanos, qui in provincia Fokiensi arcano Imperatoris mandato extremo supplicio adfecti sunt, etiam erat *Petrus Sans* episcopus Missionensis, qui æque strenue ut Tournonius & Mezzabarba contra Sinensium ritus pugnavit. Brevi post etiam duo Jesuitæ martyrum subibant, & anno 1748. rursus tres in Antichao, reliqui Christiani aut tortura & plagis affecti, aut bonis spoliati, templaque eorum diruta.

2. Si Jesuitis credimus, anno 1746, quo vehemens fuit persecutio, in sola ecclesia missionis Gallicæ Pekini 1766. proles baptizata, 7500. continentis, & 7500. communicantes numerabantur.

3. Misi nimirum in Sinam legatum Franc. Assisium *Pachecho* cum pretiosis donis ad Imperatorem, quæ res tantum effecit, ut legem, qua publicum religionis christianæ exercitium vetabatur, revocaverit.

§. 342. Japonia ex oriente seculo XVII. magna hominum multitudine referta erat, quibus Jesuitæ imprimis religionem christianam persuaserunt ¹. Turbabant nonnihil progressus missionariorum partim odium sacerdotum & nobilium, partim rixæ & contentiones intestinæ inter missionarios ², verum hæc non tantum effecerant, ut progressus christianæ religionis sisterent, nam intra tempus quinquaginta annorum bis centena millia Christianorum in Japonia numerabantur.

1. Causa hujus erat inhumanitas ac durities sacerdotum Japonensium in pauperes & infirmos, ac missionariorum Christianorum humanitas & liberalitas; Japonensium enim sacerdotes docebant, pauperes & infirmos non esse sublevandos, eo quod Dii super eos iram suam effuderint, ac justo Deorum judicio ad calamitates in hac & futura vita sustinendas sint condemnati, qua ratione divitiis ac nobilibus odium erga pauperes & infirmos instillabant. At cum doctores Christiani eos edocuisent, calamitates hujus vitæ esse quandoque signa prædestinationis ad vitam æternam, eosque insuper cibo, vestitu, medicamentis, aliisque charitatis operibus fovérunt, factum, ut plerique fidem in Christum sint amplexi.

2. Nam & hic, ut in aliis provinciis, cum Jesuitis Dominicani, Franciscani, & Augustiniani bellum gesserant. Hi Jesuitis, opum conquirendarum libidinem, nimiam erga vitia & superstitiones Japonum indulgentiam, astutiam legatis Christi indecoram tum in ipsa aula romana, tum extra eam exprobrarunt. Jesuitæ vicissim adcusatores suos imprudentia, ignorantia rerum humanarum, morum asperitate, & agresti vivendi ratione nocere magis rebus christianis in gente generosa & perspicaci, quam prodesse querebantur.

§. 343. Verum anno 1615. Imperator ipse Japonum tanta persecutione, cui similem historia ecclesiastica non memorat, Christianos est adgressus, quæ per multos annos protraxit non antea desiit, quam funditus rem christianam evertisset ¹. Christiani exteri Lusitani maxime & Hispani excedere regno, Japones autem, qui fidem Christi susceperant, aut Christo maledicere, aut atrocissima subire tormenta jubebantur ².

1. Causam immensæ hujus calamitatis alii aliam reddunt. Jesuitæ aliquid culpæ in Dominicanorum & Franciscanorum imprudentiam, hi vicissim in Jesuitarum avara & factiosa ingenia conjeceant. Utrique autem Jesuitæ & Dominicani Batavos & Anglos incusarunt, quod Lusitanos & Hispanos, tum ipsum etiam Pontificem apud Imperatorem exosos reddiderint, ut his exclusis soli in Japonia mercaturam facere possent, Batavi contra & Angli reposuerant, eos nec Hispanos nec Pontificem adcusasse, sed perfidiam tantum Hispanorum detectam fuisse. Id quidem omnes prope perhibent, Imperatorem litteris quibusdam a Batavis interceptis, aliisque indiciiis veri speciem præferentibus persuasum fuisse, id agere Jesuitas, ut per neo-conversos seditionem commoveant, & Japoniam in potestatem Regis Hispaniæ redigant, hinc sibi quierio & tranquillo esse non licere, nisi omnibus christianæ religionis vestigiis deletis censuisset. His addi potest 1) fastus & superbia Imperatoris in Japonia, cum honoribus divinis a suis subditis coli voluerit, missionarii vero neo-conversos id facere prohibuerint, 2) odium

sacerdotum Japonenſium, qui aucta re chriſtiana honorum & redituum ſuorum jac-
turam timuerant, quique ea de cauſa religionem chriſtianam ſaluti rei publicæ no-
xiam clamarunt.

2. Ab hoc tempore nulli advenæ Japonia patet, & ipſæ chriſtiani nominis umbræ
ferro & igne excinduntur. Pauci Batavorum, quibus conſeſſum eſt quotanniſ mer-
ces quaſdam europæas advehere, in extrema regni ora tanquam carcere concluſi
vivunt. Cum anno 1640. Rex Luſitanæ legatos in Japoniam miſiſſet, eos Impe-
rator occidi juſſit, ſimulque dixiſſe fertur; *Eti Deus ipſe Chriſtianorum in Ja-
poniam veniret, mortem non effugeret.*

§. 344. Omitto ſpeciatiim dicere de miſſionibus in imperio
magni Mogoliſ, Bengala, Tonquino, Cochinchina, Siam, & in-
ſuliſ adjacentibuſ, de Malabarìa tamen & *riiſibuſ Malabariciſ*
quædam notanda veniunt. Apud Malabaros erant Chriſtiani, qui
ſuos majores ab Apoſtolo Thoma ad fidem Chriſti perductos
fuiſſe arbitrabantur (*Cerrius* de magnorum Mogulum imperio
Jo. Alb. Fabric. ſalut. luc. evang. cap. 34.) non tamen de-
fuerunt, qui putarunt Thomam, quo inſtitutore Malabari glo-
riabantur, quemdam diſcipulum *Manetiſ* fuiſſe. Sexto, ſepti-
move ſeculo aliqui Neſtorianorum qui in Europa & Aſia chriſ-
tiana multa incommoda acceperant, in Malabariam pervenerunt,
multoſque hujus regionis incolæ ad ſua ſacra perduxerunt. Ineu-
nte ſeculo XVI. Luſitani in eam regionem inſtituendi commer-
cii cauſa venerant, cumque Malabaros partim Neſtorianos, par-
tim idolatras eſſe animadvertiſſent, de iſiſ docendiſ & eccleſiæ
Romanæ conciliandiſ cogitarunt. Itaque Vincentiuſ *Gouvea* Fran-
ciſcanuſ illuc migravit, & initium a Neſtorianiſ inſtituendiſ du-
xit, ſed quoniam permultoſ cedere nolle vidiſſet, ad Luſita-
num Pro-Regem Indiarum ſcripſit, rogavitque, ut collegium
adoleſcentum conſtitui juberet, magnum enim eorum numerum
hac ratione adduci poſſe putabat, ut Neſtorianiſmum abjicerent,
Malabaros quippe, qui filioſ ſuoſ dum per ætatem licuiſſet
ordinatoſ eſſe preſbyteroſ cognoscent, permoveri facile poſſe,
ut iſiſ decretiſ aſſentirentur, quæ eſtiſ antea acceptare recuſa-
verint, doceri poſt nihilominuſ a filiis ſuiſ perſpicerent. At in-
colarum non pauci dum ſuoſ ad parteſ Catholicorum tranſfu-
giſſe & fungi ſacerdotio intellexerunt, non ſolum non audien-
doſ ſed etiam a cœtibuſ arcendoſ judicarunt. Id ubi enuncia-
tum eſt, Jeſuitæ aliam eſſe ineundam rationem cenſuerunt, ideo
muniti privilegiis Regiſ Luſitanorum viroſ in eam Aſiæ regionem
Syriacæ peritoſ miſerunt, qui linguam juveneſ docerent, quæ
magno uſui incolis eſſet, qui graviter de ſuiſ preſbyteriſ prop-
terea quod eam minime calerent ſunt conqueſti. Hi cum docere
incolæ cœpiſſent, ita eoſ ſibi devinxerunt, ut eoſ jam non
Europæoſ, qualiſ erat *Gouvea*, ſed populares ſuoſ eſſe prædi-
carent, frequentequæ ad ipſoſ concurrerent, ut ſermonem hunc
addiſcerent, quo in diviniſ officiis ſuiſ utebantur.

§. 345. *Mamachius* postquam de propagatione christianismi in Malabaribus edisseruit, narrat: Malabarorum & Coromandelensium haud paucos ex idololatria ereptos in Christum credidisse, sed pars eorum ritus quosdam superstitiosos retinuit. Magnæ inde ortæ sunt contentiones, nam hos ritus imprimis *Tournonius* (de quo paulo ante) in edicto *Pudicherii* lato damnavit¹, totamque rei gestæ seriem litteris Romanæ sedi exposuit & latum a se decretum illius iudicio subiecit, quibus Romam adlatis *Clemens XI.* decretum *Tournonii* rite expensum, atque etiam diligenti examini in congregatione S. officii subiectum in omnibus servandum esse statuit, ea tamen addita clausula: *donec a sede apostolica provisum fuerit, postquam eos audierit, si qui erunt, qui aliquid adversus contenta in huiusmodi decreto adferendum habuerint.*

1. Erant, quæ damnavit, puncta sequentia: 1) ut in administrando baptismo adhibeantur sal, saliva & insufflatio, 2) ut baptizato imponatur nomen aliquis sancti in martyrologio Romano descripti, 3) ne per missionarios crucis, sanctorum, & rerum sacrarum nomina per translata inmutentur, nec alio idiomate explicentur quam latino vel saltem indico, quatenus voces indicare latinæ significationi ad amissum respondeant, 4) ut collatio baptismi infantibus non protrahatur, 5) ut matrimonia non contrahantur ante pubertatem (moris enim illius regionis est, ut infantes septem annorum ex parentum consensu non sponsalia tantum, sed matrimonium de præsentibus contrahant), 6) ne uxoris collo appendantur *Tally*, seu aureæ tessere nuptiales cum imagine idoli, quod vocant *Pollejavon*, vel *Pylaloris*, & ne uxores in nuptiis videantur, poterunt uti alio *Tally* imagine Christi, Mariæ vel alterius sancti, & cum superstitione non careat fanticulus rostratus compisus & cruce sacro delictus, quo plerique dictum *Tally* appendunt, dictorum filiorum *nunus* & *unio* est prohibita 7) ut nuptiarum ritus ab omni superstitione expurgentur, ut nixem ut ramum arboris *Areciomia* omnino aufertur, terquorum numerus non minus ad cibum præscripta qualitas varietur, circuli super caput spinarum ad tollendam maleficiam omittantur, & quod de ferculis dictum, de luteis vasis inde non adhiberi salis dictum & prohibitum intelligatur, 8) fractus quique valz dictus *Cero*, ex cuius fractis pro porritatis aut infortunii auspiciis Gentiles temere ducunt, vel omnino a Christianorum populis rejiciantur, vel saltem si illam comedere velint non publice sed secreto fiat, 9) ne mulieres arceantur a sacramentis causa menstrui fluxus, 10) ne festum ob muliebria, dum primo fluunt, & puella a partu viro acta, celebretur, 11) ne *Parreis* sub iudicio spirituale etiam in ipsarum domibus denegeret (per *Parreas* Malabari intelligunt infirmæ conditionis homines, ad quorum adus missionarios infirmorum visitationes & sacramenta administratores ire non sinebant, sed ad ecclesias remotum *Parream* deterrendum volebant), 12) ne Christianorum tibiches, alique musici pueri operam in idolum *pagalis* (templis) præstent, denique 13) ne colores ex vacce stercore contriti & iapiam Gentilibus patientibus a *Rutren* institutam redolentes benedicantur, & fronti sacro chrismate delineatæ impiantur, sive alia quæcumque signa alibi vel rubri coloris, quibus Indi superstitiones in fronte vel in pectore, aut in alia quavis corporis parte utuntur, deficiantur.

§. 346. Hæc ipsa vero clausula causa fuit falsi rumoris, qui post paucos annos per Indiam increbuit: nempe Papam *Clementem* *Tournonii* decretum revocasse, & nonnullas ceremonias adprobasse, quas ille tamquam superstitiosas proscripsit, cui falso rumori cursum intercepturus *Clemens* prima Septembris anni 1712.

extrahere tabulariis mandavit authenticum exemplar bullæ Tournonii edictum confirmantis, illudque episcopo Meliaporensi transmisit, ac ne ullo modo mens Pontificis in dubium vocari potuerit, exemplari transmissio jungendas voluit litteras apostolicas in forma brevis: *Venerabiles fratres*. Sunt præterea litteræ a congregatione de propaganda fide ad Claudiopolitanum episcopum in eandem sententiam datæ.

§. 347. Sed quum rituum quorundam patroni, imprimisque Jesuitæ, instarent, Pontifex rem omnem ut ajunt à capite repetendam putavit. *Prospero Lambertino* card. (tum inquisitionis consultori, postea Pontifici sub nomine *Benedicti XIV*) in mandatis dedit, ut controversiam breviter complecteretur. Jam negotium hoc Lambertinus peregit, cum Clemens e vita migraret. Successit Innocentius XIII, qui aliquot doctos congregari, communicatisque consiliis quid facto esset opus dicere jussit, at paulo ante, quam res esset perfecta, & ipse obiit. Successor ejus *Benedictus XIII* apostolicas litteras in forma brevis anno 1727. ad universos episcopos & missionarios regnorum Madurensis, Mayssurensis & Carnatensis dedit, quibus Tournonii decretum confirmavit, observandumque præcepit.

§. 348. Mortuo *Benedicto* rituum defensores ad *Clementem XII*. confugerunt nihil sibi legitime de litteris *Benedicti* nunciatum dicentes. Itaque orarunt, ut congregationi sacri officii mandaret, ut in causam inquireret, statueretque, quid factu esset opportunum? Annuit Pontifex, ac congregatio majorem partem decreti Tournonii servandam, nonnulla explicanda censuit, cujus sententia autoritate Clementis confirmata. Quum vero porro aliqui contra facere præsumerent, rursus Clemens anno 1739. ad episcopos & missionarios litteras misit, utque jurejurando omnes se obtemperaturos pollicerentur, præcepit, Præpositis dein generalibus ordinum religiosorum edixit, ut suos ad parendum compellerent, recusantes in Europam revocarent. Interim *Lambertinus* mortuo Clemente Pontifex sub nomine *Benedicti XIV*. renunciatus est, cui, postquam ei documenta, quibus omnes sedi Romanæ satisfecisse constabat, exhibita sunt, nihil aliud supererat, nisi ut dubitationes aliquas tolleretur¹.

1. Erant nimirum nonnulli, qui ab eo petebant, 1.) ut intolerando onere tot juramentorum & censurarum, quibus veluti laqueis eorum conscientie vinciebantur, solverentur. 2.) ut dispensatio alias concessa super insufflationem & salivæ ritu in baptismo ministrando prolongaretur, eo vel maxime, quod ritus humana solum lege sit introductus, & ut super ea dispensetur necessearium esse ad propagandam fidem in illis regionibus, quarum incolæ ingentio veluti horrore ita salivam aversentur, ut de eo evellendo prope jam sit ab eis desperatum, 3.) ut decretum circa *Parreas* mitigetur, eo quod secus Genti-

lium ad fidem conversio impossibilis evaderet; si enim hoc hominum genus adire cogerentur universi missionarii, timendum esset, ne nobiles a religione Christiana suscipienda in posterum detererentur. Ad hæc respondit Benedictus: 1.) jasperandam missionarii prætermittere non licere, 2.) mirari se, quod tot annorum intervallo catechumeni non ita sint instructi, ut satius esse putet in baptismo in afflationes & salivam adhibere, permitti tamen a se ad decentium dispensationis hujus prolongationem, quod si qui Malabari essent, qui ineptum & minus decentem esse hunc ritum censerent, hos baptizari non oportere. 3.) decretum Tournaii de *Parreis* omnino justum, Jesuitæ vero proponebant, ut *aliqui tantum* ad Parrearum curam deputentur, quod consilium Pontifex probavit (Hæc magis explicata legere est in *constitutione Benedicti XIV. de anno 1744, die 7. Octob. super ritibus in regnis Madurensi, Maysurensi, & Carnatensi Indiarum orientalium servandis*).

§. 349. Postquam Hispani, Lusitani & Galli vastas in America provincias sibi subjugarunt, eorum sacerdotibus & monachis occasio non deerat Christianam religionem in iis propagandi, saltem ea impedimenta iis non erant removenda, quæ vinci in regionibus debent, quarum Imperans ipse infidelis est. Attamen non immerito quis dubitet, num hac occasione data ita usi sint, sicut uti ea debuissent, multi nimirum ex his barbaris militis Hispani armis ad religionem Christi suscipiendam adacti sunt.

§. 350. Missio *Paraquariensis* præ ceteris memoratu digna est, quam plerique majoribus ac par est laudibus extulerant, at novissimis temporibus extra omnem est positum dubitationem, missionarios Paraquarienses non tam salutem animarum, quam augmentum opum & potentiae quævisse. Missio hæc per seculum & dimidium jam continuata est, & nonnisi sub finem seculi XVII. vera ejus ratio & indoles explorari poterat ¹.

1. Exposuit arcana hujus missionis aulæ Hispaniarum anno 1718. quidam hujus rei peritus, at non tantum nullam invenit fidem, sed potius Rex Hispaniarum anno sequenti privilegia antea huic missioni concessa denuo confirmavit. Cum anno 1731. Indiani in Regem Hispaniæ seditiosi fuerint, idem ille, qui nullam sua denunciatione invenit fidem, eandem repetebat ostendendo, omnem culpam ex ræ seditionis in missionarios rejiciendam esse, concessaque iis privilegia bono regni adversari, at neque his invenit fidem.

§. 351. Jam pridem referebatur, Jesuitas ex provincia vulgo dicta *missionis* (misiones) annuos habere redditus ad quinque miliones imperialium, totam nationem 300000. familiis constantem ad fidem Christi perduxisse, & in 24. dioceses divisisse, quarum cuilibet unum ex suis præposuerint, neoconversos ad labores & negotiationes adigere, nec tamen eos fructibus laborum suorum frui sinere, sed omnia sibi appropriando iis nihil nisi sustentationem sat miseram ex communi causa porrigere ¹.

1. His adhibetur, quot nulli advenæ aditum ad provinciam missionis concedant, quod neo-conversis nec converteri cum Hispanis, nec linguam Hispanicam addiscere permittant, quod ipsis communionem bonorum, mundi con-

cujus is erat exitus, quod Reges Hispaniæ & Lusitaniæ id, circa quod convenerant perfecte exequi impediti conventionem cum Indianis inita contenti esse debuerint. (vid. Mosheim a Christoph. ab Einen in idioma germanicum translatus & continuatus).

1. Hæc præcipua fuit causa, quod Jesuitæ aliquot annis ante totalem hujus ordinis extinctionem solum Hispaniæ & Lusitanie migrare sicut jussi. Anno 1767. Rex Hispaniæ Franciscum *Bonaerelli* ablegavit, qui illis ex provinciis quoque americanis sub ditione Hispaniæ sitis egredi injungeret.

§. 314. Ad fata ecclesiæ catholicæ adversa omnes illæ referenda sunt persecutiones, quæ in Sina, Japonia, Cochinchina, insulis Philippinæis, aliisque extra Europam partibus exortæ sunt. His *publicis* religionis hostibus addendi *privati*, nempe Atheistæ & Naturalistæ, qui scriptis suis contra omnem religionem revelatam pugnarunt.

1. *Rationalistas* se etiam hi adpellare solent, eo quod, ut ipsi saltem prætendunt, soli ratione naturali recte sciant. Athei *theoretici*, qui prorsus Dei existentiam negarent, vix inveniuntur, major autem a seculo XVII. exstitit copia Atheistarum *practicorum*, qui quidem Deum existere ajunt, negant tamen, eum res hujus mundi curare, ut eo liberius libidini indulgere queant. *Naturalistæ*, seu *Deistæ* illi vocari solent, qui Deum ejusque providentiam admittunt, omnem tamen revelationem & divinarum Scripturarum auctoritatem rejiciunt. His adde *Materialistas*, qui animæ nostræ spiritualitatem & immortalitatem inficiantur.

§. 355. Duces his se præbuere *Benedictus Spinozza* ¹ *Julianus Offrey de la Mettrie* natus anno 1709. medicus ex Anglia, & *Helvetius* ², *Thomas Woolston*, & author anonymus *fragmentorum* a *Lessing* editorum ³, quos multi alii secuti sunt ⁴.

1. Erat Spinoza princeps & acutissimus omnium sui seculi religionis hostium. Ipse quidem sapientius & honestius vivebat, quam multi ex iis Christianis, qui de veritate religionis revelatæ nunquam dubitarunt, neque homines ad Dei contemptum, & pravorum mores trahere studuit. In suis libris autem, illi præsertim, qui post obitum ejus prædierunt, id aperte agit, ut hoc universum, seu mundum aspectabilem a Deo minime differre, & quæcunque sunt vel fiunt, immutabili naturæ lege contingere conviciat. Quæ si vera forent, jam sibi unusquisque Deus esset, nec ulla ratione peccare posset, in quam eum sentiant (vulgo *Pantheismus* dictam) abs dubio philosophia cartesianæ, cui se totum attixerat, impulsit; in rimis enim commune illud philosophorum adaptum adoptavit, quod *Deo omnes realitates essentialiter gradu insint*, dein autem ex cartesianâ philosophia hoc ut certum assumpsit, duas tantum esse realitates *cogitationem* & *extensionem*, illam spiritibus, hanc materie propriam. Hæc posito consentaneum erat, ut utraque realitatem cogitationem nimirum, & extensionem sine omni fine Deo tribu ret. quo facto nihil reliquum erat, quam ut Deus & mundum in unam conflaret naturam, atque unam tantam esse veram substantiam. Vera tamen ejus de Deo sententia ex *ethicis*, quæ post ejus obitum prodierunt, non vero ex tractatu *theologico-politico*, quæ non vivens emisit, asseruari debet; in hoc enim non aliter disputat, ac si numen quoddam æternum a mundo distinctum crederet, quod aliquid revelavit religionem & evenit etiam quædam mirabilia, non tamen naturæ vires superantibus confirmaverit, in sua ethica vero clarius mentem

CAPUT SECUNDUM

DE

FATIS INTERNIS.

§. 356. In his enarrandis eum servabimus ordinem, ut 1.) dicendum sit de statu scientiarum, 2.) de controversiis theologicis, 3.) de ritibus, 4.) de hierarchia, seu sacro regimine, & demum 5.) de ordinibus religiosis.

§. 357. Litteræ omnes, tum quæ ratiociniis, tum quæ memoria & imaginatione adquiruntur, quam feliciter seculo præcedenti emendatæ & amplificatæ sint, fere infinitis constat testimoniis. Animavit litterarum amantes, & viam simul, qua ipsis incedendum sit, sub exordium seculi monstravit vir maximus *Franciscus Baco de Verulamio* Anglorum Apollo libris potissimum *de dignitate & augmento scientiarum*, & *novo organo scientiarum*¹. Artium maxime mathematicarum cognitio ad tam excelsum gradum evecta est, ut pueros in his rebus, qui prioribus seculis vixerant, putes. Classicum cecinit *Galileus de Galileis* in Italia magnorum Hetruriæ Ducum liberalitate suffultus², quem secuti sunt inter Gallos *Renatus Cartesius*, *Petrus Gassendus*, inter Danos *Tycho de Brache*, inter Anglos *Rob. Boyle* & magnus ille *Isaacus Newtonus*, inter Germanos *Jo. Keplerus* (inventor celeberrimi illius theorematis astronomici, quod radius vector describat areas temporibus proportionales) *Jo. Havilius*, *Gottfr. Leibniti*, inter Heivetos *Bernouly*. His primi ordinis viris tot se cupidissime junxerunt alii, nulla ut Europæ natio cultior, quæ excellenti se geometra, physico & astronomo jactare nequeat³.

1. Natus fuit Londini anno 1561. factus procurator regius & cancellarius Angliæ, dein avaritiæ, & peritiæ incasatus, bonis ejus tunc addictis, ad vitam se solitariam recepit. quam morte clausit anno 1626. Non quidem dissimulandum, magnum hunc virum ab ingenio suo abripi se nonnunquam passum fuisse, nec tam ei, quæ fieri possent, quam quæ fieri vellet, postulasse. Ast iniquus tamen sit qui neget, magnum partem progressum, quos in omni eruditionis genere seculo XVII. Europæ fecerant, consiliis & monitis ejus tribuendum esse.

2. Natus erat Florentiæ. Copernicanum cum defendisset systema, Urbanus VIII. Papa hanc doctrinam tanquam scripturæ sacræ contrariam damnavit. verumque illum suam prosequi doctrinam, ejus imperio cum non parceret, Galliam, ab inquisitione compactus in carcerem quatuordecim annis in eo exegit. Imperatumque illi insuper, ut hanc doctrinam revocaret, cum annorum esset sexa-

ginta Mortuus est anno 1642. Idem Galilæus ansam præbuit *Hugenio*, ut horologia invenerit; observabat enim Galilæus, dum missæ intererat, lampades in ecclesia pendentes ventoque agitatae eo pauciores intra idem tempus peragere oscillati ones, quo longiori ex filo penderent. Domum rediens globulos in filis diversæ longitudinis suspendit, & notatis accurate eorum oscillationibus theoriâ de pendulis tradidit, quibus ex theorematibus posthac *Hugenius* horologiorum inventionem deducta insigne humano generi præstitit beneficium.

3. Sed quorsum hæc? quæret aliquis: aut cur artis mathematicæ incrementa in historia ecclesiastica locum sibi vendicant? En rationem! Per culturam mathematicos, physicæ, & astronomiæ *superstitionis* imperium attritum est, quantas superstitiones religionem christianam fœdantes olim pepererint cometæ, eclipses solares & magia plus quam notum est; cometa enim, cujus pallidus erat color, lethales morbos præsigniebat, color ejusdem ruber febres inflammatorias, fulvus mortem Principis ejusdam prænuñciabat, & quilibet cometa iræ divinæ signum habebatur. Eclipsim solarem animal venenatum putabant, quod atrosi hæram veneno implet, nec desunt exempla, ipsos animarum pastores, populum ex cathedra admississe, ne tempore eclipseos pecus suum aquam fontis, aut fluvii utpote veneno infectam haurire sinant. Idem de magia notandum, siquidem effectus naturales pro magicis habebantur, unde tot superstitiosi ex reismi orti, qua in re præcipuam suam operam ponebant monachi mendicantes. Has sordes cultura scientiarum naturalium abstersit.

§. 358. Morum quoque disciplina, quam Christus tradidit, meliorem formam, plurimamque præsidia nacta est, postquam jus naturæ diligentius quam antea & clarius explanatum est. Duce[m] se in hoc genere præbuit *Hugo Grotius* vir incomparabilis libro de *jure belli & pacis*. Quantum autem cultura juris naturalis ad ecclesiæ bonum conferat, pridem ostenderant viri docti, quæ inter istud est præcipuum, quod hujus scientiæ operæ eorum cavillationes fortius sint repressæ, qui præcepta Christi rectæ rationi repugnare, bonum civitatis evertere, homines effœminare, ac a negotiis vitæ civilis abstrahere audacter disputarunt.

- I. Ut enim verbis illust. L. B. de Martini utar, id exacta juris naturalis cognitio præstat theologiæ positivæ, ut non magis sufficientis præmitti, vel panæ naturalis in hac vita deficiat, & per hoc vitæ alioquin futura, imo & revelationis necessitas intelligatur, sed etiam ut vitæ evangelii cum recta ratione conspiratio plenissime cluceat. Quod si autem inter jus naturale & revelationem adparens conspiratio plenissime cluceat, tunc qui enim solida juris naturæ principia præsto esse oportet, ut concordia revelationis cum lego naturali explicari queat.

§. 359. Sed de philosophiæ inter Christianos fata separatim dicere nonnulla convenit. In binas familias tota fere philosophorum natio tributa erat ineunte seculo præcedenti, *Peripateticorum* nempe & philosophorum *per ignem*, seu *chymicorum*, & hæc plurimis de principatu inter se disputabant. Peripatetici omnes fere scholas occuparunt, neque secus, quam in patriæ prodoctores & hostes publicos sævierunt in omnes, qui Aristotelem aut emendandum aut deserendum esse judicarunt, plerique tamen horum non tam ipsum Aristotelem, quam recentiores ejus interpretes sequebantur. Chymici, seu philosophi *per ignem*

per omnes fere Europæ provincias discurrerant, & *Rosæcrucianorum* fratrum vocabulo adscito gentem peripateticam & rationis & religionis corruptæ alius alio ineptius & contentiosius inculpabat².

1. His se duces præbebant *Rob. Fluddus* Anglus mirabilis ingenii homo, *Jacob Bohm*ius sutor Gorlicensis, & *Michael Magerus*. Rosæcrucianorum nomine philosophos chymicos religionis studium cum mysteriorum chymicorum indagatione sociantes intelligi testatissimum est. Ipsi n hoc nomen est chymicum, neque potestatem ejus capiunt, nisi qui styllum chymicis proprium valent. Compositum est non quod multi sibi persuadent ex *rosa* & *crux*, verum ex vocabulis *ros* & *crux*. Ros omnium corporum naturalium potentissimum est ad aurum solvendum, crux vero idem est ex stylo chymicorum quod lux, quia figura † tres illas litteras, quæ vocabulum *lux* formant, una exhibent, lucem vero hæc secta vocat *semen*, seu *menstruum draconis rubri*, grassum illud & corporeum lumen, quod probe coctum & digestum aurum producit. Itaque philosophus *Rosæcrucianus* est, quoque roris lucem, id est, materiam lapidis philosophorum quærit. Reliquæ nominis hujus interpretationes falsæ sunt & inanes ab ipsis chymicis ad fallendos alios a sacris suis alienos inventæ.

2. Mire hoc hominum genus inter se dissentit, sunt tamen quæ omnes jungunt communia quedam præcepta. Universi putant, ad veram sapientiam & primarum omnium principia non alia deveniri posse via, nisi per artem chymicam, seu solutionem corporum per ignem: universi convenientiam aut analogiam quamdam religionis & naturæ sibi iungunt, Deumque iis legibus, quibus in regno naturæ, etiam in regno gratiæ agere statuant. unde fit, ut religionis dogmata vocabulis chymicis & philosophiæ suæ propriis enuncient. Universi de rerum, quas nominant, *signaturis*, de astrorum in res corporeas influxu, & in ipsos etiam homines imperio, de magia & varii generis demoniis multa superstitiose disserunt. (*Petrus Gassendus examine philosophiæ Fluddianæ*, *Godofr. Arnoldus Historia de la iglesia y de las heregias part. 2. L. 17. cap. 18.*)

§. 360. Modum certamini huic inter chymicos & peripateticos posuerunt, diversamque philosophandi formam protulerunt duo magni ex Gallia viri *Petrus Gassendus* matheseos professor Parisiensis, & *Renatus Carthesius* eques & miles Gallus. Gassendus anno 1624. aristotelicos editis *Exercitationibus* contra Aristotelem fortiter adgressus est, verum tantam sibi invidiam, tot hostes labore isto paravit, ut vir pacis & tranquillitatis amans ab eo desisteret; septem libris enim totam contra aristotelicos pugnam absolvere statuit, sed duos tantum edidit, reliquis quinque in ipso ortu extinctis. Idem Fluddum & in hoc ceteros Rosæcrucianos libro singulari, quod aristotelici non improbabant, adgressus est. Postremo ipse aliam philosophandi viam monstravit, quæ lento gradu a rebus in sensus incurrentibus ad res supra sensus positas ascendit, atque observando experiundo, motus & leges naturæ considerando ex notionibus singularibus universales alicere studet, qua in re mathesim potissimum in auxilium vocavit.

§. 361. Carthesius autem alia longe ratione philosophabatur, Mathesi enim, cui primo omnia tribuerat, relicta ad notiones

universales, seu metaphysicas confugit. Vix vero cogitata sua in lucem protulerat, cum ex plerisque gentibus Europæis non mediocri virorum perspicacium multitudo, quibus scholarum sordes dudum displicuerant, ea amplecteretur, extrusisque Peripateticis Carthesium juventuti commendaret, Peripatetici contra summa imis miscebant, ne veteri philosophiæ nova præferretur. Diuturnæ contentionis hic tandem fuit exitus, ut sapientior Europæ pars non quidem Carthesii unius disciplinæ se traderet, at exemplo tamen ejus liberius quam antea philosophandum, & servituti *Aristotelis* renunciandum esse decerneret.

- I. Et ut eo felicius hoc bellum gererent, adjuti theologorum autoritate, non eorum modo gravissimorum, sed etiam proditiæ majestatis divini auctorem ejus acerbè postularunt. Minus hanc iram admirabitur, qui cogitaverit. non tam pro disciplina sua, quam pro commodis, honoribus & fructibus suis aristotelicos dimicasse.

§. 362. Neque tamen postquam binæ hæ philosophorum sectæ Peripateticos extruserant, universa philosophantium natio ad alteram earum se contulit, aliqui enim nulli addicti sectæ meliora & certiora ex omnibus sectis illa præsertim, quæ omnes scholæ pro veris receperant, colligere & in corpus quoddam cogere tentarunt, qui vulgo *Eclecticis* nominabantur. Ex his ipsis denique philosophorum concertationibus peracuti quidam homines occasionem sumpserunt de veritate inveniendâ desperandi, & scepticorum lusum diu clausum denuo aperiendi.

- I. Hos inter celebritate antecellunt *Franc. Sanchez* medicus Tolosanus (cujus extat celebris liber: de eo, quod nihil sciatur) & *Petrus Daniel Huetius*. Hujus quidem magni viri de humanæ rationis imbecillitate liber post ejus obitum prodit, sed constat Huetium diu ante hunc librum vel scriptum vel editum scepticorum philosophandi genus commendasse, hocque unum ad religionem christianam firmandam adcommodatum judicasse (vid. comment. de rebus ad eum pertinentibus L. 4. p. 230. & demonstr. evang. præfat. §. 4. p. 9.) ubi eorum laudat consilium qui scepticis argumentis philosophiam omnem primum enervant, & ex animis ejiciunt, antequam veritatem religionis christianæ dubitantibus probent. Jesuitæ, quibus valde favebat Huetius. hanc artem ad Protestantes in ecclesiam Romanam pertrahendos nec sine fructu adhibuisse ferunt.

§. 363. Postquam Gassendus & Carthesius aristotelicos impugnare cœpissent, eos demum seculo nostro penitus profligarunt duo magni viri *Godofr. Leibniti*us & *Christ. Wolfius*, quorum alter metaphysicam, quod prorsus novum, nec antea tentatum geometrarum legibus & vinculis alligavit, & cosmologia locupletavit. Sed non paucos nacta est philosophia Wolfiana ad versarios, eo quod quibusdam fundamenta religionis concutere videbatur.

- I. Quæ ab philosophiam Wolfianam controversiæ sint exortæ, in historia eccle-
Gm. hist. eccl. T. II.

sia protestantiæ narrabitur. Interim etiam in nostram ecclesiam philosophia Wolfii non modicum habuit influxum, constat enim, Catholicos successive eandem etiam adoptasse.

§ 364. Incrementa, quæ litteris a seculo XVII. accesserant, in omnibus Catholicorum provinciis æqualia laud sunt, cujus rei ratio præcipua in inquisitione hæreticæ pravitatis invenitur. Nam ubicunque hoc viguit tribunal, libri inquisitorum censuræ subijci debebant, qui veræ doctrinæ expertes, ac monachismi præjudiciis abrepti optimos ingeniorum foetus suppresserunt¹.

I. Annos ante paucos eruditus quidam, qui bibliothecam regiam *Madridi* adiit, invenit, omnes auth. res classicas his fuisse notatos verbis: *Author damnatus*, nec ipsi diffundantur *Hispani*, libros prohibitos præ ceteris lectu dignissimos esse. Imo historiam *Caroli V.* legere aut scribere olim in Hispania prohibitum erat.

§. 265. Magna de gratia Christi controversia seculo XVI. est exorta. *Ludovicus Molina* Jesuita Hispanus anno. 1588. librum edidit *concordia liberi arbitrii, & gratiæ*, in quo gratiam *ab extrinseco* efficacem propugnabat, quod ægermine ferebant Dominicani pro gratia *ab intrinseco* efficaci certantes, & universam contra Jesuitas concitarunt Hispaniam eos Pelagii errores renovare velle quærentes. Idem Molina (a quo Jesuitæ, alique Jesuitarum doctrinam de gratia sequentes dicti sunt *Molinistæ*) a plerisque quamquam minus recte¹ author habetur illius quondam percelebris *scientiæ mediæ*.

I. Primus scientiæ mediæ inventor fuit *Petrus Fonseca* Jesuita, qui eam tamen viva solum voce tradidit, primus autem, qui eam in publicam lucem proferre ausus est, erat *Prudentius de Monte-Major*, quod cum deinceps longe majori cum adparatu & strepitu Molina fecerit, ille etiam novi inventi gloriam retulit. Ab illo tempore scholas personare cœperant nomina *Molinistarum* & *Thomistarum*, quorum postremo Dominici vocari voluerant, eo quod se doctrinam S. Thomæ Aquinatis in materia de gratia Christi sequi profitebantur.

§. 366. Dominicani clamoribus suis contra Jesuitas & Regem Hispaniarum *Philippum II.* & *Clementem VIII.* Papam commovere non cessarunt, donec tribunal quoddam Romæ Pontifex erexerit ad hanc litem decidendam, quod dein adpellatum est *congregatio de auxiliis* (gratiam enim Christi scholastici adpellant etiam *auxilia*). Cœperunt hæ congregationes sub Clemente VIII. anno 1598, & continuatæ usque ad annum 1607, quo finis tandem impositus, nihil tamen decisum. *Hyacinthus Serry* Dominicanus, qui harum congregationum historiam scripsit, narrat, bullam contra sententiam Molinæ & Jesuitarum jam fuisse exararam, nihilque nisi juris solemnitatem defuisse, distulisse autem Papam suam declarationem in opportunum tempus¹.

I. Causa suspensi decreti a Serry hæc adducitur: decreta duo edidit serenissima

respublica Veneta, unum anno 1603, quo prohibebatur nova monasteria extruere, novosque religiosos ordines inducere, alterum anno 1605, quo vetabatur, ne ullus per actus inter vivos, aut mortis causa bona immobilia monasteriis relinquat inconsulto senatu. Præterea respublica jam sub Clemente VIII. *Brixianum* monachum Augustinianum, qui puellam 12. annorum stuprasset & occidisse adcusabatur. *Scipionem* canonicum Vicetinum, atque *Brasavinum Paladmarinum* Nervesie Abbatem seclerum plurium insimulatos in vincula conjecit. Tria hæc egre tulit *Paulus V.* Papa, ac si iis immunitas ecclesiastica fuisset violata, unde mandavit, ut decreta rescindantur, & sacerdotes ingratifati libertati donarentur, quod ni fieret, secuturum esse interdictum, quod etiam senatu non retractante decreta sua est secutum. Verum cum injustum hoc Papæ fuerit interdictum, sub pœna exilii prohibitum fuit ejus habere rationem. Jesuitæ declararunt, se velle potius in exilium migrare, quam non obtemperare Pontifici, hinc duabus naviculis noctu in exilium erant missi. Papa Jesuitarum restitutionem a republica petiit, at res eventum non habuit. Cardinalis *Perronius*, qui jussu *Henrici IV.* Galliarum Regis pacis mediatoris causam exultantium Jesuitarum tuebatur. opportunam hanc arripuit occasionem, proponens Pontifici, non esse Jesuitas damnatione systematis Moliniani denuo affligendos, qui alii quoniam propter obedientiam Pontifici præstitam adeo vexantur. (Ita refert *Hyacinthus Serry*, qui historiam congregationum de auxiliis ficto nomine *Augustini de Blanc* Lovanii anno 1700. edidit. Huc *Livingius de Meyer* Jesuita, qui sub nomine *Theod. Eleutherii* latere voluit, historiam controversiarum de gratia anno 1705. in fol. opposuit).

§. 367. Controversia Dominicanos inter & Franciscanos de immaculata conceptione Mariæ multum negotii & molestiæ exhibuit *Paulo V.* *Gregorio XV.* & *Alexandro VII.* Pontificibus. Cœpit ea non diu post initium seculi præcedentis Hispaniam haud leviter affligere. & in partes distrahere, quocirca ipsi Hispaniarum Reges *Philippus III.* & *IV.* legationibus aliquot Romanam missis Pontifices ad eam decreto publico terminandam sollicitabant. Verum hi prudentiæ magis, quam tanti ponderis precibus obtemperandum esse judicabant; nam ex una parte terrebat splendor majestatis hispanicæ, quæ in Franciscanorum sententiam propendebat, ex altera vero dominicanæ familiæ dignitas & auctoritas. Nihil igitur a Pontifice impetrari poterat, quam ut verbis & scriptis sanciret, valde probabilem esse Franciscanorum opinionem, publicamque ejus impugnationem Dominicanis interdicere.

§. 368. Michael Molinos Hispanus presbyter Cæsar-Augustinus in Aragonia Romæ degens & in magna sanctitatis laude positus, eaque re pluribus utriusque sexus discipulis illustribus *Quietistarum* sectam condere studuit. Anno nimirum 1681. Romæ vitam seu *manuductionem ad vitam contemplativam, seu mysticam* edidit, in quo libro docuit, oportere hominem suas potentias annihilare, nihilque ab homine operandum esse, velle enim operari esse Deum offendere. Aiebat porro: qui liberum suum arbitrium Deo donavit, de nulla re curam habere debet, nec propriæ perfectionis desiderium.

I. Molinos a Galliæ potissimum legato est pressus, ex quo non temere quidam

Y:

conjiunt: non de religione tantum, verum etiam de republica in hac lite actum fuisse, huncque presbyterum Hispanum Gallorum Regis voluntati ac consiliis in arduis rebus obstitisse. Quidquid id est, Molinos anno 1685., multorum licet benevolentia uteretur, nec ipsius Papæ Innocentii XI. favore caret, in carcerem est raptus, cumque anno 1687. publice errores ejurasset, perpetuæ custodiæ est traditus, in qua anno 1696. senex obiit.

§. 369. In Gallia disciplinam quietisticam disseminavit scriptis nobilis fœmina *Joan. Maria Bouvieres de la Mothe Guizon*, in cujus doctrinæ erroneæ placitis eam non leviter confirmavit *La Combe*. Contra hanc fœminam singulari libro certavit anno 1697. *Jacobus Benignus Bossuet* episcopus Meldensis, ex qua lite alia major exorta est inter binos illos viros, qui tunc temporis eloquentiæ & doctrinæ principatum in Gallia nemine refragante obtinebant, Bossuetum nimirum, quem diximus, & Franciscum *Fenelon* episcopum Cameracensem. Bossuetus libro suo contra Guyonam exarato Fenelonii suffragium expectabat, hic autem non modo contendeat, Bossuetum fœminam hanc temere multorum errorum incusasse, sed etiam libello anno 1697. edito multa ex scitis ejus ipse adoptavit ¹.

1. Succensus hac dissensione Bossuetus Regem *Ludovicum XIV.*, & Papam *Innocentium XII.* fatigare non destitit, donec papa anno 1699. publico decreto Fenelonii libellum generatim & singillatim 23. propositiones ex eo decerptas damnaverit. omisso tamen ejus nomine. Fenelonius sententiam in se latam probavit, & per suam diœcesim ipse promulgavit.

§. 370. *Isaacus Pereyrius* fabulam *Præadamitarum* non tam invenit, quam recoxit; contendeat nimirum, ante Adamum homines jam extitisse, quem in finem distinxit originem Gentilium a Judæorum origine: priores aiebat, ab initio mundi una cum animantibus brutis creatos fuisse, hos autem Deum postmodum primum creasse in Adamo eorum parente, prius in lib. Gen. cap. 1., posterius in ejusdem libri cap. 2. a Moyse narrari, illos porro, quos ante Adamum creatos dixerat, *Præadamitas* adpellavit. Scopus adoptati hujus systematis is ei fuisse videtur, quoniam tali ratione facillime explicari possit: cur existant homines diversi coloris, & quomodo antipodes ante inventam acum magneticam ad illas penetrare potuerint provincias. Systema hoc duobus in libris tueri conatus est, quorum primum inscripsit: *systema theologicum ex Præadamitarum hypothesis*, alterum *Præadamitæ, seu exercitatio super versus 12., 13. & 14., cap. V. ad Rom.* ¹.

1. Hanc ob rationem anno 1656. Bruxellis in carcerem est conjectus. & fors primum regi hanc efflisset, nisi errorem hunc una cum religione Reformationem, in qua natus erat, ejurasset; nam Romam sub *Alexandro VII.* pergit, annoque 1657. epistolam ad *Philottinum* edidit, in qua momenta protest, ear

Calvini sectam ejuraverit. Erat Gallus, genere Aquitanus, patria Burdigalensis, ejusque tractatus de *Præadamitis* prodiiit in lucem in Hollandia anno 1655. Antequam vulgaretur, ipse Pereyrius impressum librum misit ad amicum cum versu Ovidii mutata voce urbem in ignem: *Vade, nec invideo, sine me, liber, ibis in ignem.*

§. 371. *Bajus* natus fuit in Belgia anno 1513. Lovaniensis academix doctor & professor, tandem etiam ejusdem decanus, qui & jussu Regis catholici concilio Tridentino interfuit. Ut laxis quibusdam opinionibus circa gratiam, quæ tunc temporis invehiebantur, sese opponeret, contrarii ipse erroris adcusatus fuit, quod scilicet talem Dei gratiam admitteret, quæ omnem nostram libertatem & cooperationem tolleret. Neque in hoc solum, sed in pluribus aliis etiam reprehendebatur; nam 18. ex ejus libris extractæ propositiones a facultate Parisiensi anno 1560. variis censuris proscriptæ sunt. Porro Bajo suæ doctrinæ vindicias agente, nec paucis ipsi adhærentibus eo disputationis fervor pervenit, ut Papa *Pius IV.* expedire judicaverit, silentio utrique parti imposito incendium extinguere.

§. 372. Non tamen diu pax perduravit, iterum enim turbæ excitatæ sunt, & multo plures Baji propositiones ut censura dignæ ad academias Salmanticensem & Complutensem, ac demum ad ipsum Pontificem *Pium V.* delatæ sunt, qui 79. ex iis ut respective hæreticas, erroneas, suspectas, temerarias, scandalosas, & piarum aurium offensivas anno 1567. damnavit¹. Bajus primo conqueri, sibi aliquas propositiones calumniose affingi, alias autem in pravam sensum detorqueri, quare edita apologia apud Pontificem se purgare conatus est; sed cum litteras ab eodem accepisset, quibus ipsi sine ulla tergiversatione obediendum esse significabatur, obediit, ac coram Morillonio vicario generali propositiones damnatas ejuravit, & a censuris, quas ob contumaciam incurrisset dicebatur, absolvi postulavit.

1. Nulla tamen Baji in bulla habita est mentio, ut ejus honori, quantum fieri posset, consultum esset, imo nec bulla de more publici juris est facta, sed facultati tantum Lovaniensi communicata.

§. 373. Huic Baji subjectioni accessit etiam postea facultatis theologicæ Lovaniensis decretum, quo anno 1571. omnibus interdictum fuit, damnatas eas propositiones defendere, quibus de causis res omnino tranquillæ videbantur. Sed circa annum 1578. contententibus aliquibus, bullam *Pii V.* fuisse supposititiam, turbæ renovatæ sunt, ad quas sedandas *Gregorius XIII.* constitutionem *Pii* per *Franciscum Toletum* iterum Lovaniam misit declarans: eam in Regestis *Pii V.* fuisse repertam, adeoque ei fidem esse adhibendam¹.

1. His acceptis Bajus denuo sententias suas ejuravit. Post id temporis leves quædam nec memorata digne Baji molestia creatæ sunt, qui tandem anno 1589. ætatis suæ 77. pauperibus hereditas scriptis inritus est. De controversia, quæ nata est ob *compu*, seu *virgulam* in bulla Pii V. ponendam coram dici potest.

§. 374. Lites Bajanæ seculo XVII. secutæ sunt longe majores, quæ *Jansenianæ* dicuntur. Nimirum *Cornelius Jansenius* apud Batavos anno 1585. natus, antea illustris academici Lovaniensis professor, postea episcopus Iprensis putabat, Thomistas omnesque alios, qui novis Molinistarum opinionibus restiterant, remissius quam par est gratiæ ab intrinseco efficacis causam defendere & a S. Augustini vestigiis (cujus opera omnia, ut ipse testatur, *decies*, libros vero de gratia & libero arbitrio plus quam *trigenties* a capite ad calcem pervolverat) aliquatenus recedere. Quapropter grande opus magno studio (duos enim supra viginti annos ei insudasse dicitur) hac de re scripsit.

1. Opus istud hoc titulo insignivit: *Augustinus, sive doctrina S. Augustini de humane nature sanitate, aegritudine, medicina adversus Pelagianos & Alas-sienses tribus tomis comprehensa*. ut scilicet indicaret, nihil aliud eo contineri, quam puram ac doctissimam S. Augustini doctrinam. Illud publici juris facere minime potuit morbo preventus, pestilentia enim correptus, quam suis ovibus sacramenta propria manu administrando contraxit vita funerus est anno ætatis suæ 53. Occasio librum hunc scribenti paulo alius repetenda est. Finitis nimirum congregationibus de *auribus divine gratiæ* (§. 366. 1.) Molinistæ audaciores facti placita sua ardentius tueri, ac ubique disseminare aggressi sunt. Nec irriti plane fuerunt illorum conatus, cum enim ex una parte Molinismus novitatis haberet speciem, & concordiam gratiæ cum libero arbitrio ad captum ingenii humani exponeret, ex parte vero altera iudicia sedis apostolicæ contra hoc systema publicatum non fuisset, brevi auctus est numerus Molinistarum, ejus favore Jesuitarum factio majores vires accepit, nihilque intentatum reliquit, ut latius semper propagaret. Hinc omnes artes a Jesuitis prohibite, ut inter doctores universitatum computarentur, maxime vero universitatis Lovaniensis, quæ exiit in *Lectis* & *Hincii* scriptis Molinismo primum vias iniecit, & novam cathedram S. Augustini nomine nuncupatam adversus eos erexit, in quo maxime Jesuitarum animos perculerat, ut ipsi fateantur in imagine primi ævni lib. 6. *Ad extraneum lectio publica extra ordinem auctoritas Læzii & ordinis merita non flectat obdusi civitatem, sed erat inquit in nobis, utraqueque Janseniana peritio refutabat*. Nullum itaque lapidem non moverat, nisi H. suum Regem, ut in Lovaniensi universitate theologia docendi licentiam impetraret, quod demum largitate & munificentiæ *Philippi IV.* obtinuit. At quum in agro ferrent doctores Lovanienses, antequam regiam placum executione dam alerent, legatum ad Regem mittente hoc verum legatorum statum eidem exponeret, ac ita iussu Regis, beneficium Jesuitis collatum revocaretur. Hæc minus Jansenio damnum fuit, quæ gratia apud Regem Hispanicum valere plurimum poterat non potuit, non plura quæ præstata illis merita in rempublicam christianam, sed etiam in domum auriacam, ejus jura in Belgium adversus Galliarum Regem defendere, edito suo nomine *Alexandri Patricii Armandi* theol. lib. inscriptis *Mare Gallicæ*. Hujus sane legationem acceptam in Regiâ sine proceßu exequenti, tam facultatem docendi, quam Jesuitis cessant, suscepit. Jansenium vero locum non reliquit episcopum. Rebat universitatis Lovaniensis apostolica cum Jansenius ad sedem Iprensem ascendisset anno 1665. opus istud beneficium collatum studis cum *Americano* perficere adhibere est. Tota ista in parte deservit, in qua primæ historiæ prælagamus ac semipelagianam contextit in altera rationem modumque ap-

ruit definiendi ac explicandi mysteria prædestinationis & gratiæ, in tertia vero de gratia Christi ejusque efficacia & de gratuita prædestinatione disputat, cui demum succedit parallelum inter Massileenses & Molinistas. Hoc opus *Urbani VIII.* Papæ inscribere cogitavit Janenius, at morte prædeditus cogitata exequi non potuit, quæ tamen jam jam moriturus expressit, aliisque demandavit hoc scripto testamento: *Ego Cornelius Dei & Apostolicæ sedis gratia episcopus Iprensis de mea libera voluntate de hæc deno omnia mea scripta ad explanationem S. Augustini spectantia capellano meo Reginaldo Lameo; partim quia magno labore ea scripsit et declaravit, partim quia sine originali copia corrigi non possunt. Has tamen mente hanc donationem facio, ut cum doctissimis viris magnifico Domino Liberto Fromondo, & reverendo Domino Henrico Caleno canonico Mechliniensi conferat & disponat de editione quam fidelissime, sentio enim difficultur aliquid mutari posse. Si tamen Romana sedes aliquid mutari vellet, sum obediens filius, & illius ecclesiæ, in qua semper nixi, neque ad hunc lectum mortis obediens sum. Actum 6. Maji anni 1638. Infra scriptum erat: Cornelius Jansenius, ejusque sigillum impressum. Hinc nescio qua lege æquitatis sibi licitum esse nonnulli putaverint tanti episcopi memoriam injuriis & maledictis proscindere, ejus personæ injuriam creare, eique dum opus suum ex Augustino adornaret, vel prava animi consilia vel vitium superbiæ exprobrare. Pertincto Jansenio, ut ejus votis annuerent *Fromondus* & *Calenus* executores testamenti Janseniani operis editionem procurabant, cujus rei admoniti Jesuitæ authoris famæ, operisque gravitate perterriti quasi moliniani sistematis externum futurum, ubi illud in lucem prodisset, vererentur. operam dederunt apud nuncium apostolicum Bruxellarum, & cardinalem Franciscum Barberinum Urbani VIII. nepotem, ut illius editio interciperetur, sed frustra. Itaque in lucem prodit semen illud tot, tantarumque discordiarum primum quicquid *Lovanii* anno 1640., *Rothomagi* vero anno sequenti.*

§. 375. Jansenii opus, ut primo publicam aspexit lucem, ita offendit Molinistas, ut illico theses & opuscula velut futuri ingentis belli primordia raptim contra ipsum prodierint. Aliorum vero studia divisa erant, non pauci enim librum hunc adeo extollebant, ut veluti Augustinum ipsum venerarentur, contra vero alii cum ut opus lue prædestinatiana, jam pridem in Bajo damnata, infectum execrabantur, arbitantes, Jansenium nimio Molinismum evertendi studio abreptum a veritate exorbitasse, & nubem pro Junone, id est, dogmata prædestinatiana pro Augustini doctrina accepisse. Horum judicium probavit *Urbanus VIII.*, & Jansenii Augustinum ut Bajanis erroribus refertum damnavit, eadem simul bulla omnes theses, aliaque opuscula tam quæ contra Jansenium, quam quæ pro ipso prodire, damnata sunt, ut ita discordiis sopitis pax restitueretur.

§. 376. Sed jam animi ardentius incaluerant, quam ut possent hoc remedio compesci. Universitas Lovaniensis Urbani bullam primo recipere detrectavit eam pro subreptitia habens (Alexander VII. anno 1690. die 7. Decemb. hanc propositionem damnavit: *Bulla Urbani VIII. in eminenti est subreptitia*) duosque e suo sinu Pontifici repræsentarent, non posse Jansenii librum damnari, quin simul S. Augustini sententiæ damnentur; res diu protracta est, sed

postquam Romæ decidebatur: & bullam esse authenticam, & Augustini doctrinam sartam tectam manere, Lovanienses anno 1651. fascēs submiserunt, eorumque exemplum omnes fere in Belgio secuti sunt, exceptis Jacobo *Boonen* archiepiscopo Mechliniensi & Antonio *Triest* episcopo Gandavensi, qui tamen & ipsi biennio post Urbani bullam receperunt.

§. 377. Sed ex Belgio bellum migravit in Galliam, ibique multo plures & acriores tum patronos tum adversarios Jansenii Augustinus invenit. Nicolaus *Cornet* facultatis theologiæ Parisiensis syndicus septem propositiones ¹ ex Jansenii libris extractas ejusdem facultatis censuræ subiecit, nihil tamen efficere potuit intercedente parlamento. Hac spe frustrati Jansenii censores ad Papam *Innocentium X.* Urbani successorem confugerunt, & nomine 85. Galliæ episcoporum easdem illi obtulerunt propositiones.

1. Harum prima hæc erat: *Aliqua Dei præcepta hominibus justis volentibus & conantibus secundum præsentem, quas habent vires, sunt impossibilia, deest quoque illis gratia, qua possibilia fiant.* Secunda: *Interiori gratiæ in statu naturæ lapsæ nunquam resistitur.* Tertia: *Ad merendum vel demerendum in statu naturæ lapsæ non requiritur in homine libertas a necessitate, sed sufficit libertas a coactione.* Quarta: *Semipelagiani admittebant prævenientis gratiæ interioris necessitatem, & in hoc erant hæretici, quod vellent eam talem esse, cui posset humana voluntas resistere vel obtemperare.* Quinta: *Semipelagianum est dicere, Christum pro omnibus omnino hominibus mortuum esse aut sanguinem fudisse.* Sexta: *Sensit olim ecclesia, privatam sacramentalem pœnitentiam pro peccatis occultis non sufficere.* Septima: *Naturalis attritio sufficit ad sacramentum pœnitentiæ.* Hæc tamen duæ postremæ propositiones postea prætermisæ sunt, totaque pugna ad quinque priores, quæ gratiam spectabant, conversa est.

§. 378. Ad urgendam harum propositionum damnationem missi sunt Romam tres doctores sorbonici, ex parte autem contraria undecim episcoporum, qui pro Jansenio stabant, doctores quinque. Optassent hi postremi palam cum suis adversariis congregari, & reciprocam fieri scriptorum utriusque partis communicationem, sicut in famosis congregationibus de auxiliis sub Clemente VIII. & Paulo V. (§. 366.) factum fuerat, sed id minime Jansenii adversariis placuit, ne scilicet quemadmodum in istis contigerat mutuis altercationibus res in infinitum protraheretur. Interim tamen utraque pars tum ore tum scriptis audita fuit, ac demum post 63. congregationes integro biennio celebratas die 31. Maji anni 1653. prodit bulla pontificia Innocentii X. in qua quinque propositiones priores supra citatæ specialibus censuris ¹ confixæ sunt. Jussi sunt theologi eas propositiones examinantes vota sua scripto signata Pontifici offerre (quæ ab episcopo Montispelessuli Roma in Galliam adlata totidem verbis Montaltius post finem epistolarum provincialium edidit). Oblatis autem Pontifici theo-

logorum votis in scriptis palam in hac causa professus fuisse narratur, *se non esse theologum* ².

1. Prima damnata est ut *temeraria, impia, blasphema, & hæretica*, secunda & tertia ut *hæretica*, quarta ut *falsa & erronea*, quinta denique ut *falsa, temeraria, scandalosa & intellecta eo sensu, ut Christus duntaxat pro salute prædestinatorum mortuus sit, impia, blasphema, contumeliosa, divinæ pietati derogans, & hæretica.*

2. Testatur enim theologus Catholicus *Ludovicus de S. Amour*, Romam ab episcopis Galliæ ad orandam Jansenistarum causam missus editi Diurnalis part. 3. cap. 12. rogatum Innocentium, ut ipse cognosceret, ne quidem scripta sibi oblata legere voluisse, & respondisse insuper: *Non est mea proferio; præterquam quod senex sum, ego nunquam studui theologiæ.* (Joan. Henr. Heideggerus hist. eccl. Roman. period. 7. §. 245.)

§. 379. Quamprimum bulla hæc in Galliam missa est, episcopi ecclesiæ Gallicanæ Lutetiæ congregati plures prompteam acceperunt, scripsit enim eorum nomine *Petrus de Marca* nominatus tum episcopus Tolosanus ad Innocentium Papam litteras, quibus gratias ipsi egit. Aliter autem se gesserant Jansenii patroni, non quidem bullam Innocentianam respuebant, aut damnationem quinque propositionum reprobabant, sed solum Jansenii librum a censura pontificia subtrahere illis curæ fuit. Itaque palam profitebantur, damnare se propositiones illas quinque, *ubique ille fuerint*, sed eas in Jansenii libro reperiri negabant, excepta prima, cujus tamen sensum prout in Jansenio jacet ab illo pravo sensu, quem Innocentius damnavit quam longissime distare contenderant. Episcopi contra Gallicani, alique Jansenii inimici reposuerant, damnatas esse illas propositiones in sensu Jansenii, & quod si aliquæ eorum iisdem verbis in ejus libro non inveniantur, id parum interesse, cum ex contextu, scopo & circumstantiis luculenter ex eo deducerentur. Hinc novarum turbarum occasio, & nova utrinque scripta.

1. Es muy cierto que no estan en Jansenio las cinco proposiciones censuradas. Tambien es cierto que ni los Consultores ni los Cardenales de Roma habian leído el Agustino de Jansenio, ni lo podian leer; pero entences solo habia un capitulo en Roma; pero los Facultades hicieron imprimir por separado unas cuantas hojas con las dichas proposiciones, y las incluyeron en el cuerpo del Agustino, que entregaron al Papa. (Historia de la Bula de la Censo, part. 4. pag. 101 ubi author hujus operis provocat ad Tosini Tom. 2. pag. 64. & Hist. du Jansenisme Tom. 1.).

§. 380. Interea Galliæ episcopi veriti, ne patroni Jansenii ideo solum ejus librum tanto labore defendere cõdarentur, ut bullam Innocentii, quam palam revereri protestabantur, clam & per cuculculos everterent; anno 1654. Parisiis congregati præside card. Mazzarini octo commissariis Jansenii librum diligenter perscrut-

tandi provinciam demandarunt, quibus cum visum fuisset, damnandi propositiones sin minus conceptis verbis, saltem sensu per-
verso & proscripto in eo contineri, decretum in comitiis fuit: *quinque propositiones illas ad Jansenium pertinere, ejusque opi-
niones fuisse proscriptas*, quod Gallicanorum episcoporum de-
cretum postea ab Innocentio est confirmatum. Sed cum nec his
moverentur Jansenii defensores anno 1656., in generalibus Galliæ
comitiis constitutum fuit quoddam formulare ¹, cui quilibet sub-
scribere adstringebatur.

I. Jurebatur testari: *Damnare se corde & ore doctrinam quinque propositionum
Cornelii Jansenii in ejus libro, cui titulus Augustinus, contentas, quas Ponti-
fex & episcopi jam damnarunt, quæ doctrina S. Augustini non est, ut Jan-
senius contra hujus S. Doctoris mentem explicavit.* Huic formulario robor mag-
num adjevit Alexander VII. Innocentii X. successor declarans, quinque illas
propositiones ex Jansenii libro excerptas, ac in sensu ab eodem Jansenio inten-
to damnatas fuisse.

§. 381. Cum bene multi nec cleri Gallicani mandatis, nec Pon-
tificis confirmatione, nec Regis autoritate adduci possent, ut huic
formulario subscriberent, demum Alexander VII. celebrem edidit
constitutionem de anno 1665. die decima quinta Febr., in qua
alterum præscripsit formularium ¹, cui omnes subscribere tene-
rentur.

I. Erat hujus tenoris: *Ego N. constitutioni apostolicæ Innocentii X. datæ die 31.
Majj anno 1653. & Alexandri VII. datæ 16. Octob. anni 1666. summorum
Pontificum me subscipio, & quinque propositiones ex Cornelii Jansenii libro, cui
nomen Augustinus, excerptas, & in sensu ab auctore intento, prout illas per
dictas constitutiones sedes apostolica damnavit, sincero animo rejicio ac damno, &
ita juro. Sic me Deus adjuvet, & hæc sancta evangelia.*

§. 382. Hoc formulario Jansenii defensores ad ultimas angus-
tias redacti sunt, & tunc in varias quasi sectas abierunt, commu-
ne quidem erat eorum omnium principium, quætionem *facti* a
quætionem *juris* esse distinguendam, in his ecclesiam quidem esse
infallibilem, non item in prioribus. Hoc inquam erat commune
eorum principium, sed quantum ad subscriptionem, in varias dis-
trabebantur sententias. Quatuor episcopi nimirum *Alectensis, Apa-
miensis, Bellovacensis, & Andegavensis* nulla tergiversatione,
aut tacta simulatione uti posse censentes aperta fronte declararunt,
se formulario subscribere, & subscribi a suis ovibus jubere, quan-
tum ad quætionem juris, seu condemnationem quinque proposi-
tionum, sed quantum spectat ad quætionem facti, hoc est adtri-
butionem libro Jansenii se subscribere sine mendacio non posse,
apostolicæ tamen sedis autoritati se eatenus externe parituros, ut
religioso silentio nullas excitent turbas, quod externæ disciplinæ
ecclesiasticæ ordo exigit. His pauci alii adherentes muneribus om-

nibus, bonisque expoliari, exilium & alia mala perpeti maluerunt, quam formulario subscribere, quod sine perjurio se facere non posse aiebant. Alii tamen remissiores vitæ comoda cum Jansenii defensione conjungere cupientes minus aperte sunt refragati, & talem formulario subscriptionem se præstare profitebantur, qualem in ejusmodi circumstantiis ecclesia exigere semper solebat.

1. Pro certo autem habebant, nonnisi externam obedientiam ab ecclesia exigi posse, & solere. Hi autem hac acuta utebantur similitudine: si Rex *determinatum* hominem domo commorantem comprehendendi, in vincula conjici juberet, mandatum ex natura sua hominis comprehensionem tantum respiceret, domus autem designatio esset circumstantia accidentalis, quam mandatum Regis minime respiceret. At vero, subdebant, per Regem intellige Papam, per hominem ad vincula damnatum quinque propositiones, & per domum Jansenii librum. ecclesiæ ergo satisfit per hoc præcise, quod propositiones damnantur, ubicunque sunt, non autem necesse est credere, eas in Jansenii libro esse.

§. 383. Subscriptionem simplicem & puram non minus Rex quam Pontifex urgebat, & de judicandis condemnandisque quatuor supra memoratis episcopis serio cogitabatur, cum Alexander VII. anno 1667. vita decessit. In ejus locum successit est *Clemens IX.*, sub quo de pace in Gallia restituenda eo magis cogitatum est, quod quatuor illis episcopis alii novemdecim accesserant, & periculum majoris schismatis imminere videbatur. Archiepiscopus *Senonensis* rem hanc adgressus est, cui postea cardinalis *Etræus*, & episcopus *Catalaunensis* accesserunt: de hoc negotio cum Pontifice per ejus nuncium *Bargellinum* solo Rege peractis aliis consiliis secreto actum est, ac denique multis superatis difficultatibus memorati quatuor episcopi formularium pure & simpliciter subscribendum in suis diocesisibus proposuerunt, expresse tamen oretenus declarantes, se *factum a dogmate* distinguere, isti omnimodam, facto autem nonnisi externam reverentiam præbere. Submissas etiam Pontifici scripsere litteras, quibus peractis ad ecclesiæ pacem publice admissi sunt, eorumque exemplum reliquos post se traxit, ut nullus plane fuerit, qui formulario eodem modo non subscriberet.

1. Itaque qui carceribus detinebantur, libertate donati, qui in exilio degebant, aut occulti latitabant, ad patriam redire poterant, palamve prodire. Hæc est illa famosa pax *Clementis IX.* quæ tantam in Gallia lætitiâ peperit, ut illius memoria fuerit publicis munusculis pereunata. Porro triumphum celebant Jansenii patroni, palam evulgantes, Clementem sola externa reverentia circa factum seu religiosum silentio contentum, nec quemquam ulterius adigi, ut fateretur damnatas quinque propositiones in Jansenii libro reperiri.

§. 384. Hæc tamen decantata pax Clementis non diu duravit, iterumque pura & simplex formularii subscriptio sine omni explicatione addita exacta est, & refractarii munis suis se abdicare, solum mutare, omnisque generis molestias perpeti coacti sunt,

tantumque abfuit, ut postmodum benignius cum iis ageretur, quin potius aliqui in Belgio episcopi ad omnem fraudis suspicionem præcavendam formulario Alexandri VII. aliquid addere præsumpserunt, exigentes 1.) ut subscriberent non tantum in reverentiam constitutionum apostolicarum, sed etiam in veritatem earum, 2.) ut damnarent quinque propositiones ut excerptas ex libro Jansenii & in sensu a Jansenio intento, seu in prædicto ejus libro expresso, quæ res majorum turbarum causa extitit, ut Innocentius XII. immoderatum eorum episcoporum zelum compescere coactus fuerit, & propterea constitutione sua de anno 1694. præcepit duntaxat, ut juramentum præstarent *sincere absque ulla distinctione, restrictione, aut expositione damnando eas propositiones ex libro Jansenii excerptas in sensu obvio, quem ipsa propositionum verba præferunt*, vetuit autem quascunque additiones etiam sub prætextu, quod continerentur in formulario Alexandri VII.

§. 385. Clerus Gallicanus in conventu de anno 1700. eliminavit probabilissimum, & quasdam laxas Probabilistarum sententias damnavit (*Apud Bossuet. Tom. II. pag. 140.*). At non deerant irrequieti, qui novas quotidie turbas excitabant; prodit enim paulo post famosus *conscientiæ casus*, in quo a duobus doctoribus sorbonicis sciscitabatur: an possit sacramentalis absolutio alicui clerico denegari, qui formulario Alexandri VII. sincere subscripsisse testatur, quantum ad quinque propositionum damnationem, fatetur tamen, quantum ad questionem facti non nisi religiosum silentium se exhibere paratum? Hæc questio veluti sax fuit ad discordiæ incendium iterum renovandum; nam quadraginta doctores sorbonici proprio adposito nomine in Sorbona definiverunt, talem clericum absolvendum esse. Verum decisionem hanc damnavit *Clemens XI.*, doctores autem sorbonici decisionem suam retrahere coacti sunt.

1. Duos tamen, cum subscriptionem dicti casus revocare detrectaverint, e sinu suo expellendis Sorbona decrevit, nisi id intra unius anni spatium faciant, & reipsa alter eorum *Nicolas Fatio* — *pluribus editis libris clarus ob detrectatam subscriptionis revocationem e Gallia pulsus diu in Hollandia degere coactus est*, post autem in patria rediit anno 1719. a facultate in greniam fuit receptus, sed ejusmodi receptio a Rege in irritum missa est, & iterum exulare coactus. Denum anno 1724. exilio soluto Parisios remeavit, ubi tranquillam vitam duxit usque ad mortem, quæ contigit anno 1747.

§. 386. Denum cum aliqui exactam formularii subscriptionem præstare detrectarunt, potissimum prætextu famosæ pacis Clementis IX., & constitutionis Innocentii XII. Clemens XI. celebrem edidit constitutionem anno 1705, qua declaravit, ad veram apostolicæ sedis obedientiam *damnatum in quinque præ-*

§. 387. *Paschasius Quesnellus* plures evulgavit libros, sed ille præ ceteris famosus fuit, quem inscripsit: *Reflexiones morales in novum testamentum*. Hoc opus a multis ecclesiæ pastores maxime commendatum quadraginta fere annis omnium fere manibus in Gallia ferebatur, sed postea coeperunt nonnulli suspicari, Jansenii dogmata in eo latere, multi proin episcopi librum hunc ut perniciosum improbare, alii contra defendere pergebant. Causa itaque ad sedem Romanam delata *Clemens XI.* librum hunc proscripsit, bulla *Universi &c.* anno 1709. Idem etiam *Clemens* quinquennio post anno nimirum 1713. octava Septemb. celeberrimam edidit constitutionem dictam *Unigenitus*, in qua propositiones centum & unam ex eodem libro excerptas variis censuris in globo, & respective perstrinxit².

1. Natus erat Parisiis anno 1634. congregationi sacerdotum oratorii a Card. Be-rullio erectæ nomen dedit, quam tamen deserere postea maluit, quam Baji, ac Jansenii doctrinam præscribere. In Belgium se recepit, & Bruxellis diu vixit cum celebri Antonio Arna'do. Anno 1703. ab Humberto Guillelmo a Præcipiano archiepiscopo Mechliniensi in carcerem conjectus est, sed amicorum ope pariete carceris paulo post effracto in Hollandiam migravit, & octogenario major Amstelodami mortuus est anno 1719.

2. Has inter numero 85. ita sonat: *Interdicere Christianis lectionem sacræ scripturæ, præsertim evangelii et interdicare usum luminis siliis lucis, & favere, ut patiantur speciem quamdam excommunicationis.*

§. 388. Fuit hæc bulla non multo post a pluribus episcopis in comitiis Gallicanis recepta adjunctis quibusdam explicationibus, quas quadraginta episcopi edidere (*Explications des qu'onants*; Galli has vocant explicationes). Refragati tamen sunt illius receptioni cum Card. *Naiillio* archiepiscopo Parisiensi octo episcopi, aliique theologi. Recepta similiter fuit urgente Rege in Sorbona, quamquam non sine turbis, propter quas duo insignes theologi *Ludovicus Habert*, & *Carolus Witasse* fuere in exilium amandati, ita repente Gallia scissa est in *Constitutionistas*, & *Anti-Constitutionistas*.

§. 389. Post mortem *Ludovici XIV.* Gallix Regis (quæ secuta est 1. Septemb. an. 1715.). Duce Aurelianensi sub minorenitare *Ludovici XV.* regnum administrante hostes constitutionis vires denno sumpsere, & exules revocati. Hinc Sorbona 15 Decemb. anni 1715. nullam irritamque declaravit, bullæ receptionem a se factam, tanquam vi metuque exortam, cujus exemplum multi tum primi tum secundi ordinis viri ecclesiastici secuti sunt. *Clemens XI.* autem hac re vehementer commotus Sorbonam omnibus privilegiis a prædecessoribus concessis privavit, & tria brevía in Galliam misit¹, quæ tamen mandato Ducis Aurelianensis restituta sunt, ut ea Romam mitteret,

nec alia ratione quinque subsequentibus brevibus pontificiis Gal-
li obviam ibant ².

1. In primo Principem Aurelianensem rogabat Papa, ut autoritate sua constitutionis receptionem urgeat, in altero Noaillio cardinalitiae dignitatis privationem minatur, nisi constitutioni subscripserit, & tertium ad episcopos Galliae directum erat, & terminus iis positus, quo elapso qui subscribere recusaverint, deponendi essent.

2. Inde numerus Anti-constitutionistarum in dies major, & eo jam devenit, ut quatuor episcopi Gallicani ad futurum concilium generale adpellaverint, quibus se junxit Cardinalis Noaillius, & huic Sorbona, aliaque magna personarum ecclesiasticarum copia. Hoc modo exorti sunt *Adpellantes*.

§. 390. Cum jam in apertum schisma res vergere videretur, Dux Aurelianensis utrique parti silentium imposuit, Papæ vero proposuit, optimum fore ad concordiam restituendam, si clerus non urgeretur bullam recipere, prout jacet, sed eidem adiungendum esse *Corpus doctrinae* a Noaillio confectum, id est, bullæ hujus declarationem; verum cum Papa adpellatione ad futurum concilium facta commotus jam fuerit, receptionem constitutionis sine omni conditione aut explicatione urgebat. Restitit ei suprema curia, at Papa in suo proposito constans litteris anno 1718. datis, quarum est initium, *pastoralis officii* &c. omnes adpellantes, & qui bullam *Unigenitus* recipere detrectabant, a romanæ ecclesiæ communione alienos declarat. Sed qui a constitutione adpellarunt, etiam adpellarunt e sententia excommunicationis, eamque promulgari parlamentum vetuit.

§. 391. Anno 1719. Card. Noaillius litteras pastorales edidit, quibus Constitutionistas satis pressit. Congregatio Romana S. officii eas damnavit, parlamentum contra decretum sacri officii suppressit, quod Papa adeo indigne rulit, ut recusaverit confirmationem impertiri episcopis a Duce Aurelianensi nominatis, at cum Dux ad concordata inter *Franciscum I.* Galliarum Regem, & *Leonem X.* Papam inita provocaret, Clemens ad majora mala evitanda a proposito destitit.

§. 392. Ex hucusque dictis adparet, ac si Anti-constitutionistæ contra suos adversarios victoriam tulissent, verum scena mox mutata est. Papa & episcopi, qui receptionem constitutionis urgebant, probe intellexerant, adversarios suos facile vin-
ci posse, modo Noaillius ab eorum divelleretur partibus, nec frustranei eorum erant conatus; nam subscripserit Noaillius bullæ *Unigenitus* anno 1720, attamen conditionate; conformiter nimirum *corpori doctrinae* a se confectæ, qua re minime tamen contentus erat Papa *absolutam* bullæ subscriptionem continuo

urgens. Interim p̄lamentum subscriptionem Noaillii registerio publico inserere regio mandato jubebatur, quod etsi primitus recusaret, tandem non sine magnis motibus fecit ¹. Tandem ipse etiam Noaillius cessit; nam sub Benedicto XIII. subscripsit bullæ sine omni conditione, & in litteris anno 1728. ad Pappam datis suam etiam instructionem pastorem revocavit. Deum *Ludovicus XV.* Galliarum Rex publico registerio inserere parlamentum jussit: omnes illos, qui bullam *Unigenitus* recipere recusant, aut ad futuram conciliam generale appellat, pro inhabilibus ad omnia officia ecclesiastica, imo pro rebellibus habendos esse ².

1. VI. hujus declarationis regie 1.) receptio bullæ *Unigenitus* omnibus imposita, simulque prohibitum Noaillii *instructionem pastorem*, aut *corpus doctrinæ scriptis* impugare, 2.) omnes appellaciones ad futuram conciliam generale interdictione, 3.) utrique parti prohibitum sibi invicem hæreses notam impingere.

2. Interim tamen Jansenistæ, & Anti-constitutionarii nunquam non multos habebant a seclis, quod quidem duplici ex causa factum ajunt: nam imperialis Jansenistæ Gallicæ mira dicenti suavitare pollebant, erantque elegantissimi Gallici scriptores, præterea miraculorum domo gloriabantur, jam eam præcedenti seculo in monasterio portus regii quedam miracula a Jansenistis parata fuisse ipsi narrant, præterea autem seculo quidam *Franciscus a Paris* Jansenistæ & Anti-constitutionarii, qui prius Luthæ Parilorum diaconus erat, dein vero in solitudinem secessit, & interea egit vitam multa miracula patrisse narratur quibus tamen immorari non vacat (Qui plura hæc de re capit, adeat continuatorem *Moshemil Christoph. ab Einem Tom. ult.*).

§. 393. Transeamus ex Gallia in Belgium. Antè promulgatam bullam *Unigenitus* Jansenistæ in Belgio Hispanico refugium invenerant, postquam autem hæ provincie sub ditionem venerant austriacam, Imperator *Carolus VI.* anno 1723. utrique parti silentium imposuit ¹, Memoratu dignæ sunt etiam litteræ ejusdem Imp. Caroli ad cardinalem de *Aliban* legatum & ministrum suum Romanum datæ, in quibus bullam *Unigenitus* bullam nominat infamam, motus propter illam in Belgio austriaco exortas nervose describit, & propterea Papæ nunciari vult, se quæ Imperatorem & populi sui protectorem obligatum esse, ut pacem publicam ex *felici* bullæ ignorantia hucusque conservatam potro conservare studeat.

1. Cum anno 1720. episcopus *Andreas* libellum sequenti modo promulgasset: *Quoniam per nos, ut patet, atque aperte ab omni bulla separati fuerint, qui actionem constitutionis Gallicæ restituerunt, ad generalis concilii in electione radunt, Imperatoris Stanis Theresie omnia eximaria supportum prout, & episcopum ad obsequium suum de servando circa hæc bullam silentio revocavit. Proinde vero ad obsequium nostrum in memoriam concilii revocanda est constitutio ab Ant. Iul. Josepho II. in hac materia anno 1721. die 4. Maji lata. Quæ constitutio innotat quodlibet hæc canonicis multis dignis, quæ in omni parte in concilio innotat no solo se hanc sententia a introduci in bulla unigenitus eo potest diocesis a perma-*

quamvis insolita hæc sanandi methodus ab imposturis & falaciis minime immunis fuerit ¹, ingens tamen illorum erat numerus, qui illius querebant auxilium ².

I. Omnes enim testes oculati, qui his intererant operationibus, unanimiter testantur, eum durante exorcismo oculos suos in patientem, & hunc vicissim in illum innabiliter defixisse, rauca & imperiosa voce dæmonem ad producidos paroxysmos impulisse, simulque manu una frontem, altera cervicem infirmi pressisse, aut totum corpus quassasse, sine his autem attrectationibus nullos paroxysmos fuisse secutos. Accedit, quod per exorcismum sanatis ad cautelam, ne morbus recurrat schædam exorcismi, ut se ipsos exorcizare potuerint, pulveres, & oleum benedictum dedit.

2. Nam *Elwangum* ad viginti millia ex Bavaria, Suevia, ducatu Bremensi, aliisque provinciis non Catholici modo, sed etiam aliarum sectarum (nam neque Judæos a se arcebat, quos quidem non nomine Jesu uti Christianos, sed nomine *Yehova* exorcizavit) convenerant, & Ratisbonæ tria millia opem ejus expectabant. Pone jam simplicitatem & superstitionem Catholicorum æque ac Protestantium, qui illic convenerant, quantamcunque velis, vix tamen concipi potest, quomodo tam brevi temporis spatio nimirum a mense Octobri anni 1774. usque ad Decembrem anni 1775. tot millia sibi persuadere potuerint, se esse a dæmone obsessos aut circumsessos, præsertim cum circumsessio simplicissimis etiam hominibus res fuerit prorsus ignota, cujus ne quidem vocabulum unquam audierant, nam nemo hominum ante Gassnerum de dæmonis circumsessione unquam somniavit.

§. 396. Ut autem multos habebat Gassnerus patronos, attamen plures nactus est adversarios ¹. Primus, qui exorcismos ejus improbavit, erat episcopus *Constantiensis*, hunc secutus est Archiepiscopus *Trevirensis*, qui in sua diœcesi operationes has exerceri vetuit, Archiepiscopi vero *Salisburgensis* & *Pragensis* litteras pastorales contra illum evulgaverant, Elector *Bavariæ* theatrum exorcismorum *Monachii* adperire inhibuit, tandem Imperator *Josephus II.* motibus his finem imposuit, & patronos ejus episcopum *Ratisbonensem*, ac Præpositum *Elwangensem* eum amandare jussit, prohibuitque, ne unquam sibi præsumat in quacunque imperii Romano-Germanici provincia operationes suas exercere, quæ inhibitiō eo necessarius fuit, quia non tantum *Ambergæ* Capucinum & in *Bohæmia* plures presbyteros, sed etiam in *Italia* aliquot fratres mendicantes imitatores nactus est, quibus tamen ubique resistebatur ².

I. In hac causa ultra octoginta prodierunt scripta, quæ inter præcipua sunt:
1.) Las predichas curas de Gassner contradas con documentos autenticos, y apoyadas con testigos de esta, año de 1775. por Sternberger. 2.) pregunta política: si un Príncipe que gobierna católico podrá ser indiferente por mas tiempo á las curas de Gassner en sus estados.

2. Ob censuram duplicem, ut emenditi conjiciant, Gassnerus imposturam hanc excoctam in Pira eorum erat, ut *A. de la M. de la M.* sententiam de nullitate magis recte evocet, non præsumat altera is magiam realem scriptis suis impugnare, altera fuisse perhibetur vindictio Jesuitarum, ut demon-

tret, quantam utilitatem illa societas ecclesiæ adtulerit, quæ a sanctissimo nomine Jesu, cujus virtute morbi depelluntur, compellata fuit. Ad hanc firmandam conjecturam varia concurrunt: nam 1.) circa idem tempus, quo societas est extincta, suos cepit exorcismos, 2.) in Jesuitarum scholis educatus fuit, nec desunt, qui eum tyronem societatis fuisse adfirmant; accedunt 3.) varia facta fide digna, quæ inter istud satis est memorabile: dum quamdam feminam nomine *Charubeyin* per exorcismum liberare, seu morbum ab eo immissum depellere adlaborabat, dæmon, a quo circumfessa putabatur, dixit: *Vosotros hombres habeis perdido un grande apoyo con la extincion de los Jesuitas; pero yo he sacado mucho provecho. A la pregunta de Cassner: ¿no has causado tú este horrible destrozo? Respondió el, si y debes creer que en las cuatro partes del mundo he hecho lo mismo.* Hæc publicis protocolis sunt inserta.

§. 397. Postquam festa nimium fuerint multiplicata, atque inde maxime populorum parti justam victitandi spem & occasionem¹, quin & ut fere solet fieri ob nimiam eorum frequentiam contemptui haberi, sæpius synodi & scriptores a quatuor jam seculis conquesti sunt, numerumque eorum esse imminuendum proposuerunt. Seculo XV. eadem querelæ a Patribus concilii Constantiensis fuere renovatæ (*Hardius de reb. conc. Constant. T. I. col. 733.*) & seculo XVI. in concilio Trevirensi anno 1549. de novo, nulla tamen adhibito remedio repetitæ, quibus tandem *Urbanus VIII.* permotus seculo XVII. de numero festorum saltem figendo consilium cepit edita Romæ constitutione anno 1642. (*in Bullar. M. T. V. fol. 376.*).

1. El católico tiene en el año 120. dias de descanso, y el protestante 60: de suerte que el primero está ocioso la tercera parte del año y el otro la sexta. (Pensamientos de Beaumelle.)

§. 398. Postmodum Papa *Benedictus XIV.* urgentibus quibusdam Principibus Catholicis festorum multitudinem contraxit, & intuitu festorum superstitem fideles sola obligatione audiendi sacrum obstrictos esse voluit concessa plena libertate & licentia hisce diebus operibus & laboribus servilibus vacandi¹. Cum vero nec hæc indulgentia inveteratis abusibus radicitus evellendis par esset, *Clemens XIV.* immortalis memoriæ Papa hanc quoque obligationem audiendi missam remittere & hoc modo edita Romæ anno 1771. constitutione dies festos fere omnes exceptis principalioribus tollere decrevit, quæ in omnibus provinciis austriacis prævio placito regio est promulgata.

1. Benedictus anno 1743. theologorum quorundam consilia hac super re sibi communicari jussit, verum superstitioni & spuria pietas bono hujus consilio resistit, & ingens scriptorum copia contra Pontificem prodit, quibus se datam præbuit Cardinalis *Quirini*, doctissimus contra *Muratori* Pontificis militiam defendere est jussus, ita repente Italia in duas factiones est divisa, neque finis litis antea, usque dum Papa utrique parti sub pænarum comminatione anno 1748. silentium imposuit.

§. 399. Originem festi *cordis Jesu*, quod non modicam puritati religionis inussit labem, vulgo repetunt ab eimentita revelatione, quam factam ajunt in Gallia pie feminae, admodum tamen illuxæ *Margaritæ Mariæ Alacocque* Urbanus IV. quidem anno 1264. festum corporis Christi in universa ecclesia celebrari voluit, quod usque ad seculum XVII. unicū erat illorum, quæ ad corpus Christi relationem habent, verum anno 1697. Jesuitæ a sede Romana festum cordis Jesu impetrare studebant. Congregatio rituum ut eorum votis saltem ex parte annuere videretur, loco festo cordis Jesu festum quinque vulnerum instituit, eo quod vulnera nihil aliud sint, quam ipsum Christi corpus lancea & clavis perforatum, sed cum Jesuitæ ternis vicibus pro institutione festi cordis Jesu supplicassent, tandem 6. Februarii anni 1765. sedes Romana eorum votis annuit, & festum hoc prima die post octavam corporis Christi, quæ incidit in feriam sextam, celebrare indulsit².

1. Spiritum erroris cognoscere inde possumus, quia non Christus totus & totum, sed particulatim, hoc est, secundum partem corporis adorandus proponitur, non ergo a Deo, sed a moderatore feminae hujus *Columberio* olim extinctæ societatis Jesu alumno revelatio hæc originem suam habet. Post id temporis mirum est, quibus conatibus Jesuitæ cultum cordis Jesu propagare studuerint, miracula ipsa & visa de cælo ostentarunt, sed non successu satis felici; cum enim pro ea qua pollebant autoritate effecissent, ut Romæ evulgaretur, totumque inde propagaretur per orbem effatum S. Aloysii, quod beatus nunciatus de cælo in cubiculum tyrannuli Lojolitæ *Cælestini* delatus, eique in visione adparens tanquam ex Dei ipsius ore revelavit, cultum cordis Jesu esse universæ curiæ cælesti gratissimum, idem ille Nicolaus Cælestinus, qui ad hunc cultum propagandum sauitati a S. Aloysio restitutus esse dicitur, propediem Tusculi mortuus est.

2. In decreto congregationis rituum clare est expressum, ideo cor Jesu esse colendum, quia *symbolum* est vel signum amoris Christi erga genus humanum, cor ergo *symbolum* aut figuratum, non *carneum* colere sedes Romana indulsit, verum radis populus, cujus caprum distinctio inter cor symbolicum & carneum superat, colendo cor carneum a toto Christo separatum in proxima idolatriam committendi est occasione.

§. 400. Reformationem ecclesiæ in capite & membris concilium Constantiense & Basileense, uti dictum fuit, jam meditabatur. Cum deinde ad componendum dissidium Catholicos inter & Protestantibus exortum convocatum fuisset concilium Tridentinum præter causam fidei etiam agebatur de reformatione, sed cum aula Romana reformationem sui semper abhorruerit, nihil intentatum reliquit, ut in hoc concilio omnia ad nutum & arbitrium Pontificum gesta sint, quod cum ingenti rei christianæ detrimento factum est.

1. Hoc hoc ultimum ex generalibus hucusque celebratis. Varios ejus status, seu epochas enarrare possumus: Cæptum est sub Papa Paulo III. 13. Decemb. anni 1545., continuatum sub Julio III., absolutum sub Pio IV. die 4. Dec.

anni 1563., sub Paulo sessiones 11. celebratæ, 8. Tridenti, 3. Bononiæ, sub Julio 5. sessiones habitæ, reliquæ sub Pio, universim autem 25. constabat sessionibus.

§. 401. Imprimis jam de titulo synodi concertatio est exorta; plurimi enim ex episcopis singulorum decretorum titulo addi volebant hæc verba: *universam ecclesiam* repræsentans a concilio Constantiensi & Basileensi usurpata. Restiterunt legati Pontificis, alique episcopi Italiæ speciosis quibusdam rationibus ¹. In primis congressibus etiam acriter disputatum est, num a dogmatum definitione, vel a reformatione inchoandum esset? postremum hoc optabat Imperator, quia hoc identidem Germani & ipsi Protestantæ postulabant, legati vero pontificii & qui illis adhæserant, a dogmatum definitione inchoandum censebant variis speciosis rationibus freti ².

1. Vera autem ratio, ob quam legati eam inscriptionem rejecerant, ea fuit, quam in synodis quidem congregationibus dissimularant, sed quam adperuerunt Pontifici (et constat ex *Farnesii* litteris 5. Januarii anno 1564. datis) quod scilicet metuerent, ne hac inscriptione admissa plurimi Patrum eo quodque verba addi postularent, quæ synodo Constantiensi & Basileensi fuerant adjecta: *Quæ synodus a Christo immediate habet potestatem, cui quilibet cujuscunque status & dignitatis etiamsi papalis existat, obedire tenetur.*

2. Præcipua ratio, quæ Pontificem & legatos ad protrahendam reformationem impulit, metus erat, ne synodus hæc ab aula Romana inchoaret, & potestatem suam supra Pontificem efferret, ut fuit *Palavinus* hist. conc. Trid. l. 6. c. 7.

§. 402. Optabant plerique, ut suffragia numerarentur secundum nationes, sicut in concilio Constantiensi est factum, at factio Pontificis impetravit, ut vota *viritim* colligerentur. Per hoc autem mirum in modum Imperatoribus & Principibus, qui reformationem in capite & membris exoptabant, illudebat Papa; nam ex quatuor nationibus principalioribus nimirum hispanica, germanica, gallica, & italica sola hæc ultima legatis & factioni Pontificis fuit dedita, si itaque secundum nationes suffragia numerata fuissent, tres ceteræ nationem italicam votorum pluralitate superassent, atque ita omnia ad nutum & arbitrium Pontificis agi non potuissent, at vero cum vota viritim collecta fuerint, tantum numerum episcoporum Italiæ ad concilium misit ut contra episcopos ceterarum nationum votorum pluralitatem efficere potuerint ¹. Imo adeo sollicitus de conservanda sua curia fuit Papa, ut episcopis pauperioribus pecunias e camera apostolica subministrari curaverit, iisque pinguiora beneficia promiserit, dummodo juvarent votis suis potestatem pontificiam supra concilium fulcire, jura Regum & episcoporum depræmere, monachorum corruptionem laudare, & ita reformationis negotium infringere.

1. Hoc ut facilius obtineatur, etiam Abbatibus & præpositis generalibus ordinum religiosorum jas suffragii est tributum, qui potissimum præ ceteris intenti erant auctoritatem pontificiam supra omnem modum extendere. Exortus fuit non diu ante concilii initium ordo Jesuitarum, quorum præpositus generalis *Lainez* desiderio Principum quoad reformationem curiæ Romanæ & cleri maxime restitit.

§. 403. Inde factum, ut in negotio reformationis ferme nihil ex iis statutum sit, quæ Imperator, alique Principes desiderarunt; legati enim proponebant, quæ in deliberationem mittebantur, quæ autem proponenda sint, ab aula romana determinabantur, nihil enim ad deliberandum proponebant, nisi prius Roma fuisset missum, & Pontifici placuerat ¹. Cum itaque aula Romana his astutiis usa fuisset, Imp. *Ferdinandus* durante adhuc concilio ad *Pium* Papam litteras dedit querelis plenas ². Quod autem Papæ pleraque in hoc concilio e voto successerint, nihilque eorum, quæ Imperator & alii Principes reformari considerabant, factum sit, id causæ in eo quoque est reponendum, quod oratores & theologos Principum Papa corruperit, & dominis ad partes suas traxerit ³.

1. Hinc cum sess. XVII., quæ sub Pio IV. prima fuit, particula *proponentibus legatis* decreto fuisset aposita, magnas ea contentiones excitavit ex parte præsertim episcoporum Hispaniæ, qui eam ob novitatem impugnabant, & quod violatæ aut imminutæ libertatis concilii argumentum sit, at nihil cordati hi effecere episcopi, quoniam factio pontificia & monachi numero plures eam particulam adprobant.

2. Conquestus est Imperator: quod concilium non eo modo ac ordine procedat, quo pii vellent, & aflatos rei christianæ status exponeret, quod sequitur negotia tractentur, quod Patres contentioneibus & dissidiis distraherentur, misit etiam ad concilium volumen postulatorum, cujusmodi erant: ut Pontifex se ipsam & curiam Romanam reformari benigne patiatur. ut numerus cardinalium reducatur, providetur ne fiant amplius dispensationes scandalosæ, ut recedantur exemptiones passim contra communia jura concessæ, ut tollatur beneficiorum pluralitas, ut ecclesiastica sub utraque specie decernatur, in usu carnis & jejuniis de pristino rigore aliquid remittatur, conjugium sacerdotum quibuscumque indulgeatur. Extant tum litteræ, tum articuli apud *Goldastum* secunda constitutionum imperialium parte. Similes articuli a Gallie Rege ad concilium missos Idem *Goldastus* parte tertia narrat ad illa ejusdem adversus concilium protestatione solemnem, in qua inter alia Galli Patres concilii sic alloquantur: Quid vobis judicandum proponitur, aut a vobis judicandum publicatur, quod non prius Roma missum, & Pio IV. placuerit? — Cum nihil a vobis, sed omnia magis Rome quam Tridenti agantur, & que hic publicantur, magis Pii IV. præcepta, quam concilii Tridentini decreta jure existimantur, denunciamus, & protestamur, quæcumque in hoc contentu hoc est solius Pii IV. nutu & voluntate discernuntur & publicantur, ea neque Regem christianissimum probaturum neque ecclesiam gallicam pro decreto concilii æcumenici habituram.

3. Hujus rei testis est epistola, quam scripsit Cardinalis *Moronus* legatus Pontificis die 17. Martii anni 1563. Refert eam author libri: *historia de la bula de la concie*, eoque ex ipso originali & chyrographo demum hujas tenoris: *contiene d las ideas de S. S. lo breves algunos regatos d ester ministros imperiales tanto en dineros como en alhajas de oro y plata, y otros que todo sea bien e provecho. Al qual concilio de S. M. el doctor Saldaña, may estimado del emperador, lo regalado una copa y un plato de plata que está trabajada en Flandes y costo 157. escudos de oro, y es un milagro que lo recibiese. A la esposa del gran mariscal, que es la primer dignidad de*

imperio, por quanto no era regular dársele á él, le he enviado un aderezo que costó 120. escudos de oro. En dinero se han dado á Canisio 190. escudos por ría de limosna para la compañía de Jesus: otros 100. al P. confesor y predicador de S. M. Zitaldo, y otros tantos á Conrado Bruno, y se los he dado con tanto mas gusto por haber oido que se queda en la Corte para tomar en consideracion, de órden de S. M. las materias teológicas que ocurran. A Stasilo he dado igualmente 200. escudos de oro, por ser un sábio que siempre está en la corte imperial ó en la de Baviera. S. S. le ha ofrecido 300. florines anuales, y él desea que se le paguen en Ausburgo, para usar de ellos segun le acomode. Como esto le es muy provechoso y á la Cámara Apostólica no le resulta perjuicio, suplico &c. Todo cederá en servicio de S. S. que sacará gran provecho de estas gentes que quedan contentas. Idem author in citato opere dicit: Ha costado este concilio muchas cantidades á la corte de Roma, adonde fue el dinero de los estados de aquellos mismos príncipes que mas deseaban la reforma.

§. 404. Perspicimus nunc rationem, cur quædam nationes concilium Tridentinum quoad decreta reformationis aut plane non, aut nisi certis sub conditionibus receperint. Hispania diu cum Pontifice de ejus receptione certavit, & postremo non aliter, quam *salvis Regum Hispaniæ juribus* illud recepit. Gallia vero decreta reformationis constanter tam publice quam privatim rejecit, quia Regum juribus & libertati ecclesiæ gallicanæ repugnant. Hungaria etiam concilium hoc nunquam publice recepit, at multa jam subsequentibus Imperatorum legibus sunt abrogata.

§. 405. Cum tali modo aula Romana sui reformationem declinasset, Pontifices, suorum prædecessorum vestigiis inhærentes, pergebant jura Principum civilium sibi arrogare & supremum in ecclesia agere monarcham; nam Pii IV, sub quo concilium Tridentinum finitum est, successor Pius V. author erat bullæ illius percelebris, quæ bulla *in cæna Domini* dici solet, qua quidem nihil erat oportunius ad potestatem pontificiam firmandam, & jura Regum deprimenda, si recepta & observata ubivis fuisset.²

1. Hæc adpellatio ideo ei est data, quia ad tempora usque Clementis XIV. quotannis in hebdomade majris feria quarta, qua memoria cæne Domini celebratur, prælegi seu promulgari solebat. Bullam hanc subsequentes Pontifices variis additamentis auxere, eam vero formam, quæ hodie habetur ei dedit Urbanus VIII.

2. Ut enim cetera præteream, dicitur ibidem, 1.) excommunicamus omnes hæreticos, eorumque defensores, factores & receptores, 2.) excommunicamus omnes ejusque status a Papa ad futurum concilium generale adpellantes, 3.) excommunicamus omnes, qui in terris suis nova pædalia veniebant, præterquam in casibus sibi à jure, vel ex speciali sedis apostolicæ promissis imponunt vel augent, 4.) excommunicamus omnes falsarios litterarum apostolicarum (quam excommunicationem Rehusius alijque inepti canonice adeo extenderant, ut eam quilibet incurrit, qui vel contra aut punctum in bulla Pontificia radit) 5.) excommunicamus omnes illos, qui à Sinarum, Turcarum, aut hæreticorum dominiis transmittunt epistolæ, ferunt, ferunt, non ferri, stamen, chalybem, omniisque aliam metallorum genera atque bellica instrumenta, ligamina, fuses &c.

§. 406. Non tamen his suis conatibus efficere poterant Pontifices, quin Imperantes civiles identidem jura sua vindicare studuerint, hinc sæpius inter eos ac aulam Romanam contentiones Offert se sunt exorta. hic primo loco controversia *Pauli V.* cum republica Veneta, de qua supra jam mentio facta est (§. 366. 1); nam cum bulla interdicti a Papa Venetias missa fuisset, Dux reipublicæ, qui tunc erat *Leonardus Donatus*, omnibus Patriarchis, Archiepiscopis & episcopis sui territorii decretum edidit, quo declarat, bullam interdicti *non modo ut injustam, indebitamque, verum etiam uti nullam, nulliusque valoris habendam esse, atque ita invalidam, irritam & fulminatam illegitimè & de facto, nulloque juris ordine servato, ut ea remedia adhibenda nos duxerimus, quibus majores nostri & alii supremi Principes usi sunt cum Pontificibus, qui potestatem sibi a Deo in ædificationem traditam transgressi fuerant* '.

1. Parebant fere omnes episcopi senatus decreto, & nulla interdicti ratione habita sacri more solito, peragebant, Jesuitæ tamen obtemperare renuebant, qui etiam Theatinos & Capucinos, ut idem facerent, exemplo suo adduxerant. Interea Pontificem inter & Venetos nata dissidia crescebant. Magnas in hac lite partes habuit Fra-Paulo Sarpi theologi Veneris ex ordine Servitarum, qui scriptum quoddam sub nomine *Considerationum* evulgavit, quo leges reipublicæ Venetæ ut æquissimas defendit, & exemptiones clericorum beneficiis Principum concessas probavit. Pugnatam contra pro Pontifice Baronius & Bellarminus præcipue. Dum scriptis pugnam fecerat, prope ad arma ipsa deventum fuisset, nisi *Henricus IV.* Galliarum Rex mediatorem sese interposuisset. Propositæ sunt itaque mutæ pacis conditiones, inter quas Papa illud maxime desiderabat, ut Jesuitæ in pristinum statum restituerentur, verum senatus nullo modo adduci potuit, ut in id consentiret, ita ne Jesuitarum exitium ex Venetia durabatur ab anno 1606. usque ad annum 1657. id est annis 50, e. e. enim anno precibus multorum Principum inprimis vero *Ludovici XIV.* exigita reipublica restitutum concessit. Ex hoc tempore Pontifices damno su sapientes excommunicationibus & interdictis in Principes & integras provincias læsabatuerant, audientesque adeo fuere dicto *Niccolai Pontani* Venetorum Duci: *Un salotto Pontificis conurto con anathematibus & heresi instar gladii pagine inclusi. non tenere Hirsingradum, ne discerent homines quæ modo telum ante oculos, qui etiam Gregorius XIII. obstitit non dubitavit, esse verendum, ne Veneti, qui Greci olim fuissent, a Papa irritati e Latio in Græciam migrarent.*

§. 407. Si Lusitanis tantum animi fuisset, quantum Venetis, æque terminata lis fuisset, quam cum illis *Urbanus VIII.* an. 1641. suscepit, & ad annum 1666. gessit. Lusitani enim *Joannem* Ducem Bragantinum exturbatis Hispanis Regem sibi creaverunt. *Urbanus* & successores ejus nec hunc qua Regem Lusitanie salutare, nec episcopos ab eo nominatos confirmare voluerunt. Quæ e re id evenit, ut maxima terrarum Lusitanie partia episcopis carendum esset, volebantque Pontifices potius contra officium suum greges sine pastore relinquere, quam Regem Hispaniæ offendere. Exhortati sunt Lusitanorum Regem cum alii tum maxime Galli, ut Venetos æmularetur, & in concilio provinciali invito Pontifice episcopos suos confirmari curaret, &

videbatur interdum fortiter agere velle, sed audentem aliquid tum inquisitionis auctoritas, tum incredibilis populi erga Pontificem voluntas retraxit. Quocirca post annos demum 25. pace cum Hispanis facta *Clemens IX.* episcopos a Rege constitutos confirmavit.

§. 408. Gallis a multis jam seculis perpetuum fere cum Pontificibus certamen erat, quod ut alias ita etiam seculo XVII. aliquoties in apertum bellum erupit. Pontifices si quid calide & constanter, hoc certe per totum seculum egerunt, ut sensim *libertates*, quas vocant, *ecclesie Gallicane* aut tollerent aut enervarent. Sed validissima semper his machinationibus munimenta opposuerunt cum supremus senatus, seu *Parlamentum* Parisiense, tum fortissimi scriptores *Edmundus Richerius*, *Jo. Launojus*, *Petrus de Marca*, *Lud. Elias du-Pin* & alii, qui majorum decreta alius tamen alio animosius & doctius repetere, & novis rationibus firmare ausi sunt.

- I. Non semper quidem aula generosis his viris quod merebant præmium persolvit, imo sæpe iniquam sese illis præbuit, quo indignanti & minanti Pontifici gratificaretur: nec tamen multum inde utilitatis ad curiam Romanam pervenit. malunt nimirum Gallie Reges jura sua tacite custodiri, quam verbis & rationibus publice cum strepitu & impetu quodam defendi (ideo *Voltaire* de modo loquens, quo aula gallica jura sua contra romanæ curiæ insultus servare studet, ingeniose dixit: *Rex Gallie Papæ pedes osculatur, & manus ligat.*) Quando vero lenitatem hanc ad suam potestatem dilatandam adhibere vident Pontifices, Gallorum se Reges esse recordantur.

§. 409. Prima pugnarum seculo isto inter Pontificem, & Gallos exortarum in tempus *Alexandri VII.* incidit, & Corsorum, quæ prætoriani sunt Papæ milites, temeritati debetur, utpote qui anno 1662. legato Regis Marchioni *Crequio* ejusque uxori instinctu nepotum *Alexandri* insultare audebant. Injuriam hanc bello ulcisci Rex Gallorum voluit; nam *Avenionem* occupavit, & exercitum in Italiam misit. Donavit tamen pacem Pontifici clementiam Regis impetranti Pisis anno 1664. ea inter alia conditione, ut nepotem *Lutetiam* deprecandi causa mitteret, & Corsorum gentem publico edicto infamiae nota inureret.

§. 410. Hæc tamen lis Regi non tam cum Pontifice qua *ecclesie capite*, quam qua Principe territoriali erat. Cum ipso Pontifice qua Pontifice Rex congressus est anno 1673. sub *Innocentio XI.* materia certaminis erat, ut a Gallis vocatur, *jus regalie*. *Ludovicus* Rex omnes omnino regni sui ecclesias juri regaliæ subjicere voluit, *Innocentius* fieri hoc posse n gavit, & larius jus hoc patere, quam patuerat antea noluit (*Ludovicus* enim aliquas provincias urbesque *Noviomagensi* pace constituta suo imperio adjunxit, ad quas jus regaliæ antea ibidem non

usitatum extendere statuit). Rex monitis & épistolis Pontificis leges & mandata opposuit, cumque Papa novos episcopos a Rege nominatos confirmare noller, ipse eos in episcopos consecrari regia autoritate curavit, & anno 1682. celebrem illum episcoporum suorum conventum Lutetiæ Parisiorum nomine *Congregationis generalis cleri Franciæ* insignitum convocavit, in quo antiqua Gallorum dogmata de potestate Pontificis mere spiritali denuo solemniter ab omnibus sunt probata, & universo clero non minus quam academicis inviolandæ regulæ loco propositæ quatuor celeberrimæ propositiones², ob quas certamina quædam litteraria sunt exorta³.

1. Vi juris hujus Reges Galliæ mortuis episcopis fructus & redditus illorum colligunt, & beneficia in diocesi defuncti episcopi vacantia conferunt, donec novus in locum defuncti succedat. Reditus ejusmodi, qui a morte episcopi, aut alterius beneficium ecclesiasticum habentis usque ad ejusdem collationem novam fluunt, communiter redditus *interea* res dicuntur. Hi juxta jus pontificium aut successori in beneficio dari, aut in ecclesiæ vacantis utilitatem impendi deberent, juxta praxim vero hodie in terris Austriacis usitatam ad augendum fundum religionis destinati sunt.
2. Harum prima ita sonat: Papa, imo ecclesia nec directam nec indirectam in temporalia Principum habet potestatem. 2.) concilium generale est supra Papam. 3.) potestas Papæ limitanda est & restringenda juxta canones, 4.) Papæ decisiones in rebus fidei sine consensu ecclesiæ non sunt infallibiles.
3. *Innocentius XI.* has propositiones tam publice quam privatim oppugnari curavit. Princeps omnium, qui Pontificis partes egerunt, facile est *Celestinus Sfondratus* cardinalis, qui atscit: nomine *Eugenii Lombardi* edidit: *Regale sacerdotium Romano Pontifici assertum & quatuor propositionibus explicatum* anno 1684. Formæ litterarum docent, librum apud Helvetos vulgatum esse. In reliqua multitudine Italicorum, Hispanorum, Germanorum, qui Pontificis partem arripuerant, eminet *Nicolaus du Bois* Lovaniensis doctor, a quo aliquot hujus argumenti libelli exarati sunt, quos *Boruetus* memorat. Hos omnes idem *Jac. Benignus Bossuetus* Meldensis episcopus jussu Regis sui erudito opere profligavit, quod tamen post fata ejus prodijt sic inscriptum: *Defensio declarationis celeberrimæ, quam de potestate ecclesiastica sanxit clerus gallicanus 19. Martii anno 1682. Luxemburgi 2. vol. 1730.* Vetuit nempe Rex defensionem hanc in lucem proferri, quia post *Innocentii* obitum magna spes pacis appareat, quæ etiam paulo post est secuta. Tandem controversia hæc de jure regaliæ temperatione quadam adhibita composita est, uti exponit *Fleury* in instit. jur. eccles.

§. 411. Nullo vero tempore autoritas Pontificis adeo imminuta est, quam præsentem, quod vivimus, seculo¹, ex illo præsertim tempore, quo jura ejus adventitia vehementer impugnaverit author libri, cui titulus est: *Justini Febronii jurisconsulti de statu ecclesiæ & legitima potestate Romani Pontificis, liber singularis ad reuniendos dissidentes in religione Christianos compositus, Bulloni (scilicet) Francofurti ad Manum* 1763. in 4.^{to}. *Hantheim* episcopus Myriophitanus suffraganeus Archiepiscopi Trevirensis, qui sub nomine Febronii latere voluit, exemplo suo exci-

tavit *Antonium Perciram* juris ecclesiastici Ullissipponæ professorem, ut anno 1765. dissertationem *de suprema Regum potestate*, & anno sequenti alteram *de potestate episcoporum in impedimentis matrimonii dispensandis* evulgaverit.

1. Hujus rei ratio non ultima in eo est, quod a tempore *Leibnizii* & *Wolffi* scientiæ philosophicæ multum sint perpolitæ, qua facie accensa mox jus naturæ & civitatis excoli, inde vero & jus ecclesiasticum a sordibus purgari cepit, nam per jus civitatis juri ecclesiastico adplicatum limites utriusque potestatis adcuratius deducti, & jura Imperantium circa sacra vindicata sunt: ex altera vero parte cognita falsitate decretalium *Isidori* episcopis jura, quibus Papa eos spoliavit, restitui cœperant.
2. Opus istud post sui evulgationem mox ingentes excitavit môtus. *Clemens XIII.* accepto per nuncium Viennensem ejusdem exemplari illud indicii librorum prohibitorum inseri jussit, & 27. Februarii anni 1764. damnavit, missis simul 14. Martii tribus Brevibus ad Electores ecclesiasticos, aliosque Archiepiscopos & episcopos Germaniæ, quibus eos exhortabatur, ut opus Romanæ sedi adeo perniciosum in suis diocesis suppressere jubeant. Verum etsi nunci us Viennensis omnibus illud suppressere adlaboraverit conatibus, attamen exemplaria ejusdem in terris Austriæ hereditariis publice vendendi licentia est data, & cum prima editio quam celerrime fuerit distracta, adornata est altera. mox etiã opus istud ex lingua latina in germanicam, gallicam, italicam, aliasque translatum. In Hispania primitus nonnisi excerpta quædam in forma dissertationum imprimebantur, posthac vero multa exemplaria ex Italia illuc mittebantur, cujus quidem is fuit effectus, ut Rex Hispaniæ multos abusus, qui aliquo tempore in rebus ecclesiasticis irrepserant, ad mentem *Febronii* abrogare proposuerit. Idem factum est in Lusitania.

§. 412. In quantum autem potestas Pontificis hoc seculo sit imminuta, optime intelligere licet ex libris, quæ ipsis cum Principibus civilibus erant; nam in his semper inferiores discessere. *Clemens XI.* in bello ob successionem in regnum Hispaniæ gesto magis ex parte Galliæ quam Austriæ stetit, commovit præterea non leviter Imperatorem *Josephum I.* ob exercitium *primarum prætum*, & ob hybernalium copiarum austriacarum in Parmensi provincia. Imperator repressaliis utens pontificis dominium in provinciam *Comachio* impugnavit¹, quæ res fere universam commovit Europam. *Comachio* abs dubio feudum est imperii, quo Dux *Modenæ* ab Imperatore investiri solebat, dein vero Papa sibi appropriavit. Anno 1708. Imperator *Duci Modenæ* ad feudum hoc recuperandum opem tulit, & in urbem *Comachio* milites stationarios eo sub prætextu misit, quod urbs ista pro fortalicio apta esset, quod quidem aula Romana æquo animo tulit, at cum animadvertisset, id in præsidium Ducis factum fuisse, *Clemens XI.* commotus copiis Imperatoris suas opposuit, dein vero inferiorem se cernens oblitus excommunicationis, quam Imperatori minatus est, pacem rogavit, quam acceptatis conditionibus ab Imperatore præscriptis anno 1709. obtinuit. Tandem Imp. commoveri se passus est, ut anno 1725. urbem *Comachio* Papæ restituerit, salvis tam juribus tum suis, tum Ducis *Modenensis*.

1. Ad has similesque lites melius intelligendas notandum est, provincias ad territorium Papæ spectantes non omnes ejusdem esse generis; de quibusdam enim nemo illi litem movet. In quasdam partim Imperator partim Principes quidam Italiae jus habere pretendunt, qua de causa sepius controversiae sunt exortae. Territorium pontificium hodiernam comprehendit, 1.) patrimonium S. Petri, de quo nemo illi litem movet, 2.) illas provincias, quas olim Imperatores orientis in Italia possederant, postquam imperium occidentale est extinctum, nec de his provinciis quis litem movet Papæ, cum eas a Pipino, Carolo M. & Ludovico Pio dono acceperit, in eo tamen est consensio, quousque se exarchatus Ravenatensis exporrigat. Pontifices limites ejus ampliant, & sub eo Parmam, Piacentiam, ducatum Modenæ, partem Pedemontii & partem ditionum Venerarum comprehendendi contendunt, Imperator contra ab exarchatu Ravenatensi Parmam, Piacentiam & Modenam excludit, qua de re magno astu certatum est. Acriter præterea disputabatur de supremo & directo harum provinciarum dominio. Aula Imperatoris dominium directum Papæ denegat, eique solum dominium utile tanquam vasallo feudum habenti concedit, contenditque, Pontificem obligari illarum provinciarum, quæ eidem a Carolo M. donata sunt, *investituram* ab Imperatore accipere, domus autem Borbonica in hac controversia partes Pontificis anplexa concedere noluit, ut provincie istæ tant feudatarie, 3.) comprehendit territorium pontificium donationem Mathildis, quæ partim sunt bona allodialia, partim feudalia, hæc donatio Pontifici non mansit integra, feudalia nimirum tanquam feuda imperii, quæ Mathildis Papæ donare non poterat, Imperatores sibi vindicabant, allodialium quoque præteritionem proximi Mathildis consanguinei & præpinitis Dux Modenæ fecerant, 4.) tandem comprehendit provincias, quas Papa variis modis & artibus sibi appropriavit, uti ducatum Ferrare, urbem Bononiam, aliasque, harum quoque provinciarum Imperatores præteritionem faciunt, & pridem a Pontificibus exigebatur, ut titulum possessionis hujus demonstrarent.

§. 413. Inter condiciones pacis, quam Clemens XI. cum Imperatore Josepho I. inivit ob urbem Comachium, illa etiam fuit, ut *Carolus III.* legitimum Hispaniæ Regem agnoscat, quo autem tacite declarabat, *Philippum* Andegavensem *Ludovici XIV.* nepotem esse illegitimum. Hoc indigne tulit Ludovicus, & anno 1709. minatus est, se velle repudiata potestate pontificia suo regno patriarcham præficere. Sed quoniam Regi Ludovico persuaserat, se ab Imperatore, ut hanc declarationem faceret, coactum fuisse, lis est sedata, præsertim cum posthac ipse Imp. *Carolus VI.* Philippum legitimum Hispaniæ Regem declaraverit. Fortius autem restiterant Galli *Benedicto XIII.*, qui canonizationem *Gregorii VII.* Papæ moliebatur, & eidem officium canonicum præscripsit; nam vix ac officium hoc in Gallia innotuit, utpote libertatibus ecclesiæ gallicanæ repugnans est rejectum, senatusque Parisiensis omnia exemplaria suppressi jussit. Exemplum hoc secutus Imperator noster *Josephus II.* officium de Gregorio VII. in provinciis Austriæ recitare prohibuit.

1. Tributa a Rege Galliæ clero imposito non minus Pontifici displicuerant, non tamen contradicere est ausus, quod æquivalset, Gallos in persona clorici etiam spectare *regem*. Ad conservanda libertates ecclesiæ gallicanæ nuntio Pontificis indicatum est, ne se negativis ecclesiasticis immiscere presumat: tunc, *placuisse* regem, circa bullas pontificias pridem in Gallia exercitam fuisse.

§. 414. Reges Hispaniæ ceteroquin obsequiosissimi erant Pontifici, ex quo autem solum Hispaniæ ex Gallia oriundus consensit, & principia gallica secum adtulit, scena mutata est. Morsit *Philippo V.* alta mente repostum, quod *Clemens XI. Carolum III.* legitimum Hispaniæ Regem salutaverit, & quamquam Papa metu Imperatoris adactus id fecerit, Philippus tamen non flectebatur, sed legatum apostolicum solum Hispaniæ migrare iussit. Brevi novum certamen ratione decimarum exortum: Papa prohibuit decimas contra Turcas a clero datas impendere ad bellum cum Imperatore continuandum, quamobrem Rex adeo commotus est, ut omnem cum aula Romana communionem sustulerit, omnesque Hispanos Roma avocaverit ¹.

1. Lites alias Pontificum cum Lusitanis, Sardinia, Neapoli, Venetis hoc seculo gestas omitto, ne limites operi huic præfixos transgrediar. Generaliter notandum, ex his litibus Pontificis interiores discessisse, & quamquam Principes Catholici Papæ personam hucusque semper venerati sunt, attamen prudenter *aulam romanam a sede romana*, seu Pontifice distinguunt.

§. 415. Superest exponendus status ordinum religiosorum. Carmelitas ad veterem disciplinæ ordinem revocare tentavit. S. *Theresia* mulier Hispana nobili genere nata socio tanti laboris adscito Joanne de Matha, qui postea *Joannes de cruce* appellatus est. Neque fortuna hisce defuit conatibus, maxima licet pars Carmelitarum repugnaret ¹. Ordo *Capucinorum* autorem habuit *Mathæum de Bassi* ex Umbria oriundum, quem adprobavit Papa *Clemens VII.* anno 1528. Nomen hic ordo habet a caputio capitis tegumento togæ franciscanæ assuto, quod ipsum S. Franciscum gestasse ferunt. Ordo *charitatis*, ut in Gallia vocatur, in Germania vero *Fratrū misericordiæ*, fundatus est a *Joanne de Deo* natione Lusitano, & a *Pio V.* anno 1572. confirmatus. Præter tria communia ceteris religionis vota habent hi fratres quartum de juvandis infirmis, sub S. Aug. regula propriisque statutis viventes ². *Patres Oratorii*, seu congregationem *Philippi Neri* creavit Philippus Nerus Florentinus, quam Papa *Gregorius XIII.* anno 1577. in tutelam publice recepit ³.

1. In duas hinc rectas per decem annos familia hæc tributa fuit, quarum altera levioribus, altera durioribus legibus utebatur. Multam vero infirmitatem & rixarum argumentum quoniam esset diversa hæc vivendi ratio inter unius ordinis membra, primam *Gregorius XIII.* anno 1580. rogatu *Philippi II.* Hispaniarum Regis Carmelitas durioribus legibus viventes, qui a multis positos *Discalciati* nominis erant, a remissiis legibus se separare iussit. Confirmavit & dilatavit hæc separationem *Sixtus V.* anno 1587., periclit vero *Clemens VIII.* anno 1593., qui illis proprium *præpositum generalem* dedit.

2. His addendus ordo Eremitarum discalceatorum S. Aug. a *Baptista Poggio* fundatus, ordo Minimorum a *Francisco de Paula* institutus, ordo clericorum Re-

gularium S. Pauli vulgo *Barnabitarum*, a templo S. Barnabæ anno 1545. Mediolani illis dato, ab Antonio Morigia & Bartholomæo Ferrario institutus.

3. Hæc congregatio viros haud paucos eruditione & ingenio inclytos protulit. & in his Casarem *Baronius*, postea Oder. *Raynaldus*, & postremo Jac. *Laderchius* annalium ecclesiæ celeberrimos scriptores, de quibus in prolegomenis est dictum.

§. 416. Ordines religiosos seculi XVII. recte dividere possumus in *Reformatos*, & *non-Reformatos*, priores inter *congregationes* quædam Benedictinorum reliquos partim institutorum utilitate, partim disciplinæ observantia vincunt. Earum celebrior est illa Gallorum S. *Mauri* congregatio¹, non quidem desunt, quæ in ea reprehendi possent, at multa tamen habet præclara, quorum quidem primarium & utilissimum hoc est, quod membra ejusdem se cultui scientiarum profanarum & divinarum, historiæ præsertim & antiquitatum consecrant. Sciunt, quibus fata litterarum non ignota sunt, quantum utilitaris hoc institutum rei litterariæ adtulerit in omni, si philosophiam demas, litterarum genere.

1. Litteras Gregorii XI, quibus congregatio S. Mauri adprobatur, severe omnibus momentis sal. ponerat Jo. *Lacinius*, monachorum etiam meliorum flagellum, examine privilegii S. Germani Tom. 3. Part. I. operum. Idem turbas & motus in ea post initia statim natos, paulo tamen iniquius ut solet quum de monachis agit, refert assert. Inquis. in privil. S. Medardi Part. I.

§. 417. Habet hæc congregatio inimicos, eosque non paucos. Primum episcoporum aliqui doctioribus his Benedictinis parum favent; postquam enim hi monachi veteri historiæ, reique diplomaticæ magnam lucem laboribus suis affuderunt, res, opes, jura sua feliciter & doctius quam olim contra episcopos in foro tueri possunt. Jesuitæ deinde, quorum gloriam & merita Benedictini hi egregiis laboribus valde obscurarunt, quantum poterant, illis eorumque studiis detraxerant (*Richard. Simon.*). Alii illis exprobrant, quod litterarum studia in locum laborum manuum, quos regula S. Benedicti monachis præscribit, substituerint. Robustiores monachi aliquot diei horas manu laborare jubentur, at debiliores & excellentiori ingenio præditi studiis vacant. Id vituperant viri quidam severi, veterisque disciplinæ monasticæ amantes, qui litterarum studia monachos dedecere, quoniam a rerum divinarum contemplatione mentem avocant, arbitrabantur. Hanc cum imprimis sententiam vehementius professus fuisset *Armandus Joh. Bouthillier de Rance* Abbas Trappensis in libro de *monachorum officiis*, jussus est Jo. *Mabilianus* Benedictinorum doctissimus familiæ suæ causam notissimo de *studiis monasticis* libro¹ defendere, hinc celebs illa

lis in Gallia exarsit: quousque monachum litteratum esse conveniat? Ceterum congregatio S. Mauri ex 200. circiter monasteriis conflata est quorum unicuique superior præest.

1. Secundam hujus operis partem ex gallico in italicum idioma translata cum Ceppi Augustinianus in lucem edere prætulisset, in magnas incidit difficultates, quibus magister sacri palatii hanc editionem remoratus est. Mabillonii exhortatio ad legendos quosdam libros Protestantium minime ibi arrisit, *Usarii* chronologia hominis Catholici opus omnium tutissimam ab eo numerari displicuit, quæstiones scholasticas, quæ per particulam *quomodo* incipiuntur, ab eodem medio sublatas obmurmuratum est, exemplum *Tichonii* Donatistæ licet ex S. Aug. de promptum rejectum est, eo quod ad legendos libros hæreticos excitare possit, profanas historias & chronologiam ad sacrarum scripturarum intelligentiam exhiberi neutiquam probatum. Denique impostoris nomen. quo Mabillonius *Joannem Ananion Piterbiensem* notavit, improbabatur. Magistrum sacri palatii tanta in hoc negotio subit religio, ut asserere non dubitaverit, se connixurum, ut hic liber sacri officii censura mugillaretur. Interea tamen æquis comminationibus & rerum argumentis a *Massoli* in medium prolatis illud confectum est. ut Ceppi imprimendi facultatem impetraverit ea tamen lege, ut omitteret, quidquid ad hæreticos libros spectat, quorum lectionem Mabillonius commendavit in Germania opus hoc prodiit latine ab *Udairico Strundige* Benedictino in oppido Cantensi anno 1702.

§. 418. Idem *Armandus Joannes Buthillierius*, qui cum Mabillonio de studiis monasticis certavit, author fuit Cisterciensium, seu ut ab aliis adpellantur Bernardinorum Reformatorum *Trappensium* (La Trapa), quorum institutum ex Gallia in Italiam & Hispaniam propagatum est, verum si qua fides est multorum testimoniis, a primævo rigore Trappenses jam deflexerant.

1. Buthillierius juvenis in litteris elegantioribus adeo excelluit, ut puer 10. annorum *Homerum* dextre interpretaretur, & 13. natus annos *Anacrentis* poemata doctis cum animadversionibus ediderit. Lectio hujus poetæ ei tantam ad impuros amores proclivitatem instillasse fertur, ut illam gremio Sorbonæ adscriptus nec studio theologiæ compescere valuerit. Parisiis puellam quandam ardentissime adamavit, contigit autem, ut, cum per sex septimanas remotus ab urbe ruri degeret, redire amantiam suam invisere pergens eam in feretro inveniret, quo tristi & inopinato eventu adeo commotus est, ut ad locum desertum (la Trappe) secesserit, ibique per annos 40. austeram vitam duxerit.

§. 419. *Joannes Berullus* cardinalis an. 1613. instituit Patres *Oratorii Jesu* Gallorum familiam. Congregatio hæc Jesuitis reipsa opposita multos viros pietate & doctrina celebres protulit. Non abdicant se honorum suorum usu, qui ad hanc sodalitatem accedunt, verum omnem spem ad munera sacra, quibus certi redditus adjuncti sunt, & honorum gradus perveniendi, quamdiu societatis membra sunt (excedere vero, si placet, ea possunt) dimitunt. His addendi fratres, sororesque *piarum scholarum* anno 1678. a *Nicholo Barre*, vel, ut communis est opinio, a *Josepho Calasantio* Aragonensi instituti.

incusabant. Illos inter eminet *Blasius Paſchalis*, qui in opere inſcripto: *Litteræ provinciales* laxas Jeſuitarum ſententias recenſet, illuſtravit illud *Petrus Nicolius* adſcito *Guil. Wendrocky* nomine, quibus veritas eorum, quæ Paſchalis breviter partim ſine teſte dixit, copioſe demonſtratur, latine etiam a *Sam. Rachelio* converſum extat. Immiſerunt in terribilem hunc adverſarium Jeſuitæ locupletiffima ingenia ſua præter ceteros facundiffimum & ſubtiliffimum *Gabrielem Danielem* celeberrimum hiſtoriæ gallicæ ſcriptorem, librum etiam ejus Lutetiæ publice com-
buri curarunt¹.

- x. Minus ſuavitatis, quam Paſchalis, at ob teſtimoniorum ex probatiſſimis Jeſuitarum ſcriptis multitudinem plus ſoliditatis habet *Perrault*, cujus opus pariter Jeſuitis authoribus eſt combuſtum. Hunc unum qui legerit, iſ nihil eorum igno-
rabit, quæ vitio data ſunt moralis Jeſuitarum.

§. 322. Sequentes autem præcipue in eorum morali pernicioſæ reperiuntur ſententiæ, 1.) *Regem, vel Principem quemvis in hæreſim prolapſum etiam ante exploratam voluntatem & authoritatem Romani Pontificis, dummodo ſubditi comitia habere prohibiti, Jeſuitarum aut aliorum theologorum conſilio ad id uſi fuerint, occidere non fas duntaxat, ſed etiam laudabile, & meritum eſt*², 2.) *fas eſſe ſive in judicio, ſive in caſu confessionis, etiam in juramento ipſo ejusmodi uti equivocationibus, & reſtrictionibus pure mentalibus, quibus ad veritatem occultandam aliud mente clauſum teneatur, aliud ore verbiſque promatur*, 3.) *peccatum philoſophicum* ab ipſis inventum, quod ſic definiverant, eſſe actionem rectæ rationi quidem repugnantem, patrata tamen a tali homine, qui Deum aut penitus ignorat, aut eo momento, quo hanc actionem patrat, de Deo non cogitat ſe ad ejus exiſtentiam reflectendo³. Probabiliffimum in Jeſuitis merito plures reprehendunt³, ii tamen iniqui mihi videntur, qui contendunt, probabiliffimum ad atheiſmum viam ſternere, perplacet *Ludovici Fabri* præceptoris *Ludovici XIII.* Galliæ Regis judicium, qui dixerat, totam caſuiſtarum ſcientiam nihil aliud eſſe, quam artem cum Deo cavilandi.

- i. E pluribus unicum in hanc rem ſufficiat exemplum, ac teſtimonium: *Joannes Mariana* Jeſuita Toletanus tractatum de inſtitutione Principum ſcripſit, cujus imprimendi facultas a *Stephano Ozeda* viſitatore ſocietatis data eſt. Libro ejus primo hanc quaſtionem tractat: *An liceat Regem legiti-
mum III Regem Galliæ, poſtquam a paucis ſeditioſis, ſed doctis capſis tyrannum adpellari, occidere?* concludit ad extremam, licere, & monachum *Jacobum Clémentem*, qui *Henricum III* occidit, ob hoc facinus laudat. Maniſteſſimum autem argumentum, aliquos Jeſuitarum docuisse, quod Reges hæreticos aut tyrannos occidere liceat, ſanctio eſt *Claudii Aquirina* præpoſiti generalis ſocietatis Jeſu, qua prohibuerat, ne quis deinceps publice, aut privatim doceat, licitum eſſe cuiſque perſonæ quocunque prætextu tyrannos Reges occidere.

2. Peccatum philosophicum *Alexander VIII* anno 1690, alias vero laxas Jesuitarum sententias anno 1659. *Alexander VII*. damnavit. Bullas tamen has frustra in *Bullario* Pontificum quaesieris: perire vero eas vetuit Dominicanorum & Jansenistarum diligentia in custodiendis omnibus, quæ Jesuitas concernunt.
3. Quæ hic de Jesuitarum in doctrina morali erroribus dicta sunt, ita neminem oportet accipere, ac si omnes hujus familiae adscripti eos fovissent; habebat enim ordo iste plurimos viros uti doctos, ita minime malos ac ingenuos: nec magni laboris foret ex scriptis scriptorum jesuiticorum meliorem virtutem & pietatem deducere. Qui Jesuitas generatim adcusant, hæc sibi volunt: superiores ipsorum non solum tolerasse, ut ejusmodi errores a quibusdam publice sint propositi, verum etiam libros, in quibus extant, suffragiis suis munivisse.

§. 423. *Ludovicus XV.* Galliarum Rex ad exemplum Regis Lusitanie *Josephi* anno 1764. Jesuitas regno suo excedere jussit. *Clemens XIII.* tum sedem romanam tenens hoc fato Jesuitarum commotus, in speciali bulla, quæ incipit, *Apostolicum pascendi*, eos supra modum laudavit, & innocentes in iis, quorum incusabantur, declaravit, cui bullæ plerique Principum placitum denegarunt. Ex Hispania ejecti sunt anno 1766, at *Clemens* in altera bulla, quæ incipit, *Animarum saluti*, eos denuo laudavit, eorumque privilegia confirmavit, qua re Principes ita offensi sunt, ut etiam ducatu Parmensi & regno Neapolitano fuerint ejecti. *Torregiani* ausus est Duci Parmensi minari excommunicationem, qua re fere omnes Principes Catholici ita commoti sunt, ut bullam *Animarum saluti* suppresserint, domus autem Bourboniæ junctis consiliis revocationem Brevis contra Parmam, & omnimodam Jesuitarum extinctionem urserant. *Clemens* interim immotus in Jesuitarum defensione perstitit, ideo Rex Gallie Avinionem, Rex Siciliæ Beneventum, & Hispania dispensationes matrimoniales sibi appropriavit, qua re camera pontificia non exigua reddituum parte privabatur. Sub his turbis *Clemens XIII.* mortuus est.

§. 424. Successor ejus *Clemens XIV.* gesta antecessoris contra Ducem Parmensem improbavit. Primitus reformationem Jesuitarum proposuit, at cum domus Bourboniæ semper magis & magis totalem eorum extinctionem urgerent, demum his votis annuens eos solemnibus bullis de anno 1773. die 21. Julii exstinxit, atque ita omnium ordinum religiosorum potentissimus, postquam 277. annis varia fortuna usus est, penitus occidit.

MEMBRUM II.

HISTORIA ECCLESIAE PROTESTANTICÆ.

CAPUT PRIMUM

DE

FATIS EXTERNIS.

§. 425. In pace religiosa anno 1555. inita Lutheri asseclis liberum religionis suæ exercitium quidem est permissum, at ne latius reformatio tentata se extendat, in eadem pace religiosa cautio quædam est constituta, quæ multos a separatione ab ecclesia Romana absterere apta erat. Vocatur hæc cautio *reservatum ecclesiasticum*, vi cujus Archiepiscopus, episcopus, prælatus, aut capitulum canonicorum jure dignitatis & fructibus beneficii ecclesiastici privatur, & a Catholicis ad Protestantes transit¹. Hæc prima erat causa, quod nova post pacem religiosam gravamina in Germania sint exorta, Protestantes enim querebantur, per reservatum ecclesiasticum eorum religionem *per indirectum* ut hæreticam declarari. Huic brevi accesserat alterum, quod Protestantes ægerrime tulerant; Catholici enim minus prudenter publicis scriptis valorem pacis religiosæ impugnare cœperant, eo quod metu injuste incusso extorta sit, neque a Pontifice aut concilio Tridentino adprobata, quos inter fuit Princeps *Franciscus Burkhardus* in celebri illo libro anno 1586. exarato de *autonomia*, seu libertate conscientia. Porro pugnabant Catholici contra Protestantes ob confessionem Augustanam (§ 304.), hanc enim a Melancthone corruptam & immutatam fuisse, ac per id Protestantes juribus per pacem religiosam illis concessis excidisse dixerant², quod quidem posterius multis scriptis & disputationibus præbuit occasionem³.

1. Matrimonium autem a persona ecclesiastica catholica initum tanquam præludium transitus ad religionem protestanticam spectabatur. hic episcopus matrimonium iniens vi reservati ecclesiastici episcopatus suo eedere debet. id quod contigit Archiepiscopo Coloniensi *Gualtero*; hic enim labente seculo XVI. ducta

uxore in terra sua religionis catholice abolitionem moliebatur, at vi reservati ecclesiastici decedere principatu & episcopatu cogebatur.

2. *Essentia* enim cujusvis religionis consistit in *determinatis dogmatibus*, quibus mutatis eadem religio esse desinit, & in aliam mutatur. Iam porro dixerant Catholici, illius religionis exercitium in pace religiosa Protestantibus est permissum, cujus dogmata exhibet contractus Augustana Imperatori in comitiis oblata: at postquam dogmata hæc a Melancthone fuissent mutata, Protestantes talem exercent religionem, quæ a sua priori *essentialiter* est diversa, & hanc ob causam eos iuribus per pacem religiosas adquisitis excidisse.

3. Pugnavit contra hos inter ceteros jussu *Joannis Georgii Saxonis Electoris* *Mathæus Hæ* edito libro sub titulo: *Defensio fidei evangelicæ*.

§. 426. Post certamina litteraria ventum est ad arma, belloque tricennali initium dederant *motus Bohemici*. Siquidem sub *Rudolpho II.* anno 1609. evangelici, seu ordines *sub utraque specie* plenam religionis libertatem *litteris Majestatis* ab eodem Imperatore firmatam adepti sunt, nominati quoque eodem *Rudolpho* consentiente libertatis religionis tutores ac conservatores, denique inter ordines *sub utraque & una* de mutua pace tractatum fuit. *Rudolpho* successit *Mathias*, qui jam anno 1617. *Archiduci Ferdinando* regnum Bohemiarum ea conditione cessit, ut ipsi ad dies vitæ dominium supremum salvum maneat. *Ferdinandus* a proceribus Bohemiarum ea sub conditione Rex est designatus & declaratus, ut intra spatium quatuor hebdomadarum Bohæmis privilegia sua & speciatim litteras Majestatis a *Rudolpho* concessas confirmaret. *Ferdinandus* jurejurando hoc quidem promississe, postea vero ab hujus juramenti vinculo nuncius apostolicus eum absolvisse fertur, imo etiam ajunt, se coram imagine lauretana voto obligasse ad stirpandos e suis terris Protestantes. Nihil sibi boni sperantes a *Ferdinando Bohæmi* mortuo *Mathia* sibi ipsi elegerant Regem repudiato *Ferdinando*. Licere sibi autem hoc putabant jure veteris gentis, quæ liberis suffragiis ipsa designaret Reges, non vero jura successionis adtendere consuevit. Igitur electus fuit *Fridericus V.* Elector Palatinus religioni reformatæ addictus, & *Pragæ* anno 1619. inauguratus.

§. 427. *Ferdinandus* sub initium benigne cum *Friderico & Bohæmis* cepit; dederat litteras comminatorias ad novum Regem, ad proceres Bohemiarum, ac ad eorum fœderatos, quibus jussit, ut ipsum Regem salutarent, sed cum hæc effectum caruissent, Electorem *Barbarum* salutarent, sed cum hæc effectum caruissent, Electorem *Barbarum* in Bohemia omnia igne & ferro vastare jussit. Itaque *Fridericus* novus Bohemiarum Rex anno 1620. a copiis cæsareis ad *Pragam* fusus, una cum regno, quod occupaverat, patrimonium amisit, exulque terras florentissimas una cum thesauro *Bavariæ & Austriæ* tradere coactus, Bohæmorum vero multis vinculis, exillis, bo-

nis, morte plexi, totaque natio ab eo tempore religionem catholicam suscipere coacta; nam litteras Majestatis extradere Bohæmi & Moravi jubebantur. Tricennalis in Germania belli hæc Friderici Palatini clades erat initium¹.

- I. Germaniæ enim Principes quidam causam Palatini, quem injuste terris suis exutum esse contenderant, fodere cum Daniæ Rege facto contra Imperatorem armis tuebantur: Electorem enim Palatinum Bohæmiam invadens cæsaream majestatem non læsisse contenderant, sed domum tantum austriacam, cujus injurias Imperatorem pœnis in rebelles romani imperii Principes sancitis ulcisci haud oporteat.

§. 428. Præcipua autem belli tricennalis causa edictum erat *restitutionis* a Ferdinando II. anno 1629. promulgatum, quod fundamentum suum in reservato ecclesiastico habuit, jubebantur enim vi hujus edicti Protestantes bona omnia Romanæ ecclesiæ restituere, quæ post pacem religiosam seculo XVI. in ditionem suam rede-gissent eo quod multi personarum ecclesiasticarum, qui a tempore pacis religiøsæ usque ad Ferdinandum relicta religione catholica ad Protestantes transiere, beneficia sua bonaque ecclesiastica retinuerint, quibus tamen vi reservati ecclesiastici se abdicare debuissent, & quod majus erat, Principes Protestantici plures episcopatus catholicos ad se traxerant. Verum Protestantes prætendebant, quod in reservatum ecclesiasticum nunquam consenserint, præterea oggerebant, non decere Imperatorem propria autoritate sine consensu comitiorum imperii Protestantes ad restitutionem bonorum ecclesiasticorum Catholicis ereptorum cogere. Facile est cogitatu, quales motus edictum restitutionis in provinciis Principum Protestantium excitaverit. Elector Brandenburgicus & Saxonicus palam sese opposuere, reliqui Germaniæ Principes obtemperabant, Imperator commissarios designavit, ut executionem edicti urgerent, quod adjuvit armata manu Dux copiarum cæsarearum Wallensteinius¹.

- I. Jesuitæ magnam possessionum partem, quas Protestantes restituere cogebantur, sibi tanquam debitorum magnorum pro religione laborum suorum premium vindicabant, præcipuum autem hac ceca fove dabat operam ut eorum spectabant ad monachos S. Benedicti, monasteria monialium consequerentur, opera *Lamontani* a contestationibus Ferdinandi II. unde vehemens inter eos & antiquis illarum Dominorum concertatio est exorta (*Christ. Aug. Salig. Hist. Aug. Conf.*)

§. 429. Trepidavit hos inter motus infelix Germania, & abs dubio Ferdinandus copiis suis rem Protestantium penitus destruxisset, nisi Sueciæ Rex *Gustavus Adolphus* opibus austriacis se objecisset. Is a Gallis potissimum fortunam & potentiam austriacam metuentibus inductus anno 1629. cum paucis sed exercitatusimo milite in Germaniam migravit. Reviviscere spes Catholicorum extincta vide-

batur, quum anno 1632. Rex Gustavus in prælio ad *Lützam* (annum tum ægens ætatis 38.) occumberet, verum ablato etiam hoc Rege bellum incredibili cum Germaniæ calamitate varias inter vicissitudines per multos annos est protractum, donec Imperator hostium numero fractus in pacem, quam *Christina* quoque Gustavi filia Regina Sueciæ postulaverat, consensit. Ergo 30. annis cum acerrime pugnatum esset, celeberrima pax illa, quam *Westphalicam* nominamus (quia *Monasterii* & *Osnabrugæ*, quæ *Westphaliæ* sunt urbes, facta est) Europam anno 1648. refecit¹.

1. Longum nimis, & a foro nostro etiam alienum foret, ea omnia, quæ in hac pace conclusa sunt, recensere, hæc enim provincia juriconsultis est relinquenda. Itaque illud tantum hic notare sufficiat: quod 1.) pax religiosa rursus sit confirmata, 2.) reservatum ecclesiasticum etiam ad Protestantem extensum, 3.) edictum restitutionis Ferdinandi II. sublatum, statutus annus 1624. *normalis* & *regulativus*, ut quæcumque possederint bona Protestantes die 1. Januarii anni prædicti, ea ip[s]is salva maneant, & ubicunque prædicto anno seu publicum seu privatum religionis suæ habuerint exercitium, retineant id etiam in posterum, denique 4.) ecclesia Protestantium una cum illa reformatorum ita in Germania jure civitatis donata est, ut jura illius cum juribus ecclesiæ catholicæ in imperio romano-germanico sint æqualia, ut quod uni justum est, alteri quoque justum sit. (Exposui hæc uberius in meo *Jur. Eccl. Tom. 1. Seco. 3. pag. 277. seq. edit. secundæ.*)

§. 430. Conclusa pace magna librorum copia contra ipsius va-
lorem prodit¹, & pœnitere videbatur Catholicos, quod Protes-
tantibus tantum concesserint. Et quod caput rei erat, restitutio
nimirum bonorum vi pacis Protestantibus facienda protrahatur
varias nectendo moras. Verum miles Sueciæ solum Germaniæ de-
serere recusavit, donec restitutio executioni mandata fuerit; hac
de causa præcipue factum, ut *Norimbergæ* recessus imperii de pa-
cis executione habitus sit & subscriptus.

1. *Fabius Chigius* legatus apostolicus binas protestationes nomine *Innocentii X.* contra pacem westphalicam edidit. Ipse etiam Pontifex anno 1651. Romæ
bullam singularem, quæ incipit, *quo datus Dei* promulgavit, irritumque de-
claravit, quidquid contra jura sedis Romane est conclusum. Has Pontificis pro-
testationes valde pacis Westphaliæ excessivas esse quidam inscite putarunt,
sed melloris notæ canonistæ utrumque conciliare norunt.

§. 431. Vi & armis cum parum profici animadverterent Ca-
tholici, mollioribus consiliis reluctantes Protestantium animos ca-
piendos esse censuerunt. Viam vero hoc in negotio non omnes
unam eandemque ingressi sunt; alii ad disputationes publicas in-
ter eximios utriusque partis viros confugerunt¹, alii omissis liti-
bus de pace potius inter dissidentes ineunda consultandum esse
rati sunt, ut nimirum ostendatur, doctrinam Catholicorum, si
recte intelligatur, non tantum distare a doctrina Protestantium, ut
ipsi falso existimant².

I. Anno 1601. celebres quidam Lutheranorum doctores cum tribus Jesuitis magnæ famæ Ratisbonæ auctoritate *Maximiliani* Bavaricæ Electoris, & *Philippi Ludovici* Palatini de norma religionis, & controversiarum in rebus fidei iudice, ad quæ capita tota fere lis Protestantes inter & Catholicos revocabatur, disputarunt. Anno 1615. *Wolfgangus Wilhelmus* Palatinus, qui ad sacra Catholicorum rediit, Neoburgi *Jac. Kelerum* Jesuitam cum *Jac. Heilbronnero* Lutheranorum commisit. Anno 1645. *Uladislavus* IV. Poloniæ Rex theologos nobiliores tum Catholicos tum Protestantes, & reformatos *Thorunium* Borussiae urbem vocavit, ut de tollendis religionis controversiis amice inter se deliberarent, quod Regis consilium disputationi *colloquii charitativi* nomen peperit. Paulo post anno 1651. *Ernestus* Hassiæ Landgravius, qui ad castra Catholicorum transire jam decreverat, *Valerianum Magnum* celebrem Capucinum theologum cum *Petro Haberkornio* doctore Giessensi in arce Rheinfeldensi congressi jussit. Præter has disputationes auctoritate publica susceptas habebantur quoque quædam private, inter quas ceteras omnes ea nobilitate superat, quæ fuit *Jo. Claudio* theologorum reformatorum in Gallia doctissimo cum magno illo ecclesiæ gallicanæ lumine *Jac. Benig. Bossueti* episcopo Meldensi anno 1685. Horum omnium colloquiorum unus idemque erat exitus, neutra enim pars alteram convincere poterat. (*Gaspar, Sagittarius* *Introd. in Hist. Eccl. Tom. II.*)

2. Princeps eorum, qui ingeniorum suorum periculum in hoc negotio fecerunt, erat *Armandus Richelius* potentissimus ille regni Galliæ administer, qui reformatos in Gallia dogentes cum Catholicis unire conatus est. Tam illustria vestigia minori auctoritate, imparique gradu secuti sunt *Jac. Masenius* Jesuita Germanus, *Godofr. Polsius* theologus Moguntinus, *Math. Prætorius* Borussiae, *Henricus Marcellus* Jesuita, & alii quidam obscurioris nominis. Recentiorum memoria cautius nemo & majori consilio ad hanc rem tractandam accessit. quam *Bossuetus* Meldensis episcopus, cujus *expositio fidei catholicæ* eo tendit, ut doceat, brevem & facilem apertum esse Protestantibus reditum ad ecclesiam catholicam, modo veram ejus indolem & sententiam non ex doctorum suorum opinionem, sed ex veritate æstimare velint. Quæ fata liber hic Bossueti habuerit, narrat *Math. Pfaffius* in *Hist. Litter. Theol. Tom. 2.* Notatu dignum est, novem annos elapsos fuisse, antequam librum hunc Papa confirmatione dignum judicavit, imo *Clemens X.* eum adprobare expresse rennuit.

§. 432. Publica denuo auctoritate munitus venit *Cristophorus de Ravas* Thinenensis in Bosnia episcopus, qui anno 1686. & sequentibus aulis Germaniæ celebriores a Romana ecclesia sejunctas adivit, spemque non modo novi liberiorisque concilii, quam Tridentinum erat, convocandi fecit, sed etiam quæcunque Protestantes flagitarent jura & beneficia liberaliter a Pontifici concessum iri confirmavit, nullus tamen hujus rei erat effectus.

I. Causa hujus esse videtur, quod Protestantes tum theologi, tum rerum civilium prudentes miseri fidem his promissis non habuerint, sed putaverint, insidias ipsis strui, nec tam pacem honestam ac stabilem dare, quam (ut phrasi Protestantibus consueta utar) veterem servitutem instaurare velle Pontifices.

§. 433. Monendum quoque paucis de iis, qui varias methodos Protestantes convincendi excogitarunt. *Methodistas* hos vulgo nominare solent Protestantes, omnes autem hi in duas classes commode dividuntur: prima a Protestantibus exegit, ut ea sua dogmata, quibus a Catholicis dissentiunt, dissertis verbis ex scriptura sacra deducant & demonstrent, altera classis censebat.

communibus locis, quæ totam causam comprehendunt & conficiunt, seu argumentis generalibus (*præjudicia* vulgo nominant) Protestantes obruendos, non membratim cum iis certandum esse. Gloria consilii hujus, si non excogitati, at perfecti tamen *Petrus Nicolius* fruitur, proponebant Protestantibus jus præscriptionis, nostram doctrinam esse antiquam, illorum novam, Lutherum hominem fuisse flagitiosum, qui nulla missione instructus reformationem adgressus est, hinc nullos in ecclesia protestantica esse episcopos, in nostra contra ecclesia seriem dari episcoporum continuum, quæ recedendo non antea terminatur, nisi in ipsis Apostolis².

1. In hac est *Frans. Veronius* Jesuita, *Bartholus Nihusius*, fratres *Wallenburgii*, alique, qui facilius esse reputantes dogmata nostra defendere contra objectiones, quam Protestantibus oppugnare, probandi onus omne Protestantibus imposuerant, sibi unam respondendi, eorumque objectiones solvendi provinciam retinentes. Urebantur hi modo certandi in materia præscriptionis usitato, qui eam dominium alicujus rei præscribit, onas probandi ei incumbit, qui præscriptionis legitimitatem impugnat. Eodem modo hi Catholici Methodicæ agebant, se in possessione esse, & Protestantibus onus probandi incumbere, quod dogmata nostra falsa sint. *Armandus Richelius* potentissimus ille regni Galliarum administer totam litem ad unum de ecclesia caput revocandam, ejusque originem divinam ac infallibilitatem manifestis rationibus supra omnes cavillationes ponebam esse suasit, quoniam posita ecclesiæ infallibilitate omnia Protestantium dogmata a nostris diversa ruunt.

2. Eminent in hac turba *Jac. Benig. Bossuetus*, qui ex inconstantia doctorum Protestantium, & frequentibus eorum dogmatibus eorum acciderunt mutationibus falsitatem ecclesiæ lutheranæ, ex perpetua vero unitate in fide veritatem ecclesiæ catholicæ demonstravit. Hoc Bossueti opus *Jacobus Barnagius* refutare est adgressus, qui, cum ei Bossuet respondisset, magnum suum opus historiæ ecclesiasticæ duobus tomis in folio comprehensum perfecit.

§. 434. Hi doctorum Catholicorum conatus non quidem eum habuere fructum, ut integer populus aut provincia sacra romana denuo susciperet, at Principes tamen quidam, nec non aliqui docti ex Protestantibus adduci se passi sunt, ut ad castra ecclesiæ romanæ redirent¹.

1. Ex principibus occurrit primo *Christina* Regina Sueciæ, quam tamen ex animi levitate, aut rationibus politicis religionem catholicam suscepisse Protestantibus contendunt, & ostendere sibi sumpsit *Arkenholzianus*. Hanc exceperunt *Wolfgangus Wilhelmus* comes Rheni Palatinus, *Christianus Guilielmus* Marchio Brandeburgicus, *Ernestus Hassiæ* Princeps, *Joh. Fridericus Dax* Brunsvicensis, *Fridericus Augustus* Rex Poloniæ. Ex vicis ingenio & eruditione præstantibus *Baro de Boleburg* Electori Maguntino a consiliis secretioribus magni avi sui *Mocenæ*, *Christ. Reinholdus* eques Holstæus, *Carp. Schæfferus*, *Petrus Barthius*, *Christ. Braulduus*, *Urs. Humius*, *Nicol. Stenmann* medicus celeberrimus, *Joh. Pil. Pfeifferus* Regiomontanus professor, *Leucas Holsteinus* cum cognato *Petro Lammio*, *Henr. Joh. Blumius* professor Helmstedensis, *Dan. Hassellius*, *Andr. Franzius*, *Barth. Nihusius*, *Christ. Hoffmannus*, *Math. Prætorius*, & alii quidam inferioris numeri ac conditionis. Horum tamen fere omnes ad sacra romana rediisse partim ob res domi aversas, partim spe majoris dignitatis aut melioris fortunæ Protestantes contendunt.

§. 435. Poſtquam Catholici ſeculo XVII. ſacra ſua extra Europam propagare ſtuduerint, Proteſtantes eorum exemplum imitari, & ſuam quoque eccleſiam in provinciis extra Europam ſitis dilatare conati ſunt. A nullo ſtudioſius reſ hæc acta eſt, quam a Barone *Juſtino Erneſto de Wiſs* Auſtriaco, qui ſocietatem a nomine Jeſu adpellatam ea de cauſa colligere conſtituit. Sed quo minus ultra vota & conſilia negotium progrediretur, tum alie cauſæ impedivere, tum maxime Principum Proteſtanticorum rationes, quorum pauci provincias & caſtella extra Europam poſſident.

§. 436. Illi Salisburgenſium, qui ſeculo XVII. ad ſacra Proteſtantium transiere, primitus ejus exercitium in occulto peregerant, ſed cum detecti ſunt, & variis propterea malis affecti, ad corpus evangelicum Ratiſbonenſe confugerant, & intercedentibus Electoribus Saxonico & Brandeburgico ab Archiepiſcopo ſuo *Max. Gandolſo* emigrandi licentiam obtinuerant, hinc annis 1684., 1685. & 1686. aliquot millia ſolum patrium migrarunt, retentis tamen violenter eorum & bonis, & prolibus.

I. Dux horum præcipuus erat *Joſephus Schaitberger*, qui pleriſque author erat, ut romana ſacra abjecerint, & ſolum patrium mutaverint.

§. 437. Ceteri Proteſtantes, qui Salisburgi remaſerant, ſub Archiepiſcopo *Harrach* Gandolphi ſucceſſore utcuſque quieti erant, ſatius enim hic eſſe putabat eos tolerare, quam provinciam ſuam incolis exhaurire, verum longe alia ſucceſſori ejus *Leop. Ant. de Firmian* mens fuerat: is enim immoderato & ſpurio religionis zelo abreptus in occultos Proteſtantes inquiri, & ad religionem catholicam adigi juſſit, hinc multi in carcere miſere perierant, multi etiam metu poenarum ad eccleſiam romanam ſaltem oretenus & externe redierant. Inde vero magni motus Salisburgi anno 1729. excitati, preſſi nimirum Proteſtantes ad corpus evangelicum Ratiſbonenſe denuo confugerant petentes, ut ipsis ab Archiepiſcopo licentiam emigrandi in pace Weſtphalica fundatam impetret. Corpus evangelicum & præprimis legatus Regis Boſſiæ cauſam horum hominum in ſe ſuſceperat, eamque anno 1730. Archiepiſcopo propoſuit, verum ille ea de re magis commotus majoribus ac antea malis ſubditos ſuos proteſtanticos affectit, in vincula enim qua cives rebelles eo conjici juſſit, & ad rebellionem ſedandam militem auſtriacum in provinciam ſaliſburgenſem deſcendere curavit, corpus contra evangelium tum apud Imperatorem, tum Archiepiſcopum ſerio pro emigrandi licentia interceſſit. Tandem anno 1731. media hyeme 800. emigrarunt, quibus ſucceſſive plures ſe adjunxerant, quum vero terminus emigra-

tionis ipsis destinatus corpori evangelico arctus nimis videbatur, eo res devenit, ut aliqui Principes protestantici repressaliis cum suis subditis Catholicis uterentur ¹.

- I. Incusant Archiepiscopum Salisburgensem Protestantes, cum motus hos salisburgenses typis divulgari, ac emigrantes qui cives seditiosos describi iussisse, qui Christum adorare recusant, proin ut tales, quibus pax religiosa & Westphalica nihil prodest.

§. 438. Cum jam in dies magis Protestantes salisburgenses premerentur, causam eorum præter corpus evangelicum etiam legatus Bataviæ, Rex Daniæ & Sueciæ, præpitis vero Rex Borussiae suam fecerant, Rex enim *Fridericus Wilhelmus* declaravit, se paratum esse emigrantes in suum territorium recipiendi, Ratisbonæ etiam *cassa emigrantium* erecta, atque ita Protestantes salisburgenses per varias imperii civitates, Hanoveranam, Bataviam, imo & quidam per Americam, plerique vero per Borussiam dispersi sunt.

§. 439. Anno 1732. etiam in præpositura Berchtolsgadensi occulti Protestantes innotuerant, quorum cum non meliora quam Salisburgensium fuerint fata, magna quoque copia emigravit, suamque sedem præcipue in Lithuania fixit. Emigrantes, qui successive in Borussiam ex provincia salisburgensi & berchtolsgadensi venerant, numerabantur 15800., & Regis opera factum, ut bona eorum in patria relicta venderentur, ex quorum venditione 500000. florenos adquisiverant (*Hæc fusius legi possunt in la historia completa de la emigracion por Gerardo Gotl. Focking*) ¹.

- I. Ex viris literatis & eruditione conspicuis, qui seculo præsenti relicta Romana ecclesia ad Protestantes transierant, potissimi sunt Hyacinthus de *Quiros* Gregorius *Pothierker*, & Frid. Ambros. *Fidler*. Primus natione erat Hispanus, professi ne Dominicanus, doctor romanus, factus inter reformatos professor *Lauronii* in Helvetia, & mortuus anno 1756. Cæpit, sed non perfecit opus, quo ostendere conabatur, sacra & dogmata Catholicorum civitati esse noxia, quod quidem scriptis a Protestantibus nobis obiectum fuit, nec obijceretur immerito, si e reatus Catholicus noscitur, superstitiones successive inventas partem religionis nostræ minime constituere. *Rohrscherus* natione Germanus, theologie professor in monasterio Benedictinorum S. Emerani Ratisbonæ acutissimus erat philosophus & theologus. Exprobrabant ei superiores monastici suam in philosophiam Wolfianam propensionem, historiam ecclesiasticam, cuius amantissimus erat, docere eum a superioribus prohibebatur. Vocatus professor phillos pœre Helmatatum mense Martio 1752. Iluc advenit, anno vero 1755. ætatis s.æ 34. oblit. Fillyrus Augustinicus erat Viennæ in Austria, relictis sacris romanis inter Protestantes factus professor theologia *Bæcephalæ*, & post Ducis Mechienburgensis consiliarius consistorialis.

CAPUT SECUNDUM.

DE

FATIS INTERNIS.

§. 440. Mortuo Luthero Phil. Melancthon caput ecclesiæ protestantiæ factus est. Erat Melancthon pacis & tranquillitatis amans, ac prorsus etiam concordiam cum ecclesia romana instaurare pronus, qua de causa nonnullis in rebus a Luthero dissensit¹. Non quidem eo vivente propensionem ad concordiam prorsus dissimulavit, at modeste tamen & caute proposuit, verum Luthero mortuo, quæ timide antea docuerat, multo liberius & clarius protulit, quod tandem effecerat, ut ecclesia Protestantium post Lutheri mortem multarum turbarum & disputationum scena fuerit.

1. Namque 1.) putabat, pacis causa multa concedi & fieri posse in ecclesia romana, quæ Lutherus nullo modo toleranda esse arbitrabatur. imo veterem ecclesiæ gubernationem, ipsamque romani Pontificis jurisdictionem retineri posse a Protestantibus non dubitavit, 2.) quasdam sententias Lutheri, verò causa, *solum* fidem justificare, bona opera ad salutem non esse necessaria &c. paululum mitigari posse existimavit, 3.) Lutheri & Zwinglii dissidium circa realem corporis Christi in eucharistia præsentiam non tanti esse momenti censebat, sed satis concordia consultum fore, si dogma de eucharistia ejusmodi verbis æquivocis exponeretur, ut ea utraque pars in suum sensum interpretari posset.

§. 441. Incidit dissidii interni in ecclesia protestantica initium anno 1548. propter constitutionem *interim*, Mauritius enim Saxonix Elector theologos suos (quorum princeps Melancthon erat) consultare jussit, num constitutio hæc recipienda sit? Melancthone duce hi deciderant, recipi eam posse quoad *adiaphora* seu indifferentia ad religionis essentiam haud spectantia. Jam porro inter hæc adiaphora Melancthon multa retulit, quæ Luthero ad religionis essentiam pertinere videbantur¹, inde vero gravissimum illud bellum, quod *Adiaphoristicum* nominatur, in ecclesia protestantica est exortum, & per plures annos protractum².

1. In exemplo: Melancthon inter adiaphora retulit dogma de justitia per solam fidem consequenda, necessitatem horum operum ad salutem, numerum sacramentorum, ceremonias plures ecclesiæ Romanæ, quæ Luthero superstitione videbantur, dies quosdam festos, Pontificis imperium, atque.

2. Ex parte Melancthonis erant theologi Witembergenses & Lipsienses (qui LUD:

therani moderatores, seu etiam *Philippista* ab eorum duce Philippo Melancthone nominabantur.) antiquæ vero doctrinæ lutheranæ defensorum caput erat *Math. Flacius*, qui cum sociis suis, uti in prolegomenis dictum, *centurias Magdeburgenses* exaravit, & illius assensu nomen Lutheranorum *rigidiorum* datum.

§. 442. Adiaphoristicum hoc certamen fecunda mater erat litium aliarum, nam primum ob id lis exorta est cum *Georgio Majore* theologo Witembergensi de bonorum operum necessitate ad salutem. Consensit dudum Melancthon, & in consultatione illa de constitutione interim cum suis sociis professus est, salva veritate doceri posse, *opera bona ad salutem esse necessaria*, quod cum rigidioris Lutherani reprehenderent, *Georgius Major* singulari libro anno 1552. pro necessitate bonorum operum pugnavit. Hinc acris iterum inter rigidiores & molliores Lutheranos concertatio, in qua *Nic. Amsdorfius* partes rigidiorum secutus eo disputandi fervore prolapsus est, ut etiam defenderet, *bona opera perniciosa esse ad salutem*, per quam imprudentiam materia litis aucta est. Hæc disputatio per *formulam concordie* terminata.

§. 443. Hos inter motus *Jenæ* academia est aperta & erecta, quam scholam cum Lutherani rigidiores sedem genuinæ doctrinæ Lutheri esse voluerunt, tales doctores theologi in eam vocati sunt, qui tenaces erant doctrinæ Lutheri. Cumque hoc in genere nullus esse celebrior *Math. Flacio* Philippi Melancthonis & omnium Philippistarum adversario vehementissimo, is anno 1557. Jenæ professor theologiæ constitutus est. Hic autem non tantum veteres lites fovit, sed etiam novas concitavit, quas inter præcipuæ erant cum collega suo *Victore Strigelio*¹, unde lites *synergisticæ* natæ sunt.

I. Invasit Strigelium Melancthonis discipulum & amicum, eo quod multa ex præscripto Melancthonis docuisset, quem tanto successu apud Duce[m] Saxonie ad-cusavit, ut jussu Principum duriori custodiæ traditus sit. Fuit autem concertatio Flacium inter & Strigelium de viribus hominis naturalibus ad bene agendum. qua in lite Flacius in tam deformem degeneravit sententiam, ut eum ipsi quique ejus amici eam ob causam reprehenderint. Eo in colloquio anno 1560. *Vimarie* habito Strigelius. qui vires hominis naturales ad bene operandum exaggerare videbatur. philosophiæ non impertitus, quo Flacium in angustias cogeret, ex eo querebat, num peccatum originale, seu illa ad malum proclivitas ad *Substantialium*, vel *accidentium* genus pertinere? Flacius imprudenter respondit ad *Substantialium*, atque deinde ad finem usque vitæ portentosam hanc sententiam, peccatum originis ipsam esse hominis substantiam tanto fervore tantaque pertinacia defendit, ut omnia commoda & honores quam errorem hunc dimittere mallet. Qui cum Strigello vires libertatis nimis exaggerare videbantur, *synergista* dicti sunt.

§. 444. *Andreas Osiander* in marchionatu Brandeburgico natus relictæ propter constitutionem *interim* Norimberga in Borussia migrans sub Alberto Duce litem in ecclesia protestantica excitavit, negando nos justificari fide, sed eandem essentiali

justitia, qua Deus justus est. Impugnavit Melancthon ejusque collegæ hanc sententiam, impugnavit eam quoque Franc. *Stancarus* linguæ hebrææ Regiomontanus professor, at in oppositum incidit errorem; nam juxta Osiandrum Christus ut Deus tantum generis humani peccata expiavit, Stancarus contra divinam Christi naturam a redemptione & satisfactione exclusit, & munus redemptionis ad solam naturam humanam pertinere disputavit.

§. 445. Hæ lites vivente Melancthone exortæ sunt, neque ad eas terminandas a Protestantibus quid cum fructu suscipi poterat, mortuo vero anno 1560. Melancthone de iis componendis certius & securius agere cœperant. Hunc in finem *Augustus* Elector Saxonix & Jo. *Guilielmus* Dux Vinariensis anno 1568. præstantiores utriusque partis theologos convenire jussit Altenburgi, ut controversiæ amicabiliter componi possent; verum æstus disputantium & aliæ rationes impedimento erant, quo minus fructuosum hoc esset colloquium, aliam igitur rationem restituendæ concordix inire placuit. Nempè utilissimum videbatur, *formulam* quamdam seu libellum a theologis confici, in quo omnes istæ lites dirimerentur, eandemque formulam, postquam ab omnibus Principibus & cœtibus Lutheranis esset probata libris *symbolicis* ecclesiæ protestantiæ adjici.

I. Magno huic & difficili negotio autoritate Ducis Witembergensis admotus est *Jacobus Andreæ* theologus Tübingensis suo tempore longè celeberrimus, hinc varia per Germaniam itinera obivit, ac cum aularum ministris theologisque de formula ista prudenter adornanda, ut omnium suffragia sperare posset, consultavit.

§. 446. Maturare hanc concordiam per id voluerunt *Gasparus Peucerus* Melancthonis gener, medicus & professor physices Witembergensis, ceterique tam Witembergenses ac Lipsienses theologi Melancthonis discipuli (freti amicitia virorum primi ordinis in aula Saxonix, præcipue vero *Georgii Cracovii* cancellarii Dresdensis) quod abrogato Lutheri de reali corporis Christi in eucharistia præsentia dogmate in ejus locum calvinianam de S. cœna sententiam ab anno 1570. substituere per varias clandestinas artes tentaverint. Hunc in finem anno 1571. libro germanico, quem *stereoma* nominarunt, aliisque deinde scriptis dissensum suum in dogmate de eucharistia & persona Christi aperte testati sunt, atque ut facilius oprata exequerentur, novum catechismum dogmati calviniano faventem, quem *Pezelius* composuit, in scholas introduxerunt. Motibus hinc in ecclesiâ protestantica & disputationibus exortis *Augustus* Saxonix Elector theologos suos Dresdæ convenire an. 1571, at-

que sententiam suam de eucharistia profiteri jussit. Fecerant hoc illi, verum subdole: domum reversi consilium quod coeperant, studiose persecuti sunt docendo, scribendo, aliisque modis vetus Saxonum de eucharistia dogma extinguere conantes. Quam rem cum plene Augustus Elector plurimis testibus cognovisset, anno 1574. *Torgæ* celebri conventu indicto alios ex his occultis Calvinistis in custodiam tradidit, aut in exilium misit, alios sententiam mutare coegit¹. Socii Peuceri a Protestantibus dicuntur *Crypto-calvinistæ* (id est calvinistæ occulti a *Κρυπτός οculus*).

- I. In neminem acrius animadvertit, quam in Peucerum, cujus primæ hæc in re partes erant. Is enim diuturno & duro carcere ad ann. usque 1585. detentus fuit, quo precibus Anhaltini Principis, cujus filiam Augustus duxerat, liberatus Servestam migravit.

§. 447. Disturbatus Crypto-calvinistarum consiliis Augustus Princeps Elector, qui cum eo senserant, negotium formulæ concordiæ acrius & diligentius promoverant. Post varias igitur consultationes anno 1576. Jac. Andræ potissimum in conventu multorum theologorum *Torgæ* ab Augusto convocato libellum composuit ad pacandam ecclesiam protestanticam adcomodatum, qui a loco *liber Torgensis* vulgo nominatus est. Eo libello a plerisque theologis Lutheranis ponderato & illustrato *Bergæ*, quod vetus est juxta Magdeburgum ordinis Benedictini collegium a delectis quibusdam theologis res iterum in deliberationem vocata, omnibusque consideratis, quæ varie a variis monita erant, formula concordiæ notissima est perfecta¹.

- I. Adjutores habuit Jacobus Andræ *Bergæ* præcipuus *Mart. Chemnitium*, & *Nic. Selneuerum* theologos inter Lutheranos maximi nominis.

§. 448. Controversia seculo XVII. in ecclesia Protestantium exortæ haud incommode in *maiores* & *minores* dividi possunt, quantum illæ totam concernebant ecclesiam protestanticam, non item hæc. In minoribus primo occurrit illa, quæ *Tübingenses* & *Giessenses* theologos ab anno 1616. disjunct. Quærebatur maxime de vera indole & ratione status illius, quem *exinanitionis* vulgo nominare solent. Consenserant disputantes, Christum hominem divinas proprietates per *unionem hypostaticam* acceptas in statu etiam exinanitionis possedisse, dubitabant vero, utrum in eo statu usu harum proprietatum se abdicaverit? an vero usum earundem oculis hominum subduxerit? Hoc *Tübingenses*, illud *Giessenses* propugnarunt¹.

I, Accessit ad primariam hanc questionem alia subtilis magis quam utilis, nimirum de Dei omnipræsentia, id est, de *modo*, quo Deus rebus creatis præsens est.

§. 449. *Martinus Seidelius* Ohlaviensis - Silesius sub exitum sæculi XVII. sectam in Polonia & vicinis regionibus quæsitit quidem, sed non invenit. Existimavit nimirum homo hic audax, Messiam quidem a Deo populo judaico promissum fuisse, illum vero nondum venisse, nec unquam venturum esse, quia Judæorum populus peccatis suis indignum se tanto vindice reddidisset: Christum igitur male pro Messia haberi, ejusque officium unice contineri in uberiori declaratione & explicatione juris naturalis, quod culpa hominum valde obscuratum est. Huic igitur legi naturali a Christo declaratæ qui obedit, cum omnia religionis a Deo præscriptæ officia implere. His portentis quo præsidium & speciem veritatis compararet, omnis novi testamenti libros rejecit. Pauci, quibus vera esse quæ docuerat, persuasit dieti sunt *Semi-judæi*, quia cum iis consenserant, Messiam nondum venisse, & in eo discreparunt, illum nunquam venturum ¹.

I. Habebant Lutherani hoc sæculo quosdam in sua ecclesia, qui se prophetas a Deo excitatos, & futura prædicendi facultate præditos gloriati sunt. Existerant hi illis præsertim temporibus, quibus Austriaci cum Germanis, Suedis & Gallis de principatu dimicant: usu scilicet diuturno compertum est, nunquam majorem copiam Prophetarum excitari, quam cum magnæ rerum conversiones imminere videntur, aut repentinæ calamitates nascuntur. Notiores ex his sunt *Nicol. Drabibus*, *Christoph. Ketters*, *Joch. Grendich*, *Georg. Kelschhaus*, *Franz Maria Frölich*, *Joh. Wertenia*, cum aliis quibusdam, nullus tamen horum insignium turbarum causa exitit, & ipse rerum eventus brevi eorum oracula auctoritate omni exiit.

§. 450. Controversiæ majores duæ sunt, quæ maximam partem sæculi XVII. absumunt: *syncretistica*, quæ & a loco, unde profecta *Helmstadienses*, & ab eo, qui primas in illis partes egit, *Calixtinæ* vocantur, & *Pietisæ*, quas *Halenses* aliqui ab academia, cum qua gestæ sunt, adpellant. Caput omnium, quæ tam odiose Calixto a Lutheranis quibusdam exprobatæ sunt, studium eius erat, tres nobiliores in Europa Christianorum ecclesias catholicam, protestanticam, & reformatam in unum corpus cecendi ¹. Istam vero quam meditabatur concordiam, ut persuaderet, duo ipsi sumere necesse erat: primum fundamenta religionis christianæ, seu illa principia generalia, ex quibus reliquæ manant veritates, in omnibus tribus Christianorum familiis valvas & incolumes esse, hæc autem fundamenta aiebat contineri in *symbolo apostolorum*: alterum, quæ unanimi consensu Patrum primorum quinque sæculorum nituntur, ea æque vera esse, ac si in ipsa sacra scriptura legerentur.

- I. Negat tamen *Morhemius*, Calixto mentem fuisse in unum corpus has tres ecclesijs cogendi, sed solummodo eum studisse a mutuis odiis eas ad amorem & tolerantiam revocandi.

§. 451. Certamina syncretistica exceperunt & simul extinxerunt controversiæ *pietisticae*. Excitavit primus hos motus *Jacobus Spenerus*, dum privatos instituit Francofurti conventus populi ad sanctimoniam cohortandi & formandi causa, & singulari deinceps libello exponeret *pia sua desideria*, ut ipse vocavit, seu morbos Ecclesiæ lutheranæ & remedia eorum. In duplicem vero classem hi pietatis restauratores se diviserant: alii sic ei succurrere voluerunt, ut integram simul religionem lutheranam libris symbolicis comprehensam tum disciplinam & gubernationis formam servarent, alii vero florere pietatem nullo modo posse judicabant, nisi & recepta dogmata immutarentur, & nova disciplina induceretur.

- I. Materia harum litium multiplex erat. Nimirum qui pietati promovendæ studuerant, in ea primum erant sententia, nihil magis ejus incremento obsistere, quam illos ipsos, quibus pietatis cura credita est, doctores nimirum & sacrorum ministros, ex quo jam duo deduxerant, corollaria: primo scholas theologicas emendandas esse, mixturam nimirum theologiæ cum philosophia aliisque profanis eruditionibus tollendam & simplicem ex sola sacra scriptura religionis christianæ notitiam instillandam. De hac sententia cum nonnulli eorum non satis determinate disputarent, oborta multis est suspicio, philosophiam & reliquas litteras propterea ab his pietatis patronis contemni, theologiam vero in rudi quadam & vaga de moribus officiisque declamandi facultate collocari. Hinc lites illæ de pretio philosophiæ & scientiarum profanarum in re sacra, de dignitate & utilitate theologiæ, quæ *systematica* dicitur, 2.) sollicite elaborandum esse præceperant, ut futuri religionis ministri viva pietatis exempla fierent, unde scitum illud manavit: *nemo pietatis magister & dux salutis esse alius potest, nisi prius ipse Deo sit amicus*. Per hoc dogma multi verbi divini virtuti, quæ hominum vitiis infirmari nequit, derogari, tum ad Donatistarum errores viam sterni putabant. quocirco longæ quæstiones agitari ceperunt, numscientia rerum diuinarum, quæ est in homine improbo dici *theologia* queat? quatenus impii doctoris munus salutare & efficax sit? num illuminatio in hominem cadat malum & a Deo aversum? & similes.

§. 452. Iidem pietatis collapsæ restauratores, quo citius innatam pravitatem fortius oppugnarent, necessarium duxerant, ut usitatæ quædam formulæ, quæ hominum libidini & concupiscentiæ favere videbantur, ex libris symbolicis tollantur, cujusmodi sunt: bona opera non esse ad salutem necessaria, hominem per solam fidem justificari, perfectionem, quam lex divina postulat, neminem in hac vita assequi posse. Optabant quodque Pietistæ, ut præter publicos ad Deum colendum conventus, privati etiam frequenter precum & aliarum piarum exercitationum causa agerentur, quos *pietatis collegia* vocabant. Pariter ut actiones quædam, quæ de se quidem non sunt prohibitiæ, attamen occasio vitiorum esse possunt, ex innocentium in se, seu indifferentium actionum classe eximerentur, & in

malis seu prohibitis ponerentur, uti verbi causa, saltationes, mimi, joci, ludi, fabulæ scenicæ &c. ¹.

- I. Nimis vero rigidam multi censebant hanc esse vitæ disciplinam, unde illa veterum scholarum diuinitio in medium reducebatur, utrum dentur actiones indifferentes de se nec bonæ nec malæ. Maximum vero suorum odium Pietistis illud accersebat, quod non tantum regnum in terris Christi millenarium, & universale Judæorum conversionem expectaverint, sed etiam adfirmare ausi sint, ecclesiam protestanticam adeo esse corruptam, ut nova indigeat reformatione, omnesque libri eorum symbolici abrogari debeant.

§. 453. Controversiæ seculo XVIII. inter Protestantes exortæ denuo in *maiores* & *minores* dividi possunt. Prioris generis duæ sunt, de philosophia nimirum *Wolfii*, & *Apocatastasi*, seu æternitate pœnarum infernalium. Philosophia Wolfiana non paucos invenit adversarios, cum theologi quidam putaverint, per eam fundamenta religionis concuti: incusabant nimirum Wolfium 1.) quod principio rationis sufficientis, quod pro veritatum contingentium principio posuit, evertatur liberum arbitrium, 2.) eamdem libertatem everti per harmoniam præstabilitam ¹, 3.) per mundum optimum, quem Wolfius defenderat cum *Leibnizio* ², Deum poni authorem peccati, 4.) eum varia argumenta ad Dei existentiam demonstrandam impugnasse, & sarcastice traduxisse, nec definitiones perfectionum divinarum conformiter ad mentem scripturæ dedisse, 5.) ejus theorematum & demonstrationes de fato, mundi-que æternitate suspectas esse, 6.) perniciose principia in morali sua tradidisse. Ad extremum progressi quidam adeo inepti erant, ut non dubitaverint asserere, Wolfianam metaphysicam ad atheismum viam aperire.

- I. *Systema harmoniæ præstabilite*, quod ad explicandum commercium animam inter & corpus adhibuit, his nititur principiis: 1.) quoties in organis sensoriis & corporis membris contingit mutatio, toties anima vi sibi congenita sine corporis adminiculo perceptionem producit, idque ita, ut quæ producitur perceptio, ex aliis antecedentibus perceptionibus serie nexuque continuo resultat, 2.) motus corporis nec ab anima, nec a Deo producitur, sed oriuntur ex structura & vi motrice corporis, ac motibus præcedentibus, 3.) quod autem tum in motibus, tum in sensibus tam actus animam inter & corpus consensus adsit, id a quadam Dei præordinatione, ac sapienti præstabilitione derivandum esse.

2. Ut intelligas, a quibus primordiis ducta sit controversia de *mundo optimo*, brevissime rem, ut gesta est enarrare juvat. Leibnitius impeditum illam ac difficilem questionem de origine mali *evolutivè* exposuit, & *Raiffum*, qui contortis quibusdam & minutis conclusioniculis effici voluit, originem mali ad Deum quemdam malum esse referendam, consultatus sum de mundo optimo opinionem in lucem protulit, malumque propterea, quod hic innotuit, in quo inest malum, sit optimum, ab eo nebat sejungi posse, ut adeo videas, questionis de mundo optimo stirpem queri debere in altera quæ dicitur de *originis mali*. Petrus *Laurens* in explicanda mali origine tot tantæque difficultates occurrere putavit, ut vix expediri eas posse crederet. Rationem, ac revelationem adversis velut fratribus inter se pugnare putabat, atque ob

intestinam quandam discordiam inter utramque reperiri quod vel ex eo luccide adparere ajebat, quia ratio talia adiit dubia contra ea, quæ de peccato originis in sacra scriptura præcipiuntur, ut ex iis se expediendi nulla detur via, rationem vero negabat perspicere, quomodo fieri possit, ut Deus sit bonus, sapiens, & sine macula, si condit hominem mox peccaturum, si malorum plenus sit mundus. Leibnitius in eo omnes inæquali nervos intenderat, ut Bailli nodos dissolveret. Borussia Regina *Sophia Carolina* Leibnitium identidem rogavit, ut scrupulos, quos Bailliarum scripturarum lectione sibi senserat injectas, eximeret, Bailliumque confutaret. Leibnitius ergo Regine obsecraturus precibus in lucem protulit sermone gallico meditationes illas, quæ *Theodiceæ* nomen præferunt. In hoc libro novam Baillianas difficultates solvendi init rationem, qua Dei bonitatem vindicari optime, malique originem planissime posse explicari vir eruditissimus est arbitratus. De Theodiceæ Leibnitianæ argumento sic habet: *Deus est intelligentissimus, sapientissimus, sanctissimus, atque adeo non potuit non eligere id, quod est optimum, sive quod est melius. Cum ergo Deus huic potissimum mundum præ pluribus aliis elegerit, omnesque omnino, qui existere poterant, mundos ab omni æternitate distinctissime perspexerit, consequens est, ut hic mundus, quem Deus ceteris prætulit, & in quo malum futurum accuratissime prævidit, sit optimus.*

§. 454. Primus, qui se Wolfianæ philosophiæ opposuit, erat *Dan. Strahlerus*, vir quoad doctrinam Wolfio longe inferior, hic tamen levis armaturæ miles jussu Regis ex arena descendere coactus. Anno vero 1723. facultas theologica Halensis Regi *Fridrico Wilhelmo* animadversiones *Langii* in metaphysicam Wolfianam exhibuit, simulque supplicavit, ne liceret Wolfio in collegiis philosophicis versari. Constantes & repetitæ querelæ theologorum Halensium Regem tandem permoverant, ut severo edicto Wolfium intra 24. horas Halla, & intra trium dierum spatium territorio regio emigrare jusserit. Venit ergo philosophus exul Casselium, ubi summis honoribus exceptus, & primo professor Marpurgensis, dein Hesso-Casselanus consiliarius aulicus designatus est.

§. 455. At scena mox mutata; nam Rex doctrinam Wolfii denuo viris doctis examinandam commisit, quod negotium impositum *Reinbekio*, *Nolténio*, & *Jablonskio*. Horum judicio Wolfius absolutus, & a Rege ipso anno 1733. & 1739. Hallam ut rediret invitatus est, verum vocationem hanc sequi formidabat, insidias sub ea latere metuens. Tandem anno 1740. a Rege Borussia *Fridrico II.* revocatus est, qui illum vice-cancellarium academici Hallensis, consiliarium a secretis, professorem matheseos, juris naturalis ac gentium, & anno 1743. universitatis cancellarium, Elector vero Bavariæ vacante imperio, qua imperii vicarius liberum S. R. I. Baronem creavit. Obiit vir magnus plenus in rempublicam litterariam meritis anno 1754.

§. 456. Post hanc controversiam gravitate sua se distinguit altera de *Apocatastasi*. Nam pridem inter theologos quidam inventi sunt, qui putabant, bonitatem Dei cum æternitate poenarum

componi non posse, inde docuerant, damnatos & dæmones longa annorum serie elapsa ad amicitiam Dei redituros. Hæc tanta fiducia quidam adfirmarunt, ut annorum etiam numerum determinandum sibi sumpserint, per quos miser damnatorum status adhuc durabit. Hujus rei ænigma quærebant in annis remissionis veteris testamenti. Elapsis sex millibus annorum aiebant secuturum annum remissionis, hinc elapsis septem remissionis annis omnes dæmones & damnatos ab interno liberandos esse¹.

- I. Primam huic controversiæ ansam dedit uxor pastoris *Petersen*, qui uxoris suæ librum (suppresso tamen ejus nomine) cum titulo: *æternum evangelium universalis apocatastases omnium creaturarum* anno 1690. divulgavit. quam doctrinam a quadam *Joanna Leade* mutuavit. Cum vero multi huic operi contradixerint, eo quod doctrina in eo contenta repugnet illorum libris symboli-
cis, *Petersen* uxorem suam defendere suscepit vasto opere, quod inscripsit *mysterium apocatastasos*, nec assecræ ei defuerunt. Idem *Petersen* regnum Christi millenarium in terris cum *Chiliastis* expectavit.

§. 457. Ad controversias minores pertinet lis de natura matrimonii, & de statu animæ post hanc vitam. Jo. Sam. Strykius matrimonium rem mere civilem esse contenderat, omniaque quæ theologi Protestantes de matrimonio docent, reliquias esse religionis pontificiæ. Alius jurisconsultus *Dantisci* propugnavit, polygamiam lege divina positiva non esse vetitam. Etiam de impedimento affinitatis, de valore matrimonii cum sorore defunctæ uxoris inito disputabatur (in Borussia tamen lites hæc pridem cessarunt, ex quo Rex *Fridericus* II. impedimenta affinitatis sustulit.) De statu animæ mota est quæstio, an illius immortalitas ex sola ratione naturali demonstrari queat? *Majerus* negabat, eam semota revelatione evinci posse, & ita classicum cecinit, ut ingens argumentorum copia ad eam demonstrandam sit inventa. Ex appetitu infinito multi sua argumenta deduxerant, quæ tamen *Moshemius* in sua morali ut infirma impugnavit.

MEMBRUM III.

HISTORIA ECCLESIAE REFORMATÆ.

CAPUT PRIMUM

DE

FATIS EXTERNIS.

§. 458. Ecclesia, quæ ipsa *reformata*, aut *evangelico-reformata* vocari vult, olim ab adversariis *zwingliana*, aut vero *calviniana* dicta fuit, nunc a multis *calviniano-reformata* adpellatur. Primus ejus conditor erat *Udalricus Zwinglius*, qui in variis punctis, præcipue vero de præsentia corporis Christi secus ac Lutherus senserat. In Helvetia omnes illi, qui se a romana ecclesia separarunt, Zwinglii placita sunt amplexi, ita paulatim prima illa ecclesia reformata, quæ Zwinglium parentem colit, mediocris tamen, nec late patens coaluit.

I. Vestigia Zwinglii in sententia de eucharistia Jo. *Ecolampadius* Basileensis theologus pros. II. Utrumque Lutherus eoque assectæ vehementer oppugnaverunt, at Zwinglius cum vix novam ecclesiam suam composuisset, in prælio Tigurinorum cum Helvetiis Catholicis religionis defensoribus occubuit, in quod quidem bellum, ut ajunt, non pugnandi causa, sed milites exhortandi & consolandi, armatus licet more gentis suæ, profectus erat.

§. 459. Post mortem Zwinglii quidam concordiaæ amantes, maxime *Martinus Bucerus* omnem adhibuerunt conatum utriusque partis tam Lutheri, tam Zwinglii de eucharistia sententiamquivocis verbis & expressionibus involvere, & qualemcunque concordiam sancire. In Helvetia ex his Buceri consiliis motus quidam sunt consecuti, alii enim Zwinglii sententiam dimittere noverunt, alii vero Buceri temperatas formulas sunt amplexi.

§. 460. Mors Lutheri ad pacem inter Protestantes & Zwinglianos expectandam animos iterum erexit; nam Melancthon cum amicis & discipulis tam cupide eos sociari exoptavit, ut ne simula-

tam quidem concordiam fugeret, & ejus obtinendæ causa in varias se formas verteret. Ex altera parte *Jo. Calvinus* Noviodunensis Gallus, amicus Melancthonis duram Zwinglii sententiam temperavit, atque ab Helvetis Tigurinis maxime, quos inter summa valuit autoritate, impetrare studuit, ut sibi adsentirent, sed irritum Melancthonis tum Calvini erant conatus concordiam restituendi¹.

1. Melancthon siquidem non tantum sibi sisus est, ut hoc negotium sperte tentaret, Calvinus vero etsi circa eucharistiam consensum perficere studuerit, novam docere copit sententiam, quæ graviores excitavit lites. Adfirmavit nimirum Calvinus, Deum quosdam ante prævisa demerita ad interitum prædestinare, quæ sententia plus adhuc divisit Protestantes a Zwinglianis, quam dissensio de eucharistia.

§. 461. Hæc de causis, quæ reformatos a Lutheranis sejunxerant. Fata ipsa ecclesiæ reformatæ quod adinet, considerari debet tempus, quo Zwinglius cœtum a Romana ecclesia separatam construere cepit, ad illud usque, quo Calvinus Genevæ descendit, & summam inter reformatos auctoritatem est nactus. Priori temporis spatio non late patebat ecclesia, quæ *reformatæ* sibi nomen postea exemplo vicinorum Gallorum, qui se hoc vocabulo a Catholicis distinguebant, sumpsit, & unius ferme Helvetiæ finibus continebatur, atque hos inter exiguos fines forte constitisset ecclesia Zwinglii studio collecta, nisi Calvinus ortus fuisset.

§. 462. Prima hac reformatæ ecclesiæ ætate nihil eam & protestanticam ecclesiam dissociavit, quam controversia de reali Christi præsentia in eucharistia, ex qua nata est altera de *persona Christi*¹, quam suam ramen tota ecclesia lutherana haud fecit. In de gmate vero de eucharistia Helveti hoc temporis intervallo Zwinglii sententiam in universum sequebantur, quæ a Calvini distat opinione².

1. Suevorum enim theologi cum Helvetis disputantes, cum ex dogmate de *communicatione idiomatum* acquiecent, *omnipersonium* nature humanæ Christi iussu communicatum, inde de realem ejus præsentiam in eucharistia ducerent, negabant Helveti idiomatum communicationem, quæ quidem ex re difficillima his illa de idiomatum communicatione & ubiqualitate est orta.

2. Sic enim concebat Zwinglius, panem & vinum representare tantum corpus & sanguinem Christi, seu signa esse beneficiorum per mortem ejus humano generi partitorum, nullum igitur ex sacra eorum fructum alium referre Christianos, quam recordati nem meritorum Christi, seu ut dicere solent sententia hujus patrum, *nihil esse in sacra cœna, quæ præstet Chrysi*. Multis testimoniis hanc veram esse Zwinglii de eucharistia sententiam demonstratur *2. anti Helvetici Tract.* 1. pag. 485. seq. & *Reformati* ipse in lib. de *hæc.* Tom. 2. op. pag. 85. ait: *cœna dominica non aliud, quam commemoratio est nostri mæriti*. Hoc de eucharistia dogma Mart. Bucerus passim et alia corrigere nitentur, quo lutherano dogmati similis, imo cognatum videretur, sed re-

centior erat memoria Zwinglii, quam ut Helvetos ab hac abducere possit sententia.

§. 463. Nova plane rerum facies nata est in ecclesia reformatâ, quum Jo. Calvinus Genevam rediisset, unde antea anno 1541. pulsus fuit. Factus erat tum ecclesiæ Genevensis antistes, tum etiam in republica summam auctoritatem adeptus est. Primum igitur scriptis epistolis, aliisque rebus effecit, ut ex Gallia, Italia, aliisque regionibus copiosi homines Genevam migrarent, & ibi domicilium figerent, plurimi quoque Calvinum videndi & audiendi causa illuc profecti sunt. Deinde senatui Genevensi auctor erat, ut anno 1550. academiam Genève conderet, in qua & ipse & collega ejus *Theod. Beza* docuit, nova hæc academia tantum brevi tempore gloriæ est nacta, ut ad eam certatim ex Anglia, Scotia, Gallia, Italia, Germania juvenes confluerent, per quos discipulos Calvinus ecclesiam reformatam ubique amplificavit.

§. 464. Doctrinam autem a Zwinglio traditam Calvinus tribus potissimum in rebus mutavit: 1.) circa formam sacræ gubernationis ¹, 2.) circa eucharistiam ², & 3.) in doctrina de prædestinatione (§. 459. 1.). Horum trium quod primum est, non omnibus reformatis ecclesiis, non Germanis, non Anglis, ne ipsis quidem Helvetis nec Calvinus, nec discipuli ejus persuadere poterant, persuasit tamen Gallis, Batavis, Scotis aliisque. Helveti formam gubernationis semel sub Zwinglio constitutam labefactari nullo modo passi sunt, de binis reliquis satis diu in ipso Helvetia acerrime est disputatum, constantia tamen & auctoritate Calvini post gravissimas altercationes evenit, ut concordia inter eum & Helvetos primum de eucha istia anno 1549., & postea anno 1554. etiam de prædestinatione sanciretur.

1. Zwinglius magistratui plenum & absolutum jus circa sacra tribuerat, eidemque sacerdotum ministros prorsus subiecerat, at Calvinus jus magistratum in res religionis angustis circumscripsit suis, atque ecclesiam sui juris esse, se ipsam per collegia presbyterorum & synodos ecclesie catholice more regere debere adseveravit, tarella tamen & externa cura magistratui relicta. Paucis illam gubernationis sacræ formam Genevæ introduxit, & in universam ecclesiam reformatam, introducere studuit, quæ *presbyteriana* dicitur, quia episcopos & gradus hierarchicos non habet, sed omnes ministros religionis pares inter se jure divino esse debere statuit.

2. Cum Zwinglius *symbolicam* tantum corporis & sanguinis Christi presentiam conceperet, & nullum aliam ex percipiente eucharistie fructum permisisset, quum resurrectionem mortis Christi & beneficiorum illa morte partorum, Calvinus *symbolicam* quodammodo presentiam fecit, atque ex eucharistie percipiente magis præter incrementum capere statuit. Dein ex Zwinglii opinione præteritis, quæ ac jure canonice sacræ participes fieri, Calvino auctore autem non nihil jure ad eucharistiam accedere licuit.

§. 465. Qui primi ex Gallis ecclesiam catholicam deseruere,

Lutherani vulgo a scriptoribus illorum temporum nominantur, ex quo conficiunt nonnulli, omnes Protestantibus deditos, & ab Helvetis, seu reformatis alienos fuisse. At vicinitas Genevæ, Lausannæ, aliarumque urbium, quæ calvinianam doctrinam adoptarunt, & indefessum Calvinii ac Bezae studium tantum potuerunt, ut omnes dimidia seculi XVI. parte nondum elapsa Genevensium se socios profiterentur, qui a Romana ecclesia defecerant. Hi Gallia Calvinistæ dicebantur *Hugonotti* ¹, & gravibus tempestatibus jactati fuere ².

1. Nomen hoc traxerant a voce fœderis helveticæ, quo se invicem, id est fœderatos nuncupant, male a Gallis pronunciata, hinc enim formata est vox gallica *Hugonot*: quasi *Eignot*, & reformatis tributa, quod ad novam religionem stabiliendam esset confœderati (ita Nat. Alex.) quamquam de hujus vocis origine alia proferant.

2. Huc pertinet celebris illa historia, quam Galli *Massacre de S. Bartholomæi* vocant. Cum enim *Henricus* Rex Navarræ in uxorem duxisset *Marгарitham* Caroli IX. sororem, ad has nuptias invitati sunt omnes Gallia nobiles Calvinio addicti. Conspiratione autem contra eos facta in festo S. Bartholomæi, quod cedit in 24. Augusti, anno 1572. signo campana dato a sicariis eum in finem destinatis omnes sunt occisi. Ad centum millia Hugonotorum illa die periisse, tantumque sanguinis fustum fuisse narratur. ut flumina cadaveribus impleta. sanguine atrata sint, ut adeolis etiam longius dissitis usus aquæ ad potum aliasque res necessarias præpeditus fuerit. *Thuanus* supermi senatus, seu parlamenti Parisiensis præses, dum hanc historiam narrat illos Statii Papiiani versus ex Theb. lib. 2. adcommodavit:

Excidat illa dies ævo, nec postera credant
Secula: nos certe taceamus, & obruta multa
Nocte tegi propriæ patiamur crimina gentis.

Gregorius XIII. vero, narrante eodem *Thuano* L. 53. & *Strada* Dec. 1. L. 7. pag. 447. confirmante. certior factus a Rege Carolo IX. tragædiæ feliciter peractæ statim cum cardinalibus ad B. Marci concessit, & Deo ritu solenni gratias egit: jubileum toti orbi Christiano publicavit, & publicæ lætitiæ signum tormentorum displosione dedit.

§. 466. Post hos contra Calvinistas in Gallia motus sub Rege *Henrico IV.*, qui relictis reformatis ad sacra Catholicorum rediit, bellum civile excitavit, quod ut sedaret *Henricus*, celeberrimo illo edicto Nanneti anno 1598. lato iis religionis suæ exercitium permisit. Inde autem factum, ut a tempore *Henrici* ecclesia reformatata in Gallia repræsentare cœperit civitatem quamdam, seu rempublicam in republica magnis juribus & privilegiis munitam, quæ cum a iâ securitatis suæ causa oppida & castra, tum urbem munitissimam *Rupella* (*La Rochela*) possedit, suisque prædiis custodivit.

§. 467. Verum hæc reformatorum quasi respublica motibus & bellis civilibus exortis partibus eorum se junxit, qui regi repugnabant, Batavorum quoque, & Anglorum fœdera aperte nimis

appetebat, aliaque suscepit paci publicæ & supremæ Regis auctoritati adversa. Hinc ab anno 1621. bella quædam Rex *Ludovicus XIII.* cum reformatis gessit, summusque rerum gallicarum administer *Richelius* cardinalis Galliam non antea tutam & tranquillam fore putavit, quam reformatorum respublica disturbetur, tum castris juribusque suis spoliatur. Itaque anno 1628. post longam difficillimamque obsidionem urbem Rupellam maximum reformatorum propugnaculum expugnavit, & in Regis ditionem redegit, qua urbe capta actum erat de reformatorum republica.

§. 468. Conqueruntur reformati, aulam gallicam non fuisse contentam destructa illa reipublicæ specie, sed ipsam etiam illorum ecclesiam & religionem contra fidem a Regibus in edicto Nannetensi & aliis datam destruxisse. Præcipue autem ea de causa conquesti sunt, quod non tantum promissis & blanditiis eos ad ecclesiam Romanam reducere studuerint Catholici, sed etiam cum leniora hæc consilia frustrata esse intellexissent, variis interpretationibus & edictis edictum Nannetense restrinxerint, & labefactaverint. Sed quidquid de his querelis sit, istud constat, Regem *Ludovicum XIV.* eo a Catholicis permotum fuisse, ut anno 1685. edictum Nannetense abrogaverit ¹.

I. Falso enim Regi Catholici persuaserant, edictum Nannetense supervacaneum esse, eo quod plerique subditorum reformatorum ad ecclesiam Romanam redierint, legitur enim in constitutione regia, qua edictum Nannetense sublatum est: *illud per se ipsum cessare*, eo quod maxima pars subditorum reformatorum ad ecclesiam Romanam exiit detrimentum, innumerabilis enim multitudo hujus respublica Gallorum exiit detrimentum, innumerabilis enim multitudo solum patrium migravit, & in variis Europæ partibus domicilium quesivit, ceteri, qui vigilantia Catholicorum fuga sibi consulere impediti fuerant, per milites cogebantur religionem catholicam saltem ore (intellectus enim per vim externam cogi nequit) profiteri.

§. 469. Sublato edicto Nannetensi omnia reformatorum templa diruta, eorum doctores & pastores pulsi, ceteri ad professionem religionis catholicæ adacti ita quidem, ut conventus sacrorum causa agere sub pœna triremium, & pastoribus exercitium muneris sui sub pœna laquei prohibitum fuerit. Interim reformati nihilominus clandestinos egerant conventus, quod cum a Catholicis detectum fuisset, milites aut satellites missi, qui in conventibus congregatos cingerent, & carceri manciparent. Viri ad triremes & feminae ad carceres damnabantur. Reformati inde in desperationem acti arma contra Regem arripuerant, unde notum illud bellum *Camisardorum* ¹ exortum est, quam ob causam Regem magis exacerbarunt, & majores sibi pararunt calamitates. Verum Hugonotti his calamitatibus non tantum non fracti, sed potius audaciores facti, dum antea clande-

stinis tantum & nocturnos egisset conventus, jam non verebantur in publicum prorumpere, & palam etiam convenire ².

1. *Ari* Hanan los Católicos en el Languedoc á los habitantes de Senones que tomaron las armas contra el Rey, y trae su origen esta denominacion de la palabra camisse, que significa la camisa; por quanto los camissaros ó descamisados eran gentes pobres y miserables. (Hubner, Lexicon).

2. Factum id anno 1743, qui propterea novam in historia reformatorum Galliae facit epocham. Ratio autem praecipua, ob quam publicos agere coeperint conventus, ut saltem ipsi contendunt, hæc est, quia gravium criminum in clandestinis suis conventibus patratorum a Catholicis inculpabantur.

§. 470. Nova exorta est procella, cum præses *Occitaniae* (*Intendente del Languedoc*) anno 1752. omnia matrimonia coram pastoribus a Catholicis celebrata a presbyteris Catholicis ratificanda esse jusserit, hoc enim mandato perterriti ingenti numero sibi fuga consuluerunt. Rex itaque D. de *Paulmy*, ut causam hanc cognoscat, in mandatis dedit, cui senior pastor *Nemausi* (*Nîmes*) supplices tradidit litteras, in quibus miserum a Catholicorum statum vivis depinxit coloribus. His brevi post adjunctæ secundæ, quæ tantum habuere effectum, ut altera sint in historia reformatorum Galliae epocha ¹.

1. Non quidem lege publica exinde Rex Galliae tolerantiam ipsis concessit, attamen respirare illis modice licuit. Anno 1761. novæ inquisitiones propter baptismum & matrimonium reformatorum instituebantur, sed litteras supplices Regi porrexerant, & ab hoc tempore a publicis calamitatibus securi vivunt. (*Nueva historia de la Religion, por Lessius*).

§. 471. Anglicana ecclesia diu adduci non potuit, ut legibus Genevensium totam se subiceret, nec quæ ex illis accepit, diu retinuit. Testatum fere est, maximam eorum partem, qui in Anglia ab ecclesia Romana defecerant, ad Lutheri sententias de eucharistia & sacra gubernatione propensiores fuisse, quam Helvetorum. Post Henricum vero VIII. conatibus Calvinii ejusque discipulorum maxime *Petri Martyris* contigit, ut extrusis illis hæc in scholas & templa migrarent. Quocirca cum sub *Edwardo VI.* de constituenda religione & disciplina deliberaretur, Genevensium institutum ea lege Angli amplexi sunt, ut veterem tamen gubernationis sacrae formam, quæ valde distat a genevensi, una cum institutis nonnullis, quæ maximæ reformatorum parti superstitiosa videntur, retinendam ducerent. Hoc ipsum vero discrimen, leve licet tunc temporis esset, postea non ecclesiae tantum, sed etiam reipublicæ anglicanæ calamitates & bella conflavit.

§. 472. Tristissimi dissidii principium ab illis anno 1554. natum est, qui *Maria* in Britannia regnante in Germaniam auflu-
Gm. hist. eccl. T. II.

gerant, ut vitæ & fortunis consularent. Horum aliqui sacra ritu illo peregerant, quem Eduardus VI. sanxerat, alii Helvetorum rationem tanquam simpliciorum prætularent. Illi nomen *Conformistarum* ex eo accepere, quia sacra sua legi ab Eduardo latæ convenienter instruxerant, hi vero *Non-Conformistæ*, seu *Puritani* sunt vocati, quia majorem cultus divini puritatem flagitarunt, nec omni superstitione formulam Eduardi vacare putabant. Hæc vocabula ætatem tulerant, & ad nostra usque tempora notarum loco sunt, quibus anglicani Calvinistæ distinguuntur. Lis hæc cum exulibus sub *Elisabetha* Regina in patriam redeuntibus ad Anglos translata magnum subito incrementum coepit. Regina Elisabetha sub his turbis in religione determinanda potius primorum seculorum, quam Genevensium & Puritanorum exemplum imitari jussit. Qua ex sententia quum totius ecclesiæ & cultus publici formam adornasset, eadem celeberrima illa lege, quam *uniformitatis decretum* (The Act of uniformity adpellant Angli) omnes subditos suos sequi jussit. Puritani religione se prohiberi, ne parerent, contendebant, & religionis romanæ ritus reduci acerbè querebantur. Hac ratione illa religionis veteris immutatio, quæ Anglos æque a Catholicis & Protestantibus sejungit, firmata at simul æternæ discordiæ materies est congesta.

§. 473. Prima, quæ tot disensiones peperit, causa valde levis est, abhorrebant Puritani a vestimentis, quibus sacer ordo Anglorum utebatur; hæc enim illis, quia a Catholicis derivata erant, *Anti-Christi* insignia esse videbantur, hinc autem ad graviora progressi sunt. Ipsam primum ecclesiæ anglicanæ formam dissimilem esse ei, quam Christus instituit, contenderant, divinoque jure omnes religionis ministros æquales esse debere, quod a Calvino acceperant. Nihil quidem impediebant, quo minus aliquis *episcopi* nomine insignitus collegio fratrum servandæ disciplinæ causa præsideret, at hunc episcoporum jure uti, inter regni proceres cooptari, civilibus negotiis adhiberi, opibus & potentia eminere nolebant. Bellum hoc aulæ & episcoporum cum Puritanis plus habuisset atrocitatis, nisi ipsi Puritani discordias inter se excitassent, uti seq. cap. dicitur.

- I. Mediocre erat hujus controversiæ pondus, quamdiu Anglorum episcopi jure tantum humano & legibus imperii superiores se esse fatiscebant: longe vero gravissimum exiit ab anno 1538, quo *Richardus Bancroftus* episcopus deinde Cantuariensis publice primus adfirmare ausus est, episcopos jure divino præbiteris superiores esse, qui ex sententia sequebatur, ut nulli pro veris religionis ministris habiti sint, nisi quos episcopus consecrasset.

§. 474. Seculo XVII. ad Britanniam in ecclesiam romanam

reducendam multum operæ consumptum est, talibus quoque adhibitis mediis, quæ ecclesiæ nostræ dedecus non modicum inusserant. In ipso seculi principio scelerati quidam homines odio religionis reformatæ inflammati Regem *Jacobum I.* una cum filio & universo gentis anglicanæ senatu impetu pulveris nitrati, quem ædibus subjecerant in quibus comitia parlamenti agi solent, uno ictu de medio tollere constituerant. Nec enim his occisis occasionem sibi defuturam putabant, religionem catholicam quo detrusa erat loco denuo collocandi. *Conspirationem pulverariam* insidias has vulgo Angli nominant '.

- i. Ex indubitatæ fidei actis publicis eruitur, dramatis hujus autorem fuisse *Catibejum*. Sic enim hic falso religionis zelo inflammatum secum rationes subduxit: Regem *Jacobum* solum multis modis tolli posse, at hoc sublato superesse parlamentum, utut autem præcipui ex parlamento tolli possent, superesse tamen multos præpotentes cōmites religioni reformatæ addictos, ergo decrevit uno ictu omnes tollere. Diu recoctum consilium ita se exequi posse speravit, si in parlamentaræ domus fundamenta, in qua convocato Senatu cunctisque coactis Rex una cum familia sua mascula, præeres Angliæ, & delegati ex urbibus, oppidis, pagis sunt congregati, cuniculo ducto & perfosso subijceretur pulvis nitratus una cum ferramentis & ingentibus saxis, eoque succensæ omnes in parlamentaria domo congregati uno impetu in aerem sublati memoratim discerperentur. Hoc consilium suum *Catibejus* quibusdam zelotis pro religione catholica manifestavit, cum autem atrox adeo facinus num perpatrare liceat scrupulos conscientiæ facile moveat, consilium theologorum exquirere proposuerant. Adierunt itaque *Garnetum*, *Tesmundum*, & *Gerardum* Jesuitas, qui conspirationem adprobarent, eo quod contra hæreticos sit inita, post hæc conjurari juramento se obligarunt ad rem secrete custodiendam. Consilium *Catibejus* aperuit *Percio* militi Regis prætoriano, qui statim ædes conduxit parlamentaræ domui vicinas, & per unicum murum ab ea separatas. Comitia anno superiori 1604. indicta in Februarium anni sequentis 1605. rejecta fuerunt, quod ipsis percommodum accidit ad laborem subterraneum commodius perficiendum. Opus ipsum subterraneum mense decembri anni 1604. inchoatum est: sæpe intermissum, sæpe repetito opere tandem cuniculus ad curiæ murum perductus fuerat, ubi nova se difficultas ob muri duritiem & trium ulnarum grassitiem obtulit, paucis diebus ad comitia restantibus. Jam pertinacia operariorum mediam murum pene pertunderat, & non deficientibus animis solum tempus defuturum videbatur, cum repente comitia in mensem octobrem dilata sunt. Dum vero murum aëriter pertundere pergunt, & parata jam erant omnia, scenæque ultimum actum expectabat, conspiratio miro modo est detecta. Decem ad comitia dies supererant, cum litteræ incerto autore, incognito latore seu tabellione ad *Montaquillum* tanquam ab amico deferuntur, quibus monitus is est, ut primo comitiorum die a conventu se abstineret, magnum enim & inopinatum malum conventui imminere *terribilem ictum sensuro, nec percutientem visuro*. Juvat adscribere ipsam epistolam ex idiomate anglico in hispanicum translaram: *El amor que os tengo me obliga á pensar en vuestra conservacion. Por tanto os aconsejo que si estais en vuestra casa, busqueis algun pretexto para no asistir al parlamento, pues Dios y los hombres se reñan para castigar las maldades de estos tiempos. No desprecieis este aviso, sino retiraos á vuestra casa de campo, donde podais esperar las resultas sin temor. Aunque no hay ninguna señal de conmovion, os digo que en este parlamento se ha de sentir un golpe terrible, sin que se sepa de donde viene el mal. No es de despreciar esta noticia que os puede ser útil y no puede perjudicaros en nada, pues parará el peligro tan pronto como el tiempo en que quieris esta carta. Espero que Dios os conceda la gracia de aprovecharos de ella. Quid faceret *Montaquillus* diu incertus, pensitato Regis periculo nihil morandam, & quicquid erat secretorum Regis consiliarios mihi celandum indicavit. Nullus tamen ex illariorum sensum hujus epistolæ extricare valuit, demum ipsi Regi ex venatione redacti epistolam ostenderant, sæpius enim consiliarii perspicax Regis ingenium & fe-*

Illeem in obscuris extricandis conjecturam sunt experti. Rex lecta epistola expensis verbis illis: *terribilem ictum parlamentum sensurum, neque percutientem visurum*, subodoratus est, improvisum pulveris nitrati ictum his verbis designari. Perlustratis die lunæ. quæ comitia proxime antecedebat, curia & vicinis locis in cella subterranea lignorum, fascium, carbonum strues deprehensa est, rogatoque *Wineardo* regiarum ædium custode, in quem usum illa essent comparata, a Percio conductas aedes cum cella & acervum illum congestum didicere. Præterea adstantem in cellæ angulo *Fauxium* Percii famulum cum desperati hominis vultu conspicati Percii domesticum & illarum ædium per Percii absentiam custodem esse ex ipsomet intelligunt. Quibus perceptis indicis *Fauxius* captus & amotis in cellario lignis ac carbonibus triginta sex doliæ diversæ magnitudinis pulvere nitrato repleta, denique vestibus *Fauxii* excussis fomenta & funes canabei, quibus lenta flamma alitur, inventa sunt. Interrogatus *Fauxius* in flapitio deprehensus crimen ultra fassus est, & interrita facie insuper addidit: bene evenisse quæstoribus. quod impeditus fuerit, quin se cum illis immiso igne contumulasset. Complices *Fauxius* manifestare noluit, at torturæ admotus omnia fassus est. Concludit interpres *Moshemii*: *Como se desfrío la abertura del parlamento, que debia hacerse en este día, y empezase á correr la voz de la conjuración de Londres, algunos conjurados se pusieron en fuga, y se asociaron á los demas que se habian adelantado para robar la princesa Isabel, á la primera noticia del buen éxito del designio. Todos estos resolvieron congregarse y alborotar á los Carólicos para ponerse al frente de ellos, pero apenas juntaron unos 100. hombres. Los conjurados fueron buscados y hallados, pero como se defendrian mucho, quedaron asesinados algunos en el acto por el pueblo, y los demás hechos prisioneros, oidos y castigados.*

§. 475. Scotica ecclesia *Knoxum* Calvini discipulum conditorem habuit, & ab hoc idcirco ab ipsis initiis suis Genevensium & dogmata & gubernationem sacram accepit, quorum pure custodiendorum adeo semper studiosa fuit, ut ferro etiam eos ulcisci non dubiraverit, qui sub *Carolo II.* gubernationem episcopaliū introducere tentarunt. In provinciis Belgicis anceps & incertum visum est diu, utrum ad Helvetiorum, seu reformatorum, an ad Protestantium communitatem transire vellent, quia a romana ecclesia defecerant. Anno vero 1571. aperte Helvetis principatus tributus est, nam *confessio Belgica*, quæ hoc anno prodiit, cum sententia reformatorum Gallia est consentiens, & a confessione Augustana Protestantium tum in aliis rebus, tum præprimis in dogmate de eucharistia recedit.

I. Causam huius rei facile sentiet, qui cogitaverit, quod Galli Belgia vicini sint, & in Belgia frequenter coideant, his adde Calvini & Genevensis scholæ summam auctoritatem & indefessum in preferentiis ecclesiæ suæ finibus studium. Ex hoc tempore *Belgi reformatarum* nomen publice assumpserunt, quum Protestantes, seu Lutherani antea vocarentur, in quo Gallos sunt imitati, qui vocabulum hoc invenerunt & primi adhibuerunt.

DE

FATIS INTERNIS.

§. 476. Sub exordium seculi XVII. tanta floruit per orbem reformatorum autoritate schola Genevensis, ut ad eam fere omnes comigrarent, qui angustis rebus haud impediabantur (cecidit tamen hujus academix dignitas paulatim republica Bataavorum condita, & academiis Lugduni, Franekeræ, Trajecti ad Rhenum constructis). Quocirca Calvinii sententia de prædestinatione facile ad omnes pervenit, & in scholis ubique est introducta. Neque tamen unquam publicâ quædam lex aut formula aderat, quæ doctores coegisset, ne secus quam Genevenses vel ipsi crederent vel præciperent, hinc multi passim aut cum Genevensibus toto genere dissenserant, aut dogma eorum de prædestinatione temperarunt, imo inter illos etiam, qui a Genevensium stabant partibus, aliquid dissensionis erat; quidam enim illorum existimabant, Deum peccatum protoparentum *permisisse* tantum, non autem ab æterno decrevisse, alii vero longius progressi affirmabant, Deum ita ab æterno peccatum originis decrevisse, ne evitare illud primi homines possent. Hi *Supra-lapsarii*, priores *Infra-lapsarii* vocantur.

§. 447. Anglicana ecclesia turbulentissimis procellis est jactata. Puritani, & Conformistæ variis inter se dissenserant punctis¹, quod bellum plus atrocitatis habuisset, nisi ipsi Puritani discordias inter se excitassent, sed agmen hoc ex variis hominibus compositum in diversas repente sectas disfluxit. Harum sectarum nulla celebrior est illa, quæ auctore Roberto *Browne* circa annum 1581. coaluit. Is de ipsa religionis essentia nec cum episcopalibus, nec cum reliquis Puritanis magnopere dissensit, at de natura ecclesiæ, ejusque gubernatione nove & mirabiliter sensit. Totam primum gentem christianam in minores divisit societates, quales illæ erant, quas ipsi collegerant Apostoli: tot nempe homines, quot unum idemque modicum spatium *physicum* capere potest, *ecclesiam* (id est, societatem in religione consentientem) constituere, & omnibus ecclesiæ qua *integræ societatis* iuribus frui affirmavit. Singulos hos minutos cœtus sui esse juris pronuntiavit, omniq; imperio tam episcoporum, in quibus aula, quam conciliorum, in quibus Puritani jus ecclesiam regendi collocabant, ipso divino jure solutos esse².

1. *Conformistæ* (§. 471.), qui a Regine supremique consilii partibus stabant, contendeabant 1.) *jus reformandi ecclesiasticum* majestatis civilis esse, Puritani contra ad mentem Calvini *jus hoc magistratui civili a Deo datum* fuisse negabant, 2.) illi non tantum scripturam sacram, sed etiam traditiones & scripta Patrum regulam fidei esse ponebant, Puritani contra solum sacram scripturam pro regula fidei agnoverant, 3.) illi romanam ecclesiam veram esse ecclesiam adfirmabant, multis licet modis deformatam & vitiatam, longe secus Puritani, qui Romanam ecclesiam defecisse putabant, 4.) illi optimam esse existimabant illam imperii sacri formam, quæ primis quatuor aut quinque seculis obtinuit, imò meliorem illa, quæ ab Apostolis constituta fuit, hos enim sic ecclesiæ formam instituisse, ut tenuis ejus status ferebat, posteris vero officium reliquisse, firmatis & amplificatis Christianorum rebus convenientius eam dirigendi, Puritani contra disputabant, totam regendæ ecclesiæ rationem sacris litteris expressam esse, & Apostolos exemplum immutabile omnibus imitandum reliquisse, quam primos ceteros ita gubernari jubereut, ut tunc temporis Judæorum ceteros regebatur, 5.) illi contendeabant, de rebus adiaphoris & indifferentibus, quæ in scriptura præceptæ non sunt, de ritibus & ceremoniis externis, verbi causa vestimentis sacerdotum, diebus festis magistratum civilem pro libitu constituere, & in conscientia ad ejusmodi obligari posse, Puritani vero indecorum esse adseverabant, ea pro necessariis imperare, quæ Christus ipse libera reliquit, sic enim libertatem a Christo nobis partam labefactari.

2. In hac autem tuenda sententia adeo se immoderatum cum sociis præstabat, ut cum omnibus ecclesiis ad ejus formam non institutis communionem & vinculum rumpendum esse duceret, ac anglicanam præprimis ut spuriam, utpote ex ecclesia Romana aliquid retinentem, ceteris omnibus adcuratius fugiendam esse præceperit. Secta hæc injuriarum, quas summas in Angliam sua culpa sustinuit, impatiens in Bataviam migravit, at diuturnitate tamen caruit. Ipse enim ejus author Browne in Angliam rediit, & repudiatis novis sententiis suis munus pastoris consecutus est, exules vero reliqui multis implicati sunt intestini litibus, quæ fata sapientiores ex illis induxerunt, ut disciplinam magistri temperarent, & tolerabiliorem redderent. Ita celebris, quæ nondum desit, *independentium* seu *congregationalium fratrum* familia ex illis nata est, ut mox videbimus.

§. 478. Quum *Jacobus I.* Scotorum Rex *Elisabetha* defuncta regno potiretur, non parva spes Puritanis affulsit, fore, ut clementioribus in posterum fatis uterentur, neque quotidianis *Episcopaliū* injuriis amplius expositi essent; nam inter Scotos Puritanis, seu Genevensibus addictos educatus erat. Ex principia quidem præclare huic spei responderant; verum opinione citius longe aliam omnia faciem induerant. *Jacobus*, qui monarchiam illimitatam appetebat, *presbyterianam* primum gubernationis formam votis suis adversari, *episcopalem* vero magis esse consentaneam judicavit; *presbyterianæ* enim ecclesiæ rempublicam quamdam, quæ ab optimatibus paræ potestatis regitur, exhibent, episcopales vero ad monarchiam proprius accedunt, Rex vero ipsum *reipublicæ* & *synodi* nomen formidavit, quare episcoporum potestati amplificandæ maximopere studuit, salvumque Regem nisi salvis episcopis ullo modo esse posse publice significavit. Interim tamen Genevensium dogmata illa potissimum, quæ prædestinationis naturam definiunt, diu illibata servari voluit, quam tamen mentem post concilium *Dordracenum* (ut inferius dicetur) mutavit,

& *Arminianorum* de prædestinatione sententiam præferendam esse duxit. Rege penitus a calvinianis sententiis avvocato vetus illud in Puritanorum odium veluti reviviscebatur, quod paululum quieverat, idque in apertum postremo bellum erupit ¹.

1. Mortuus anno 1625. Jacobus I. puritanæ & doctrinæ & disciplinæ, quam juvenis totam imbiberat, capitalis hostis, episcopalis vero gubernationis vindex acerrimus ecclesiam non minus quam rempublicam fluctuantem, ac malis intestinis ægrotantem reliquit.

§. 479. Filius Jacobi *Carolus I.*, quæ a patre inchoata acceperat, perficere constituit, igitur huc curas omnes & consilia retulit, primum ut potestatem regiam dilataret, deinde ut universam Britannicæ & Hibernicæ ecclesiam gubernationi episcoporum, quam divinitus institutam, & majestatis civilis optimum custodem esse censebat, subjiceret, denique ut totam ecclesiam ad exemplar primorum seculorum rejectis Genuensium sententiis exigeret, cujus voluntatis administrum præcipuum habuit *Guil. Laudum* Londinensem tum episcopum ¹. Quibus rebus cum immane & Regi & universo episcoporum ordini odium conflasset, in judicium populi anno 1644. raptus, proditæ tam libertatis quam religionis damnatus & securi percussus est. Perempto Laudo civile illud Regem inter & senatum bellum, quod dudum exarserat, tantum coepit incrementum, ut nonnisi Regis sanguine extinguí potuerit. Consilium regni seu parlamentum a Puritanis, seu presbyterianis inflammatum veterem ecclesiæ gubernationem per episcopos, & quidquid tum in dogmatibus tum in disciplina scitis Genevensium minus consentaneum erat, plane sustulit, Regem ipsum capitis adcusari, & anno 1648. stupente universa Europa extremo supplicio affici jussit ².

1. Is enim Puritanorum & Calvinianorum hostis acerrimus Puritanorum gentem exquisitis injuriis affecit. & deleri totam assidue conatus est, rejectis Calvinianis tum de aliis rebus, tum de prædestinatione sententiis, gentis sordide Genevensium disciplinæ auctoritatem vehementer licet reluctanti episcopis obtrudit, postremo non obscure significavit, meliorem sibi videri ecclesiam Romanam, quam Protestantium familias episcopis destitutas.

2. Patuit in his turbis id, quod frequenti usu compertum est, sectas fore omnes, quandiu preminuntur, amorem erga dissentientes & moderatissimam episcopis suadere, easdem in altum elatas veterum præceptorum suorum obtrudit. Puritani admirum dominantes nihilo æquiores sese præbuerunt episcopis & eorum defensoribus, quam hi olim illis sese exhibuerant.

§. 480. Partes Puritanorum in bello civili contra Regem excitato etiam amplexi sunt *Independentes religiosi*, quos tamen ab Independentibus civilibus ¹ probe distinguere oportet. Nomen autem Independentes religiosi inde habent, quod cum Brevialistis sentiant (§. 476. 11.) singulos cœtus Christianorum *Independentes*.

seu quod idem est: *sui juris* esse, nec cogi debere, ut vel episcoporum legibus, vel a presbyteris in concilio latis decretis obtemperarent ².

1. Independentes ipsis etiam Presbyterianis seu Calvinianis deteriores a plerisque Anglorum scriptoribus perhibentur, scelorumque variorum vulgo arguuntur, qui eos excusant, ajunt, ab illorum inimicis confundi Independentem *civiles* (qui potestati regiae adversi immodicæ libertatis sunt amantes) cum Independentibus *religiosis*, & facinora illorum ad hos transferre. Tres porro Independentium vindices adferunt causas, quibus effectum est, ut tot sceleribus onerarentur: 1.) nomen *Independentium* ambiguum est, nec uni hominum generi proprium; nam ut de aliis ejus notionibus nihil dicatur, etiam *Democratia*, quam vocant, patronis hoc vocabulum apud Anglos imponitur. Hæc factio, quæ magnam partem ex hominibus constat fanaticis, multas in Anglia tragedias egit, quid puid igitur ab ea immoderate & stolidè gestum dictumve fuit, ad Independentem circa religionem transferri, 2.) omnes fere Anglorum sectæ, quæ *Caroli I. & Cromwellii* temporibus extiterant, Independentium nomen sibi arrogarunt, quo benevolentia, qua veri fruebantur Independentem, participes fierent, & invidiam a se displicerent (testatur id cum aliis *Jo. Toilandus* Ep. ad *Jo. Clericum*) 3.) prætulit Oliv. Cromwellius Angliæ protector (ut ipse dici voluit) Independentem reliquis omnibus patriæ suæ sectis, nam presbyterianorum synodos æque timuit ac episcopos, in forma vero ecclesiasticæ gubernationis, quam Independentem probabant, nihil erat omnino, quod metueret.

1. *Jo. Robinsonius* disserte vocabulum *Independentes* in hoc sensu adhibet in *Apoloogia* pro exulibus Anglis cap. 5. pag. 22. ubi dicit: *cætum quemlibet particularem recte institutum & ordinatum esse totam, integram & perfectam ecclesiam ex suis partibus constantem immediate independentem quoad alias ecclesias sub ipso Christo*. Et forte ex hoc ipso Robinsonii loco Independentium vocabulum antea inauditum natum est. Non recusarunt illud primo Robinsonii discipuli, neque habet aliquid mali omnis & invidiæ respectu reipublicæ, modo ex eorum sententia intelligitur. In Anglia ante annum 1640. ignotum fuit, certe in constitutionibus ecclesiasticis in conventibus antistitem Londini & Eboraci anno prædicto sanctis, ubi omnes quæ inter Anglos extant sectæ enumerantur, nulla *Independentium* occurrit mentio, paulo vero post maxime ab anno 1642. in rerum anglicarum annalibus frequentissima fit hæc appellatio. Neque veterunt primum ita se vocari, sed ipsi potius in apologia, quam anno 1644. Londini ediderant, nomen hoc sine metu usurparunt, postea vero quum multæ sectæ suam etiam hoc nomen facerent, imo cives improbi & publicæ majestatis interitum molientes hæc nota vulgo insignirentur, studiosissime illud a se deprecati sunt, & se fratres congregacionales, cæterisque suos ecclesias *congregacionales* nominarunt.

§. 481. Parens Independentium est. *Jo. Robinsonius* sacrorum in cœtu Brownistarum, qui Lugduni Batavorum sedem suam fixerant, minister, cum enim perspiceret, disciplinam, quam Rob. Browne sanxerat (§. 476.) vitis nonnullis laborare, corrigendam esse eam statuit, ut minus quam antea invidiæ haberet. Bis in rebus præprimis Brownistarum scita emendavit: primum moderatione, nec enim ecclesias alia gubernationis forma utentes, quod Browne fecerat, execrantur, & Christiano nomine indignas pronunciant, sed veram ibi etiam religionem florere posse fatentur, ubi aut episcoporum autoritate, aut conciliorum decretis ecclesia regitur, suam licet formam divini juris & ab Apostolis

introducendam esse putant. Secundo sustulit Robinsonius docendi illam facultatem, quam Browne omnibus æquam dederat Christianis; habent enim certos suffragiis multitudinis electos doctores, neque verba quempiam ad populum facere patiuntur, nisi exploratum antea & præfatis ecclesiæ probatum¹.

1. Familia hæc, quæ anno 1610. in Belgio cœpit existere, perpaucos primum in Angliā habuit amicos, & in tenebris latuit, quo penas in Non-conformistas latas efflueret: labente vero Caroli I. tempore anno 1640. animos sumpsit, & confidenter in publicum prodiiit. Post hoc tempus adeo brevi spatio & existimatione & numero crevit, ut cum episcopis non modo, sed etiam cum presbyterianis de principatu dimicare posset.

§. 482. Dum Oliverius Cromwellius rem Angliæ publicam administrasset, omnibus sectis libera erat potestas, quæ vera esse putarent profitendi. Soli episcopi & gubernationis episcopalis fautores premebantur, ac omni fructu honoreque privabantur. Numero tamen & auctoritate ceteros vicerant Independentes, quos quidem Cromwellius ideo maxime extulit, nulli licet sectæ addictus, ut presbyterianos dominatum affectantes facilius coerceret¹. Hac igitur tempestate nati sunt *quintæ monarchiæ promissores*, id est, homines mente capti & rerum omnium confusionem minitantes, qui Christum ipsum descensurum, & novam rempublicam cœlestem in his terris conditurum esse tradiderunt².

1. Instauratis autem Anglorum sub *Carolo II.* rebus deficere valde cœperunt, & ad veterem obscuritatem sensim redire. Hodie superstes quidem hæc secta est, verum timida & attrita, qua infirmitate sua coacta est, ut *Wilhelmo III.* Rege anno 1691. societatem cum presbyterianis Londini & circumiacentibus agris degentibus salvis institutis suis inierit. Dicuntur Independentes ab hoc tempore *fratres uniti*.

2. Iisdem in turbis orta est inter presbyterianos secta *Antinomorum*, seu hostium legis, ut ab adversariis adpellantur (a græco *avti contra*, & *nomos lex*), quæ ad nostram durat ætatem, & nonnunquam motus non contemnendos excitavit. Sunt vero Antinomi sectatores Calvinii rigidiores, qui ejus sententiam de absoluto Dei decreto & prædestinatione abutuntur. Aliqui (nec enim omnes idem sentiunt) negant, necessarium esse, ut homines Christiani ad legum divinarum observantiam ab ecclesiæ ministris excitentur, quas enim Deus ab æterno ad salutem elegit eos nemine monente & exhortante divino instinctu & præpotentis gratiæ impulso, quæ bona sunt, facturos: ad peccata vero æternas divino decreto prædestinatos, etsi millies exhortentur, legi tamen haud obtemperaturos esse, neque illos posse, quin divinum illis negetur auxilium, legi obedire. Alii vero tantum statuunt, electos, quæ diem prædestinatione excidere nequeunt, tamen multas actiones committant, vere tamen non peccare, neque penitentiam, seu dolorem de peccatis ipsis necessariam esse.

§. 483. Tot Angliæ calamitatibus & miseriis ex immo-deratis de religione disputationibus exortis patriotæ quidam viam sibi querendam esse putabant, per quam dissentientes coniungi certo modo, aut saltem internecinis bellis avocari possent. Igitur medios se vehementiores inter episcopales & pertinaciores presbyte-

rianos ac Independentes interjecerant, quorum libris paccatis sperabant fore, ut minores sectæ suis ipsæ armis conciderent. Certabant autem hi partim de forma gubernationis ecclesiasticæ & cultus publici, partim de dogmatibus nonnullis. Utrumque genus controversiarum ut sedarent, *latiorem* salutis viam aperire studuerunt, cujus rei causa viri *latitudinis*, seu *Latitudinarii* vulgo vocati sunt. Primum illam gubernandi ecclesiam formam & illum cultum publicum, qui legibus Anglorum est stabilitus, unice quidem commendabant, nec tamen credi volebant, divini eum juris esse & absolute necessarium, ex quo concluderant, qui alias regiminis sacri formas probarent, ferendos & pro fratribus habendos esse. Ad dogmata deinde quod adtinet, sibi magistrum elegerant *Simonem Episcopium*, eoque præeunte pauca esse contenderant, quæ ad salutem obtinendam credere est necessarium, inde vero hoc sequebatur, nec episcopales, nec presbyterianos causæ aliquid habere, cur tantis sese animorum motibus oppugnent; controversiam enim esse de rebus mediis & adiaphoris, quæ salva spe salutis varie explicari possint¹.

1. Principes Latitudinarii erant viri eruditione summi *Jo. Halesius*, & *Guil. Chillingworthus*, quorum nominibus Angli adhuc assurgunt: accessit illis *Henr. Morus*, *Rad. Cudworthus*, *Jo. Tillotsonius*, alique. Hi studii sui hanc primo fructum tulerunt, ut Athei, Deistæ, Sociniani a Catholicis non minus, quam dissidentibus Anglis vocarentur. At restitutis sub Carolo II. Angliæ rebus præcipuis muneribus sunt præpositi, & notum est, hodie ecclesiam anglicanam a Latitudinariis ejusmodi potissimum gubernari.

§. 484. Carolo II. ad patris solium anno 1660. revocato vetus gubernationis sacræ, cultusque publici forma simul rediit ex exilio, ac episcopis amissus dignitatis gradus est restitutus. Sperabant quoque *Non-conformistæ*, fore, ut aliquis sibi quoque locus in ecclesia concederetur, sed opinione citius hæc eos spes fefellit; nam Carolus tam Scotis, quibus nihil tamen sanctius erat Genevensi disciplina, quam Hibernis episcopos denuo præfecit, postea anno 1662 publica lege omnes, qui institutis ecclesiæ anglicanæ subicere sese recusarent, a communione ejus plane exclusit. Ab hoc tempore *Non-conformistarum* secta ad *Guilielmi* usque & *Mariæ* ætatem varia fortuna nunc meliori nunc tristori usa est pro aulæ ac reipublicæ conditione. Anno vero 1689. *Guilielmus* cum senatu singulari edicto (*The Tolérance Acte*) cunctas cum dominante ecclesiâ dissidentes sectas (*Socinianis exceptis*) omni poenarum in eas olim sanctorum metu liberavit. Idem etiam Scotos vivere Genevensium legibus permisit, & episcoporum jurisdictione expedit. Hinc igitur recte principium duxeris libertatis & tranquillitatis qua gaudent adhuc sectæ a publico Anglorum cultu divino diversæ.

§. 485. Hoc ipso vero *Guilielmi III.* tempore anno 1689. celeberrimum in ecclesia anglicana dissidium nascebatur. *Guil. Sanctus* Archiepiscopus Cantuariensis, octoque cum eo episcopi negabant, licere sibi novo Regi *Guilielmo III.* fidem jurejurando polliceri: legitimum enim Anglorum Regem *Jacobus II.* expulsum licet, manere. Qui cum nullo modo possent ab hac sententia revocari, anno 1690. decreto supremi senatus & populi anglicani suis muneribus privabantur. Dejecti episcopi novam in ecclesia anglicana condiderant sectam, ex causa, quæ dissensionem peperit, *ecclesiam jurare nolentium* (The Nonjurors), propter sententiam vero de autoritate ecclesiæ, quam defenderant, *ecclesia excelsa*, seu *alta* dictam ¹, cui vulgo opponitur *ecclesia humilis* ².

1. Contenderant enim episcopi depositi, eorumque sectatores & amici, ecclesiam non civili magistratui, verum Deo unice subjectam esse: sententiam igitur a senatu regio in eos latam iniquam & invalidam esse: episcopum nonnisi a concilio ecclesia deponi posse. Pro hac de ecclesiæ jure ac potestate primum celeberrimus ille *Henr. Dodwellus* acerrime pugnavit, post eum plures alii.

2. Ecclesiæ quidem excelsæ nomen proprie convenit ecclesiæ Nonjurantium, seu jurare nolentium, at solet etiam vocabulum hoc latius apud Anglos sumi, & omnibus illis imponi, qui ecclesiam ab omni humana potestate eximunt, etiamsi jurare Regi non recusent. Et tales multi sunt etiam in illa ecclesia quæ alloquitur *humilis* (baxa) vocatur. Ceterum ecclesia alta & humilis ab Anglis etiam *Toris* & *Whigs* adpellari solet. Hæc duo vocabula tempore Oliverii Cromwellii sunt orta, ubi tota Anglia in duas factiones divisa erat.

§. 486. Ecclesia episcopalis in Anglia est dominans ¹, & nemini nisi hujus sit ecclesiæ munus publicum demandatur, at medium hunc lapidem offensionis movendi excogitarunt. Sunt inter sagatos & togatos in Anglia, qui aut presbyteriani sunt, aut independentes, aut alterius sectæ, modo enim quis vel unica vice in ecclesia episcopali sacram cœnam percepit, jam hujus ecclesiæ esse censetur, & etsi nunquam amplius conventibus ecclesiæ episcopalis intersit, eam ob rationem a munere publico non arcetur ².

1. Ecclesia hæc duos habet archiepiscopatus, & viginti quinque episcopatus. Archiepiscopus *Cantuariensis* (*Kanterbery*) primus est inter nobiles regni (*et primus Par del Regno*) & prædriam immediate post Regem ejusque familiam habet. Regisque coronationem peragit. Ei subsunt episcopatus 21. Archiepiscopus *Eboracensis* (*Jorg, Yorkshire*) prædriam ante Duces regni habet, si nimirum non sunt sanguinis regni, excepto cancellario regni, cui immediate post Archiepiscopum *Cantuariensem* prædria competit. Ei quatuor subsunt episcopatus, & Regiam coronat.

2. Caput ecclesiæ anglicanæ Rex est, verum titulus hic honorificus nostris temporibus jam non tanti est momenti, ut olim fuerat; nullam enim habet in sacra potestatem, nec his leges ecclesiasticas condendi, advocatæ solum est ecclesiæ, & in coronationis sollemnis jurejurando se obligat ad defendenda jura

ecclesiæ, ejusque ministrorum, ceterum in rebus civilibus jurisdictionem in episcopos, ac ceteros religionis ministros æque ac in laicis exercet. Jus nominandi episcopos Regi competit, quamquam enim jus eligendi eosdem capitulis cathedralibus sit concessum, consuetudine tamen est introductum eum eligendi, quem Rex præsentat.

§. 487. In medio ecclesiæ presbyterianæ sinu in Anglia ante annos circiter 56. nova secta est exorta, cui quasi per ignominiam *Methodistarum* nomen impositum, eo quod novam sibi methodum obtinendæ salutis invenisse videbatur. Primi hujus sectæ fundatores erant Joannes, & Carolus *Wesley*, quibus anno 1732. sese adjunxit Georgius *Witthefield*. Hic caput sectæ factus putabatur, se esse vocatum antiquam methodum, quæ obliterata fuit, revocandi, ut salus obtineri queat, & proxime ad Protestantium *Pietistas* (§. 450.) non quidem quoad dogmata, sed quoad æternum pietatis exercitium accessit. Multos aseclas in America nactus est, inde in Angliam rediens in publicis etiam agris sermones ad populum habuit præsentibus sæpe aliquot millibus auditorum.

1. Existunt nunc magni cœtus Methodistarum, eorumque conventus sacri *Ora-*
toria nominantur. Anno 1738. Methodistæ se jangebant *Herrenhutanis*, at cum
Witthefield & *Wesley* sensa eorum adeo accuratius perspexerint, omnem cum illis
communione anno 1740. tollebant. Non diu post inter ipsos Methodistas
discordiæ ortæ, nam *Witthefield* dogma *Calvini* de prædestinatione propu-
navit, *Wesley* autem uterque impugnavit. *Londini* plerique Methodistæ sunt
ex parte *Wesley*.

§. 488. Sicut doctrina *Calvini* de sacra gubernatione inter reformatos Angliæ varias protulit discordias, ita etiam ob illius sententiam de prædestinatione in variis reformatorum provinciis non diu post initium seculi XVII. grande natum est dissidium, quod nullo deinde consilio sanari potuit. *Jac. Arminius* scripturæ in *Lugdunensi* Batavorum academia doctor decreta *Genevensium* rejecit, & *Lutheranorum* de prædestinatione dogma substituit, accesserant ad eum viri multi tum doctrina tum muneribus inclyti, oppugnabatur e contrario vehementissime a *Franc. Gommaro* collega & præcipuis academiarum magistris. Moderationem suaserant, qui rempublicam administrarunt, & utramque sententiam in libera civitate salva religione tradi posse judicarunt. Post longas altercationes suasione *Mauritii* Principis *Arausionensis* controversia hæc in judicium totius ecclesiæ fuit vocata in concilio *Dordraci* anno 1618. coacto.

1. *Arminius* vero nomine *Harmonius* vocabatur, qui licet a teneris *Genevensium*
præceptis imbutus, & in ipsa academia *Genevensi* institutus fuisset, at tamen
doctrinam de prædestinatione, quam *Calvinus* in *Ep. Pauli ad Rom. cap. 9.*
se inventisse præbat, decessit partim, quia multos summæ dignitatis viros a
sentis *Genevensium* hæc in re abhorreere noverat, partim quia nulla lege po-

brica doctores belgici cum Calvino sentire jubebantur. Invalescente per universum fœderatum Belgium hac lite Arminius anno 1609. diem supremam obiit asseclæ ejus *Arminiani*, vel etiam *Remonstrantes* vocari solent a libello supplicii anno 1610. ordinibus Hollandiæ & Westfrisiz exhibito, quem *Remonstrantium* inscripserant, cui cum calviniani dogmatis de prædestinatione amici alium opponerent libellum imposito ei *Contra Remonstrantie* vocabulo *Contra Remonstrantium* inde nomen acceperant.

§. 489. Mortuo Arminio æquis per aliquot annos armis certabant dissidentes. Arminiani *tolerari* tantum suam sententiam petierunt, cui voto non mediocriter faverant, qui tum summo in republica loco erant Jo. ab *Oldenbarnevels*, Hugo *Grotius*, Rembal-
dus Hoogerbeets, namque hi de re per *confessionem Belgicam* (§. 474.) haud determinata unumquemque pro libitu sentire posse in civitate libera seu *republica* putabant, neque ab hac ratione alienus primum cum matre ac aula erat ipse Mauritius Arausio-
 nensis Princeps reipublicæ capitalis postea Arminianorum hostis. Hinc anno 1611. colloquium inter contententes Hagense (*collatio Hagensis*), hinc anno 1613. disceptatio *Delphensis*, hinc 1614. ecclietum ordinum Bataviæ pro pace, hinc alii conatus ad animos placandos, sed tantum aberat, ut cederent Calvinistæ, ut potius studium magistratum consulendi autoritate sua paci publicæ an-
 imose reprehenderent.

§. 490. Tota lis ante concilium Dordracenum intra fines dog-
 matis de prædestinatione se continebat, & quinque propositioni-
 bus a Remonstrantibus comprehendebatur, quæ notæ sunt nomi-
 ne *quinque Articulorum* ¹. Ergo tum temporis, si sensa animi
 interna ex verbis æstimentur, Arminiani Lutheranis simillimi erant.
 Sed Calviniani non ex verbis sententiam mentis, sed ex occultâ
 Arminianorum sententia verba eorum interpretanda esse dispu-
 tant, Arminianosque per speciosa hæc enunciata Socinianum &
 Pelagianum errorem propinasse contendunt ².

1. Hi sunt sequentes: 1.) Deus ab æterno decrevit eos æterna salute donare, quos præviolit fidem in Christum usque ad mortem servaturos. hæredes ætra & ad mortem usque invitanti Deo resistentes æternis penis addicere. 2.) Christum pro omnibus mortuorum fuisse, at neminem tamen nisi credentem beneficii hujus divini partem ferri. 3.) neminem ex se & liberi arbitrii vi-
 ribus fidem divinam concipere & producere posse, sed necesse esse, ut homo
 natura male per spiritum sanctum regeneretur, 4.) divinam hæc gratiam,
 qua a deum hominis sanat, omne quod vere bonum in homine dici potest,
 inchinare, promovere, perficere, neque tamen hæc gratiam hominum cupere,
 sed ei resisti posse, 5.) qui fidem in Christum habent, eos ab omni vitio in-
 structos esse ad vincendas dæmonis insidias, utrum vero illi excludere hoc tra-
 tu gratiæ possint & fidem amittere, non satis liquere, & in sacris litteris
 accuratius inquirendum esse.

2. Animorum & sensus interni iudex Deus est: at si Heistam foret ex illis, quæ
 modico tempore elapso sæcra principes dæmonum, hæc dogmatum pote-
 statem præstet, difficillime illa Genevensium sententia evicturi tota possent.

Multo etiam minus post synodum Dordracenam præcipui Arminianorum doctores quam antea gratia tribuerant.

§. 491. Salvam vel saltem non desperatam rem suam Arminiani putabant procerum favore nixi, quum improvisa eos procella subito prosterneret. Simultates primum, dein inimicitia apertæ inter præcipuos rerum novæ civitatis belgiæ administratos Joannem *Ordenbarneveld*, Hugonem *Grotium*, Rombertum *Hoogerbeets*, & *Mauritium* Principem Arausionensem, Præfectum & Ducem Batavorum nascebantur. Mauritius, quod jam parenti ejus *Wilhelmo* in animo fuerat, comitem se Holandiæ, ut quidam perhibent, creare; alii vero id tantum intendisse narrant, ut majorem sibi potestatem, quam civitatis libertas ferebat, acquirere cupiebat: saltem quod nemo negat, primatibus reipublicæ supremum dominatum abrogata libertate appetere videbatur. Restiterant his consiliis proceres & reipublicæ administrati antea citati, qui simul patroni erant Arminianorum. Aderant patronis suis strenue Arminiani, Calviniani contra se Mauricii votis commodos & faciles præbuerant, Mauritius igitur indignatione succensus & reipublicæ ministrorum, & Arminianorum iis adherentium perniciem decernendo Calvinianorum partibus se adjunxit. Igitur *Ordenbarneveld* vir senectute & in patriam meritis venerabilis ætatis suæ anno 71. capitis supplicio plexus, *Hoogerbeets* vero & *Grotius* perpetuo carceri addicti, quorum tamen postreinus uxoris suæ astutia adjutus fugam ex carcere arripuit.

I. Vir hic in litteratorum republica celeberrimus durante inquisitione & processu causæ suæ dure habebatur, neque dum morbo periculoso in captivitate sua correptus fuerat, cuidam aditus ad ipsum permissus excepta uxore *Maria Riegersbosga*. Defendit se ex regia, & abs dubio absolutus, libertateque donatus fuisset, si veniam, ut ipsi significabatur, petiisset, seu delicta, quorum incusabatur, deprecatus fuisset, verum hoc facere sibi ignominiosum duxit. Ad arcem *Lovestein* ductus perpetuo carceri mancipatus, ejusque bona fisco sunt addicta, quo in carcere ab uxore sua comitatus tempus legendo & scribendo consumpsit, uxor fidelis ima tandem astutia sua ipsam & carcere liberavit. Curabat nimirum in cista magna sibi libros adferri, eosque perfectos auferre, aliosque asportare custodes carceris jussit, consilia vero quoris sui ipse se citam includit putantibus custodibus, eam libris repletam esse. Arrepta fuga in Galliam petiit, & posthac Regiæ Sueciæ servitio, se addixit (vid. vitam immortalis hujus viri.)

§. 492. Causa Arminianorum, quia non in leges civiles, sed in religionem publicam peccasse dicebantur, cognitionem potestatis civilis recusabat. Igitur quo condemnari possent, concilium convocandum erat; ex forma nimirum regiminis ecclesiæ genevensis, quæ omnes religionis controversias per concilia dirimenda esse autumat (§. 463. 1.). Nec mora: convenerant auctore vel saltem suasore *Mauritio* Dordraci delecti Batavorum, Hassorum, Anglorum, Palatinorum, Bremensium, Helvetorum theologi anno

1618. & sequenti, conciliumque illud celebrarunt, quod *Dordracenum* vocatur. Comparuerant in eo advocati, ut causam dicerent, sectæ arminianæ coriphæi, quibus ducis & oratoris loco præerat *Simon Episcopus* Arminii discipulus professor theologiæ Lugdunensis. Vix vero iudices gravi & disserta oratione salutavit Episcopus, quum difficultates inciderent, quæ omnem concordiam impediabant; Arminianis enim placuit causæ suæ defensionem ab oppugnatione sententiæ calvinianæ exordiri, hoc ipsum vero iudicibus synodi displicuit, qui censebant, adensaris dogmata primum sua explicanda & probanda esse, antequam contra dissidentes disputarent. Quum adduci nulla ratione Arminiani poterant, ut iudicibus consilii morem gererent, ex concilio dimittebantur de injuria sibi facta conquerentes: at iudices synodi ne quidem auditos ex editis ab illis libris pestilentium errorum reos pronunciarunt, cui sententiæ consentaneum erat, ut ab ecclesiæ communione excluderentur, & docendi facultate privarentur. Peccatum hoc in concilio utrinque esse nemo fere negat, utraque pars vitiosius egerit, nihil interest ¹.

1. Interim hæc notari possunt: 1.) exitium sectæ arminianæ jam decretum fuisse, antequam concilium cogeretur, nec ideo ea re congregatos fuisse concilii theologos, ut viderent, utrum ea tolerari possit, sed ut latam jamdudum sententiam cum adparatu quodam promulgarent, 2.) iudices Arminianorum eorumdem & adusatores & inimicos fuisse, conciliique præsidem *Joh. Hegermanum* odio familiæ hujus plerosque superasse, 3.) & Batavos & externos theologos non habuisse libertatem sentiendi sed ex Principum & magistratuum suorum mandatis pronunciare debuisse, 4.) fidem Arminianis ad concilium convocatis datam, liberum illis fore, ut proponant, explicant, defendant, quantum possent & necessarium judicarent, opiniones suas, violatam esse.

§. 493. In Arminianos prædicto modo patriæ & religionis hostes declaratos severe animadvertebatur: omnes primum tam ecclesiasticis quam civilibus muneribus dejecti, doctores silere prorsus jussi, cui qui obedire noluere legi, in exilium missi, & aliis etiam pœnis affecti. Multi hinc Antwerpiam, alii in Galliam profecti, magna pars in Holsatiam migravit a *Friderico* Duce Holsatorum invitata, & elegans ibi oppidum *Fridericopolim* in provincia Slevicensi extruxit.

§. 494. Mortuo Mauritio anno 1625., cujus autoritate tantum malorum subierant, fratris ejus & successoris *Friderici Henrici* clementia exules Arminiani in patriam revocabantur. Rediebant igitur illi, qui in Galliam & in Belgium hispanicum secesserant, cœtusque a reformatis distinctus variis in locis maxime Roterodami & Amstelodami collegerant, quo vero seminarium societatis & religionis suæ haberent, Amstelodami scholam illustrem condiderant, in qua duo doctores futuros religionis minis-

tros instituunt; quorum quidem alter disciplinas theologicas, alter historiam, philosophiam & linguas eruditae docet¹.

1. Muneribus his post Simonem Episcopum primum theologicæ arminianæ professorem publicum defuncti sunt viri eruditionis laude celeberrimi, quos inter præcipui sunt *Phil. Limborgius*, & *Jo. Clericus*. Limborgius discipulus *Vassii* & *Cucellai* scripsit theologiam Christianam pluries typis editam & translata in belgicum, anglicumque sermonem, cessit e vita anno 1712. Clericus ob maximam librorum copiam a se editam in republica litteraria notissimus obiit anno 1736.

§. 495. Dissidebant, ut vidimus, initio Arminiani nulla alia re a reformatis, quam quinque illis de gratia & prædestinatione propositionibus (§. 489. 1.) & hanc nunc ob causam in concilio Dordraceno damnati sunt. Ab hujus vero concilii tempore, multo etiam magis postquam exulibus in patriam remeandi facultas data est, novum plane & a Lutheranis, ad quos initio accesserant, diversum religionis genus profitentur, quam formam religionis & theologiæ etsi dicas ab ipso sectæ parente Arminio inventam fuisse, attamen perpolitam & in artem veluti redactam a Simone Episcopo fuisse constat, qui ad Socinianos deflexit. Universa Remonstrantium ratio ad hæc comparata est unice, ut Christiani multis licet de rebus dissentientes in unam veluti familiam colligantur. Ejus rei obtinendæ causa docent, Christum a suis haud poscere, ut multa *credant*, seu ut multa *agant*, & virtuti studeant, & hominis Christiani notionem latissime definiunt¹. Constat hinc, cœtum Arminianorum familiam esse ex varii generis hominibus conflatum, nec stabilem quamdam & fixam religionis formam, seu *sistema* religionis propriæ habere².

1. Is enim ex eorum mente est Christianus, qui 1.) libros divinos maxime novi testamenti pro religionis suæ norma recipit, quomodoque etiam eos intelligas, 2.) a plurium Deorum cultu alienus est, 3.) vitam ducit honestam & legi divine convenientem, 4.) nullos a se in religione dissidentes, aut novum testamentum aliter quam ipse interpretantes vexat & ledit. Per hæc præcepta omnibus Christianorum sectis ad communionem Arminianorum liber patet aditus exceptis Catholicis, horum enim ad communionem suam admittere noliunt, eo quod P. nihilis adversariis infertis afficere, & occidere justum esse putent (procul dubio rigor inquisitionis hæreticæ pravitas in causa erat, quod Arminiani putaverant, omnes Catholicos adeo esse ineptos, ut existiment, hæreticos occidere esse licitum).

2. Ipsi quidem nolunt omnis vitæ expertes videri, & quamdam *confessionem fidei* ab Episcopo compositam monstrant, sed doctorem nemo huic formulæ ita alligatur, ut ab ea discedere nequeat, & variis modo interpretatur: hinc de gravissimis religionis Christianæ dogmatibus diversis valde modo publici erant interpretes præcipiunt, quod patet collatis scripturæ Episcopii, Clerici, Limborpii, aliorum. Nec ullam tere certam & constantem viam sequuntur, quam in dogmate de gratia & prædestinatione, id nempe quod majores suis ex reformationis societate præcipit, longe licet alio modo quam majores asseverare omnes diligenter pergunt.

§. 496. Angliā *Guil. Laudo* (§. 478.) potissimum duce post concilium Dordracenum statim ad Arminianos defecit, & ad nostram memoriam latas in illo leges non tantum negligit, sed etiam contemnit & respuit. Ex Germanis nec Brandenburgici, nec Bremenses alligari doctores suos Batavorum opinionibus passi sunt. Igitur quæ Dordraci extingui debuisset libera de gratia & prædestinatione sentiendi facultas, vitam ibi potius vireque adquisivit¹. ita vero ecclesia reformata subito in *Universalistas* (qui admiserant quamdam gratiam *universalem* omnibus communem), *Semi-Universalistas*, *Supralapsarios*, *Infralapsarios* (§. 475.) divisa fuit.

- I. Ex ipsis Belgis Frisi, Zelandi, Trajectini, Groningenses, Geldri adduci nullo modo poterant, ut decreta Dordracena reciperent, ac licet ab his provinciis compluribus annis elapsis anno nimirum 1651. impetratum tandem sit, ut significarent, placere sibi religionem reformatam, prout in concilio Dordraceno est stabilita, integram servari & defendi, summi tamen jurisconsultorum Batavorum negant, sententiam hanc pro vera & perfecta lege haberi posse, inter quos est celeberr. *Conrad, Van - Bynckersæck* quæst. juris publ. lib. duo Lugd. Batav. L. 2. cap. 18. Imo observatur, medio seculo XVIII. elapso ipsam Genevam prope Arminianam factam fuisse.

§. 497. Sibi videbantur beati belgicorum cœtum præfecti devictis & expulsis Arminianis, sed non licuit eis diu esse tranquillos; in tot enim intestinas lites post hanc victoriam inciderunt, ut per totum fere seculum Belgium scena quasi fuerit rixis referta. Omitto, quæ inter doctores quosdam de nonnullis quam religionis quam disciplinæ partibus disputata sunt (uti lis inter *Voetium* & *Maresium* de capilitiis, de fœnore, de ludis scenicis, & aliis minutis quæstionibus) & illa tantum adferre sufficiat, quæ aut totam ecclesiam, aut saltem insigniorem ejus partem commoverant. Hujus vero generis principes sunt controversiæ de *Cartesii* philosophia & *Cocceji* novis sententiis, & binas sectas *Coccejianorum* & *Voetianorum* genuerunt.

§. 498. Coccejana theologia & cartesianiana philosophia nihil commune inter se habent, nec idcirco lites de illis per se & necessario connexæ sunt; ac sic tamen evenit, ut diversarum istarum disciplinarum alumni in unam sectam coalescerent, iidemque qui Coccejum sibi ducem sumpserant in theologia, Cartesianum sibi in philosophia sequendum putaverint. Iidem nempe, qui Cartesianos presserant, Coccejum quoque & ejus discipulos insectari sunt, hinc necessitas quasi quædam imposita fuit tum Cartesianis tum Coccejanis, quo fortius causam suam contra tantam adversariorum multitudinem tuerentur, vires & opes suas jungendi¹.

I. *Voetiani* a Gisbertio Voetio celeberrimo Ultrajectinorum theologo nomen genuerunt. *hist. eccl. T. II.*

ceperunt, qui classicum veluti in hac bello cecinit, & tam Carthesium, quam Coccejum oppugnandi plurimis author exiit, quæ lites reformatos Batavos ultra dimidium seculi præsentis, etsi minus vehementer quam sub initium exercuerant.

§. 499. Carthesii philosophiam, quæ vix nata multis in Belgio formosior peripatetica videbatur, Voetius anno 1639. Trajecti Batavorum, ubi theologiam summa cum autoritate docuit, primum adgressus est, nec obscure læsæ majestatis divinæ oppugnavit. Vir immensæ lectionis & multifariæ doctrinæ, at mediocris facultatis de rebus abstractis sine errore judicandi cum alia in Carthesio Trajecti vivente reprehendit, tum per hæc potissimum ejus scita universam religionem everti metuit, quia docuit, 1.) ei qui philosophare incipit, dubitandum esse de omnibus rebus, proin etiam de Dei existentia, 2.) essentiam aut naturam entium spiritualium, proin & naturam Dei positam esse in cognitione, 3.) spatium reipsa non existere, sed imaginarium tantum esse. Purgabat se primo ipse Carthesius, postea discipuli etiam magistro auxilium tulerant, nova vero igni jam flagranti alimenta suppeditata sunt, cum theologorum aliqui philosophiam carthesianam ad declarandam theologiam transferrent, hinc anno 1656. *classes Batavicae*, ut loquuntur, seu conventus doctorum in certis tractibus decreverant, non patiendum esse, ut imperiosa hæc philosophia theologiæ agros invaderet: quo judicio ipsi ordines Bataviæ commoti eodem anno lege publica philosophos severe monebant, ne vel Carthesii libros juventuti interpretarentur, vel ad philosophiæ placita scripturam sacram exponerent. Sequenti anno in conventu Delphensi decretum fuit, ne quis sacro muneri admoveretur, nisi fidem antea dedisset, se nec carthesiana scita propugnaturum, nec ejus sententias ad declarandam theologiam applicaturum. (*Frid. Spanhemius de noviss. in Belgio dissidiis.*) Sed cum ea, quæ prohibentur, appetere semper homines soleant, hæc omnia mandata non poterant impedire, quo minus carthesiana philosophia postremo stabilem sibi sedem in scholis compararet, & ad illustrandam theologiam adhiberetur, quocirca in binas antea memoratas sectas Belgium est scissum.

§. 500. His litibus ecclesiæ Belgicæ accedunt lites *Roellianæ*. Carthesiani nimirum quidam theologi, quorum caput Roellius erat, anno 1686. humanæ rationi justo plus in rebus divinis tribuere videbantur¹. Idem Roellius paulo post sedatam hanc primam pugnam anno 1689. nonnullis inusitatis opinionibus suspicionem haud parvam movit, insidias ab eo religioni strui. Negabat enim, quæ de generatione filii Dei in sacris litteris leguntur, proprie, id est, de generatione naturali sumenda esse².

I. Tota fere controversia binis his questionibus continebatur: 1.) utrum divina origo & authoritas scripturæ sacræ ex sola ratione probari queat? 2.) num scriptura sacra nonnulla nobis credenda proponat, quæ rectæ rationi repugnant? Primum adfirmavit, alterum negavit Roellius, contrarium vero statuit *Ulr. Huberus* maximi nominis jurisconsultus. Magna jam Belgii parte inflamata intercesserunt pro prudentia sua *Frisiæ* ordines, & utrique parti silentium impositum.

2. Nullam siquidem generationem proprie sic dictam concipi posse aiebat, in qua non fieret transitus a non esse ad esse, personam gignentem esse debere tempore priorem, denique personam genitam non posse esse non independentem a gignente. *Frisiæ* quidem magistratus, ne in provincia sua hæc lites propagentur, decretis providit, his vero reliqui Belgæ Batavi maxime contineri non poterant, ne & privatim & publice Roellium corruptæ veritatis damnarent.

§. 501. Philosophia carthesiana in causa quoque erat, quod *Balth. Beckerus* apud Amstelodamenses sacrorum minister a suis errorum incusatus sit; is enim ex carthesiana spiritus notione occasionem sumpsit, omnia quæ in sacra scriptura de dæmonis operibus insidiis, omnia item quæ de spectris, lemuribus & magia referuntur, plane negandi. Commovit doctrina ejus non modo universum Belgium fœderatum, verum etiam quosdam doctores in Germania armavit.

I. Extat longum ejus & copiosum opus, quod inscripsit *mundum fascinatum* & anno 1691. primum edidit, quo quæcunque sacra scriptura de hominibus obsessis & dæmonum potestate refert in suum detorquet sensum contendens, dæmonem æternis vinculis constrictum in inferno jacere, ut egredi hinc & homines tentare nequeat. Carthesius scilicet spiritus essentia in *cogitando* collocavit, cogitando vero nihil eorum, quæ de dæmone referuntur, effici potest. *Bekerus* etsi docendi munere privatus, ita tamen anno 1718. diem obiit, ut constanter in sua manserit sententia.

§. 502. Helvetorum ecclesias gravis formido ab anno 1663. invasit, ne Gallorum *Amyraldi*, *Placai*, & *Capelli* sententiis decreta synodi Dordracensis perverterentur (conabantur hi Dordracense decretum de prædestinatione ante prævisa demerita cum sententia contraria de prædestinatione post prævisa demerita sociare), Genevensium enim doctorum collegio tum temporis adscripti quidam erant viri doctrina insignes, qui & ipsi eas probabant, & invitatis collegis persuadere aliis cupiebant. Quorum studiis ut modum ponerent, præcipui Helvetorum theologi anno 1675. libellum a *Jo. Henr. Heideggero* celeberrimo Tigurino theologo conscribi curarunt novis Gallorum præceptis oppositum, nec difficulter a magistratibus impetrarunt, ut iste communibus helveticæ religionis formulis publica authoritate adjiceretur. Dicitur vulgo *formula consensus helvetica*, verum hoc, quod pacis causa susceptum erat, consilium turbarum potius copiam produxit.

I. Multi enim negabant sibi fas esse, formulam illam adprobare, unde Basi-

leenses & Genevenses a *Friderico Wilhelmo* Brandenburgico anno 1686. graviter per litteras moniti eam abrogarunt. In ceteris provinciis auctoritatem quidem suam aliquamdiu ægre retinuit, at nostra ætate omne fere præteritum amisit.

§. 503. *Frid. Van - Leenhof* anno 1703. in Spinozismi incidit suspicionem, eo quod in libro, cui titulus, *cælum in terris* docuerit, omnes mutationes & actiones creaturarum rationem sui habere in necessario & immutabili ordine naturæ iisque qui beate vivere cupiunt, nunquam esse dolendum, sed perpetuo gaudendum. Leenhofii liber multum habet similitudinis cum libro edito a *Sarasa*, quem inscripsit, *Arte de estar siempre alegre*. Recentissimæ inter reformatos lites sunt *Jac. Saurini* & *Paul. Matii*: ille si pauca demas minus apte enunciata hoc uno a communi docendi regula descivit, quod censuit, licere interdum mendacium magni cujusdam boni consequendi causa, alter Matii nimirum plus culpæ habuit; Trinitatis enim mysterium ut explanaret, finxit, filium & spiritum sanctum duas esse naturas finitas a Deo conditas, quæ certo tempore divinam sibi naturam junxerant¹.

- I. Ceterum universim cum *Moshemio* notare possumus, notam characteristicam, qua ecclesia reformata semper se distinguebat. & adhuc se distinguit ab ecclesia protestantica, eam esse, quod cætus ejusdem nec eadem fidei confessione, nec hierarchia, aut regimine externo colligati sint. Unicum vinculum, quod cætus ad ecclesiam reformatam pertinentes quodammodo in unum unit corpus, mutua est tolerantia, nam dissensiones, quæ copiosissimæ sunt in hac ecclesia, nihil impediunt, ne externa quædam communio inter illos subsistat, uti sola Anglia exemplo nobis esse potest, ubi gravissimæ Episcopatum & Presbyterianorum dissensiones nihil impediunt, quo minus mutuo se tolerent, & omnes ejusdem ecclesie membra censeantur.



MEMBRUM IV.

HISTORIA SECTARUM RELIQUARUM.

CAPUT PRIMUM

DE

ANABAPTISTIS, SEU MENNONITIS.

§. 504. *Anabaptistæ* nomen suum habent inde, quia illos, qui

ad ipsorum veniunt cœtum, rebaptizant. Mennonitæ vero dicuntur a celeberrimo illo homine, cui magnam partem fortunæ suæ debent. Molestè ferunt recentiores Mennonitæ, si Anabaptistarum nomen illis tribuitur; ajunt enim, *veteres* Anabaptistas hanc habuisse consuetudinem, ut ad illorum sectam venientes rebaptizaverint, ipsos autem hanc consuetudinem repudiassent (*Herm. Schyn hist. Mennonit. plenior deduct. cap. 2.*)¹,

I. Recentiores Mennonitæ ideo Anabaptistæ vocari nolunt, quia, ut ipsi prætendunt, ad se venientes non rebaptizant, sed hac in re fallunt. Fingunt scilicet, majores suos ideo vocatos fuisse *Anabaptistas*, quia adultos ad se venientes denuo baptizarunt. Atqui certum est, non modo hac de causa, sed eam potissimum ob rationem hoc illis nomen impositum esse, quod eos, qui qua infantes baptizati sunt, ecclesiæ membra facta fuisse negaverint, eaque re, si forte jungi vellent Anabaptistis, eos denuo baptizabant. Et in hac ad nostram usque ætatem sententia perseverant omnes eorum sectæ opinionibus licet & moribus valde inter se discrepantes, neque enim infantes solum, sed etiam adultos rebaptizant, imo quælibet Anabaptistarum secta ex aliis sectis sui generis ad se venientes denuo baptizat, quia quælibet secta unice suum baptismum validum esse censet. Sapientiores his sunt *moderatores* Anabaptistæ, seu *Waterlandi* ut adpellantur, utpote qui non adultos sed infantes tantum rebaptizant, at tegunt hunc morem, quem inficari nequeunt, cautissime sectæ patroni, quia metuunt recentiores Mennonitæ, ne invidia reviviscat, & flagitiosorum Anabaptistarum posterius videantur, si quod res est aperte faterentur.

§. 505. Incertæ & obscuræ sunt hujus sectæ origines: ex improviso enim dissimilis ingenii & animi authoribus in variis Europæ provinciis orta est. Hodierni Mennonitæ majores & antecessores suos *Waldensium* progeniem fuisse somniant, adversarii eorum contra contendunt, posteros eos esse turbulentorum & amantium Anabaptistarum, qui tot calamitatibus & bellis Germaniam, Bataviam, Helvetiam, maxime Westphaliā seculo XVI. afflixerunt, at sociorum suppliciis¹ territos *Mennone Simonis* auctore paulatim saniores animum induisse. Veterum autem turbulentorum Anabaptistarum author Nicolaus Storkius, & Thomas Münzerus fuisse perhibetur.

I. Variis enim in regionibus Anabaptistæ illi turbulenti extremo supplicio affecti sunt. In Saxonia leges in hoc genus hominum scriptæ sunt anno 1525, repetitæ deinceps annis sequentibus. *Carolus V.* Imp. anno 1527. & 1529. crescente multorum hujus agminis improbitate severa in eos edicta tulit (*Orti Annal. Anabapt. pag. 45.*). Helveti mitissime primo cum Anabaptistis suis egerant, at quum hac lenitate multi audaciores fierent, Tigurini primum anno 1525. capitis penam illis dicabant. Notandum tamen, non omnes Anabaptistas tanquam cives seditiosos extremo supplicio traditos fuisse, sed aliquibus ex iis tanquam *hereticis immedicabilibus* id contigisse, quoniam illa ætate putabatur, ob solam hæresim penam mortis infligendam esse. Accedebat apud hos, quod qua *sacriscripti* & *prædicatores* sacramenti haberentur, dum max. adultos, mox parvulos rebaptizarent.

§. 506. Erant in Anabaptistarum numero homines mirabiliter

delirantes, qui vero ratione omni ex illis destituti non erant, hæc tradiderunt, 1.) ecclesiam Christi peccati omnis expertem esse debere, 2.) bonorum communitatem & æqualitatem omnium introducendam, 3.) fœnus omne, decimas, tributa esse abroganda, 4.) infantum baptismum dæmonis inventum esse, 5.) docendi potestatem omnes habere Christianos, hinc sacrorum ministris carere posse ecclesiam, 6.) neque opus esse in regno Christi magistratibus civilibus, 7.) Deum adhuc per somnia & visa voluntatem suam certis hominibus patefacere. Suam ob doctrinam majestati civili inimicam cum ubique & fere quotidie ad necem raperentur, magno solatio & auxilio erat *Menno Simonis* Frisius, Catholicus antea presbyter isque, quod ipse non diffitetur, flagitiosus. Hic clam primum ad Anabaptistas defecit, anno 1536. vero relicto munere sacro aperte, & anno 1537. precibus adduci se passus est ad doctoris inter eos munus sustinendum¹.

1. Ab hoc tempore ad vitæ usque finem per quinque fere lustra plurimas regiones cum uxore & liberis perpetuas inter cala nitates & quotidiana vitæ pericula peragrabat, totque sectæ suæ asecclas adiecit, ut communis fere omnium Anabaptistarum magister & parens ad nostram usque ætatem non immerito dicatur.

§. 507. Amentia illa fanatica ope Mennone Simonis inter Anabaptistas compressa, universam religionem ex sola scriptura hauriendam esse sectæ hujus patroni consenserunt, ideo *confessiones fidei* ipsis pene verbis sacræ scripturæ concinnari curaverant. Princeps harum confessionum & tempore & dignitate illa est, quam *Waterlandi* (de quibus mox infra) adhibent. Ne vero quis putet in suis confessionibus eos omnia sua dogmata expressisse, quæ enim salutis publicæ noxia sunt de magistratu maxime & jurejurando, cautissime abscondita sunt. Quod si quis confessiones illorum perscrutatur, inveniet in iis scita quædam, quæ illos ab omnibus ceteris Christianorum sectis discernunt. Quæ omnibus Anabaptistis communes sunt sententiæ, hoc principio tanquam cardine suo vertuntur: *In ecclesia Christi nullis, nisi sanctis & piis hominibus locus est*, ex quo principio inferunt, 1.) ut nullus sit membrum ecclesiæ, nisi jam adultus, & rationis compos; infantes enim utrum pii sint futuri, aut impii incertum est, nec promittere etiam ecclesiæ vitæ sanctimoniam possunt, 2.) arguunt, nec opus esse magistratum admittere, nec suorum aliquem magistratus munere fungi patiuntur, maii enim ubi nulli sunt, ibi nec magistratibus opus est, 3.) vim vi depellere & bella gerere illicitum esse; nam cum sancti ac pii injuriis affici nequeant, nec ipsi alios lædant, armorum auxilio non indigent, 4.) a pœnis & suppliciis omnibus, maxime capitalibus abhorrent, pœnæ nimirum sceleratis oppositæ sunt, Christi vero civitas caret

omni scelere, 3.) negant juramentum licitum esse, nec enim sal-
lunt, aut veritatem dissimulant sancti '.

1. Ideo morum disciplinam habuere Mennonitæ dogmati huic consentaneam, id est, austeram: nam qui ecclesiam ex solis sanctis componi censent, illis imprimis est vigilandum, ne qua species improbitatis vitam suorum de-
formet, hinc antiquitus in suis ferre solebant, quos victu & amictu a simplici-
tate aberrare, & plura quam vitæ necessitas postulat, requirere cernerent.
Sed antiquæ hujus severitatis maxima pars perit, postquam opes mercaturam
faciendo adquisiverant. Illi, qui ab urbibus semoti vivunt, vitam suorum ma-
jorem austeram adcuratius servant.

§. 508. Litteras, & quicquid doctrinæ nomine venit, imprimis
philosophiam tota Anabaptistarum secta veræ religioni, ac pieta-
tis incremento noxiam esse olim existimabat. Servant hanc majo-
rum opinionem ad nostra tempora severiores Mennonitæ, spreto-
que ingeniorum cultu artibus, opificibus, & mercaturæ se tra-
dunt, molliores vero ut supra ceteros multis rebus eminent, ita
hac etiam parte meliores sunt ', at in hac tamen sententia per-
severant, theologiam puram & illibatam servandam, & philoso-
phiæ præceptis haud temperandam esse.

1. Patiuntur enim suorum nonnullos linguarum cognitioni, historiæ, antiquita-
ti, maxime vero arti medicæ, cujus utilitatem inficari nequeunt, in acade-
miis operam dare. Nostra ætate hi ipsi leniores Mennonitæ philosophiam etiam
consecrantur, rebusque humanis utilissimam judicant, nam medio hoc seculo
elapso scholam *Amstelodami* condiderant, in qua vir doctus philosophiæ pro-
fessoris munus sustinet.

§. 509. Stabilem primum & quietam sedem Mennonitis in fœ-
deratis Belgicæ provinciis paravit Guilielmus Arausionensis, immor-
talis ille libertatis Batavæ vindex, quem rerum, quas maximas sus-
ceperat, gerendarum nervis destitutum anno 1572. ingenti pecu-
nia juvarunt. Sed lento admodum gradu fructus beneficii hujus
ad omnes, qui Belgium incolebant, pervenit; repugnabant enim
diu voluntati Principis tum magistratus tum sacrorum ministri.
Expugnata sunt hæc impedimenta partim *Guiljelmi* & *Mauritii*
constantia & autoritate, partim Mennonitarum ipsorum virtute,
qui fidem erga rempublicam magnis probarunt exemplis, & ma-
jori in dies studio cavebant, ne quem male suspicandi locum ad-
versariis adperirent. Plena pax demum anno 1626. illis data est,
postquam a flagitiis & exitiosis erroribus, quorum arguebantur,
per oblatam *confessionem* denuo se purgarunt.

§. 510. Etsi vero a Belgis fœderatis reipublicæ civibus sint
ascripti, diu tamen ab Anglis, Helveticis, Germanis nec precibus
nec rationibus obtinere poterant, ut idem facerent, legeque in
eos latas revocarent. Versabantur semper ante oculos magistratuum

facinora veterum Anabaptistarum, nec credibile videbatur; homines tales boni cives officio fungi posse, qui negant, Christianum licite jurare posse, & qui putant, nullum in regno Christi magistratibus & pœnis civilibus locum esse, quare etiam seculo XVII. non pauca colligi possunt exempla Anabaptistarum, qui aut ultimo supplicio, aut aliis pœnis affecti sunt. Tandem vero pluribus probitatis suæ in magistratum civilem testimoniis editis non inter Belgas tantum, sed etiam Anglos, Germanos, Borussos quiete vivere ipsis datum.

- I. Inter Anglos, qui baptismum infantum abiciunt, non *Anabaptistæ*, sed *Baptiste* tantum dici volunt. Verosimile est hos Baptistas a Germanis & Batavis originem ducere, atque eadem omnes oïm quæ Menonitæ sensisse, hodie vero multis rebus a Menonitis reliquis differunt.

§. 511. Pacem hanc *externam* parum stabilem & firmam fore Menonitæ putabant, nisi discordiæ intestinæ & veteres tollerentur; medio enim jam seculo XVI. authoribus potissimum *Leonhardo Baubensonio*, & *Theod. Philippi* vehemens inter eos dissensio de *excommunicatione* est exorta. Statuerant hi, peccatores etiam illos, qui jam pœnitentiam egerant, non solum ab ecclesia communione, sed etiam a consuetudine cum uxore, liberis, cognatis esse arcendos. Atqui multis Anabaptistarum justo durior & inhumanior hæc sententia videbatur, igitur subito in duas sunt divisi sectas, quæ *subtilium* & *grassorum*, id est, *severiorum* & *moderatorum* nominibus adhuc distinguuntur². Menno pacem quidem suis reddere studuit, sed quum id fieri nullo modo posset cerneret, inter binas illas sectas quomodo ad obitum usque fluctuavit.

- I. Causa, ob quam Anabaptistæ ab ipsis initiis multo magis, quam aliæ Christianorum sectæ, inter se dissenserint, fuit contemptus scientiarum & ignorantia, quam inter felicitatis suæ instrumenta eorum majores referebant, quod quisque facile dederit, qui causas dissensionum inter eos perspexerit; plerumque enim non tam de natura dogmatum, quam de eo, quod justum vel injustum, licitum vel illicitum haberi debeat, vehementer certant. Sanctitatem nimirum & morum probitatem unicam veræ ecclesiæ notam caracteristicam esse volebant: sanctum vero quid esset, quid non esset, non ratione & iudicio, non sacræ scripturæ recta interpretatione, sed sensu potius & opinione definiebant.

2. Grassorum seu mollium major pars primum constabat ex incolis tractus Hollandiæ borealis, quæ Waterlandia dicitur, hinc tota secta *Waterlandorum* nomine insigniebatur. Severiorum plerique Flandri erant, quæ tota familia *Flandrorum* etiam, seu *Flemingorum* nomen tulit.

§. 512. Subtiliores Anabaptistæ rursus præter minores & obscuriores sectas duas habent majores *Groninganorum*, qui sic vocantur, quia certis temporibus Groningæ conveniunt, & *Dantiscanorum*, seu *Borussorum*, qui hoc nomine utuntur, quod mores

& disciplinam Borussorum adoptarunt. Sunt hi omnes fideles discipuli *Mennonis*, ejusque dogmata de carne Christi, de lavandis ex mandato Christi advenarum pedibus, de peccatoribus, vel a veteri simplicitate declinantibus peste cautius vitandis, & ab ecclesiae communione excludendis, de doctrinae contemptu custodiunt ¹.

- i. Habent hi Anabaptistae primum *episcopos*, qui semper in senatu ecclesiastico praesident, solique potestatem habent baptismum & sacram eam administrandi, deinde *doctores*, qui verba pro concione faciunt, denique *diaconos*, ex quibus tribus ordinibus sacer senatus compositus est. Res majores in fratrum conciliis proponuntur, omnes vero sacrorum ministri suffragiis fratrum creantur, & precibus manuumque impositione exceptis diaconis consecrantur.

§. 513. Inter minores rigidorum seu subtiliorum sectas illa est nacta celebritatem, quae ab authore suo *Uke Wallis* dicta est *Ukerwallistarum*. Homo rusticus & rerum omnium rudis non modo priscam Mennonis disciplinam illibatam permanere cupiebat, verum etiam anno 1637. cum *Jo. Leus* de salute Judae & eorum, qui violentas Christo manus injecerant, bene sperandum esse docuit ¹. At hoc commentum nec Mennonitae, nec Groningenses magistratus tulerant; nam ab illis communione sacrorum privatus, ab hoc autem solum vertere jussus est. Migravit igitur in vicinam Frisiam orientalem, nec paucos sibi discipulos collegit, quorum posterius in agro Groningensi, Frisia, Lithuania, Brussia separatos a ceteris Mennonitis conventus agere coeperant ².

- i. Huic opinioni ut firmitatis aliquid, & dignitatis compararet, fingebat, illud tempus, quod a Christi nativitate ad Spiritus S. descensum pertinet, & vetus testamentum a novo discriminat, tempus fuisse caliginis & ignorantiae, in quo lumen omne & auxilium divinum Judaeis defuit, ex quo confici voluit, peccata quae hoc intervallo ab iis commissa sunt, maximam excusationem habere, nec ideo graviter a justitia divina viadicari posse.

2. Utrum illam, quae magistro tot molestias conflavit, sententiam profiteantur, non liquet, quia parum cum aliis commerciis habent. Hoc autem constat, illos fideliter Mennonis vestigia sectari, si quis ex aliis Christianorum ceteris ad eos se confert, denuo baptizari debet, vestitus rusticus est, lino rustico villor, barba proluxa, capilli horridi, facies tristissima, supellex una cum domo talis, qualem summa exigit necessitas, pedum lotionem divinis ritibus adnumerant, scientiasque omnes maximo odio habent.

§. 514. Waterlandi seu grassiores Mennonitae anno 1630. cum magna parte Flandrorum, Germanorum, & Frisorum societatem sacrorum inierunt. Ili anno 1664. in duas sunt scissi factiones, quarum altera *Galenistarum*, altera *Apostolicorum* adpellatur. *Galenus* Abrahamus de Haan medicae artis doctor & inter Mennonitas Amstelodamenses sacrorum minister christianam religionem Arminianorum exemplo non tam credendi, quam bene vi-

vendi disciplinam esse dictabat, omnibusque ad Mennonitas adiutum adperire voluit, qui modo sacram scripturam reciperet, & honeste viveret. Contra hunc præter alios *Samuel Apostool* Amstelodamensis pariter cætus celebris doctor insurrexit.

§. 515. Inter Anglos qui baptismum infantum abjiciunt, non Anabaptistæ, sed *Baptistæ* tantum dici volunt. Verosimile est, eos a Germanis & Batavis originem ducere, atque eadem omnes olim, quæ Mennonitæ sensisse, successu temporis vero multis in rebus a Mennonitis reliquis dissentire ceperant. Dividuntur autem universim in binas sectas, quarum altera familia *Baptistarum generalium*, seu *Remonstrantium* adpellatur, quia Deum neminem salute æterna libero quodam decreto exclusisse arbitrantur: altera *Baptistarum Calvinianorum*, seu *particularium* vocatur, quia proxime ad Calvinianorum, seu Presbyterianorum sententias accedit¹.

1. Posterior secta *Londini* potissimum & in vicinis oppidis moratur, atque a majorum suorum scitis ita recessit, ut nihil fere cum Anabaptistis reliquis commune habeat. si unum illud demas, quod solos adultos baptizet, & totos in aquam immergat, proin admittunt, Christianum jubente iudice jurare, bella gerere, & publico officio fungi posse. *Generales Baptistæ*, seu ut nonnullis audiunt, *Anti-Pædobaptistæ* per multas Angliæ provincias magno numero dispersi ex hominibus constant humilis conditionis & illitteratis, litteras enim & doctrinam veterum Mennonitarum more contemnunt.

CAPUT SECUNDUM

DE

QUAKERIS.

§. 516. Qui Anglorum sermone *Quakeri* (Tembladores) vocantur, latine sunt *trementes*, seu *tremuli*¹. Ortus sectæ in illa incidit Anglorum tempora, quibus bello civili ardebant omnia, & ex latebris suis in publicum prodibant, quicumque vel civitatis, vel religionis novam formam animo conceperant. Parens ipsorum erat *Foxus* sutor ad somnia sibi fingenda pronus; is enim jam anno 1647. cum 23. annos natus esset, Angliæ quasdam provincias percurrerat, plenum sese numine dictitans. *Carolo* I. interfecto cum & sacræ & civiles leges una extinctæ viderentur, majora audebat, plurimos enim ejusdem ingenii homines utriusque sexus discipulos & amicos nectus universam cum illis Angliam concitavit, imo anno 1650. publicos ad Deum colendum conven-

tus tanquam inutiles & parum Christianos, ubi poterat, disturbavit, qua de causa & ipse & socii in carcerem conjecti & a iudicibus castigati sunt.

- I. Imposuit eis hoc nomen anno 1650. *Gervasius Bennet* iudex Darbiensis, utrum ideo, quod toto corpore contremiscerent, antequam dicendi de rebus sacris initium facerent, an vero propterea, quod Foxus & socii ejus dicerent verbis Apost. Pauli, *scum timore & tremore salutem operandam esse*, non satis liquet. Ipsi patiuntur interim hoc se vocabulo, modo recte intelligatur, adpellari, malunt tamen a primario dogmate suo *fili*, seu *confessores lucis* nominari. Sermone familiari se *amicos* vocare solent.

§. 517. Prima hæc Quakerorum familia ex hominibus magnam partem constabat emotæ mentis & fanaticis, multaque ideo commiserat, quæ ipsi postea moderatiores Quakeri excusarunt quidem, at probare & laudare non poterant. Plerique enim viri foeminaeque vehementer in omnes religiones declamarunt, cultum publicum, sacrorumque ministros exquisitis contumeliis invaserant, magistratum leges prætextu religionis & divini instinctus contempserant, quare nihil mirum est, multos stultitiæ suæ poenas dedisse. Paulatim vero, ut fit, familiæ hujus fanaticismus disparuit, & divina illa lux, qua se jactabant, gradatim turbare civitatem desiit. *Carolo II.* deinde regnante & religio & disciplina illorum formam magis stabilem & certis finibus descriptam obtinuit, in quo Foxus cura & studio *Roberti Barclaji* equitis Scoti, *Georgii Keithi*, & *Samuelis Fiseri* virorum eruditorum, qui se ei adjunxerant, potissimum adjutus est; hi enim triumviri vagam & indeterminatam Foxi hominis illitterati disciplinam sub certas leges revocarunt.

- I. Ipse Cromwellius nulli ceteroquin sectæ inimicus turbulentam tamen hanc multitudinem timuit, & opprimendam esse primo statuit, cum autem suis minis eam potentiorē esse cerneret, prudenter se continuit, idque unum sibi providendum esse putavit, ne seditionem in populo commoveret. *Clarendonius* certe in historia bellorum civilium Angliæ Tom. 6. refert, Quakeros semper Cromwellio inimicissimos mansisse.

§. 518. Diu tamen Quakeris jam sapientioribus, & quietioribus plus calamitatum in Anglia sustinendum fuit, quam primi furentes & turbulenti sustinuerant, non tam religionis, quam morum & consuetudinum causa: mali enim & periculosi cives videbantur, & qua tales malis afficiebantur, quia recusarunt magistratus honorificis vocabulis compellare & decenter salutare, jurejurando fidem Regi pollicere, & decimas sacro ordini solvere. Sub *Jacobo II.* latioribus uti fatis maxime ab anno 1685. inceperant, quod quidem celeberrimo *Wilhelmo Penn* debebant, cujus opera Rex in maximi momenti negotiis utebantur. *Wilhelmus III.* demum Angliæ Rex, qui omnibus sectis pacem dedit, etiam hæc genti frui libertate permisit.

§. 519. Dum adhuc premebantur in patria, scita sua in alias gentes di seminare studebant. Tentata est Germania, Brussia, Gallia, Italia, Græcia, Batavia, Holsatia, verum vano plerumque labore. Exorare tamen se postremo Batavi passi sunt, ut habitandi apud se licentiam familiis quibusdam concederent. In Americam multi non diu post initia sectæ suæ jam profecti sunt, postea vero singulari fato contigit, ut in illa orbis parte libertatis & fortunæ quasi domicilium hæc secta nacta sit ¹.

x. Wilhelmus enim Penn filius præfecti classis anglicanæ, qui anno 1668. quakeriana scita adoptavit, anno 1680. a Carolo II. & senatu regni ampla in America pr-vincia tunc temporis inculta donabatur. ut præmium, quod patris sui meritis respublica debebat, hac ratione persolveretur. Is homo minime hebes & præterea disertus in novum regnum suum Quakerorum coloniam duxit, & rempublicam ibi condidit. Dominabantur in ea Quakeri, civibus vero adscribi poterant omnes. qui unum Deum profitentur. Provincia universa a Domino *Pensylvaniæ* nomen accepit, urbs vero ejus primaria *Philadelphia* est vocata.

§. 520. Foxo adhuc vivente inter Quakeros & alios sæpe orta sunt dissidia non de religione quidem, sed de disciplina & moribus, quæ tamen plerumque brevi tempore componebantur, mortuo vero anno 1691. Foxo cum alii, tum Georg. Keitus imprimis totius sectæ facile doctissimus fores adperuerant gravioribus turbis. Keithus nempe sectæ suæ sociis in Pensylvania tum de aliis rebus, tum præprimis de humana Christi natura male sentire videbatur; statuit enim, duplicem esse Christo naturam humanam, alteram cœlestis seu spiritualem, alteram terrestrem seu corpoream. Fortassis hunc errorem moderare tulissent, nisi ipse Keithus vicissim fratrum Americanorum mirabiles opiniones vehementer reprehendisset, & imprimis historiam vitæ Christi in allegoriam seu symbolicam explanationem officiorum, quæ religio exigat, converti ab illis noluisse. In Europa quidem non ausi sunt Quakeri veritatem historiæ Jesu Christi inficiari, at in America ubi nihil timendum est aperte id facere non dubitarunt. Lis hæc in nonnullis conciliis totius sectæ in Anglia disceptata & ad ipsum anglicanum senatum delata postremo anno 1695. ita est terminata, ut Keithus sacrorum communione semoveretur. Ipse hac injuria permotus elapsis aliquot annis ad anglicanam rediit ecclesiâ, cujus membrum obiit.

§. 521. Conveniunt quidem Quakeri diebus illis, quibus vulgo reliqui Christiani religionis nomine, sed nec dies festos celebrant, nec ceremoniis & ritibus utuntur ¹, nec institutis & legibus religionem, quam totam in cultu Christi in animo latentis collocant, alligari patiuntur. Docendi & prædicandi facultatem, quibus placet tam viris quam feminis, tribuunt ². Morum, quam

sequuntur, doctrina supra omnem modum austera est, hisque binis præceptis maximam partem absolvitur, 1.) voluptates omnes aut plane esse fugiendas, aut si omnes per naturæ leges vitari nequeunt, ratione esse temperandas, 2.) nefas esse receptos vulgo mores imitari, hinc consuetudine vivendi & ipsa forma ab aliis facile dignoscuntur ³.

1. Preces nimirum, hymnos, reliqua, quibus ceterorum Christianorum conventus publici distinguuntur, nesciunt & repudiant, quia non eum orare putant, qui conceptis verbis & formulis animi sui sensa enunciat, sed qui mentem colligit & mysticorum more totus in semetipsam descendit. Nec baptismo nec sacra cœna utuntur. utrumque enim hoc institutum judaicum & a Christo olim ideo tantum adhibitum fuisse putant, ut per figuras spectabiles animæ internam purificationem in baptismo & alimenta spiritualia in sacra cœna ante oculos poneret.

2. Ajunt enim, homines iis, in quibus Christus loquitur, & vivit, facultatem fratres instituendi adimere non debere. Non quidem necesse est juxta Quakerorum placita, ut in ipsorum conventibus aliquis verba ad populum faciat, at qui nimium *muti* ejusmodi conventus hostibus ipsorum cavillandi & ridendi occasionem præbuerant, consultius duxerant, certos & determinatos constituere verbi divini præcones.

3. Non enim salutant obvios, non compellunt alios humanis & officiosis verbis, nullam externam exhibent reverentiam magistratibus aut aliis in dignitate positis, non deferunt vitam aut bona aliorum ab injuriis, non continent aliquid jurejurando, non implorant iudices contra eos, a quibus læduntur, contra ipso oris habitu, vestitu prorsus agresti & simplici, sermone, cibo & ejusmodi se ab aliis distinguunt. Adsunt tamen testes spectatæ fidei, jam multum defecisse ab hac rigida regula Quakeros, Anglos maxime, qui mercatorem exercent.

§. 522. Sub initium secta hæc omnem gubernationem ecclesiasticam respuebat, procedente vero tempore duces ejus animadvertenter, ecclesiam suam sine legibus & præfectis stare nullo modo & confusionem effigere posse. Itaque collegia seniorum constituta sunt, quæ omnes difficultates & dubia expediunt. Quotannis *Londoni* hebdomada festum pentecostes antecedente concilium totius ecclesiæ celebrant, ad quod omnium cœtum legati veniunt, & in hoc concilio graviores causæ dirimuntur.

1. His collegiis qui matrimonium inire statuunt, nomina sua indicare jubentur, his dies nativitatis & mortis membrorum societatis denunciatur, his qui verba ad populum facere volunt, sermones suos nonnullis in locis scriptos exhibere debent, ut jactent, non hinc terre queant? neque enim, quod alienigenis, cui placet ubique declamare ad populum cui integrum, postquam multorum ineptissimæ orationes ludibrium sectæ peperunt.

CAPUT TERTIUM

DE

SOCINIANIS.

§. 523. *Socinianis* nomen est ab illustri *Sozzinorum* gente, quæ *Senis* nobilissima Hetruriæ urbe diu floruit, eximiosque viros protulisse dicitur; ex hac enim familia *Lælius Socinus* & *Faustus Socinus* prodire, qui sectæ parentes vulgo putantur ¹. *Lælius Mariani* jurisconsulti celeberrimi filius e patria anno 1547. annum 22. agens egressus varias regiones Galliam, Angliam, Bataviam, Germaniam, Poloniam peragravit, sententias eorum, qui ab ecclesia Romana defecerant, ubique diligenter exquirens. Postremo Tiguri Helvetorum consedit, ibique anno 1562. nondum 40. annos natus mortuus est. *Faustus Socinus* vero fratris ejus filius & hæres ex scriptis ab ipso relictis ejus sensa circa religionem hausit, iisque vulgaris sectam collegit ².

1. Præcessit enim Socinos *Michael Servetus* natione Hispanus, Villæ novæ in Aragonia natus, professione medicus (Hispanorum more dictus est *Servade*, postremam si abjicias hujus nominis syllabam, manet *Servæ*, quod sibi nomen ipse Servetus in fronte librorum suorum tribuit. Dixit etiam sese omisso nomine gentilitio a patria aut Michaellem *Villanovanum*, aut simpliciter *Villanovanum*). Is primum editis anno 1531. *libris septem de Trinitatis erroribus*, & anno 1532. *dialogis duobus de Trinitate* Christianorum sententiam de mysterio Trinitatis audacissime invasit. Deinde quum in Galliam se contulisset, atque varios post casus *Vienæ* sedem fixisset, ubi artem medicam feliciter exercuit, novum religionis genus excogitavit, quo libro etiam *Vienæ* anno 1553. vulgato, cui nomen fecerat. *Restitutio christianismi*, complexus erat. Favere ejus consiliis multa videbantur, sed exinixit omnes spes Calvinus, qui ex *Vienne*nsi carcere fuga elapsus (postquam ibi tem detectum fuit, illum authorem fuisse libri inscripti. *Restitutio Christianismi*) & ex Gallia in Italiam proficisci volentem in transitu per *Genevam* anno 1553. comprehendi & tanquam in Christum blasphemum adcurari curavit. Cujus quidem adcurati-onis hic erat exitus, ut *Servetus* errores suos ejurare nolens tanquam criminale *Fridolvi* II. Imp. penam mortis in hæreticos statuens). Vix calere desiderant *Serveti* cineres, cum multi contra Calvinum, etiam ipsius sectæ addicti, insurrexerint, eumque crudelitatis incitaverint, eo quod ipso agente *Servetus* combustus sit. Ergo ad litterarum certamen devotum, quoque scriptis publicis de hereticiæ pœnis ceptum, quibusdam coercentibus quidem, sed non ultimo supplicio afflicto, avertentibus, ut Calvinus hæreticos pœna gladii coercentes esse preceperat, cui libellum opposuit *Castellio* sub nomine *Martini Bellii*, respondit ei *Theod. Bero*, ut Calvinum scribentis in *Geneam* commentariis intentum ea cura liberaret. Sed & ex Protestantibus hac in sententia multi consentire, quos inter ipse etiam fuit *Melancthon*, mitis ceteroquin animi.

2. Vox *Sociniana* in duplici sensu adhiberi solet, nimirum in proprio aut anaphorico. & *anaphorice* seu latiori; nam in sensu latiori omnes illi vocantur *Sociniani*, qui *Socinianorum* sententias æque docent, maxime res in Deitate per nos & Christi divinitatem aut prorsus negant, aut laqueant. Illi

vero arctiori sensu hoc nomine insigniuntur, qui eam religionis formam aut totam aut maxima ex parte probant, quam Faustus Socinus sive excogitavit, sive a patruo Laelio Socino excogitatam ornavit & *Unitariis*, ut ipsi volunt appellari, in Polonia & Transylvania degentibus commendavit. Post Faustum Socinum sectæ hujus defensores & propagatores præcipui erant Joannes *duellius*, Jonas *Slichtingius*, Jo. Ludov. *Wolzenius*, & *Sannius* uterque, quorum opera (excepto Sandio) in unum corpus redacta sunt sub hoc titulo: *Bibliotheca fratrum Polonorum*, quos *Unitarios* vocant, prædeunte anno 1656. *Irenopoli* fictitio nomine *Amstelodami* tomis 8. comprehensa.

§. 524. In principio sæculi XVII. res Socinianorum multis rebus satis solide fulta videbatur, nec enim tantum in Transylvania & Sicilia liberrima utebatur facultate conventus celebrandi, verum etiam in Polonia illustrem *Racovia* scholam, typorum officinam, cœtus plurimos, patronos ex primi ordinis viros haud paucos habuit. Prospera hac fortuna elati in id incumbabant, ut sectam amplificarent, & in aliis terris asseclas invenirent, & ex pluribus manifestum est testimoniis, in Batavia, Anglia, Germania Socinianorum Polonorum legatos versatos esse, atque inter potentiores & litteratos discipulos quævisisse ¹.

- I. Reliquæ nempe sectæ cum plerumque in populo sibi amicos colligere student, hæc secta singulare id & proprium habet, quod feminarum, rudium, & inferioris ordinis hominum amicitiam haud magnopere consecretur, sed aut nobilibus, aut rationis usu valentibus viris ante omnia se probare studeat, eo quod rationis lumbi omnia tribuat, sibi pro fundamentali constituerit hanc regulam: *omnia religionis capita ad rationis rationem revocanda esse*. Perulgatum quoque sunt inter Socinianos adagium sequentes versiculi:

Tota urbis Babylon destruxit tecta Lutherus
Muros Calvinus, sed fundamenta Socinus,

ubi per urbem Babylon Romam seu ecclesiam Romanam intelligunt.

§. 525. Harum autem legationum eventus, hominibus licet tam genere quam ingenio nobilibus creditæ essent, votis eorum haud respondit. Nullibi se certior spes latioris successus ostendit, quam in Altorfina Noricorum academia; in hac enim *Ernestus Schnerrus* medicus & philosophus peripateticus imprimis subtilior quam oportet, & philosophiæ ibidem professor, qui in Belgio vivens Socinianis se junxerat, sociniana dogmata auditorum animis tanto facilius instillavit, quanto majori tam doctrinæ quam pietatis opinione valuit. Illo vero mortuo anno 1612. nascens hæc familia sociniana capite & magistro suo orbata tam calide res suas instituere non poterat, ut vigilantiam ceterorum academia doctorem falleret, & re anno 1616. patefacta magistratus norici autoritate secta dissipata est.

§. 526. Sed neque in Polonia diu sublimi, quod posita videbatur, stare loco tecta sociniana potuit. Fulcra quibus maxim

nitebatur, jam anno 1638. decreto comitiorum reipublicæ subducebantur; hoc enim anno cum studiosi quidam scholæ Racoviæ ligneam Christi crucifixi statuam proterve lapidibus peterent & dejicerent, facinus hoc Catholici tam severe ulciscuntur, ut scholam Racoviensem dirui, doctores cum infamia in exilium mitti, typorum officina destrui, & templum socinianum claudi lege juberetur, quæ omnia quidquid etiam magni sectæ hujus patroni contra molirentur, perfecta sunt.

§. 527. Nuncia erat hæc calamitas tempestatis illius, quæ post viginti annos omnes fortunas & opes Socinianorum evertit; in comitiis enim anni 1658. *Varsovie* celebratis Sociniani omnes per universam Poloniam sparsi patria excedere jubebantur, & poena capitis in eos sancita est, qui vel dogmata eorum profiteri, vel eis hospitium præbere auderet. Proscriptis triennium ad dividendam, quæ possederant, bona permissum fuit, at paulo post ad biennium restrictum¹.

- I. Exulum pars quædam in Transylvaniam comeavit, quæ tota fere variis modis perijt, alii per vicinas Poloniæ provincias Silesiam, Marchiam, Borussia dispersi sunt, quorum adhuc posteri passim restant inter varias Europæ gentes conventus clandestinos celebrantes. Nonnulli eorum Arminianis, alii Menontanitis illis, qui Galenitæ dicuntur (§. 513.) adscripti sunt: nam neutra harum sectarum a suis exigit, ut, quid de rebus divinis sentiant, clarius explicent.

CAPUT QUARTUM

DE

SECTIS QUIBUSDAM MINORIBUS.

§. 528. Quum in Belgio turbæ Arminianæ ferverent, anno 1629. illud hominum genus exortum est, quod Rhenoburgi in Batavia bis quotannis sacros conventus suos celebrat, & *Collegiantium* nomine est notissimum. Authores instituti erant tres fratres *Koddi*, seu Van der Kodde Joannes Jacobus, Hadrianus, & Gisbertus obscuri nominis viri ruri degentes, at fama teste sacrarum litterarum periti & controversiarum circa religionem inimici. Socium se illis præbuit quidam Antonius *Cornelius* vir pariter rudis & nullius numeri. Collegiantium nomen ideo nacti sunt, quia conventus suos *collegia* nominare solent. In familiam omnes recipiuntur, qui modo sacram scripturam pro divino habent libro & ex præscripto ejus vivere student, quomodoecumque etiam de Deo & religione Christiana sentiant. Conveniunt fratres, quorum

insignis numerus est in plerisque Bataviæ, Frisiæ, & Westfrisiæ urbibus, bis quavis hebdomada die dominica nempe & mercurii, atque hymno quodam decantato precibusque ad Deum fuis partem quandam librorum novi testamenti explanandam sibi sumunt. Exceptis solis fœminis, quibus publice loquendi facultas denegata est, omnibus cujuscunque sint ordinis & generis integrum est, quæ meditati sunt proponere, & fratrum judicio subjicere, omnibus etiam licet, quæ a fratribus proposita sunt, modeste impugnare. Bis quotannis Rhénoburgum comeant, ubi spatiosas habent ædes educandis orphanis & excipiendis hospitibus destinatas, ubi dies quatuor consumunt in audiendis exhortationibus ad pietatem & celebranda sacra cœna, hic etiam, qui volunt, baptizantur, sed antiquo ritu, ita ut toti aquæ immergantur ¹.

- I. Vero Collegiantium nomine ampla intelligi debet societas omnis ordinis & sectæ hominum, qui se Christianos omnes dicunt, at varie de Christo sentiunt, quam nec pastores & doctores, nec fidei symbola, nec denique certi ritus, sed solum pietatis studium & cupiditas ex scriptura proficiendi continent.

§. 529. *Jo. Labadie* Gallus Jesuitarum primo ordini adscriptus erat, ab his dimissus ad reformatos transiit & in Gallia, Helvetia, Batavia munus pastoris administravit, postremo novam ipse sectam condidit, quæ *Middelburgi* primum in Zelandiæ urbe, dein Amstelodami, porro anno 1670. *Hervordiæ* in Westphalia sedem sibi fixit patrocinio *Elisabethæ* Palatinæ Principis & Abbatissæ Hervordiensis nixa, pulsa inde *Altonaviam* anno 1672. concessit. Authore anno 1674. defuncto in Frisiæ occidentalis arcem *Wivertum* migravit, jam diu vero esse desiit ¹. Amplexi sunt eam tum alii quidam homines non indocti, tum imprimis celebris illa & doctissima seculi XVII. virgo Trajectina Maria Anna Schurmannia. *Labadistæ* hujus sectæ amici dicti sunt.

- I. Exiguus hic cœtus non tam dogmatibus, quam moribus & institutis a reformatis sejunctus esse voluit; nam communionem bonorum, vitam contemplativam, in qua perfectionem Christianam posuit, abnegationem sui, carnis macerationes, & similia suis suasit, videturque disciplinam monasticam cum dogmatibus reformatorum conjungere voluisse.

§. 530. Eodem fere, quo Labadie vixit tempore, Antonia *Burignonia de la Porte* virgo Flandrica provincias belgicas & Cimbriam, in qua aliquot annis est versata, commovit. Decessit, postquam variis fatis jactata est, *Franeckeræ* Frisorum anno 1680. Vates & augur sit necesse est, qui ex scriptis ejus, quæ plurima protulit, concinam quandam & coherentem religionis formam confecerit, ex mysticorum libris phantasmata sua hausisse videtur ¹.

I. Laurentius Berti in *Breslar. Hist. Eccl. Part. 2. pag. 317.* existimat, eam in *Gm. hist. eccl. T. II.*

hac fuisse sententia, quod Adamus ante lapsum utriusque fuerit sexus, & filios absque muliebri concubitu pariturus fuisset, & quod revera hoc pacto humanam Christi naturam genuerit. Inter patronos ejus ceteris celebrior est Petrus *Poiretus* philosophiæ cartesianæ in primis peritus, qui quidem exemplo suo luculenter docuit, non ita distare rationem & superstitionem, ut in uno homine simul commorari nequeant.

§. 531. *Joanna Leade* seculo XVII. ad finem vergente in Angliâ societati *Philadelphicæ* originem potissimum dedit. Fore enim in universum arbitrabatur, ut omnes inter Christianos contentiones plane cessent, unaque prorsus concors fiat ecclesia, si cuncti mentem magistro interiori erudiendam committant relictis aliis formulis, legibus & opinionibus. Erat fœmina hæc vidua mercatoris opulenti in Angliâ, totamque fere vitam lectione & propagatione scriptorum Jacobi *Bohm* sutoris & Rosæcruciani insumpsit, & cum dives fuerit, omnia sua commenta sumptibus suis imprimi curavit, ideo multa ejus exstant scripta octo tomis comprehensa. Cetera ejus ut referantur inventa, in quibus celebris est illa *Apocatastasis* nihil est opus. Principes sociorum ejus erant Joannes *Pordagius* medicus & Thomas *Fromley*, quorum primus Bohmum, quem impune coluit, obscuritate vincit¹.

I. Anno 1614. in Thuringia Ezechiel Meden se nunc Dei verbum, nunc Michaelem Archangelum nuntiabat. Similia effusabant Antonius Zinganella, Maria soror tertii orationis S. Francisci, & F. Vincentius Augustin. excoletatus combusti anno 1621. Panormi. Roma in campo Flore igni tradita anno 1661. imago Francisci Borri, dogmatizantis, Mariam esse Deam & in ejus utero humanam assumpsisse carnem spiritum sanctum. Eodem anno Londini suspensus est Venerius quidam aoliarius, qui erecto vexillo cum inscriptione Vivat Dominus Jesus, monarchias omnes acerrime stulte ac impie meditabatur. Combustus Parisiis anno 1662. Simon Morinus factans venturum quam cito Christum in gloria sibi met corporatim conjunctum. Flammis item traditus in Moscoria anno 1674. Quirinus Kuhlmaus pseudopropheta impudentissimus. (Laurent, Berti Breviar. Hist. Eccles. Part. 2. pag. 317.)

§. 532. *Origo Fratrum Bohemicorum* a tempore Hussitarum repetenda est; anno enim 1722, familiæ quædam Husso addictæ libertatem conscientie obtinendi causa solum Bohemici vertebant, quorum aliqui sectæ herrenhutani, ut mox dicetur, originem dedere, alii vero in electoratu Saxonie domicilium invenerant. Verum quum ob concessum in Saxonia domicilium Imperatorem inter & Electorem discordiæ exortæ fuissent, Bohemi intelligentes, se quietos ibi esse non posse, per pastorem suum *Liberda* Regem Borussia implorabant, quo in ipsius territorium commigrare illis indulgeret. Rex his precibus lubens annuisset, nisi se illi impedimenta respectu aulæ cæ areæ & saxonice, quo minus id aperte indulgeret, objecissent. Interea Bohemi non expectata licentia regia Brandenburgum venerant, brevique tempore adeo numero creverant, ut novam Berolini & circumjacentibus agris fua-

daverint coloniam, quibus Rex ecclesiam propriam nomine *ecclesiae Bethlemiticae* insignitam indulsit.

§. 533. At inter ipsos Bohæmos, ut fieri communiter solet, discordiæ sunt exortæ; quidam enim illorum jam anno 1740. cœtibus *Herrenhutanorum* se adjunxerant, alii confessioni fidei in Saxoniæ receptæ ea conditione inhærere proposuerant, ut a sacrorum ministro in eucharistia panis fractus non hostia porrigeretur, alii etiam ecclesiæ reformatæ placita susceperant. Aucta est hæc dissensio, cum anno 1751. *Elsnerus* publico scripto propugnaret, fratres Bohæmicos continuo ecclesiæ reformatæ socios fuisse, qui liber ab aula quidem prohibitus fuit, at *Glocaviæ* tamen cum animadversionibus denuo prodiit ¹.

- I. Disputabat in hoc opere *Elsnerus*, fratres Bohæmicos exorcismum, signum crucis in dandis benedictionibus, divisionem præceptorum decalogi, & usum hostiarum eucharisticarum in Lutheranis semper improbasse, & in his punctis cum Reformatis sensisse. Breviter sed nervose *Elsnerum* impugnavit *Arntzius* ostendendo, antiquos fratres Bohæmos suis in catechismis præcepta decalogi eodem modo, quo Lutherani solent, divisisse. *Alcherus* etiam disputabat, fratres Bohæmos semper Lutheranis adhæsisse, eo quod a Bohæmis Catholicis contemptim *caneſ Lutheranis* appellati fuerint, & dum emigrarunt, pluribus in locis confessionem fidei lutheranæ ediderint, publicisque præbocolis inseri curaverint. Ex his adparet, fratres Bohæmos in tres classes dividi debere. quarum una se jungebat Lutheranis, altera Reformatis, & tertia *Herrenhutanis*.

§. 534. Cœtui *Herrenhutanorum* ¹ originem dederant decem fratres Bohæmici, qui, dum in Moravia a Catholicis vexabantur, inde emigrantes venerant *Lusatiam*, ac a comite *Zinzendorf* anno 1722. impetrarunt, ut illis *Bertholdsdorfii* in finibus *Lausatiæ* & *Bohemiæ* in monte *Hutberg* domicilium figere indulserit. Anno 1724. ortum est nomen *Herrenhut*, quum quidam ex illorum pastoribus in sermone publico præcurrente mentem lingua inadvertenter pro *Hutberg Herrenhut* pronunciavit.

- I. Ipsi sibi nomen *fratrum ecclesie evangelice* tribuunt, alias etiam fratres *Morarii*, *unitas fratrum*, aut ab auctore eorum *Zinzendorfsiani* appellari solent. Erat Nic. Ludov. comes a *Zinzendorf* filius *Georgii Lydovici* comitis a *Zinzendorf* aulae saxonicae administer, natus *Dresdæ* anno 1700., quo tempore lites pietisticæ inter Protestantes maxime fervebant, his ipse in Americam institutum suum propagandi causa profectus est anno nimirum 1739. & 1741. obiitque anno 1760. Hæc egit imprimis (ait *Schæckius*), ut societatem Christianorum, qui omnes sancte viverent, etsi præter dogma de redemptione hominum per Christum, id ne sentiendum potius quam credendum, non eadem de cunctis reliquiis capitibus sentirent, cerneret, mixtam e *fratribus Bohæmicis*, ac *Almanis*, *Brandeburgicis*, & *Reformatis*. In quo cum successus quidem minime destituit; idem tamen religionem nimium quantum ad *revera fidei* & *phantasiæ* latus revocavit. (A leurate libros ab *Herrenhutanis* & contra illos editos recenset *Waltſchius* in hist. recenti s.)

§. 535. Doctrinam *Herrenhutanorum* quod adinet, omnibus Christianis ad illorum communitatem patet aditus, modo sint

aut Protestantes, aut reformati, aut fratres Moravi. Ipsi quidem a Protestantibus non sententiis & dogmatibus, sed disciplina tantum, institutis & moribus discrepantes videri volunt, at incredibile, quod gerunt, sectam suam propagandi studium, Protestantibus suspicionem movit, novos istos fratres Lutheranorum sermones inter Lutheranos æmulari, reipsa vero ex hominibus varii generis & religionis compositos esse; frustranei enim secus sese diffusendi essent conatus, eo quod ritus & externa instituta cum dogmatibus ecclesiæ protestantiæ componi facile possint¹.

I. Steinmetzius. quem inter suos numerant amicos Herrenhutani, sequentia in iis reprehendit: 1.) vulgatam scripturam non minus quam textum originalem tot scelerare erroribus, quot scetet quicunque alius liber, nec difficile esse in sacris litteris invenire contradictiones, 2.) Christum in statu exinanitionis Deitate caruisse, 3.) infidelitatem, qua in Christum non creditur, esse unice peccatum, nec inesse ceteris actionibus intrinsecam moralitatem, 4.) Christum ordinem salutis pro libito statuere & denuo immutare posse, ita quidem, ut possit actionem naturæ finibus contrariam in moraliter bonam immutare, hinc tanta illorum libertas circa actiones morales. 5.) demum adcusantur, quod sortes adhibeant præsertim in contrahendis matrimoniis.

§. 536. *Samuel Clarkius* Anglus anno 1712. de mysterio Trinitatis sequentia docuit: Pater, filius & spiritus sanctus sunt quidem tres personæ divinæ, verum filius Patri, & spiritus sanctus filio est postponendus. Pater solus summus & independens Deus est, cum illo vero ab æterno duæ personæ divinæ filius & spiritus (quarum personarum essentiam scriptura sacra haud determinat, sed tantum quoad personales proprietates distinguit) extiterant. Filius a patre procedit, scriptura tamen haud determinat, num a patre exeat naturaliter, & necessario, an vero arbitrarie? pariter modum, quo spiritus sanctus a patre & filio procedit, scriptura non manifestat. Hoc systemate omnia dubia, quæ Trinitatis hostes movent, solvi posse putabat, at non erat hoc systema prorsus novum, sed id, quod seculo XVII. quidam Arminiani in Anglia docuerant, Clarkius magis excoluit. *Subordinatio* hoc systema, ejusque asseclæ *Subordinatiani* dicuntur.

§. 537. *Herm. Deusingus* juriæ professor Groningæ nimis tribuerat sensui allegorico sacræ scripturæ. Primarium allegoriæ exemplum quaesivit in mysterio Trinitatis contendens, in novo testamento dogma de Trinitate jam non esse mysterium, eo quod tres Trinitatis personæ nihil sint, nisi potentie seu perfectiones divinæ, ita quidem, ut per patrem *intellectus* divinus, per filium *judicium*, & per spiritum sanctum *voluntas* Dei intelligi debeat. Huic se jungebat. *Jo. Wallis*, alique Angli, qui *Methodistæ* vocari solent.

§. 538. *Schwenkfeldius* natus anno 1490. primitus *Luthero* se junxit, posthac vero illum acriter impugnavit & in variis punctis ab eo dissensit; nam primo in sacra coena invertebat hæc verba: *hoc est corpus meum*, atque hoc sensu accipi ea voluit: *corpus meum est hoc*, id est tale, qualis est panis, qui frangitur & consumitur, nempe verus cibus, qui animam alit, saturat, delectat, & *sanguis meus est hoc*, tale nempe quale vinum, quod animam recreat & nutrit, 2.) negavit in verbo *Dei externo*, quod in scriptura extat, vim esse mentes hominum sanandi & illuminandi, hanc autem virtutem verbo *interiori*, quod & Christum ipsum dicebat, adscripsit, 3.) ægre tulit, humanam Christi naturam in statu exaltationis creaturam, seu rem creatam adpellari, vocabulum enim hoc infra majestatem & dignitatem humanæ ejus naturæ esse, postquam in unam cum natura divina coaluit personam. Videtur hæc opinio afinis esse Eutychianis, at *Schwenkfeldius* Eutychianus videri noluit, contra eos, qui naturam Christi humanam creaturam dicerent, Nestorianismi adcusavit ¹.

I. Nostro seculo *Schwenkfeldiani* denuo innotuerunt: in *Silesia* enim anno 1718. confessionem fidei suæ edere jussi sunt, duoque missionarii Jo. *Althaus*, & Carolus *Regentus* partim blanditiis, partim minis eos ad sacra Romana trahere studuerant, qua de causa multi ad ecclesiam lutheranam transierant. multi etiam in Americam profecti novos sibi in *Pensylvania* cœtus quærebant. Comes *Zinzendorfius* (qui circa idem tempus in America versabatur) eos sibi jungere adlaboravit irritis tamen conatibus. Ex quo vero Rex *Borussæ* *Friedericus II.* *Silesiam* in suam redegit potestatem, edictum regium prodiiit. quo *Schwenkfeldianis* tum in *Silesia* commorantibus, tum illuc reversuris specialis regia protectio & privilegia promittebantur. Ex hoc tempore varios sibi in *Silesia* cœtus collegerant.

§. 539. Circa annum 1623. *Seviliæ* in *Hispania* ingens hominum multitudo versabatur, qui sibi nomen *Illuminatorum* imponere, qualia hujus sectæ fuerint dogmata, aut quale institutum, nescitur. Adnotarunt alii, jam seculo XVI. *Illuminatos* præcipue in *Hispania* caput protulisse, ipsumque *Ignatium Lojolum* jam ante annum 1540. ex *Hispania* aufugisse, ne ab inquisitoribus hæreticæ pravitatis tanquam suspectus de *Illuminatorum* secta comprehenderetur, narrat *Heideggerus* in historia papatus nixus testimonio *Melchioris Cani*, qui hoc in peculiari de societate *Jesu* scripto adfirmat. *Los Alumbrados* hujus furfuris homines *Hispani* dixere.

INDEX

ALPHABETICUS NOMINUM

ET

RERUM PRÆCIPUARUM.

A.

	Pag.
<i>Abelardi Petri</i> fata.	62.
<i>Adamitarum</i> secta.	66.
<i>Adiaphoristica</i> lites.	211.
<i>Adoptiani</i> quid?	21.
<i>Adpellantes</i> in Gallia quid?	183.
<i>Albigenses</i> quid?	63.
<i>Alcuini</i> doctrina.	10.
<i>Aliturgici dies</i> quid? & quales olim fuerint?	82.
<i>Almericus</i> in conc. Lateran. IV. damnatus.	71.
<i>America</i> a Christ. Colombo & Americo Vesputio detecta luce evangelii illustratur.	48.
<i>Anabaptistæ</i>	244.
<i>Annatarum</i> origo.	103.
<i>Anselmus</i> episc. Cantuariens. eximius dialecticus.	51.
<i>Anti-- Constitutionistæ</i> quid?	182.
<i>Autinomorum</i> secta.	233.
<i>Anti-Pædobaptistæ</i>	250.
<i>Annus normalis</i> in pace Westphal. quis?	206.
<i>Apocastasis</i> quid? & quare ob eam controversiæ?	218.
<i>Apol. Aug. conf.</i>	140.

	Pag.
<i>Apostolici Anabaptistæ</i>	249.
<i>Apostolicorum</i> secta.	62.
<i>Aristotelici</i> philosophi.	55. 58.
<i>Arminiani</i>	237.
<i>Arnaldi Ant.</i> fata & scripta.	181.
<i>Arnaldi de Brixia</i> doctrina & fata.	61.
<i>Augustinianorum</i> Eremitarum origo.	122.

B.

<i>Baco de Verulamio</i> scientiarum instaurator.	166.
<i>Bajana</i> lites.	173.
<i>Baptistæ</i> quid?	250.
<i>Barnabitarum</i> origo.	198.
<i>Beda</i> ven. scripta.	9.
<i>Beghardi, Beghini, vel Beguttæ</i> quid?	64.
<i>Bekeri Balih.</i> de demonum potentia doctrina.	243.
<i>Benedictorum</i> ordo quibus de causis in occidente fuerit propagatus?	38.
<i>Benedictus Anianensis</i> ordinis Benedictini reformationis	

	Pag.		Pag.
mator.	39.	<i>Canonicorum</i> in <i>seculares</i>	
<i>Berchtolsgadensium</i> Pro-		& regulares divisio. . .	120.
testantium emigratio. . .	210.	<i>Capucinatorum</i> origo. . .	197.
<i>Berengarii</i> doctrina & fa-		<i>Cardinalium</i> origo & ju-	
ta.	60.	ra.	109. seq.
<i>Bernardus</i> Abbas <i>Claræ-</i>		<i>Carmelitarum</i> origo. . .	119.
vall. se festo immacul.			197.
concept. opponit. . . .	82.	<i>Caroli M.</i> cura studium	
<i>Berullus</i> Patr. oratorii		sacræ scripturæ promo-	
<i>Jesu</i> author.	199.	vendi.	10.
<i>Bificiata</i> miss. quid? . .	82.	<i>Caroli I.</i> Regis Angliæ	
<i>Bæhmius</i> Jac. sutor Ro-		fata.	231.
sæcrucianus.	168.	<i>Carthes. Renatus</i> philoso-	
<i>Bogomili</i> quid?	61.	phiæ instaurator. . .	168. seq.
<i>Bohæmici</i> motus quid? . .	204.	<i>Carthusianorum</i> origo. .	118. seq.
<i>Bonifacii VIII.</i> Papæ cum		<i>Catenarum</i> scriptores quid?	13.
Philippo Pulchro Gal-		<i>Cathari.</i>	63.
liarum Rege lites. . .	95. seq.	<i>Cerularii</i> schisma. . .	59. seq.
<i>Bonifacius</i> Germanorum		<i>Cham - Hi</i> Sinensis Imp.	
Apostolus.	2.	Christianis favet. . . .	150.
<i>Borussi</i> conversi.	48.	<i>Charitatis</i> ordo vide <i>Fratr.</i>	
<i>Bouthillier</i> de Rance Tra-		<i>Misericordiæ.</i>	
pensium author. . . .	199.	<i>Charitativum colloquium.</i>	207.
— ejusdem cum Mabillo-		<i>Cisterciensium</i> origo. . .	116.
nio lites.	198.	— eorum cum Cluniacen-	
<i>Brownistæ</i> quid?	229.	sibus simultates. . . .	117.
de <i>Brunis</i> (<i>Petri</i>) doctrina.	61.	— eorum disciplina quas	
<i>Brunonis</i> in eremum se-		ob causas collapsa? .ib. seq.	
cessui quid dederit oc-		<i>Clemens V.</i> Papa sedem	
casionem?	118.	suam Roma Avenionem	
<i>Bullæ in cæna Domini</i>		transfert.	203.
quis author?	191.	<i>Clementis XI.</i> Papæ cum	
		Imp. Josepho I. contro-	
		versia.	195.
		<i>Cluniacensium</i> origo. . .	140.
		— eorum disciplina qua de	
		causa collapsa? . . .	115. seq.
		<i>Coccejana</i> lites.	241.
		<i>Cælestium</i> monialium ori-	
		go.	200.
		<i>Cælibatus</i> lex a Gregorio	
		VII. lata.	102.
		<i>Collegiantes</i> quid? . . .	256.
		<i>Commemoratio</i> omnium fi-	

C.

<i>Calixtina</i> transactio vid.	
Transactio Calixtina.	
<i>Calixtina</i> lites.	215.
<i>Calvinus</i> Zwingli doctri-	
nam tribus in punctis	
mutat.	222.
<i>Camaldulensium</i> origo. .	115.
<i>Camisardorum</i> motus. .	224.

D.

<i>del. quando introducta?</i>	Pag. 28.
<i>Concil. Nicænum II.</i>	20.
— <i>Lateranense I.</i>	70.
— <i>Lateranense II.</i>	ib.
— <i>Lateranense III.</i>	ib. seq.
— <i>Lateranense IV.</i>	71.
— <i>Lugdunense I.</i>	ib.
— <i>Lugdunense II.</i>	ib.
<i>Concil. Viennense.</i>	72.
— <i>Tridentinum.</i>	141.
— <i>Lateranense V.</i>	78.
— <i>Constantiense.</i>	105. seq.
— <i>Basileense.</i>	106.
— <i>Pisanum.</i>	105.
— <i>Dordracenum.</i>	239.
<i>Concordata Germaniæ.</i>	113.
<i>Confessio Augustana.</i>	139.
<i>Confessores lucis quid?</i>	251.
<i>Conformistæ quid?</i>	226.
<i>Confacium quomodo Sinenses quotannis colant?</i>	152.
<i>Congregatio de auxiliis.</i>	170.
<i>Congregatio Philippi Neri.</i>	197.
— <i>Benedictinor. S. Mauri in Gallia.</i>	198.
<i>Conscientiarii quid?</i>	165.
<i>Conspiratio pulveriaria in Anglia.</i>	227.
<i>Constantinus Porphyrogenita scientiarum fautor.</i>	12.
<i>Constitutio Interim.</i>	143.
<i>Constitutionistæ quid?</i>	182.
<i>Contra - Remonstrantes.</i>	237.
<i>Controversia de ritibus sensibus.</i>	152. seq.
— <i>de ritibus malabaricis.</i>	159. seq.
— <i>de immacul. conceptione Domin. inter & Francisc.</i>	171.
<i>Crypto - Calvinistæ quid?</i>	214.

<i>Damasceni Jo. libri quatuor de fide orthodoxa.</i>	8.
<i>Dani conversi.</i>	3.
<i>Dantiscani Anabaptistæ.</i>	248.
<i>Decretales Gregorii IX. & Decretalistæ.</i>	56.
<i>Decretum Gratiani.</i>	53.
<i>Dictatus Gregor. VII.</i>	100.
<i>Digestorum inventio.</i>	52.
<i>Disciplina ecclesiæ seculo XII. & sequentibus.</i>	78. seq.
<i>Disputationes Catholicos inter & Protestantes.</i>	206. seq.
<i>Dominicus novi ordinis fundator.</i>	128.
<i>Dominicanorum cum Franciscan. controversiæ.</i>	128.
<i>Dordracena synodus.</i>	239.

E.

<i>Ecclesiæ excelsæ & humilis in Angliâ quæ origo?</i>	235.
<i>Eclectici philosophi.</i>	169.
<i>Eduardus Henr. VIII. filius in Angliâ religionem catholicam extingu.</i>	146.
<i>Ekii cum Carolostadio & Luthero concertatio literaria.</i>	134.
<i>Electoralis collegii in Germania num aliquis Pontificum author fuerit?</i>	31.
<i>Elipandi Toletani error.</i>	20.
<i>Eon sectæ fanaticæ author.</i>	62.
<i>Episcopi Germaniæ quando, & quomodo Regalia sunt consecuti?</i>	37.

	Pag.		Pag.
— qualem eorum electio seculo XII. mutationem subierit?	112.	rens.	250.
— eorum confirmatio cui competat?	113.	<i>Franciscus Assisiensis</i> no- vi ordinis fundator. . .	123.
<i>Eremitarum Discalceato- rum S. Aug.</i> origo. . . .	197.	— falsus ejus de pauperta- te evangelica conceptus.	124.
<i>Euchetæ</i> quid?	61. 66.	— num Stigmata Christi impressa habuerit? . . .	128.
<i>Excommunicationis</i> quæ inter Gentiles & Judæos fuerit notio?	38.	<i>Fratres laicos</i> inter & <i>fra- tres chori</i> distinctio quando inventa? . . .	117.
<i>Exemptiones</i> monachorum quando ortæ?	120.	<i>Fratres & sorores liberi spiritus.</i>	64.
<i>Expeditionum cruciata- rum</i> origo & progres- sus.	41. seq.	— <i>congregationales.</i> . . .	232.
— an justæ fuerint?	47.	<i>Fratres Bohæmi.</i>	258.
— mala inde nata. . . .	ib. seq.	— <i>Moravi.</i>	259.
		<i>Fratricelli</i> quid?	65.
		<i>Fridericus II.</i> Imp. a Gre- gorio IX. excommuni- catur.	90.
		— <i>libri de tribus mundi impostoribus</i> num author fuerit?	91.

F.

<i>Febronii Justinii</i> opus quos excitaverit motus? . . .	194.
<i>Felicitis Urgellitani</i> error. .	20.
<i>Festi immac. concept.</i> ori- go.	82.
— <i>corporis Christi.</i>	83.
— <i>cordis Jesu.</i>	188.
<i>Festorum</i> numeros minui- tur.	187.
<i>Flacius Math. Illyr.</i> Lu- theranis rigidioribus du- cem se præbet.	212.
— ejusdem cum Strigelio certamen.	ib.
<i>Flagellanthum</i> secta. . . .	64.
<i>Fluddus Robertus</i> Rosæ- crucianus.	168.
<i>Fonseca Petrus</i> Jesuita scientiæ mediæ inventor.	170.
<i>Formula concordiæ.</i>	212.
— consensus helvetica. . .	247.
<i>Foxus</i> Quakerorum pa-	

G.

<i>Galenistæ</i> quid?	249.
<i>Galileus</i> ob propugnatum systema Copernicanum ab inquisitionis officio in carcerem conjici- tur.	166. seq.
<i>Gassendus Petrus</i> philo- sophiæ instaurator. . . .	168.
<i>Gassneri</i> exorcismi, & controversiæ inde or- tæ.	185. seq.
<i>Gentiliacense</i> concilium. . .	19.
<i>Godofredus Bullionæus</i> <i>Hierosolymam</i> capit.	42. seq.
<i>Gottheschaldi</i> fata.	15. seq.
<i>Grandimontensium</i> origo.	118.
<i>Gregorius II.</i> Papa num <i>Leonem</i> Imp. tributur.	

exactione privaverit? . . .	Pag. 18.
<i>Gregorii VII.</i> Papæ cum	
<i>Henrico IV.</i> Imp. li-	
tes.	84. seq.
<i>Gregorius VII.</i> Papa ju-	
ramentum fidelitatis ab	
episcopis exigit.	102.
<i>Gregorii IX.</i> Papæ cum	
Friderico II. Imp. li-	
tes.	90. seq.
<i>Gregorius XV.</i> Papa con-	
gregationem de fide pro-	
paganda instituit.	148.
<i>Groningani</i> Anabaptistæ.	248.
<i>Grotius Hugo</i> juris natu-	
ralis instaurator.	167.
— ejus fata.	238.

H.

<i>Hantheim</i> sub nomine Jus-	
tini Febronii nimiam	
Pontificis potestatem im-	
pugnat.	194.
<i>Helvetii Jo. Claud. Hadr.</i>	
errores.	164. seq.
<i>Henriciana hæresis</i> num	
extiterit?	90.
<i>Henricus VIII.</i> Britaniæ	
Rex se caput ecclesiæ	
anglicanæ salutari jubet.	146.
<i>Herrenhutani.</i>	259.
<i>Hiberni</i> theol. scholasticæ	
autores.	9.
<i>Hieronymi</i> Pragensis dam-	
natio.	76.
<i>Hinemarus Remensis.</i>	12.
— ejus controversia ob	
verba hymni <i>te trina</i>	
<i>Deitas.</i>	15.
<i>Huetius Daniel</i> scepticis-	
mo faver.	169.
<i>Hugenius</i> horologiorum	

	267.
	Pag.
inventor.	163.
<i>Hugonottæ</i> quid?	223.
<i>Humiliati</i> quando orti, &	
extincti?	121.
<i>Hungari</i> conversi.	4.
<i>Hussi Jo.</i> damnatio &	
mors.	76.

I.

<i>Jacobitæ</i> quando orti, &	
extincti?	121.
<i>Jansenianæ</i> lites.	174. seq.
<i>Japonensis</i> missio.	158.
— persecutiones.	ibidem
— contra Christianos exor-	
ta.	ib.
<i>Iconoclastæ</i> vel <i>Iconoma-</i>	
<i>chi</i> quid?	16.
<i>Jesuitæ</i> notit. evangelii ad	
varias gentes deferunt.	147.
— in missionibus Sinensi-	
bus causam Christi ne-	
glexisse adcusantur.	151.
— Venetiæ excedere ju-	
bentur.	192.
— illuc redeunt.	ib.
— laxas in theologia mo-	
rali docuerant senten-	
tias.	201.
— eorum suppressio.	ib.
<i>Jesuitissas</i> Urb. VIII. Pa-	
pa supprimit.	200.
<i>Ignatius Lojola</i> Jesuitar.	
parens num scriptorum,	
quæ ipsius nomen præ-	
ferunt, sit author?	ib.
<i>Illuminatorum</i> secta.	261.
<i>Independentes</i> quid?	232.
<i>Indulgentiarum</i> nova fa-	
cies.	79. seq.
<i>Infralapsarii</i> quid?	219.
<i>Iniguistæ</i> quid?	200.

	Pag.
<i>Innocentii XI. Papæ cer-</i> <i>tamen cum Gallorum</i> <i>Rege obijus Regaliæ. 193. seq.</i>	
<i>Inquisitionis hæret. præ-</i> <i>vit. origo. progressus &</i> <i>forma. 66. seq.</i>	
<i>— scientiarum incremento</i> <i>obest. 69.</i>	
<i>Investitura quid? 85.</i>	
<i>— lites de illa exortæ. ib. seq.</i>	
<i>Joannæ Papissæ fabula. 29. seq.</i>	
<i>Joannis XXII. Papæ cum</i> <i>Ludovico Bavaro con-</i> <i>troversia. 94.</i>	
<i>Joannis. Parvi doctrina in</i> <i>concilio Constant. dam-</i> <i>nata. 78.</i>	
<i>Jōng-Tching. Sinarum Imp.</i> <i>Christianis est inimicus. 156.</i>	
<i>Isidori decretal. spuria. 33. seq.</i>	
<i>Jubilæi origo. 83. seq.</i>	

K.

<i>Keithus discordias inter</i> <i>Quakeros excitat. . . . 252.</i>	
<i>Knoxus scoticæ ecclesiæ</i> <i>conditor. 228.</i>	
<i>Knutzen Matth. sectæ con-</i> <i>scientiariorum. author. . 165.</i>	
<i>Kusterus artis typogra-</i> <i>phiæ inventor. 57.</i>	

L.

<i>Labadistæ quid? 257.</i>	
<i>Lanfrancus eximius dia-</i> <i>lecticus. 51.</i>	
<i>Latitudinarii quid? . . . 234.</i>	
<i>Lea & Joannæ societatem</i> <i>philadelphicam condit. 258.</i>	
<i>Legati nati & a latere</i>	

	Pag.
<i>quid? 114.</i>	
<i>— quæ contra eos querelæ</i> <i>motæ? ib. seq.</i>	
<i>Leibnitius Godofr. insig-</i> <i>nis mathematicus. . . . 166.</i>	
<i>Leo sapiens scientiarum</i> <i>fautor 12.</i>	
<i>Libri de tribus impostori-</i> <i>bus mundi quis author</i> <i>fuerit? 91.</i>	
<i>Libri Carolini. 49.</i>	
<i>Liturgia romana quo tem-</i> <i>pore fere ubivis recep-</i> <i>ta? 80. seq.</i>	
<i>Ludovic. XIV. Gallix</i> <i>Rex Siamensium Regem</i> <i>ad fidem in Christum</i> <i>hortatur. 150.</i>	
<i>Lutherus qua occasione</i> <i>reformationem suscep-</i> <i>erit? 131. seq.</i>	
<i>Lutherus suum ex ecclesiâ</i> <i>rom. egressum publico</i> <i>facto declarat. 135.</i>	
<i>— bannum imperii contra</i> <i>illum declaratur. . . . 136.</i>	
<i>— ejus mors. 142.</i>	

M.

<i>Mabillonii opus de stu-</i> <i>diis. monast. quæ ha-</i> <i>buerit fata? 199.</i>	
<i>Madaurensis missio. . . . 149.</i>	
<i>Mugrot Carolus ritus si-</i> <i>nenenses reprobatur. . . 152.</i>	
<i>Massacre de S. Barthelemi</i> <i>quid? 223.</i>	
<i>Massaliani quid? 61. 66.</i>	
<i>Mathematicarum scientia-</i> <i>rum in ecclesiâ influxus. 167.</i>	
<i>Mathiltis ecclesiâ Ro-</i> <i>manam bonorum suo-</i>	

	Pag.
rum hæredem scribit. . .	101.
<i>Melancthon</i> concordiam inter Catholicos & Pro- testantes meditat. . .	211.
<i>Melitenses</i> equites. . . .	45.
<i>Mendicantes ordines</i> cur ecclesiæ bonum poscere videbatur?	121. seq.
— brevi ingentem adqui- runt auctoritatem. . .	122.
<i>Mendicantes ordines</i> a Pontificibus juribus & privilegiis ornantur. . .	125.
— querelæ contra eos or- ta.	ib. seq.
— eorum controversia cum academia parisiensi. . .	126.
— eorum controversiæ in- ter se.	128.
<i>Mennonitæ</i>	245.
<i>Methodistæ</i> quid?	207.
	236.
<i>Mezzabarba</i> . legatio ad Sinæ	155.
<i>Minimorum</i> ordo. . . .	197.
<i>Molinistarum</i> origo. . . .	170.
<i>Molinos Michael</i> Quietis- tarum author.	171.
<i>Monarchia Sicula</i> quid? .	41.
<i>Monarchiæ quintæ promi- ssores</i> qui dicantur? . .	233.
<i>Monasteria regalia & epis- copalia</i> quid?	39.
<i>Munzerus Thomas</i> ducem se præbet factioni rus- sicanæ.	137.

N.

<i>Nannetense edictum</i> revo- catur.	224.
<i>Nestoriani</i> in China. . . .	50.
— in Malabaria.	159.

<i>Nicææ</i> generale contra Ico- nomachos concilium agi- tur.	20.
<i>Noailli</i> archiepiscopi Pa- risiensis in litibus Bajanis gesta.	183. seq.
<i>Nogaretus Wilhelmus</i> Bo- nifac. VIII. Pap. capti- vum tenet.	99.
<i>Nominalium</i> secta quid? .	13.
	51.
<i>Non-Conformist.</i> vid. <i>Pu- ritani</i>	
<i>Normani</i> Christianos ve- xant.	5.
<i>Norvegi</i> conversi.	4.

O.

<i>Occidentis schisma</i> quo- modo ortum & extinc- tum.	104. seq.
<i>Odilo</i> Abbas Cluniac. festi commemorat. omnium fidelium author.	28.
<i>Odo</i> episcopus Cameracen- sis eximius dialecticus. .	51.
<i>Officii</i> parvi in honorem Mariæ origo.	28.
<i>Offrey de la Mettrie</i> doc- trina.	164.
<i>Olaus Petri</i> Suecos Lu- theri dogmatibus imbu- it.	245.
<i>Ordalia</i> quid?	26.
<i>Ordo equestris</i> S. Joannis Hierosolymitani. . . .	45.
— Templariorum. . . .	ib.
— Equitum Teutonico- rum.	ib.
<i>Osiandri</i> cum Stancaro lis.	212. seq.
<i>Otto M.</i> in Germania re- ligion. Christianam pro-	

	Pag.
movet.	3.

P.

<i>Palamitarum</i> secta.	65. seq.
<i>Papebrochii</i> cum Carme- litis lites.	119.
<i>Paraquariensis</i> missio.	162.
<i>Paschasii Raaberti</i> de eu- charistia controversia.	14.
<i>Passaviensis</i> transactio.	144.
<i>Pauli V. Papæ</i> cum Ve- netis controversia.	192.
<i>Pauperes de Lugduno</i>	63.
<i>Pax religiosa</i>	144.
<i>Penn Wilhelmus</i> Quake- rorum Coloniam in Ame- ricam ducit.	252.
<i>Peregrinationes sacræ</i> , & quæ mala inde orta? 25. seq.	
<i>Pericopar.</i> num Carolus M. fuerit author?	10.
<i>Petrus Eremita</i> expediti- onibus cruciatis ansam præbet.	42.
<i>Petrus Lombardus</i>	53.
<i>Philadelphica societas</i> quid?	252. seq.
<i>Philippistæ</i> quid?	212.
<i>Photii schisma</i>	21. seq.
— ejus scripta.	11.
<i>Piaristarum</i> , seu Fratrum piarum scholarum ori- go.	199. seq.
<i>Pietisticæ</i> lites.	216.
<i>Pontifices</i> quando, & quo- modo territorium tem- porale sint consecu- ti?	32. seq.
<i>Portus regii</i> (Port royal) fata.	181.
<i>Præadamitarum</i> fabulam Isaacus Peyrerius instau-	

rat.	172.
<i>Præmonstratens.</i> origo.	120.
<i>Protestantium</i> vocabulum qua occasione natum?	138.
<i>Purgationes vulgares</i> quid?	26.
<i>Puritani</i> quid?	226.

Q.

<i>Quadrivium</i> quid?	8.
<i>Quakerorum</i> secta?	250.
<i>Quesnellianæ</i> lites.	182. seq.
<i>Quietistæ</i> quid?	171.

R.

<i>Rabani Mauri</i> doctrina.	12.
<i>Rationalistæ</i> quid?	164.
<i>Raxas Chystoph.</i> unionem inter Catholicos & Pro- testantes tentat.	207.
<i>Realium</i> secta quid?	13.
<i>Remonstrantes</i> quid?	237.
<i>Reservatum ecclesiasti- cum</i>	203.
<i>Restitutionis</i> edictum Fer- dinandi II.	205.
<i>Riccini Math.</i> Italus Je- suita primus inter Sinas Christum prædicat.	147.
<i>Robertus de Nobilibus</i> Je- suita vafra Madaurenses convertendi utitur me- thodo.	149.
<i>Robinsonius</i> parens Inde- pendentium.	232. seq.
<i>Roellianæ</i> lites.	242.
<i>Rosæcrucianorum</i> notio, & systema.	168.
<i>Roscelini</i> error.	60.
<i>Rothfischerus Georg.</i> ad Protestantes transit.	210.

S.

- Sabatati* quid? 63.
Salisburgensium Protes-
 tantium emigratio. 209. seq.
Saraceni Christianos ve-
 xant. 4. seq.
Saxones conversi. 3.
Sceptici recentiores. . . . 169.
Schafisburius comes. . . 351.
Schmalcaldici articuli. . . 141.
Schmalcaldicum fœdus. . . 140.
Schwengfeldiani. 261.
Scotistæ quid? 57.
Seminarium parisiense pro
 missionibus ad gentes. . 148.
Semiuniversalistæ quid? . 241.
Servetus Mich. Unitarior.
 antesignanus. 254.
Servitarum origo. 121.
Socinianorum secta. 254.
Spinozæ Benedicti doctri-
 na. 164. seq.
Stadingorum secta fana-
 tica. 63. seq.
Stercorianismi nomen un-
 de ortum. 14.
Subordinatiani quid? . . . 260.
Supra-lapsarii quid? . . . 229.
Sylvester II. Papa ad ex-
 peditionem in Palæsti-
 nam hortatur. 4.
 — scientias promovet. 13. seq.
Syncretisticæ lites. 215.
Synergisticæ lites. 212.

T.

- Templariorum* origo. 45.
 — eorum extinctio. 72.
Terministæ quid? 58.
Tezelli cum Luthero lis. . 131.

- Thaboritæ*. 74.
Thomas Aquinas. 55.
Thomistarum origo. 57.
Torgavienses articuli. . . 139.
Tournonii Caroli in Sina
 fata. 153. seq.
Transactio Calixtina. . . . 90.
Trappens. (la Trappe)
 origo. 199.
Trementes vel *Tremuli*
 quid? 250.
Tridentinum concil. in-
 choatur. 141. seq.
 — Bononiam transfertur. 142.
 — Tridentum revoca-
 tur. 143.
 — ejus gesta in negotio
 reformationis minus pro-
 banda. 189. seq.
Trifictatæ miss. quid? . . . 82.
Trinitariorum origo. 121.
Trivium quid? 8.
Turpulini quid? 64.
Typographiæ inventio. . . 57.

U.

- Vallischoles* quando orti? 121.
Vallumbrosæ congregatio-
 nis origo. 117.
Ukewalistæ quid? 249.
Umbilici qui vocentur? . . 66.
Unigenitus bulla in terris
 austriac. nunquam re-
 cepta. 184. seq.
Unio Græcos inter & Lati-
 nos tentata. 108. seq.
Unitarii quid? 255.
Uniti fratres quid? 233.
Universalistæ quid? 241.
Universitatum origo. 54.
Vocalium secta quid? . . . 51.
Voetiani. 241.

	Pag.
<i>Urbani</i> Papæ cum Lusitanis controversia.	192. seq.
<i>Ursulinarum</i> monialium origo.	200.

W.

<i>Waldensium</i> secta.	63.
<i>Waterlandi</i> quid?	248.
<i>Wels Ernesti</i> conatus extra Europ. Protestantium coetum propagandi.	209.
<i>Wesley & Wühefeld</i> Methodistarum authores.	236.
<i>Westphalica</i> pax.	206.
<i>Whigs & Torgs</i> quid?	235.
<i>Wiclus</i> in concilio Constantiensi damnatus.	72.
<i>Vilhelmus a S. Amore</i> contra mendicantes pugnat.	127.
<i>Wolfii Christiani</i> . philosophia quos motus excitaverit?	217.


<i>Woolstonii Thomæ</i> doctrina.	164. seq.
---	-----------

X.

<i>Xaverius Franc.</i> in India & Japonia Christum prædicat.	147.
--	------

Z.

<i>Zinzendorfiani</i>	259.
<i>Zischka</i> dux Thaboritarum.	74.
<i>Zwinglius</i> Udalr. reformationem suscipit in Helvetia.	144.
— primus eccl. Reformatæ author.	220.
— ejus de sacra ccena doctrina.	221.







223 5

MEER
PICTURA
ECCLIASTICA

2

+ colorchecker classic

calibrite



100mm